


K 134.063
3



ვერს ადრესირ
უკრაინული
რეპროდუქცი

პირველი
სერიის პუბლი

კანონი ანდერსონი — შავი ავაზა შივანიპალიდან

ცნობილი მონადირე კენეტ ანდერსონი საინტერესოდ მოგვითხრობს პროფესიული მონადირის თავგადასავალზე, ის ცოცხლად აგვიწერს სამხრეთ ინდოეთის ჭუნგლების ცხოვრებას და აღამიანებზე კაციკამია ავაზებისა და ვეფხვების თავდასხმის შემზარავ სურათებს.

ჯიმ კორბეტი — ტაძრის ვეფხვი

ჯიმ კორბეტს, როგორც მონადირესა და ნატურალისტს. ქართველი მკითხველი იცნობს წიგნებით „ჰუმანის კაციკამიები“ და „რუდრაპრაიაგის ავაზა“.

„ტაძრის ვეფხვით“ იგი წარმოგვიდგება როგორც ჰუმანური, კეთილშობილი კაცი, რომელმაც არაერთხელ გასწირა სიცოცხლე მტაცებლებისაგან ინდიელთა, შორეულ ჭუნგლებში გადაკარგულ სოფლის მცხოვრებთა გადასარჩენად. მთელი სიცოცხლე ის მკვიდროდ იყო დაკავშირებული ინდოეთის უბრალო ხალხთან და უანგაროდ ემსახურებოდა მას.

სარედაქციო კოლეგია:

პროფ. ბ. ზარღალიშვილი, პროფ. ს. შაპალათია,
პროფ. არჩ. ჯანაშვილი

ՀԵՆՆԵ յ ԵՐԵՎԱՆԻ



ԿՆՅՈՒ ԿՅՅԵՅ
ԿՈՅՆԵՆԿՈՅՆԵ



თარგმანი ლევიან ბურჯანაძისა

ამ წიგნს ვუძღვნი ყველას, ვისაც უყვარს დედამიწის ისეთი ადგილები, სადაც ადამიანებს ჭერ კიდევ ფეხი არ დაუდგამთ: ტროპიკული ჭუნგლები, მთათა მწვერვალები, მთაგრეხილები, ყველას, ვისაც უყვარს მშვიდობა, მყუდროება და განმარტობა, უბრალო ცხოვრება და ბუნება.

წ ი ნ ა ს ი ტ ყ ვ ა ო ბ ა

ამ წიგნის პირველ ოთხ თავში მოთხრობილია ავაზების შესახებ.

აღბათ გაგიკვირდებათ, თუ რატომ გამოვიჩინე ამ ცხოველებისადმი ასეთი დიდი ყურადღება. ჭერ ერთი, ავაზები კვლავ მრავლადაა გავრცელებული ინდოეთში. მეორე — მათ შედარებით ადვილად შეხვდებით, რადგან ამჟამადაც ბინადრობენ ზოგიერთი დიდი ქალაქის მახლობლად. მესამე — ავაზებზე ნადირობა არ მოითხოვს დიდ ხარჯებს და საშუალო შეძლების მქონე კაცისათვის სავსებით ხელმისაწვდომია. ავაზა ეტანება ისეთ მისატყუარს, როგორცაა ძაღლი, თხა ან ვირი, მაშინ როცა ვეფხვის მისატყუარად საჭიროა ხარი, რომელიც გაცილებით ძვირი ღირს.

ამასთან ავაზას დევნა, როცა მონადირე უშიშარ მაჰანში * კი არ იმყოფება, არამედ მიწაზეა, ვეფხვზე ნადირობაზე ნაკლებ როდი გიტაცებთ.

ცალკე თავი მივუძღვენი ვეფხვებსა და სხვა ცხოველებს, განსაკუთრებით, გველებს. ვეფხვების, სპილოების, ლომებისა და სხვა მსხვილი ცხოველების შესახებ ხომ ვრცელი ლიტერატურა არსებობს, მაშინ როცა გველებზე სულ მცირე რამ არის დაწერილი და ხალხის უმრავლესობამ მათზე ძალიან ცოტა რამ იცის, გარდა იმისა, რომ მათ უნდა განერიდონ. ვიმედოვნებ, რომ შევძელი და გვიამბეთ რაღაც ახალი ამ საინტერესო არსებებზე და დაგარწმუნეთ, რომ ვეფხვები, ავაზები და დათვები როდი არიან ინდოეთის ჯუნგლების ყველაზე მრისხანე ბინადარნი. ბუჩქნარსა თუ ბალახში გალურსული შხამიანი გველი უფრო ძნელი შესამჩნევია და საშიშია.

გვიამბეთ აგრეთვე ერთ მამაც ბიზონსა და იმ თავგადასავალზე, რომელიც გადამხდა ვეფხვზე ნადირობის დროს. ყოველივე ეს ხელს შეგიწყობთ წარმოდგენა იქონიოთ იმ სიძნელებებზე, დაბრკოლებებსა და იმედების გაცრუებაზე, რომლებიც დაკავშირებულია კაციკამია ვეფხვის დევნასთან. ერთ შემთხვევაში სრული მარცხი განვიცადე, მეორეში წარმატებას მივაღწიე, მაგრამ სრულიად შემთხვევით. წიგნს ვამთავრებ პატარა მოთხრობით უცნაური ჩვევების მქონე ვეფხვის შესახებ. ახლა, როცა ამ სტრიქონებს ვწერ, ის ცოცხალია და ჩემთვის კვლავ გამოცანად რჩება.

* ხეზე გამართული ალაფ-ხანის მსგავსი ნაგებობა, საიდანაც ზაფხულში ნადირობენ დათვებზე.

საკმარისია ხელში ავიღო კალამი, რომ აწმყოს ხმები და სახეები მსწრაფლ წარიხოცონ და მათ ნაცვლად მოზღვავენენ მოგონებანი: ტყეში ღამის წყვდიადის შესახებ, როცა თავზე ვარსკვლავებით მოჭედილი ცა დაგცქერის, ფეხქვეშ კი ძვირფასი ქვებით მოოჭვილი ჯუნგლების ნოხია გაფენილი; დაბურულ ფოთლებზე უამრავი ციცინათელების შესახებ, ჯადოსნური ცეცხლით რომ გიზგიზებენ; და სხვა, უფრო კაშკაშა სინათლეზე, ვეფხვის, ავაზას, ბიზონის თვალებიდან რომ გამოკრთის, ან მოხდენილად მიჰვალი, ფეხმარდი ირმია მწვანე თვალებზე, რომლებშიც ერთმანეთთან მოჩურჩულე ხეების ქვეშ გავლის დროს ჩემი ფარნის შუქი ირეკლებოდა.

იმოგზაურეთ ჩემთან ერთად რამდენიმე საათს, — რომელიც თქვენ ამ წიგნის წასაკითხად დაგჭირდებათ, — ვეფხვის, ავაზასა და სპილოს საბრძანებელში, ვეებერთელა ხეების მოქანავე კენწეროთა დაბურულ ჩრდილში, ხეებისა, რომლის შტამბები უცნაურ ნაგებობას ქმნიან. დაივიწყეთ ეგრეთწოდებული ცივილიზაციისათვის დამახასიათებელი ყალბი ფასეულობანი და ცრუ ცნებები, რომლებიც ზღუდავენ თავისუფლებას და ამახინჯებენ უბრალო ცხოვრების სიმართლეს. ჯუნგლებში თქვენ ჰპოვებთ მყუდროებას, ნეტარებასა და ბედნიერებას, იხილავთ ნამდვილ ცხოვრებას. აქ არც დროა და არც ადგილი თვალთმაქცობის, ფარისევლობის, სიყალბისა და სიცრუისათვის. ჯუნგლებში თქვენ იხილავთ ყველაზე მშვენიერს, რაც კი არსებობს დედამიწაზე — პირველქმნილ ბუნებას .

თუ შევძლებ ცოტა ხნით მაინც თქვენს განრი-
დებას საყოველღეო ყოფისაგან, ტროპიკული
ტყის საკვირველებასა და მღელვარებაში მოქცევას
და თქვენ მოგეჩვენებათ, რომ მიჰყვებით ხშირ
შამბნარში დაქრილ კაციჭამიას სისხლიან ნაკვა-
ლევს, როცა თქვენი სიცოცხლე დამოკიდებულია
თქვენსავე გონიერებასა და მოხერხებულობაზე,
მაშინ მე სავსებით კმაყოფილი ვიქნები.



თავი პირველი

ავაზას ჩვევები

ავაზები მრავალგვარია: ერთნი უაღრესად გამბედავნი არიან, მეორენი — მხდალები; ერთნი იმდენად ცბიერნი არიან, რომ მათი ქცევა მიუწვდომელი გეჩვენებათ, მეორენი კი, ჩვენი შეხედულებით, მოქმედებენ სულელურად. მე შემხვედრია ავაზები, რომელთაც, მგონი, მეექვსე გრძნობა გააჩნდათ და იქცეოდნენ ისე, თითქოს ძალუძდათ ადამიანის აზრის ამოცნობა და მისი განზრახვის წინასწარ განჭვრეტა, დაბოლოს ძალიან იშვიათად, მაგრამ მაინც გვხვდება ისეთი ავაზები, რომლებიც თავს ესხმიან ადამიანს, და კიდევ უფრო იშვიათად — კაციჰამია ავაზები.

ჩვეულებრივ მტაცებელი კაციჰამია ხდება განსაკუთრებული მდგომარეობის გამო. მაგალითად, დაჭრის შემდეგ მას აღარ შეუძლია ადვილად ცხოველის დევნა, რომელიც მის ბუნებრივ საზრდოს წარმოადგენს და იძულებულია იკვებოს ადამიანის ხორციით. ანდა ის ჰამს ტურებისა და დათვების მიერ ამოთხრილ გვამს, და ადამიანის ხორცი ეგემრიელება.

დაბოლოს ისიც ხდება, რომ ავაზას ადამიანის ხორცის ჭამას კაციჭამია დედა აჩვევს ხოლმე.

როგორც წესი, ავაზა თავს არ ესხმის ადამიანს პირველად. მას ეშინია ადამიანისა და მის ხმას გაიგონებს ან დაინახავს თუ არა მას, უხმოდ უჩინარდება ტევრში. ზოგიერთი ავაზა, როცა დაჭრილია, არაჩვეულებრივად მძვინვარე და გამბედავია. ზოგი კი, პირიქით, საოცრად მხდალია: შეიძლება მათი, როგორც კურდღლების დევნა.

თუ თქვენ მოახერხებთ ბორცვის სიმაღლიდან თვალის დევნებას, თუ როგორ უთვალთვალებს ავაზა თავის მსხვერპლს, არაჩვეულებრივ საინტერესო სანახაობას იხილავთ. ავაზა დასამალავად იყენებს თითოეულ ბუჩქს, ხის შტამბს, ლოდს, იგი ისე განერთხმება ხოლმე მიწაზე, ვერც კი შეამჩნევთ. ისეთი ფერის ბეწვი აქვს, რომ, თუ მახვილი თვალის პატრონი არა ხართ, ვერ აღმოაჩენთ. მე ერთხელ ვუთვალთვალე მდინდით ერთ ავაზას და გაოცებული დავრჩი, თუ რა შესანიშნავად ეპარებოდა ის მსხვერპლს ტყეში.

გადამწყვეტი მომენტი რომ დგება, ავაზა ორი ელვისებური ნახტომით დაეწევა ხოლმე ნადავლს. ზუსტად გამიზნული ნახტომით ზურგიდან ესხმის მსხვერპლს, ასობს ბასრ ეშვებს ყელში, და რომ წააქცევს, მანამ ჰყავს მიკრული მიწაზე, სანამ ცხოველი სულს არ დაღვეს. მაგრამ მტაცებელი ამის შემდეგაც არ უშვებს მსხვერპლს ყელზე კბილებს და სწოვს ღრმა ჭრილობებიდან ჯერ კიდევ თბილ სისხლს.

წარმოიდგინეთ მდუმარე ჯუნგლები, და ავაზა, რომელიც ფეხაკრეფით ეპარება მიზანში ამოღებულ მსხვერპლს ან მისთვის საგანგებოდ მიბმულ ცოცხალ მისატყუარს. თუ თქვენ განიზრახავთ ავაზაზე ნადირობას, ეცადეთ, შეამოწმოთ თითოეული ბუჩქი, დაათვალიეროთ შამბნარი, იყავით ფრთხილად, კლდეების ან რიყის ახლო გავლისას ჩაიხედეთ ორმოებსა და ხრამებში — თითოეული დაბრკოლების მიღმა, ყოველ ჯურღმულში შეიძლება იმალებოდეს ავაზა. თქვენს სიფრთხილეზეა დამოკიდებული არა მარტო ნადირობის წარმატება, არამედ თქვენი სიცოცხლეც, რადგან ჩაბმული ხართ ორთაბრძოლაში ჯუნგლების ყველაზე უფრო მოხერხებულ და საშიშ ბინადართან.

ერთ-ერთი ყველაზე ძნელი და საინტერესო გასართობი ოსაა, რომ მიაკვლიოთ ავაზას მისივე მეთოდებით. ასეთ ნადირობას ეწოდება „ფარული“. აქ წარმატებისათვის აუცილებელია შეგეძლოთ ფეხაკრეფით სიარული, „შეიგრძნოთ ჯუნგლები“ და შეგწევდეთ უნარი ისე იმოქმედოთ, როგორც ავაზა. თქვენ ხომ ცდილობთ ცბიერებით აჯობოთ მეტად ეშმაკ მხეცს და ჩინებულ მონადირეს.

პირველ ყოვლისა, აუცილებელია, დაადგინოთ, როდის გამოდის ავაზა ნადავლის საძებნელად. როგორც წესი, იგი დაძრწის ტყეში ღამით. რომ დაინახოთ რამე, დაგჭირდებათ ელექტრონის ფარანი. მაგრამ მაშინ, ცხადია, ეს „ფარული“ ნადირობა აღარ იქნება.

ზოგჯერ ავაზა გამოდის საღამოს მოგვიანებით, დაბნელებამდე. დღისით მისი ძებნა ამაოა: მას არ უყვარს პაპანაქება სიცხე და ამ დროს ისვენებს.

შემდეგ საჭიროა გაირკვეს, სად აჯობებს ავაზას კვალის მიგნება? ამისათვის აუცილებელია შეიტყოთ — ჩვეულებრივ რაზე ნადირობს იგი. თუმცა ბევრ რამეში არც ეს დაგეხმარებათ: იგი ხომ ნთქავს ყოველ ცოცხალ არსებას — ტყის ფრინველებს, ბაჭიებს, მაიმუნებს, გარეულ ღორებსა და ირმებს, მსხვილი მამალი ირმების გამოკლებით. სოფლის მახლობლად მონადირე ავაზას ძირითად საკვებად ითვლება ღორები, ძაღლები, თხები, ცხვრები, რქოსანი საქონელი. სახლიდან ძალიან შორს მოხეტიალე სოფლის უგნური ხვადი კატებიც კი ავსებენ მის სუფრას.

ერთი წუთით წარმოიდგინეთ, რომ თქვენ იმყოფებით ჯუნგლებში, სადაც ავაზა უთვალთვალებს საკბილოს. არ დაივიწყოთ, რომ იგი იშვიათი მხედველობისა და მახვილი სმენის პატრონია, მაგრამ თითქმის მოკლებულია ყნოსვის უნარს. აბა რას გააკეთებდით მის ადგილას? ალბათ ორში ერთს: ან შერჩეული ცხოველის ირგვლივ დაიწყებდით უხმოდ ხეტიალს, ანდა იმ წყაროსა და ბიცობი ნიადაგის მახლობლად დაიმალეობოდით, სადაც ის ჩვეულებისამებრ მოდის ხოლმე. სწორედ ასე იქცევა ავაზაც.

მსხვერპლის უხმაუროდ მიკვლევის დროს ავაზა ერიდება ბუჩქნარსა და ხმელ ფოთლებს, რადგან ტყაცატკუცსა და

ფოთლების შრიალს შეუძლია გასცეს იგი. ამიტომ, თუ ის საფარში არაა ჩაწოლილი იმ ადგილის მახლობლად. სადაც ცხოველები წყლის დასალევად ან მარილის სალოკად მოდიან, იმალება საცალფეხო გზებზე, მხეცების ბილიკებზე, სასოფლო გზაზე, ამომშრალი დელებებისა და ნაკადულის კალაპოტში. სწორედ იქ უნდა ვეძიოთ ავაზა.

თქვენს ყოველგვარ მოძრაობას შეუძლია მიიპყროს მისი ყურადღება. რაკი ეს ასეა, დღისით ერთხანს იხეტიალეთ ჯუნგლებში და სცადეთ აღმოაჩინოთ ავაზას ნაკვალევი, მაგრამ არა შემთხვევითი, არამედ მისი მუდმივი ბილიკი თათების ძველი და ახალი ანაბეჭდებით. სცადეთ აღმოაჩინოთ ორი ან რამდენიმე ასეთი ბილიკის გადაკვეთის ადგილი ნაკადულთან ან განაკაფ ტყეში.

იმავე საღამოს დაბრუნდით იქ, ამოეფარეთ ხეს ან ბუჩქს და გაუნძრევლად ფხიზლად ადევნეთ თვალი ბილიკებს, ტყეში განაკაფ გზებს ან ნაკადულის ნაპირს. თუ ბედი გაგიღიმებთ, დაინახავთ ავაზას, რომელიც მიიპარება თავის ბილიკზე, შესაძლოა, დრო და დრო ხეებიც შეათვალიეროს, იმ იმედით, რომ აღმოაჩინოს მაიმუნი ან ტყის მსხვილი ფრინველი. რასაკვირველია, თქვენი საფარიდან შეგიძლიათ დაინახოთ აგრეთვე: ვეფხვი, სპილო და ირემიც.

თუ თქვენ მოძებნეთ ჯუნგლებში სარწყულელები ან ბიცობი ნიადაგი, ყველაზე გონივრული იქნება ჩაწვეთ რომელიმე საფარის მახლობლად. დიდად ნასიამოვნები დარჩებით ტყის იმ სხვადასხვა ბინადართა თვალყურის დევნებით, რომლებიც ასეთ ადგილებს მოინახულებენ ხოლმე. არ გაიკვიროთ, თუ რამდენიმე ხნის შემდეგ აღმოაჩინოთ, რომ ავაზას ან ვეფხვს თქვენი მსგავსი პოზიცია დაუკავებია, მაგრამ ისინი იმდენად ჩუმად გადაინაცვლებენ ხოლმე ერთი ადგილიდან მეორეზე, რომ თქვენთვის არც ისე იოლია ამის შემჩნევა.

მახსოვს, ერთხელ ხის შტამბს ამოფარებული ვიწექი და თვალს ვადევნებდი პატარა ხრამს, რომლის კუთხეში მარილი ეონავდა. წინასწარმა დაზვერვამ გვიჩვენა, რომ აქ უყვარო მოსვლა სამბარებსა* და ხალებიან ირმებს. ბინდდებოდა, რომ

* ირმის სახეობა.

ოდნავ შრიალმა ფრთხილად უკან მიმახედა. დავინახე ავაზა, რომელიც აშკარად გაკვირვებული მათვალისწინებდა. რომ შეამჩნია, იგი აღმოაჩინეს, შებრუნდა და წასვლა დააპირა. მერე კვლავ შემომხედა, თითქოს უნდოდა ეთქვა: „ვერ მიბრძანდები, ნეტავ აქედანო?“ — და გაეცალა იქაურობას.

ძალიან საინტერესოა ლეკვებიანი ავაზას და ძუ ვეფხვია თვალთვალი. არ შეიძლება არ შეამჩნიოთ, თუ რა მზრუნველი დედებია ისინი. მტაცებლებს მანამ არ გამოჰყავთ ბუნაგიდან ბოკვრები, სანამ იმდენად არ მომაგრდებიან, რომ შეეძლებათ მოძრაობა და ნადირობაში მონაწილეობის მიღება. ჩვილები რძით იკვებებიან, შემდეგ კი დედა თანდათან აჩვენებს მათ უმი ხორცის ჭამას. პირველ ხანებში ჯერ თვითონ ყლაპავს მას და ნაწილობრივ ინელებს, შემდეგ უკანვე აბრუნებს ხოლმე და იმით კვებავს პატარებს. როცა მათ უკვე შეუძლიათ უფრო მაგარი საჭმლის მონელება, დედას მოაქვს ბუნაგში ნა-ნადირევი ფარშევანგი ან ტყის სხვა ფრინველი, ზოგჯერ, პატარა ცხოველი, შემდეგ კი ირმის ფეხი ანდა ირემი მთლიანად.

ავაზას ლეკვები მეტად ღორმუცელები არიან. მე მყავდა ავაზას და ვეფხვის რამდენიმე ლეკვი და დავადგინე, რომ პირველთა გაუმადლობის ნიადაგზე მიდრეკილება აქვთ გასტრიტი დაავადებისადმი. სისხლის ზერეპისას ხარბად ყლაპავენ უმი ხორცის დიდ ნაჭრებს მანამ, სანამ განძრევა აღარ შეეძლებათ. მათი გასტრიტი გარდაუვალად მთავრდება სამოთხ ღლეში საშინელი სულთმობრძავი სიკვდილით. ეტყობა, იგი ემუქრება ავაზებს რვა თვის ასაკამდე; თვითონ დავკარგე ამგვარად რამდენიმე ლეკვი.

ცხადია, თავისებური ინსტინქტით შეპყრობილი ავაზა ხორცის განსაზღვრულ რაოდენობას აწვდის რძესთან ერთად ლეკვებს, მანამ, სანამ წამოზრდილი ბოკვრები არ დაუწყებენ მას კბენასა და კაწვრას კვების დროს.

თუ ბუნაგს საფრთხე ელის კაცის ან მამალი ავაზასაგან, რომელსაც უყვარს პირის ჩაგემრიელება თავისი შვილების ხორციით, დედა მალავს მათ უშიშარ ადგილას. გადაჰყავს ისინი ერთიმეორის მიყოლებით ქეჩოში მაგრად კბილებჩავლებულა.

როგორც კი დაიწყებენ სიარულს, დედა უმაღვე შეუდგება

შათვის ნადირობის ხელოვნების სწავლებას, ცხოველების დევნა და მათი მოკვლა საკმაოდ ხანგრძლივი პროცესია. პირველად თვითონ კლავს ცხოველს, ხოლო დამალული ლეკვები თვალყურს ადევნებენ მას. შემდეგ მოუხმობს მათ თავისთან ხორხისმიერი ხმით, რომელიც კნავილს მოგვაგონებს, ნებას აძლევს ლეშზე იხტუნონ, დაკბინონ და გასინჯონ ჭერ კიდევ თბილი სისხლი და ხორცი. სასაცილოა ის მძვინვარე ხმები, რომლებსაც გამოსცემენ ლეკვები; ისინი ხდებიან აღგზნებულნი, ღრენენ, ერთმანეთს თავს ესხმიან და დედასაც კი არ ინდობენ.

შემდეგი გაკვეთილი იმით იწყება, რომ ავაზა მხოლოდ ასახიჩრებს თავის მსხვერპლს, და პატარებს ნებას აძლევს ბოლო მოუღონ მას. ისინი გაშმაგებით მივიარდებიან დაჭრილ ცხოველს და კბენენ კისერში, სანამ არ მოკვდება. ეს ძალიან სასტიკი სანახაობაა.

პატარა ვეფხვი უფრო ძნელი გასაწვრთნელია ნადირობაში. ავაზა ყელში ჩააფრინდება თავის მსხვერპლს, ჩამოეკიდება და გუდავს, ვეფხვი კი ასეთ შემთხვევაში ოსტატურად უმტვრევს კისერს. ჩვეულებრივ ძუ ვეფხვს თვითონ უხდება ოთხი ან ხუთი ძროხის მოკვლა, ასე რომ არა, პატარა ვეფხვები ცხოველს მხოლოდ დაკბენენ, დაჭრიან და ბოლოს და ბოლოს გაუშვებენ. შეახტება რა გვერდიდან ზურგზე ცხოველს, ძუ ვეფხვი გადაიხნიჭება მეორე მხარეზე, ჩააფრინდება ყელში, ჩამოეკიდება ზედ, ბეჭებს ჩაიბლუჯავს მძლავრ წინა თათებში და ძლიერი ატაცით დასცემს მსხვერპლს მიწაზე. ვეფხვის სიმძიმის გამო მსხვერპლს კისრის ხერხემალი უტყდება.

როდესაც ძუ ვეფხვს ან ავაზას მიჰყავს თავისი შვილები სანადიროდ, ისინი ყველაფრით ბაძავენ დედას, იმეორებენ მის ყველა მოძრაობას. ამ დროს საშიშია მათ ახლოს ყოფნა: ძუ ვეფხვს თავისი ნაშიერის დასაცავად შეუძლია თავს დაგესხას ავაზა უფრო იშვიათად ესხმის თავს, თუმცა მტრულ განწყობილებას ავლენს იმით, რომ მრისხანედ იღრინება. მაგრამ მისი განზრახვის გამოცნობა შეუძლებელია, ამიტომ ყველაზე უფრო გონივრულია ასეთი ოჯახური პროცესის შეხვედრისას თოფი მომარჯვებელი იქონიოთ ხელში.

ძუ ვეფხვს ან ავაზას მხოლოდ განსაკუთრებულ შემთხვევაში უნდა ესროლოთ. თუ დედა მოუკალით, პატარა მხეცები

აუცილებლად გაიქცევიან ჭუნგლებში, სადაც შიშლით დაიხოცებიან, ანდა თუ საკმაოდ მოზრდილებია, შეიძლება კაცი-კამიებად იქცნენ, რადგან ვერ ასწრებენ სამონადირო ჩვევების ათვისებას. ადამიანის ჩასათვრება და მოკვლა ხომ უფრო ადვილია, ვიდრე რომელიმე მსხვილი ცხოველისა.

ძალიან საინტერესოა ავაზას ან ვეფხვისთვის თვალყურის დევნება ზამთრობით — ნოემბერში, დეკემბერსა და იანვარში, როდესაც ამ მტაცებელთა შეუღლების სეზონი დგება. თმა ყალყზე დაგიდგებათ ძუ ვეფხვის მომხმობი ღრიალის გაგონებაზე. მასში ალბათ შეიცნობთ მოუთმენლობის კილოს. ამ დროს ვეფხვები ძალიან საშიშნი არიან, განსაკუთრებით ლაქუცისა და დაწყვილების დროს. ვნებას ძალიან უხეშად ავლენენ: ხშირად გაათვრებულნი კბენენ და კაწრავენ ერთმანეთს.

თავაწყვეტილნი გაშმაგება-გაცოფებამდე არიან მისულნი და ვაი იმას, ვინც ხელს შეუშლის მათ განმარტობას სქესობრივი აღგზნების დროს. ცნობილია, რომ ძუ ვეფხვი უფრო მეტადაა აღგზნებული და მაშასადამე, ძალზე საშიშიც: ვიდრე ხვადი. მისი მძვინვარე ძახილი მძუნაობისას ხშირად იწვევს ტყეში მუშაობისა და გზებზე მოძრაობის შეჩერებას.

ავაზაც თითქმის ისევე იქცევა, როგორც ვეფხვი, მაგრამ ჩვეულებრივ, არ ჰყოფნის გამბედაობა თავს დაესხას ადამიანს, თუმცა თავის გაათვრებას ძალზე აშკარად ამჟღავნებს.

თავისი ქცევით ავაზა ვეფხვზე მეტად მოგვაგონებს ხვად კატას: მისი ბრჭყალების ნაკვალევი ქვიშაზე ან ბილიკის ნაპირას ხმელ ფოთლებზე ცხადპოფს, რომ აქ ავაზას ბუნებრივი მოთხოვნილება დაუკმაყოფილებია და შემდეგ ჩაუფლავს მიწაში განავალი, რასაც ვეფხვი ძაღლის მსგავსად ღიად ტოვებს. როგორც ვეფხვის, ისე ავაზას განავალი, ძირითადად, შედგება უკანასკნელი მსხვერპლის მოუნელებელი ბალნისაგან.

წინათ დიდი დავა იყო მონადირეთა შორის. ერთნი ამტკიცებდნენ, რომ ავაზა და ჭიჭი ცხოველთა ორი სხვადასხვა სახეობა არისო, მეორენი კი მათ ერთ სახეობას მიაკუთვნებდნენ. ამჟამად დადგენილია, რომ ისინი ეკუთვნიან ერთ ბიოლოგიურ სახეობას, მაგრამ გარემოს განსხვავებულობის გამო ზოგიერთი მათგანი დიდი იზრდება. ტყის ავაზები, რომლებიც სხვადასხვა ნანადირევით იკვებებიან, ჩვეულებრივ მსხვილებია.

და აქვთ უფრო მუქი და ხშირი ბალანი, ვიდრე ძაღლებსა და თხებზე მონადირე სოფლის ახლო ბინადარ ავაზებს. მუქი შეფერილობა შველის ტყის ავაზას შეეხამოს ჯუნგლების ხშირ მცენარეულობას, მაშინ, როცა „სოფლის ავაზა“, როგორც მას ზოგჯერ უწოდებენ, თავისი ღია ფერის ქურქის გამო, ძნელი გასარჩევია კლდეებს შორის.

იგივე შეიძლება ითქვას ვეფხვზეც. ვეფხვება, რომელიც შეჩვეული არიან შინაური ცხოველების ხორციით პირის ჩაგემრიელებას, ძალზე სუქდებიან, ხდებიან მოუქნელნი, მაშინ. როცა მათი მოძმენი გარეულ ცხოველებზე ნადირობისას ხარჯვენ გაცილებით მეტ ენერჯიას და ამიტომ გამხდარი და კუნთმაგარნი არიან. ფიზიკური ვარჯიში სიმსუქენს აკლებს არა მარტო ადამიანებს, არამედ ცხოველებსაც.

თუმცა არის იშვიათი გამონაკლისი ამ წესიდან, როცა ბუნება თვითონვე არღვევს მის მიერვე დადგენილ კანონებს. მე მომიკლავს ჯუნგლებიდან მოშორებით მდებარე სოფლების ახლოს ძალიან მსხვილი, მუქი, ხშირბეწვიანი ავაზები, ჯუნგლებში, კი პირიქით — მომცრო, ღია ფერის ბეწვიანი ავაზები.

ამ სახეობის მტაცებელთა წარმომადგენლები იშვიათად ხდებიან კაციქამიები, და თუ ასეთებად გადაიქცევიან, ეს იმ მდგომარეობითაა გამოწვეული, რომელზეც ზემოთ მქონდა საუბარი.

ავაზებმა იციან ხეებზე ასვლა; მაიმუნების ან გარეული ძაღლების დევნის დროს თავის დასაღწევად ისინი ზოგჯერ ძალიან მაღლა აღიან. ვეფხვები ამ უნარს მოკლებულნი არიან. თუმცა მაისურის ზოოლოგიურ ბაღში მინახავს ვეფხვი, რომელიც აღიოდა მისთვის ხეზე მოწყობილ ბაქანზე. ეს ლაპარაკობს იმაზე, რომ ვეფხვებს ისევე, როგორც ადამიანებს, ღრმინდივიდუალობა ახასიათებთ.

ვეფხვები ძალიან ორიგინალურ მეთოდს იყენებენ მაიმუნებზე ნადირობისას. ჯუნგლებში ბინადარი მაიმუნები უაღრესად ფრთხილნი და ფხიზელნი არიან. თუ დაინახეს, ან იგრძნეს, რომ მტერი უახლოვდებათ, ისინი ხის კენწეროებზე აღიან. იცის რა ეს, მტაცებელი დგება ხის ძირში და ღმუის და ღრინავს. დამფრთხალი მაიმუნები, იმის ნაცვლად, რომ თავშესაფარში დარჩნენ, სადაც მათ ვერავინ მიწვდება, ცდილობენ მე-

ზობელ ხეზე გადახტომას, და თუ ის ძალზე შორსაა, წარმოუდგენელი სიმაღლიდან ეშვებიან მიწაზე, რომ მეზობელ ხემდე მიაღწიონ. ზოგიერთი მათგანი, გაბრუებული ან დასახიჩრებული, ადვილად ხდება მოხერხებული მონადირის მსხვერპლი.

ინდოეთის ჯუნგლების ერთ-ერთი ყველაზე ჭკვიანი და გონიერი ბინადარია გარეული ძაღლი. მონადირე-აბორიგენები* პირველ ადგილზე აყენებენ სპილოს, ვეფხვს, ავაზას, მაგრამ გარეული ძაღლების ჩვევების შესწავლის შემდეგ სხვა დასკვნამდე მიხვალთ. ნადირობისას ძაღლები „ფლანგებზე“ მოქმედ ძაღლებს აყეფებენ, რომლებიც დაწინაურდებიან ხოლმე და ირემს მიუდენიან თავისიანების ხროვას. ხროვაში ოცდაათზე მეტი ძაღლი გროვდება, გარს ერტყმიან ვეფხვს ან ავაზას და მტაცებელს პირდაპირ ლუკმა-ლუკმა გლეჯენ, თუმცა ამ დროს თვითონაც ზიანდებიან.

განსაკუთრებით გაითქვეს სახელი თავისი სიმამაცით მადრასის საპრეზიდენტოში ჩიტურის ოლქის ძაღლებმა. სხვათა შორის მე ვიცი სამი შემთხვევა, როცა მძვინვარე ბრძოლებში ვეფხვი ნაკუწ-ნაკუწ იქნა დაგლეჯილი, თუმცა წინასწარ მან რამდენიმე ძაღლი სიცოცხლეს გამოასალმა და ბევრიც დაასახიჩრა. მაგრამ არასოდეს მსმენია, რომ ძაღლებს დაეგლიჯოთ ავაზა: როგორც უკვე ვთქვი, საშიშროების შემთხვევაში მას შეუძლია თავს უშველოს ხეზე ასვლით.

ვეფხვს არ ეშინია წყლის და თავისუფლად გადაცურავს ხოლმე დიდ მდინარეებს. მას უყვარს განსაკუთრებით ცხელ დღეებში ნაკადულის ჩრდილიან ნაპირზე ანდა პირდაპირ წყალში ნებივრობა. იგი ნადირობს ავდრიან ღამეებშიც და ხშირად დილას, კოკისპირული წვიმის შემდეგ შეიძლება მისი ნაკვალევის ნახვა. სულ სხვაგვარია ავაზა. იგი ყველაფერში ნამდვილი კატაა, ეჯავრება წყალი და წვიმა და წყალში შეცურავს ხოლმე განსაკუთრებული საფრთხის დროს, მაგალითად, როცა თავი უნდა დააღწიოს გარეული ძაღლების დევნას.

* „აბორიგენის“ სახელწოდებაში ეთნოგრაფები აერთიანებენ ინდოეთის სამხრეთ-დასავლეთის, ცენტრალური, ჩრდილო-დასავლეთის, მთაგორიანი რაიონებისა და გვაროვნული წყობილების დაშლის სხვადასხვა საფეხურზე მდგომ მრავალრიცხოვან ტომს. აბორიგენული ტომები დგანან წოდებრივ-კასტური იერარქიის დაბალ საფეხურზე, ან საერთოდ მის გარეშე.

ვეფხვი გადმოზარგდა ინდოეთში მონღოლეთის უფრო ცივი რაიონებიდან. და ამიტომ უყვარს გრილი ადგილები. სადაც თავის შეფარება შეიძლება პაპანაქება სიცხის დროს. ავაზა კი ინდოეთის ტროპიკული ნაწილის მკვიდრია.

ზოგჯერ ტყეში. სადაც ბევრი ირემია, ვეფხვი ბაძავს სამბარის ყვირილს, ალბათ იმისათვის, რომ მიიტყუოს ეს ცხოველი და ჩასაფრებული ადგილიდან თავს დაესხას მას. ავაზა არ მიმართავს ასეთ ხერხს: იგი მსხვერპლთან მიპარვის განსაკუთრებული უნართაა დაჯილდოებული.

წარსულში მონადირეები ამბობდნენ, ვეფხვი „ჩენტლმენია“, ავაზა კი — „ბრიყვიო“. ეს მონადირეები უთუოდ ღირსნი არიან იმისა, რომ მათ წინაშე თავები დაეხაროთ: ისინი შეიარაღებულნი ძველებური თოფებით, რომლებსაც უპირატესად ლულიდან ტენიდნენ, იმ დროის ყაიდის მძიმე ფეხსაცმელებით, ვეება ტროპიკული ჩაფხუტით თავზე უშიშრად მიყვებოდნენ დაჭრილი ნადირის ნაკვალევს. რა დიდი განსხვავებაა შედარებით ახლანდელ „მონადირეებთან“, რომლებიც თოფს ესვრიან მხეცს ავტომანქანიდან ღამე ანთებული ფარების შუქზე, რაც ცხოველს აბრმავებს და თავის გადარჩენის საშუალებას უსპობს.

დაჭრილი ვეფხვი ღრენით ამცნობს მოახლოებულ მდევარს თავის ადგილსამყოფელს, მაშინ როცა ავაზა უპირატესად ჩუმად წევს და როცა მონადირე ახლოს ჩაუვლის, ზურგიდან ესხმის თავზე. ვეფხვი გაცილებით უფრო მამაცი და მრისხანე მოწინააღმდეგეა; დაახტება რა თავს მონადირეს, ჩვეულებრივ კლავს მას. ავაზა კი, თუ ის კაციჰამია არაა, ხშირად მხოლოდ ასახიჩრებს მდევარს და გაქცევით შველის თავს.

ავაზა ღრღნის თავისი მსხვერპლის ძვლებს მაშინაც კი, თუ გვამი ძალიან გახრწნილია. ვეფხვი, როგორც წესი, მესამე დღეს უკვე აღარ უბრუნდება ნადავლს. იგი ჰამს გაცილებით მეტს და ჩვეულებისამებრ ნთქავს ყველაფერს, რისი შეჭმაც კი შეიძლება ორ-სამ ჯერზე. გარდა ამისა, ვეფხვი უფრო აზიზი მჭამელია.

მტაცებლის კლანჭებში ჩარჩენილი ხორცი იხრწნება და საშიში მიკრობების გავრცელების კერად იქცევა. ამიტომ ვეფხვის ან ავაზას მიერ მიყენებული განაკაწრი უფრო

იწვევს სისხლის მოწამელას, ვიდრე მათი ნაკბენი. ვეფხვეს ალიზიანებს კლანკებში ჩარჩენილი ხორცის ნარჩენები, და ხის რბილი ქერქის კაწვრის დროს არა მარტო იღესავს ბრჭყალებს, არამედ ისუფთავებს კიდეც. ხეებზე ექვს—შვიდ ფუტ * სიმაღლეზე ბრჭყალების ანაბეჭდები (ვეფხვი დგება უკანა თათებზე და იწმენდს წინა თათებს) ამცნობს მონადირეს, რომ მის მიერ დევნილი ცხოველი ახლოსაა.

ვეფხვის სიფაქიზე ვლინდება სხვა რამეშიც. ავაზა თავის მსხვერპლის ხორცთან ერთად ჭამს შიგნეულსაც; ვეფხვი, სანამ ჭამას შეუდგებოდეს, გლეჯს მოკლული ცხოველის უკანა გასასვლელს, თათით აცლის საჭმელად უვარგის ნაწილებსა და კუჭს და დაახლოებით ათი ფუტის მოშორებით აგდებს. იგი ხშირად ცხოველს წინასწარ აჭამს კუდს. ზოგჯერ ასევე იქცევიან ტყის მსხვილი ავაზებიც, მაგრამ საშუალო და მომცრონი ნადავლს ნთქავენ ნაწლავენსა და განავალთან ერთად.

ავაზას ბუნაგთან შედარებით, გამოქვაბული, რომელშიც ვეფხვი ბინადრობს ლეკვებით, უფრო სუფთა და დაცულია, იქ ვერ ნახავთ ძვლებისა და საჭმლის სხვა ნარჩენებს.

გარდა მძუნაობის პერიოდისა, ვეფხვი უფრო ხშირად, ვიდრე ავაზა, აუწყებს ჯუნგლებს თავისი ყოფნის შესახებ. ამას ადასტურებენ ტყეებში მობინადრე ინდოელთა ტომება. ვეფხვის ხმის მიხედვით მათ შეუძლიათ დაახლოებით მიგითითონ ნადირობისას ვეფხვის გადაადგილების მიმართულება. მისი მელოდირი, ხორხისმიერი, გაჭიანურებული კენესა, რომელიც დაუვიწყარი „უუ-უუ-უუნგით“ მთავრდება, შორს გაისმის უზარმაზარი დაბურული ხეების ჩრდილებქვეშ ან მთვარის ფოსფორისებური შუქით განათებულ ველებსა და ტყით შემოსილ ხეებში და ეალერსება მის სმენას, ვისაც ჯუნგლები უყვარს. მეტად მძაფრი, მაგრამ მცირე მანძილზე გასაგონი ხერხის ხმის მაგვარი ავაზას ძახილი გაცილებით იშვიათად არღვევს ღამის მყუდროებას.

ვეფხვის მეორე თავისებურება ის არის, რომ ის ირჩევს სამონადიროდ ექსპედიციებისათვის განსაზღვრულ რაიონს, —

* ფუტი=მეტრის 0,3.

თუნდაც ის მოიცავდეს ას მილს* — ამომწრალი ნაღვარევის კალაპოტის, მდინარის ან ნაკადულის სანაპიროს, ხევის ან მთის ფერდობის გასწვრივ. თუ თქვენ დაინახავთ ნადირთა მიერ გათელილ ბილიკზე მტვერში აღბეჭდილ მონადირე ვეფხვის ნაკვალევს, შეგიძლიათ დარწმუნებული იყოთ, რომ კვლავ შეხვდებით მას. გაივლის ალბათ რამდენიმე დღე, რამდენიმე კვირა და იქნებ ერთი თვეც — ეს დამოკიდებულია ვეფხვის სამონადირო რაიონის სიდიდეზე, — ის გააკეთებს უზარმაზარ წრეს და თითქმის ნამდვილად იმავე ადგილას გამოჩნდება, სადაც თქვენ მისი ნაკვალევი აღმოაჩინეთ. თუ იგი შეძლებს ცხოველის მოკვლას, ის ერთ—ორ დღეს, სანამ ნადავლს გაანადგურებდეს, იქვე ახლოს რჩება, შემდეგ განაგრძობს თავის გზას.

დაიხსომეთ ვეფხვის ეს ჩვეულება, თუ გასურთ კაციკამიას ადგილსამყოფელის მიკვლევა. აღნიშნავთ რა რუკაზე იმ პუნქტებს, სადაც ვეფხვმა ადამიანები დახოცა, შეგიძლიათ დაახლოებით შემოხაზოთ მისი სამონადირო რაიონი, და თუ იცით თარიღები, ძნელი არაა უბრალო არითმეტიკული გაანგარიშებით განსაზღვროთ მისი დაბრუნების ვადა.

ავაზა, როგორც ჩანს, განსაკუთრებული მარშრუტით არ მოძრაობს. ხან აქ გამოჩნდება, ხან იქ. ამიტომ კაციკამია ავაზას კვალდაკვალ დევნა ან მისი ადგილგადანაცვლების წინასწარ გაგება ამაოა.

მას შეუძლია მოულოდნელად თავს დაესხას კაცს ისეთ ადგილას, სადაც ყველაზე ნაკლებად ელოდება უაღრესად გამოცდილი და გამპკრიახი გონების ადგილობრივი მონადირეც კი.

ამ თავში შევეცადე მემამბნა მსხვილი მტაცებლების ზოგიერთ ჩვევასა და თავისებურებაზე და მომეცა გარკვეული რჩევადარიგება მათზე ნადირობის „საიდუმლოების“ შესახებ. განზრახ არ მოვიხსენიე ის შემთხვევები, როცა ვახერხებდი მტაცებლის მოკვლას. მე მგონია, ეს არც ისე საინტერესოა. ბოლოს და ბოლოს სიამოვნება ის კი არაა, რომ ნადირი მოკლა, არამედ ისაა, უთვალთვალო მტაცებელს მაშინ, როცა თვითონ ნადირობს. მე გირჩევდით, თან გეტარებინათ აპარატი და მოკვ-

* მილი = კილომეტრის 1,5.

ლის ნაცვლად ამ ლამაზი ცხოველებისათვის სურათი გადაგე-
ლოთ. ნუ დაივიწყებთ ყოველ შემთხვევისათვის თან იქონიოთ
თოფი, როგორც მოულოდნელი თავდასხმისაგან დაცვის სა-
შუალება, მაგრამ თუ ცდუნების დაძლევა შეგიძლიათ, ეცა-
დეთ, თავი შეიკავოთ მათი ამაო განადგურებისაგან.

გახსოვდეთ, რომ კარგი ორიგინალური სურათი უფრო მეტ
ქებას იმსახურებს, ვიდრე თქვენი სასტუმროს კედლის ან
იატაკის დამამშვენებელი ნადავლის ტყავი. პირველ შემთხვე-
ვაში თქვენ გაქვთ შესაძლებლობა დატკბეთ მოხდენილი, ძლიე-
რი ცხოველის მთელი სილამაზით მაშინ, როცა ნადავლის ტყა-
ვი აბრეშუმის გამოჩეკილი პარკის ან კვერცხის ნაჭუჭის მსგავ-
სად ოდესღაც ლამაზი არსების მხოლოდ გარსია, რომელიც
ადრე თუ გვიან დალპება ან შეკმული იქნება მტკრისა და
მწერების მიერ.



თ ა ვ ი მ ე ო რ ა

კაციჯამია ავაზა ელაბირის მთეზიდან

შუადღე იყო. ტროპიკული მზე გავარვარებული ცეცხლის ბურთივით დაგვნათოდა თავზე. სიცხისაგან გათანგული ჭუნგლები გარინდებულოყვნენ. ფრინველებსა და მაიმუნებსაც კი, რომლებიც მთელი დილა ხმაურობდნენ, ხმა გაეკმიდათ, თითქოს ირგვლივ გამეფებულ მდუმარებაში ჩაძინებიათო.

ხშირი ტყის ჩრდილში შეიძლებოდა თავისუფლად ამოგესუნთქათ, მაგრამ აქაც აღმურისაგან ყველაფერი თრთოდა და ცახცახებდა. ჰაერის ოდნავი მოძრაობაც კი ვერ არხევდა ძირს ჩამოცვენილ ფოთლებს, რომლებიც თვით ბუნების მიერ მოქსოვილი მოყვითალო-ყავისფერი საუცხოო ნოხივით გაფენილიყვნენ მიწაზე. მუსონების დროს ეს ფოთლები ბრელოდ იქცევა და მრავალი წლის შემდეგ ტყის უზარმაზარი ხეები—საიდანაც ფოთლებია ჩამოცვენილი—იღუპება და ახალი ხეების სიცოცხლის წყაროდ იქცევა.

გულისშემალონებელ სიჩუმეს ზოგჯერ არღვევდა ხის ჩხარუნების ყრუ ხმაური. მათ ყელზე აბამენ ჭუნგლებში მობალახე პირუტყვს მტაცებელთა დასაფრთხობად, და, რაც მთა-

ვარია, მწყემსებს შეეძლოთ განსაზღვრა, სად იმყოფება ჯოგი ხშირ ბუჩქებში. ვეფხვები და ავაზები ძალიან ეჭვიანები არიან და ვერ ბედავენ შერჩეულ მსხვერპლზე თავდასხმას, თუ მას კისერზე შებმული აქვს ხის საოცარი საგანი, რომელიც არაჩვეულებრივ ხმებს გამოცემს. მაგრამ ეს ფანდი ყოველთვის როდი ვადის. ეს დამოკიდებულია მტაცებლის ინდივიდუალურ თავისებურებაზე, და კიდევ უფრო მეტად იმაზე, რამდენად მშვიდია იგი ამ დროს.

სწორედ შუადღის ხანს მოხდა ასეთი შემთხვევა. ფიკუსების ჩრდილს თავშეფარებული ჩაკურატებული ყავისფერი მოზვერი ჯოგის მოშორებით ძოვდა. იგი საცოხნელით პირგამოტენილი თავს მალლა წვედა და მეთოდურად ამუშავებდა ყბებს, თან ზანტად ჩაფიქრებული ათვალეირებდა ჯუნგლებს. ეგონა, ირგვლივ არაფერი არ იძროდა და მოზვერი ძალიან კმაყოფილი იყო თავისი თავით და მთელი გარემოთი.

მაგრამ უკან რომ შემობრუნებულიყო, გაუქრებოდა ეს კეთილგანწყობა. ბალახი სრულიად უხმაუროდ გაიწვა-გამოიწია და ორი ბოროტი მწვანე თვალი მიაშტერდა მოზვერს. ისინი ეკუთვნოდნენ ტყის მსხვილი ჯიშის ერთ-ერთ წარმომადგენელს, ვეებერთელა ხვად ავაზას. ის თავისი მძიმე ტანით, რომელიც სიდიდით თითქმის არ ჩამოუვარდებოდა ძუ ვეფხვს, მიწაზე გაეკრა ისე, რომ მისი ვარდისფერზოლებიანი ქათიბი ბალახის სხვადასხვა ელფერს შეერწყა.

ნელა და უხმოდ შემოიკეცა ავაზამ უკანა თათები, და მოემზადა თავდასასხმელად, დაძაბულობისაგან კუნთები უთრთოდა, მთელი სხეული კი მსუბუქად ირწეოდა მომაკვდინებელი ნახტომის წინ წონასწორობის შესანარჩუნებლად.

როგორც ჰეჰა-ქუხილმა მოწმენდილ ცაზე, ისე გაიღვია ჰაერში ავაზას მოყვითალო-მოშავო წინწყლებით დაფარულმა მძიმე სხეულმა და სანამ მოზვერი აზრზე მოვიდოდა, თუ რა მოხდა, საშინელი ყვითელი ეშვები ჩაერჭო ყელში. საცოდავი ცდილობდა თავი შეეკავებინა ფართოდ გადგმულ ფეხებზე და შუა ჯოგში შექრას ლამობდა, მაგრამ გამოლადრული ყელიდან სისხლი სჩქეფდა და არ შეეძლო ერთ წამზე მეტს გასძლიანებოდა. უბედური დაემხო მიწაზე და სასოწარკვეთილი ცდილობდა თავის მტრისათვის წიხლები დაეშინა. ავაზა მოხერხე-

პულად იცდენდა დასარტყმელად გამიზნულ წიხლებს და ერთი წუთითაც არ უშვებდა სასიკვდილოდ ჩაფრენილ კბილებს. დაცემულ ცხოველს გაღებულ პირიდან მოკლე ბუყბუყი აღმოხდა, ფეხების მოძრაობა მოუღუნდა, შიშით სავსე თვალები თანდათან ჩაუქრა. რამდენიმე წუთის შემდეგ კიდევ ვათავდა.

ასე დაკარგა მწყემსმა ნათხანმა ერთ-ერთი თავისი საუკეთესო ცხოველი. მოზვერის დაღუპვის წინ ბლავილით დაჭრთხალი ჯოგი მიაწყდა სოფლისაკენ მიმავალ ტყის განაკაფს.

ნათხანის დანაკარგი ამით არ დამთავრებულა: სამი მომდევნო თვის მანძილზე მის ჯოგში მოგუდულ იქნა კიდევ ოთხი ცხოველი და ამდენივე ორი სხვა მწყემსის ჯოგშიც. ავაზამ, ჩანს, გადაწყვიტა, და, არც ისე უსაფუძვლოდ, რომ მიაგნო ადვილმისაწვდომი საკვებით მდიდარ ადგილს. მან უმჯობესად ჰიიჩნია თავი გაენებებინა ტყეში ძნელად სადევნი ნადირისათვის და ბუნაგი დაედო საძოვრების მახლობლად.

დაიწყო მუსონები. ელქექისა და წვიმების შემდეგ ყველავერი ქორფა მცენარეულობით დაიფარა. უკვე აღარ იყო საჭირო პირუტყვის ჯუნგლებში გადენა: ამოვებდნენ მას სოფლის ახლო მინდვრებზე, სადაც თვალყურის დაჭერა ადვილი იყო. ეს მდებარეობა, რასაკვირველია, ჭკუაში არ დაუჭდა ავაზას; ახალ საძოვრებზე არსებულმა პირობებმა აიძულა უფრო მეტად გათავხედებულიყო.

სოფლის ახლოს ტყე მეჩხრდებოდა, მინდვრებზე ხეებია სრულებით არ ხარობდა, ასე რომ ჯოგთან შეუმჩნევლად მიახლოება იოლი არ იყო. ხშირად მწყემსები ავაზას დანახვისას ასტეხდნენ ხოლმე ყვირილს, ქვების სროლას და კომბლების ქნევას. ეს აფრთხობდა მხეცს.

მაგრამ შიმშილი უფრო და უფრო აწუხებდა. ორში ერთი უნდა აერჩია: ან უნდა მოესვენებინა სოფლის ჯოგი, თავი დაენებებინა იოლი საშოვარისათვის და დაბრუნებოდა გარეულ მხეცებზე ნადირობას, ანდა უფრო გაბედულად უნდა ემოქმედა.

ავაზამ აირჩია უკანასკნელი. ერთხელ იგი მიეპარა ჯოგს და ჭიქურ ეძგერა ძროხას. ორი მწყემსი იმყოფებოდა მახლობლად და ხედავდნენ, როგორ უახლოვდებოდათ მტაცებელი,

ისინი ყვიროდნენ, ჯოხებს უღერებდნენ, მაგრამ ამოდ:
ავაზამ არ შიაქცია მათ ყურადღება, შეახტა ძროხას ზურგზე
და ჩააფრინდა ყელში ეშვებით. მწყემსები რამდენივე წუთს
დაიბნენ, მაგრამ როცა ცოცხალმკვდარი ძროხა წაიქცა, ისევ
შეუდგნენ ქვების სროლას და წინწყლებიანი მტაცებლის
გინებას.

და აი მაშინ ავაზამ პირი უშვა ნადავლს, წამოიმართა და
პრისხანედ შეუღრინა ხალხს. სიბრაზისაგან დრუნჩი მოე-
ღრიცა, თვალები სიძულვილით აენთო. ავაზას ბრდღინვა რომ
გაიგონეს და იხილეს მისი შემადრწუნებელი დრუნჩი, მწყემ-
სებს შიშისაგან სისხლი გაეყინათ ძარღვებში და თავშარდაცე-
მულეებმა მოკურცხლეს.

ამის შემდეგ მცხოვრებლებმა ადგილობრივ მეთვალყურეს მიმართეს თხოვნით, დახმარებოდა როგორმე მტაცებლის მოშორებაში, ანდა საიდანმე მოეწვია მონადირე. ამ მეთვალყურეს, რომელსაც ეძახდნენ რამუს, ჰქონდა ცალღულიანი 12 ყალიბის თოფი, დაეანგული ჩახმახით. თუმცა მის მოვალეობაში შედიოდა ბრაკონიერებთან ბრძოლა, მაგრამ მას თვითონ უყვარდა თოფით ხელში წყალსატევთან ან ბიცობ ნიადაგზე ჩამოჯდომა და ირმის ან შემთხვევით შეხეტებული ტაჩის დაქრა. რამუ ცდილობდა, ხელქვეით მეტყევეებს არ შეეტყოთ მისი ბნელი საქმეები, მაგრამ როცა ამას ვერ ახერხებდა, მაშინ, ხმა რომ ჩაეკმიდათ, მოისყიდდა მათ მოკლული ნადირის ცვრიანი ხორციით ან განუწყვეტლივ ეშუქებოდა, შავი დღე დაგიდგებათ, თუ ჩემს შესახებ რაიმე ცნობა მიაღწევს ტყის ოფიცრის* ყურამდგომ. მიუხედავად ამისა, ოფიცერმა პაინც შეიტყო რამუს საყვარელი დროსტარების შესახებ. ის კეთილსინდისიერი ახალგაზრდა მოხელე გახლდათ ნადირთა დაცვის წესების გულმოდგინე შემსრულებელი და ნიადაგ ცდილობდა თავისი ხელქვეითი დანაშაულზე მიესწრო. მაგრამ ეს უკანასკნელი ახერხებდა სუფთად ჰქონოდა თავისი ნამსაურობის ნუსხა. ან რამუ იყო ძალზე მოხერხებული, ანდა მისი მოქარა მოქმედებდა მეტყევეებზე. ასე იყო თუ იაე, ტყის

* სატყეოს ხელმძღვანელი მოხელე ინდოეთში.

ოფიცრის ყოველგვარ ცდას ჭერჭერობით წარმატება არ მოჰყოლია.

მანამდე რამუს არასოდეს არ გამოუყენებია თავისი იარაღი მსხვილი მტაცებლის წინააღმდეგ და ნათხანის თანასოფლელთა თხოვნამ ავაზას მოკვლის შესახებ მასში დაბნეულობა გამოიწვია. მაგრამ თანასოფლელნი დაჟინებით მოითხოვდნენ ამას და სულ მალე მიხვდა რამუ, რომ მისი ღირსება და სახელი განწირულია. მას ხომ აღარ შეეძლო უსაზღვროდ გაეჭიანურებინა დრო, მოემიზებებინა მოუცლელობა, ვაზნების უქონლობა, ან კიდევ სხვა რამ.

და აი, ერთხელ დილით რამუ თოფით ხელში სოფელში გამოჩნდა. მცხოვრებლები მას, როგორც მხსნელს, აღფრთოვანებით შეხვდნენ. მან უმაღვე ისარგებლა თავისი მდგომარეობის უპირატესობით და მიუჭდა გლეხების მიერ უხვად გაწყობილ სუფრას. ნოყიერ საკმელს ბლომად ყავა დააყოლა. სიამოვნებით დააბოყინა და განაცხადა, რომ განზრახული აქვს ერთი საათით წაიძინოს.

ორი საათის შემდეგ გაღვიძებულმა, როცა შუადღე უკვე გადასული იყო, სოფლის მამასახლისს მისატყუარისათვის მოსთხოვა თხა და მისი მიღების შემდეგ, ხუთი თუ ექვსი გლეხის თანხლებით გაეშურა ჭუნგლებისაკენ.

რადგან ეს უბანი რამუს რაიონში შედიოდა, მან კარგად იცოდა მისი ადგილმდებარეობა და წინასწარ შეარჩია ხე. რომელზეც მაჰანი უნდა მოეწყო.

ეს იყო გზისა და განაკაფთან ცოტა მოშორებით ამართული ვეებერთელა ლედვის ხე. განაკაფს მახლობლად კვეთდა ნაკადულის ამომშრალი კალაპოტი. ავაზა სარგებლობდა სამივე გზით, აჰას ადასტურებდა მისი ნაკვალევის ხშირი ანაბეჭდები. რამუმ შეარჩია ძალზე მოხერხებული ადგილი: ავაზას განაკაფის ან ნაკადულის კალაპოტის გასწვრივ რომ გაეცლო, შეიძლებოდა მიბმული თხის სუნი არ ეკრა. მაჰანში მყოფი რამუ კი კარგად ხედავდა ორივე მისასვლელსა და გზის ნაწილსაც.

რამუმ უბრძანა თავის თანამგზავრებს მოეწყოთ მაჰანი მიწიდან დაახლოებით ოცი ფუტის სიმაღლეზე, ხოლო თვითონ ისე კარგად შენიღბა ფოთლებით, რომ ავაზას არასგზით არ შეეძლო მისი შემჩნევა.

მუშაობა დამთავრდა მხოლოდ საღამოს ხუთ საათზე. რამე აძვრა მაპანში; ხოლო თხა ბაწრით მიაბეს მიწაში ჩასობილ პალოზე.

სოფლის მცხოვრებლები წავიდნენ. თხამ იგრძნო, რომ მარტო დარჩა, მიაშტერდა სოფლისაკენ მიმავალ გზას და ხმამაღლა დაიკიკინა. ყველაფერი ისე კარგად გამოვიდა, რომ უკეთესი არ შეიძლებოდა: ავაზამ გაიგონა თხის ხმა, და დაახლოებით საღამოს ექვს საათზე, როცა ჭერ კიდევ დღის ძალი იყო, თავს დააცხრა თხას, ყელში სწვდა და მიწაზე დასცა. რამუმ მსხვილი საფანტით გატენილი თოფი ესროლა. გაისმა ხველებისმაგვარი ხმამაღალი ხმაური და სანამ ავაზა ტევრში მიიმალებოდა, ჰაერში გადატრიალდა. ნახევრად გაგუდულ, ჭრილობებისაგან მომაკვდავ თხას ბოლო მოუღო ყურიდან ტვინში გასულმა საფანტმა.

ცოტა ხნის შემდეგ რამე ჩამოვიდა ლედვის ხიდან და მიაშურა სოფელს, მან დაარწმუნა მცხოვრებლები, რომ მოარტყა ავაზას, რომელსაც ისინი მეორე დღეს უეჭველად ნახავდნენ მკვდარს.

გარიყრაზე გლეხების დიდი ჯგუფი რამუსს მეთაურობით გაეშურა ლედვის ხისაკენ. მათ ნახეს, რომ თხის ლეში შეექპამა აფთარს. რამუმ აჩვენა. რა მიმართულებით მიიმალა ავაზა და ტევრი გულდასმით გაჩხრიკეს. მალე მიაგნეს ლანტანის ბუჩქებსა და ფოთლებზე სისხლიან ნაკვალევს. რომელიც ცხადპყოფდა, რომ ავაზა ნამდვილად იყო დაჭრილი. მაგრამ მტაცებლის აღმოჩენა მაინც ვერ მოხერხდა, თუმცა ხალხი ერთ მიღზე მეტს მიყვებოდა სისხლიან ნაკვალევს. ვიდრე იგი არ გაუჩინარდა.

ამის შემდეგ, ორი თვის განმავლობაში არც ერთი თავდასხმა პირუტყვზე არ მომხდარა და ყველანი, მათ რიცხვში რამუც, დარწმუნებული იყო, რომ ავაზა შევიდა ტევრში და იქ მოკვდა.

ერთ საღამოს თექვსმეტი წლის ყმაწვილი იმავე განაკაფით ბრუნდებოდა სოფლად სახლში. გზის მოსახვევთან რომ მივიდა, ოცდაათი იარდის მოშორებით დაინახა დაყუნტული ავაზა, რომელიც პირდაპირ მას მისჩერებოდა. ყმაწვილი შედგა, ეგონა, იგი მიიმალებოდა ისე, როგორც ამას გააკეთე-

ბდა მის ადგილას ყველა სხვა ავაზა. მაგრამ ის ასე არ მოიქცა: მოირკალა და ღვარძლიანად დაიღრინა.

ბიჭი მობრუნდა და გაიქცა. ავაზა უკან დაედევნა. მხეცა მსხვერპლს ზურგზე შეახტა, მან მიწაზე დაცემისას დაინახა განაკაფზე დაგდებული ხმელი როკი. შიშმა და სასოწარკვეთილებამ ყმაწვილს გამბედაობა და საზრიანობა შემატა. მან დასტაცა როკს ხელი, გადაბრუნდა გვერდზე და როკის ბოლო ხახაში ჩასცა ავაზას. მხეცი იძულებული იყო გაეშვა თავისი მსხვერპლი. ბიჭი ფეხზე წამოვარდა და განმეორებით დასცხოკეთი ცხოველს. მოულოდნელმა თავდასხმამ დააფრთხო ავაზა და იგი ბუჩქებში გადახტა.

ხელფეხდაკაწრული, სისხლში მოსვრილი ბიჭი ბარბაცით გაიქცა სოფლისაკენ ისე, რომ ხელიდან არ გაუგდია მისი სიცოცხლის მხსნელი როკი.

ასე იქნა ჩადენილი პირველი თავდასხმა ადამიანზე, მეორე თავდასხმა მოხდა სამი კვირის შემდეგ. მაგრამ ამჯერად ავაზა არ გაქცეულა. სალამო ხანს, როცა მწყემსი თხის არვეს მიერეკებოდა, ერთ-ერთ თხას თავს დაესხა ავაზა. მწყემსი ღარიბი იყო, არვე შეადგენდა მთელ მის სიმდიდრეს. თხის გადასარჩენად, ყვირილითა და კომბლის ქნევით გაექანა ის ავაზასაკენ. ეს იყო გაბედული, მაგრამ წინდაუხედავი მოქმედება, რადგან მწყემსმა იცოდა, ამ ცოტა ხნის წინათ, ავაზა თავს დაესხა გზაზე წყნარად მიმავალ ადამიანს. თავისი უგუნური გამბედაობა კი მას სიცოცხლის ფასად დაუჯდა: ავაზამ თავი მიანება თხას, შეახტა მწყემსს და ყელში ჩააფრინდა.

თხები მიცივდნენ სოფელში. არვეს უმწყემსოდ დაბრუნება დიდად არავის გაჰკვირვებია. მწყემსი განმარტოებით ცხოვრობდა, ნათესავები მას არ ჰყავდა, და ერთი საათის შემდეგ, როცა ბინდებოდა, მეზობლებმა მხოლოდ მაშინ მოისაკლისეს, მაგრამ უკვე ძალზე გვიან იყო, რომ რაიმე ელონათ.

დღით კეტებითა და ჯოხებით შეიარაღებული ოცდაათი კაცი გაეშურა მწყემსის საძებნელად. წინა დღით გამოქცეული თხის ჯოგის მიერ დატოვებული ნაკვალევი მკაფიოდ აჩნდა ბილიკს, ხალხი მალე მივიდა იმ ადგილზე, სადაც ავაზა თავს დაესხა მწყემსს. სილიან მიწაზე ნათლად აღბეჭდილიყო ვე-

ებერთელა კატის თათები. ასევე გარკვევით აჩნდა ავაზას მიერ ნათრევი სხეულის ნაკვალევი. აქა-იქ მიწაზე სისხლის რამდენიმე წვეთი იყო, ხოლო ბილიკს გადაღმა მზისგან გამოფიტულ მაგარ ნიადაგს ხარბად შეესრუტა სისხლი და ძნელი იყო ნაკვალევის მიგნება.

როგორც ჩანს, ავაზას გადაეთრია თავისი მსხვერპლი გზიდან და წაეღო ჭუნგლებში, მაგრამ შორს არ წასულიყო: ასი იარდის* გავლის შემდეგ გლეხებმა აღმოაჩინეს უბედური მწყემსის გვამი, რომელსაც გამოკმული ჰქონდა გულმკერდი და ბარძაყის მცირე ნაწილი.

ასე გამოჩნდა კაციჭამია ელაგირიდან.

ელაგირი მდებარეობს ჯალარპეტის აღმოსავლეთით რკინიგზის კვანძის სამხრეთის ხაზზე და წარმოადგენს ნახევარმთვარის მსგავს მთაგრეხილს. „ნახევარმთვარე“ თავისი შეზნექილი გვერდით მიმართულია სადგურისაკენ, საიდანაც ასი მილის მანძილზე მისი მწვერვალი ცერადაა ატყორცნილი ზღვის დონიდან დაახლოებით სამი ათასი ფუტის სიმაღლეზე. მკვეთრად მიხვეულ-მოხვეული, მეტად ოღრო-ჩოდრო ბილიკი გარშემო უვლის ციცაბო ფერდობს ისე, რომ ზოგ ადგილას მსხვილ რიყის ქვებზე გადის.

მრავალი წლის წინათ, 1941 წელს ამ მთაგრეხილს ზემოთ შევიძინე რამდენიმე აკრი** მიწა. ბანგალურიდან ის დაახლოებით ორმოცდათხუთმეტ მილზე მდებარეობდა და განზრახული მქონდა, კვირის ბოლო დღეები იქ გამეტარებინა, მაგრამ ამას იშვიათად ვახერხებდი. ამის შედეგად უპატრონოდ მიტოვებულ მიწას საშინლად მოდებოდა ლანტანი.

და აი, ახლა გადავწყვიტე გამეტარებინა ფერმაში სამი დღე, რომ ყურადღება მიმექცია ნაკვეთის გაწმენდისათვის. მალე ჩავედი მწყემსის დაღუპვის შემდეგ, და ჩემ მიერ დაჭირავებულმა მუშებმა მიაძებეს ავაზას შესახებ, რომელზეც გაზეთები არაფერს იუწყებოდნენ. მუშები მარწმუნებდნენ, რომ ავაზა ხანგამოშვებით გამოჩნდებოდა ხოლმე სოფლის გარეუბანში: დიდი ხანი არაა, რაც ენახათ მისი ნაკვალევი.

* იარდი=0,9 მეტრს.

** აკრი=0,4 ჰექტარს.

ამ ისტორიამ დამაინტერესა და გავიფიქრე. რომ კარგი იქნებოდა მეცადა ამ ნადირის მოკვლა. სანადირო თოფებიდან თან მქონდა წამოღებული 12 ყალიბის ფილთა თოფი: ელაგირი საესეა გარეული ფრინველით და წინათ, როცა ჩამოვდიოდი ხოლმე აქ, ვხოცავდი რამდენიმე ფრინველს სუფრისათვის. ფრინველისათვის განკუთვნილ მეექვსე ნომერ საფანტის გარდა ყოველ შემთხვევისათვის თან წამოვიღე ორი გასროლა ფინდიხი. მართალია, მსხვილი საფანტის მხოლოდ ორი გასროლა მქონდა, მაგრამ ავაზასათვის ზუსტად უნდა მომეხვედრებინა ნიშანში.

შუადღის ხანს შევწყვიტე მუშაობა და შევუდექი ადგილის გამოკვლევას. ყველაფერი ისე იყო, როგორც მოველოდი. ჭუნგლები გადადიოდა სოფელზე მიკრულ მინდვრის მოსახლდვრე ლანტანის ბუჩქნარის ვიწრო ზოლში. ერთ-ერთი მინდვრის განაპირას მიმავალ ბილიკზე ცხადად ჩანდა ჭერ კიდევ წინა დამით გავლილი, საკმაოდ მოზრდილი, მსხვილი მამალი ავაზას ნაკვალევი.

მე გავეშურე სოფელში და, წარვუდექი პატელს*, რომელსაც არასდროს არ შევხვედროდი, აუფხსენი ჩემი მისვლის მიზანი. მას ძალზე გაეხარდა და აღმითქვა ყოველმხრივი დახმარება. განვსაჯეთ მდგომარეობა და მე ვუთხარა, რომ, პირველ ყოვლისა, მინდოდა მეყიდა თხა მისატყუარისათვის.

აღმოჩნდა, რომ ამ საქმეში პატელის დახმარება აუცილებელია, რადგან ადგილზე თხის შეძენა შეუძლებელი იყო. ბოლოს, როგორც იქნა, მეზობელ სოფელში ვიყიდეთ ისე პატარა ციკანი, რომ ეჭვი არ გვეპარებოდა. იგი კაკანს მორთავდა. პატელმა და ოთხმა გლეხმა გამაცილეს: ერთს მოჰყავდა ციკანი, დანარჩენებს კი ნაჯახები მოჰქონდათ მაჰანის გასაყეთებლად.

მათ მიმიყვანეს იმ განაკაფთან, სადაც ავაზა თავს დაესხა მწყემსს და შემდგომ იქ, სადაც აღმოაჩინეს უბედურის ნეშტი. ეს ადგილი დაფარული იყო „მადრასის კუნელის“, ანუ „კორკაპულის“ სახელწოდებით ცნობილი ხშირი წვრილი ჩირგვნარით. მიწაზე სახუნდარის მოწყობაზე ფიქრიც კი ზედ-

* მამასახლისი.

მეტი იყო, რადგან კუნელის ბუჩქები ისე ხშირი იყო, რომ ცხოველის დანახვა შეიძლებოდა მხოლოდ ორი იარდის მანძილზე. ამიტომ დაახლოებით მეოთხედი მილის მანძილზე უკან დაბრუნება მოგვიხდა.

ჩვენ მივადექით ვეებერთელა პურის ხის სქელი ფოთლებით დაფარულ მშვენიერ, საუცხოოდ გაშლილ გვირგვინს, რომელიც, გეგონებოდათ, სახუნდარის მოსაწყობადააო შექმნილი: პირველი ტოტი შტამბიდან დაახლოებით რვა ფუტის სიმაღლეზე ჰქონდა აზიდული. მესამე ზედ გზაზე იყო გადმოშვებული. ჩემს თანამგზავრებს ვუბრძანე სწორედ მასზე თხუთმეტი ფუტის სიმაღლეზე გაეკეთებინათ მაჰანი.

მათ მოჭრეს მეზობლად მდგარი ხის წვრილი ტოტები, გასხიპეს ფოთლები, დააწყვეს ორკაპ ტოტზე და მიამაგრეს მას ხვიარა მცენარეების ლერწებით. მალე მზად იყო დაახლოებით ოთხი ფუტი სიგრძისა და სამი ფუტი სიგანის, საკმაოდ დიდი ბაქანი, რომ იქ მოვთავსებულიყავი. შემდეგ გლეხებმა ყოველი მხრიდან შენიღბეს მაჰანი რტოებით. ბაქანი საიმედოდ დაეფარეთ, რომ ავაზას, მაჰანის ქვეშაც რომ გაჩერებულიყო, არ შეემჩნია შიგ მჯდარი კაცი ან სხვა რამ უჩვეულო, რაც მას ეჭვს აღუძრავდა.

ერთ-ერთ ჩემს თანამგზავრს ვუბრძანე გამოეჭრა პალო, წაეწვეტა ბოლო და ქვით ჩაესო მიწაში ოც ფუტზე მეტი მანძილის მოშორებით მაჰანიდან. მე ხომ მარტო ფილთა თოფი მქონდა.

დაახლოებით ხუთ საათზე, როცა ყველა სამზადისს მოვრჩით, ავედი მაჰანში და გავწი-გამოვწიე ფოთლები ისე, რომ გარკვევით დამენახა ციკანი და მის გარშემო მიწის პატარა ნაკვეთი.

რადგან მსხვილ მხეცზე ნადირობას არ ვაპირებდი, თან არ წამომიღია თოფის ლულაზე მისამაგრებელი ნათურა. მქონდა მხოლოდ ორი ბატარეით მომუშავე პატარა ნათურა, რომლითაც ვსარგებლობდი ხანმოკლე შესვენებების დროს ლაშქრობისას. იგი აირეკლავდა გაფანტულ სინათლეს და სრულიად გამოუსადეგარი იყო ჩემი ამოცანისათვის. თანაც სამაგრის უქონლობის გამო მიზნდებოდა ფარნის მარჯვენა ხელში დაჭერა თოფის ლულის ახლოს. ამ დროს უმთვარო ღამეები იცის და

ავაზა რომ გამოჩენილიყო, სიბნელეში მისი ადგილსამყოფელის განსაზღვრა მხოლოდ ხმაურით ან გუმანით შემეძლო.

გავითვალისწინე რა ყველაფერი ეს, ვცადე მოხერხებულად მოვწყობილიყავი მაჰანზე. შემდეგ ვუბრძანე გლეხებს მიებათ ციკანი პალოზე და ხმამაღლა საუბრით დაბრუნებულ იყვნენ სოფელში. ეს აუცილებელი იყო არა მარტო იმისათვის, რომ გვეიძულებინა ციკანი ხმამაღლა აკიკინებულიყო, როცა ადამიანების წასვლას შეიგრძნობდა, არამედ იმისთვისაც, რომ ავაზას ყურადღება მიგვეპყრო.

ჩემმა თანამგზავრებმა ყველაფერი ისე შეასრულეს, როგორც ნაბრძანები მქონდა. ციკანი გამოუდგა მათ უკან, დაჭიმა თოკი და ისეთი ხმამაღალი კიკინი მორთო, რომ სიხარულმა ამიტანა, აღარ ვეჭვობდი, თუ კი ავაზა სადმე მახლობლად იყო, უთუოდ გაიგონებდა კიკინს და გამოეჭანებოდა ნისტვის განკუთვნილ მსხვერპლისაკენ.

მაგრამ ყველაფერი პირიქით წარიმართა. ციკანი ისე ხმამაღლა კიკინებდა, რომ მზის ჩასვლისას ხმა უკვე ჩახლეჩილი ჰქონდა და ყელიდან რალაც ხრინწიანი წრიპინის მაგვარი ხმა ამოსდიოდა. დაბინდებისას თითქოს ბედს დაემორჩილა—ღამე ტყეში გაეტარებინა, დაწვა მიწაზე და დაიძინა. ახლა ავაზას შეეძლო მისი აღმოჩენა მხოლოდ იმ შემთხვევაში, თუკი ახლოს გავლისას პირდაპირ თავს წაადგებოდა მას. მე მაინც გადავწყვიტე, დავლოდებოდი ცხრა საათამდე.

შემდეგი ორნახევარი საათი არაფრით განსხვავდებოდა იმისაგან, რომელიც მე ჭუნგლებში გამიტარებია. ტყის ბინადარ ფრთოსანთა ხმები დიდი ხანია რაც მიწყდა. სიჩუმეს ხანგამოშვებით არღვევდა მწყემსი-ფრინველის ჩუმი, მაგრამ ყურთასმენის წამლები ყვირილი, რომელიც მწყემსების მიერ ტყეში საძოვარზე გაშვებული ჯოგის მომხმობ ხმას მომაგონებდა, აქედანაა მისი სახელწოდებაც. დაახლოებით რვა დუიმის ზომის ეს ნაცრისფერი ღამის ფრინველი, როგორც ჩანს, ბინადრობს მხოლოდ ჭუნგლებში, ანდა უშუალოდ მათ მახლობლად: ყოველ შემთხვევაში, არ მქონია შემთხვევა შევხვედროდი მას დასახლებულ რაიონებში.

მეტი არაფერი შემიძლია გიამბოთ, გარდა იმისა, რომ ათის

თხუთმეტ წუთზე გადავწყვიტე დამეტოვებინა ჩემი საგუშაგო. მივანათე ფარანი, მაგრამ გაფანტულმა სხივებმა ძლივს მიაღწია მძინარე ციკანმდის, რომლის ბუნდოვანი აღნაგობის გარჩევა შეეძელი მას მერე, როცა ის ფეხზე წამოხტა. ავაზა რომ ციკანს დასხმოდა თავს, მე ვერც კი დავინახავდი მას. თავს იმით ვინუგეშებდი, რომ შესაძლოა უმჯობესიც კი იყო, ავაზა რომ არ გამოჩნდა. ჩამოვედი ხიდან, ავუშვი ციკანი, წავიყვანე უკან სოფელში და დავუტოვე ერთ-ერთ გლეხს, რომელიც მაჰანის მოწყობაში გვეხმარებოდა.

დილაადრიან დავბრუნდი კვლავ სოფელში, რომ დამატებითი ცნობები შემეკრიბა, მაგრამ არავინ იცოდა, საიდან გაჩნდა ავაზა და სად შეიძლებოდა ყოფილიყო მისი ბუნაგი.

ჩემს ფერმაში მუშაობა კიდევ სამ დღეს გრძელდებოდა და ყოველ საღამოს რამდენიმე საათს ვატარებდი მაჰანში. მისატყუარისათვის ვიყენებდი სხვადასხვა თხას. მაგრამ თან მსდევდა წარუმატებლობა — ავაზას ხმაც კი არ გამოგონია. დილაობით ვათვალისწინებდი მაჰანის მიდამოებს, განაკაფებს და ნაკადულის ნაპირს, მაგრამ ახალ ნაკვალევს ვერსად ვერ ვნახულობდი. ამ დამეების განმავლობაში იგი აქ არ ყოფილა. შესაძლებელია ავაზა გადავიდა ელაგირის შორეულ კუთხეში.

მეოთხე დღეს პატელს დავუტოვე ბარათი, ჩემი მისამართით, გვართ, დეპეშის გამოსაგზავნი ფულით და წავედი ბანგალურში.

თვეზე მეტა გავიდა, დეპეშა არ ჩანდა, გადავწყვიტე, რომ ან ავაზა არ მიეჩვია კაციჭამიობას, ანდა ელაგირიდან დაეშვა, გადაკვეთა მინდვრები და ჯავადის მთების უფრო ვრცელ ტყეებს შეაფარა თავი.

უკანასკნელმა ამბებმა დამარწმუნა, რომ ეს ასე არ იყო.

გავიდა შვიდი კვირა, მე უკვე გადამიწყდა დეპეშის მიღების იმედი, რომ იგი მოულოდნელად მოვიდა. მამასახლისი მატყობინებდა, ავაზამ მოჰკლა წერილების დამტარებელი, რომელსაც რკინიგზის სადგურ ჯალარპეტიდან მთების მწვერვალზე განლაგებულ სოფლებში ფოსტა დაჰქონდა.

დეპეშა ნაშუადღევს სამ საათზე მივიღე, მაგრამ მაინც მივეუსწარი საღამოს შვიდ საათზე ბანგალურიდან გამავალ ტრიჩინოპოლის ექსპრესს და თერთმეტის ნახევარზე უკვი

ჯალარპეტში ვიყავი. პეტრომაქსის სატარებელი ელვა-ლამპის კაშკაშა სინათლემ ხელი შემიწყო გადამელახა რეამილიანი აღმართი სადგურიდან სოფლამდე, სადაც ლამის ორ საათზე მივედი. სხვა დროს ღამით ვერ გავებდავდი ოღრო-ჩოღრო, ციცაბო და მსხვილი რიყის ქვით მოფენილ გზაზე სიარულს, რადგანაც ვიცოდი. კაციჭამია ავაზა მის მიდამოებში დაეხეტებოდა. თუმცა დარწმუნებული ვიყავი, რომ ვიდრე ჩემი პეტრომაქსი გზას მინათებდა, შეიძლებოდა თავდასხმის შიში არ მქონოდა.

ზურგზე აკიდებული 405 ყალიბის თოფი, საბარგო ჩანთა, თავისი მოწყობილობით, და ამასთან მარცხენა ხელში ლამპა შეადგენდა ფრიად მძიმე და მოუხერხებელ, არც თუ იოლად სატარებელ ტვირთს ციცაბო ბილიკზე, და სანამ მწვერვალზე ავიდოდი, მთლად ზღელში გავიღვარე. აქედან კიდევ ერთი მილი დარჩა სოფლამდე გასავლელი და ვიდრე იქამდე მივალწევდი, გარიყრაყის ცივმა ნიაგმა შემიშრო ტანსაცმელი.

გავადვიძე მამასახლისი, რომელმაც ფეხზე დააყენა თითქმის მთელი სოფელი. უმალვე ჩემს გარშემო თავი მოიყარა შავგვრემანმა ხალხმა, რომელთა თეთრი კბილები თვალისმომპკრელად კაშკაშებდა პეტრომაქსის სინათლეზე.

ჩემდათავად თითქმის არაფერი მქონდა სათქმელი. ჩემი წასვლის შემდეგ მთელი დღე ყველა ფრთხილად იყო, განსაკუთრებით ის, ვინც ტყის ახლო ცხოვრობდა, დამე კი საერთოდ არავინ გამოდიოდა სახლიდან გარეთ. გავიდა რამდენიმე კვირა. ავაზა არსად გამოჩენილა და, როგორც ყოველთვის ხდება ხოლმე ასეთ შემთხვევაში, სიფხიზლე თანდათან მოადუნა ყველამ.

ჩვეულებრივად წერილების დამტარებელი გამოდიოდა ჯალარპეტში სადგურის გვერდით მდებარე პატარა საფოსტო განყოფილებიდან დაახლოებით დილის 6 საათზე. ყველა საფოსტო მატარებელი ბანგალურიდან, მადრასიდან და კალიკატიდან, ჯალარპეტის გავლით, დამე გადიოდა. ელაგირისათვის განკუთვნილი კორესპონდენცია შედარებით პატარა იყო და საფოსტო მატარებლის გადამრჩევლები სოფლის მისამართზე გამოგზავნილ მცირერიცხოვან წერილებსა და ამანათებს ყრიდნენ ტომრებში და ჩამოაგდებდნენ ხოლმე სადგურში. წერი-

ლების დამტარებელი გადაალაგებდა მათ ერთ ჩანთაში, რომელიც მხარზე ან კისერზე გადაკიდული მიჰქონდა.

ერთადერთი მისი იარაღი, რომელიც იმდენად დაცვის საშუალებას კი არ წარმოადგენდა, რამდენადაც თანამდებობის სიმბოლოს, და აგრეთვე გველების დასაფრთხობ თავისებურ სამარჯვს, იყო ტარზე რგოლებჩამოცმული მოკლე შუბი. წერილების დამტარებელს ეკავა იგი ხელში და რამდენიმე ნაბიჯის გადადგმის შემდეგ ურტყამდა მიწაზე. რგოლები ხმამალა ჟღარუნებდა და ჩხარუნებდა, რითაც თითქმის ასი წელია იცნობდნენ ინდოეთში ფოსტალიონს.

ამ საბედისწერო დღეს წერილების დამტარებელი ჩვეულებრივ სისხამ დილით გამოვიდა ჯალარპეტიდან, მაგრამ მთის მწვერვალამდე მაინც ვერ მიადწია. ყოველდღე მის მოსვლას მიჩვეულ სოფლის მცხოვრებლებს იმ დღეს არ გაუგონიათ მთავარ ქუჩაზე ჟღარუნი, რომელიც ფოსტალიონის გავლას ახლდა თან, მაგრამ ჩვეულებისამებრ აღმოსავლური დაუდევრობის შედეგად არ მიაქციეს ამას ყურადღება.

ნასადილევა რამდენიმე კაცი გაემგზავრა ჯალარპეტს. დაახლოებით გზის მეოთხედი ექნებოდათ გავლილი, რომ ღორღიან გზაზე შეამჩნიეს სისხლცს ლაქები. შეჩერდნენ, რომ გამოერკვიათ, რაში იყო საქმე. უეცრად ერთ-ერთი თანამგზავრის მახვილმა თვალმა გზის გადაღმა ბუჩქის ახლო შეამჩნია წერილების დამტარებლის შუბი. მიხვდნენ, რაც მოხდა და მიაშურეს სოფელს დახმარებისათვის. შემდეგ კვლავ დაბრუნდნენ გზაზე და ბოლოს იპოვეს უბედურის ნახევრადშეჭმული გვამი.

პატელმა გაგზავნა იგივე გლეხები ჯალარპეტში, რომ ჩემთვის გამოეგზავნათ დეპეშა. დეპეშა მეორე დღეს მივიღე, თუმცა ჯალარპეტიდან ბანგალურამდე სულ რაღაც ოთხმოციოდე მილია.

გლეხებმა მიაშვეს აგრეთვე, რომ ჯალარპეტის საპოლიციო ხელისუფლებმა წაიღეს გვამი გამოძიებისა და კრემაციისათვის. მხოლოდ დილის ხუთი საათისათვის შევკრიბე ყველა საჭირო ცნობა, უფრო სწორად, რაც პატელმა და ადგილობრივმა მცხოვრებლებმა იცოდნენ ავზას შესახებ. პატელმა მათხოვა თავისი სამგზავრო საწოლი, რომელიც წავიღე სოფ-

ლის განაპირას და დავწყეჩი იქ, რათა გათენებამდე დარჩენილი ორი საათით დამესვენა. გამალვიდა ხმამალალმა ყეფამ ორი ნაგაზისა, რომლებიც აშკარად ექვის თვალით და უკმაყოფილოდ მათვალეებდნენ მეცა და ჩემს საწოლსაც.

ელაგირის ახლოს არ იყო ნამდვილი ჯუნგლები, მაშასადამე არ იყვნენ არც ტყის ტომები. ამიტომ საკუთარი თავისა და გლეხების იმედით უნდა ვყოფილიყავი.

დილაადრიან დავიწყე გამოკითხვა, თუ სად შეიძლებოდა ყოფილიყო ავაზას ბუნაგი. ზუსტი პასუხი ვერ მივიღე, თუმცა ორი მწყემსი მარწმუნებდა, რომ ავაზა რამდენიმე კვირის განმავლობაში სამჯერ თუ ოთხჯერ ენახათ პერაიამალაის (რაც დიდ მთას ნიშნავს) შვერილზე გაწოლილი, მზეზე რომ თბებოდა. ელაგირთან მთავრდება ზეგანი და მასზე პერაიამალაის ერთადერთი მწვერვალია აღმართული. მისი სიმაღლე ოთხი ათას ხუთას ფუტს აღწევს ზღვის დონიდან.

დავბრუნდი კვლავ პატელის სახლში. მან მალე გაიღვიძა და დიდი ჩუმბოთი — წყლის ქვების ფორმის მრგვალი სპილენძის ჭურჭლით შემომთავაზა ცხელი რძე. ვთხოვე, მოეყვანა პერაიამალაიზე ავაზას მნახველი მწყემსები და გავეცილებინე შვერილამდე, რომელსაც, მათი სიტყვებით, ავაზა ხშირად მოინახულებდა ხოლმე. მწყემსები, ძალიან უკმაყოფილონი და აშკარად დამფრთხალნი, მაშინვე არ დამეთანხმნენ. პატელს დასჭირდა საკუთარი დამარწმუნებელი მეთოდების გამოყენება და დამუქრებაც კი, რომ თუ უარს იტყოდნენ, სამაგიეროს გადაუხდიდა მათ. ბოლოს მხოლოდ ამის შემდეგ შევძელი გავდგომოდი გზას.

პერაიამალაი მდებარეობს სოფლიდან აღმოსავლეთით დაახლოებით სამ მილზე იმ ადგილიდან, სადაც საცოდავი წერილების დამტარებელი მოკლა ავაზამ. მთამდე ხუთ მილზე დამუშავებული ყანებია. ჯუნგლები, რომლებიც პერაიამალაის ფარავს, აქ უკან იხევს და ძირს ეშვება ელაგირის ფერდობზე „ნახევარმთვარის“ იმ ნაწილში, რომელიც ჩრდილოეთისაკენ არის მიმართული. ყველაფერი ეს სრულიადაც არ მახარებდა, რადგან საფუძველი მქონდა მევარაუდა, რომ მწყემსებს შეეძლოთ დაენახა სხვა ავაზა და არა წერილების დამტარებლის მკვლელი.

პერაიამალაის მთის ძირთან რომ მივედით, ჩემმა თანამგზავრებმა მაჩვენეს თითქმის სამასი ფუტის სიმაღლეზე აღმართული კლდის შვერილი. ლანტანის ხშირი შამბნარი ფარავდა დაახლოებით პერაიამალაის ფერდობის ნახევარს შვერილის ძირამდე, საიდანაც უკვე ნამდვილი ტყე იწყებოდა. აქ ხდებოდა ის, რაც ხშირი მოვლენაა სამხრეთ ინდოეთის ტყეებში—პარაზიტული ლანტანის შამბნარი ნელა, მაგრამ ღრმად იჭრება ჭუნგლებში და ახმობს ხეებს. ელაგირის მთაგრეხილის მსგავსად პერაიამალაი კლდოვანი მთაა, რომლის ფერდობზე ხავსმოდებულ ლოდებში, კლდის ნაპრალებსა და გაუვალ შამბნარში ავაზას ძებნა უიმედო საქმე იყო.

ამიტომ დავკმაყოფილდი იმით, რომ ამოვირჩიე მთისძირას ამოსული ხე, და მერე დავბრუნდი სოფელში მისატყუარისათვის. პატელმა მომიყვანა ვირი. ამ შემთხვევაში თხა არ გამოდგებოდა, რადგან არ ვაპირებდი სახუნდარში ჯდომას. გარდა ამისა, ავაზას თხა რომ მოეკლა, შეჭამდა ერთ წამში, მაშინ როცა იგი ვირს ვერ მოერეოდა შესაჭმელად ერთ ჯერზე და მეორე ღამეს დაბრუნდებოდა ნარჩენების მისართმევად. მაგრამ თხასთან შედარებით ვირს ერთი ნაკლი აქვს, ის არ კიკინებს.

მე ვვარაუდობდი, თუკი ავაზა მთაზე ბინადრობს სადმე, მაღლობიდან უთუოდ დაინახავს ვირს-მეთქი. ამიტომ ავიღე მაგარი ბაწარი და ვუბრძანე მწყემსებს, ჩემს მიერ დანიშნულ ხეზე მიემათ ვირი.

ამის შემდეგ პატელი და სამი თუ ოთხი გლეხი წამოვიდნენ იმ ადგილის საჩვენებლად, სადაც წერილების დამტარებელი იქნა მოკლული. იგი მდებარეობდა სოფლიდან ნახევარ მილზე, სწორედ იქ, სადაც ჯალარპეტიდან მიმავალი გზა გადის ლანტანებსა და ლოდებს შორის. მართალია, მე აქ გავიარე გასულ ღამეს, როცა მთაზე ავდიოდი და ნათურით გზას ვინათებდი, მაგრამ სისხლის ლაქები არ შემიმჩნევია. ეს, უეჭველად, კარგიც იყო, თორემ ჩემი მშვიდი განწყობილებიდან ნასახიც არ დარჩებოდა.

როგორც უკვე ვთქვი, წერილების დამტარებლის გვამი გადატანილ იქნა ჯალარპეტში კრემაციისთვის, ამიტომ დაყოფ-

ნებას არავითარი აზრი არ ჰქონდა — ვინაიდან რაიმე ახლის მიკვლევას, სულ ერთია, ვერ მოვახერხებდი.

ბილიკიდან ზევით დაახლოებით სამასი იარღის მანძილზე ხარობდა კაკლის ხე კეშიუ; პატელს ვთხოვე ამ ხის ქვეშ მიეზა კიდევ ერთი ვირი.

შემდეგ ჩვენ დავბრუნდით უკანვე სოფელში და ვურჩიე იქ, სადაც ყველაზე ახლოსაა სოფელთან ბუჩქნარი, დაებათ მესამე ვირი. პატელს კვლავ დასჭირდა მთელი თავისი გავლენის გამოყენება, რომ ვირი ეშოვა.

დღის პირველი საათისთვის სამზადისს მოვრჩით და მოლოდინის გარდა სხვა აღარაფერი დამრჩენოდა. დაიმედებულნი ვიყავი, რომ ღამის განმავლობაში ავაზა, თუ რომელიმე მათგანს წააწყდებოდა, სამიდან ერთ-ერთ ვირს მაინც მოკლავდა. თუ იმის მიხედვით ვიმსჯელებთ, რომ ამ ხნის მანძილზე ავაზას არც ისე ბევრი ადამიანი მოუკლავს, ის, ცხადია, სხვა ნანადირევით საზრდოობდა.

პატელი გამიმასპინძლდა საკუთარი ბოსტნიდან მოწეული ცერცვით, ბადრიჯნითა და ხახვით შემზადებული, ბლომად პილპილმოყრილი ბრინჯის კერძით. ძალზე ცხარე, პილპილიანმა საჭმელმა სახეზე სიმწრის ოფლი დამასხა. ეს რომ შემამჩნია, განცვიფრებულმა მასპინძელმა ბოდიშის მოხდა დაიწყო. მაგრამ სიტყვა შევაწყვეტინე და დავარწმუნე, სადილი ძალიან მომეწონა-მეთქი. შემდეგ ორი ყლუპი ყავა მოვსვი და სრული კმაყოფილება ვიგრძენი.

ღრო რომ მომეკლა როგორმე, წავედი ჩემს ფერმაში და საღამომდე იქ ვიხეტიალე. მე მგონი, თქვენთვის ინტერეს-მოკლებული არ იქნება, თუ გეტყვით, რომ ჩემი პატარა ნაკვეთი ნარგავებით იყო სავსე. აქ ხარობდა მელნის ხე, რომლის ნაყოფისაგან მელნის დასამზადებლად შავ სითხეს იღებდნენ ნიშნებისათვის. ჩვეულებრივ სამრეცხაოებისა და ღებობის* მოსამსახურენი, ვიდრე რეცხვას შეუდგებოდნენ, თითოეული საგნის კუთხეში პატრონის ინიციალებს მიაწერენ ხოლმე. ამ მელნით გაკეთებული ნიშნები არ იშლება. პურის სამი ხე ორიდან თორმეტ გირვანქამდე ნაყოფს მძლევდა, გარდა ამი-

* ტრადიციული წესით მრეცხავთა კასტა.

სა, ფერმაში ხარობდა გუაიავისა და ატმის რამდენიმე ხე და ბოსტანი ნაკვეთებად მქონდა დაყოფილი. ჩალანარევი თივის სქელი ფენით დახურული და თიხატკეპნილ კედლებიანი ორი კოტეჯის წინ ვარდებისა და კროტონების პატარა ბაღი იყო გაშენებული. იმ დროს მოვაშენე ორმოცამდე სხვადასხვა ჯიშის ქათამი. მათ რიცხვში ლეგორნები, როდესი, შავი მინორკები და აგრეთვე ათამდე იხვი. სასმელ წყალს ვიღებდით პატარა ჭიდან, რომელშიც წყლის გასაწმენდად გაუშვი ბანგალურიდან მოყვანილი რამდენიმე თევზი. ნაკვეთს კოტეჯის ფსადის წინ ესაზღვრებოდა პატარა ნაკადული, დანარჩენი სამი მხრიდან კი მწკრივად დარგული ბამბუკის ხეები. ნაკვეთი თუმცა პატარა, მაგრამ კვირაობით დასასვენებლად არაჩვეულებრივად მყუდრო კუთხე იყო.

ჩემი მიწის ნახევარი დაახლოებით მდებარეობდა დაბლობში, რომლის განაპირას მიედინებოდა ნაკადული. იქედან მოსარწყავი წყალი გამოვიყვანე და მომყავდა ოდესღაც ბირმიდან მოტანილი შავი ბრინჯის ნაირსახეობა, ცნობილი სახელწოდებით „ბრინჯი პეგუდან“*. ინდოეთში ის ჯერ კიდევ იშვიათად იყო გავრცელებული. ბევრმა დათესა, მაგრამ არასახარბიელო შედეგი მიიღო.

ფერმა მნიშვნელოვანი იყო იმიტაც, რომ მასზე დადიოდა ხმები, თითქოს ერთ-ერთ კოტეჯს ხშირად მოევლინება ხოლმე ანგლო-ინდოელი** ლედის ძმის აჩრდილი, რომლისგანაც 1941 წელს ვიყიდე ფერმა ხუთას რუპიად, ანუ ოცდათხუთმეტ სტერლინგად. ყოფილი პატრონი გარდაიცვალა, მარცხენა ხელსა და მკერდში რაღაც ფარული ავადმყოფობის მტანჯავი ტკივილის მოულოდნელი შეტეგებისაგან. შესაძლოა, ეს იყო გულის ანგინა. მას უსაზღვროდ ყვარებია თავისი ფერმა, რომელიც მწირ ადგილზე გაუშენებია და აქვე ოცდახუთ წელზე მეტი უცხოვრია. უშვილძიროდ გადაშენებულს ფერმა თავის დისთვის დაუტოვებია. ამბობდნენ, რომ პატრონის სიკვდილის შემდეგ ფერმის ახლოს მიმავალნი დაბინდებისას ხშირად ხე-

* ოლქია ბირმაში.

** ანგლო-ინდოელები — ინგლისელებისა და ინდოელების შერეული ქორწინებისაგან დაბადებული ბავშვები.

დავდნენ მას ერთ-ერთი კოტეჯის წინ. ზედმეტია იმაზე ლაპარაკი, რომ სოფლის მცხოვრებლები გვერდს უვლიდნენ ფერმას.

განსვენებულის დას ალბათ ეგონა, გავიგებდი თუ არა აჩრდილის შესახებ, შეიძლებოდა უარი მეთქვა პირობაზე და მისი „გამოცხადების“ ამბავი მაცნობა მხოლოდ მეორე დღეს, როცა ყიდვა-გაყიდვის საბუთები გავაფორმე ნოტარიუსის თანაშემწესთან და მისივე თანდასწრებით გადავიხადე ფული. ის მარწმუნებდა, რომ ზოგჯერ მისი ძმა დაეხეტება ორივე კოტეჯის გარშემო, რომ მას ცხადივ დაენახა აჩრდილი მთვარის შუქზე ვარდის ბუჩქებთან, რომლებიც განსვენებულს განსაკუთრებით უყვარდა, მაგრამ უმაღვე დასძინა, რომ „სული“ სრულიად უწყინარია, ხმას არ იღებს და არავის უსიამოვნებას არ აყენებს, ადამიანის მიახლოებისას კი უმაღვე გაუჩინარდება ხოლმეო.

კინალამ დამავიწყდა მეთქვა, რომ კოტეჯთან ერთად მერგო ძველი ავეჯი: საწოლი თითოეულ კოტეჯში, ტუალეტის დამტკრეული მაგიდა, ორი კარადა და სამი თუ ოთხი ფეხმოტეხილი სკამი. ძველებურ საწოლში ზადის ნაცვლად ფიცრები იყო ჩადებული.

კარგად დამამახსოვრდა პირველი ღამე, რომელიც გავატარე იმ კოტეჯში, სადაც ფერმის პატრონი გარდაიცვალა; წვიმდა და მეორე კოტეჯის სახურავში წყალი ჩამოდიოდა, გავშალე პლედი პირდაპირ ლოგინზე და დავწექი დასაძინებლად. უსწორმასწორო ფიცრები ზურგში ჩამეჭდო და კარგა ხნის წვალეების შემდეგ გადავწყვიტე, რომ იატაკზე დაწოლა უფრო მოხერხებული იქნებოდა. ცხადია, ელექტროგანათების ხსენებაც არ იყო, ამიტომ ავანთე სანთელი. გავშალე პლედი იატაკზე, ჩავაქრე სინათლე და დავწექი. ამჯერად ბედმა გამილიმა და უმაღვე დამეძინა.

არ ვიცი, რომელი საათი იქნებოდა, რომ გამომეღვიძა. ჯერ სრულიად ბნელოდა. რაღაც მძიმე და სლიპინა მოიწევდა ჩემსკენ. მოძრაობა შეწყდა და ორი გათოშილი თითი შემომეჭდო ყელზე.

ბუნებას არ დაუუჯილდოებივარ მდიდარი წარმოსახვით, არ მეშინია სიბნელის და არც ცრუმორწმუნე გახლავართ, მაგ-

რამ აქ უმაღლვე აზრად მომივიდა გარდაცვლილი პატრონის აჩრდილი და გამახსენდა, რომ ფარანი ფანჯრის რაფაზე დაეტოვე, და ასანთიც არ ვიცოდი, სად წავიღე. ყველა ამ აზრმა თავში გამიელვა ერთდროულად, ოფლიანი თითები კი აშკარად მოძრაობდნენ და მეჩვენებოდა, რომ კიდეც უფრო მაგრად მიჭერდნენ ყელზე. ვიგრძენი, თმა როგორ დამიდგა ყალყზე. შეძრწუნებული წამოვხტი ზეზე და ვეცი ფანჯარას ფარნისათვის, მაგრამ სიჩქარეში გადავებრუნე სკამი, რომელიც ნაწილებად დაიშალა. ხელების ფათურით გაშმაგებული დავრბოდი სიბნელეში და ბოლოს მივაგენი ფარანს, დავაჭირე ლილაკს თითი, რომ ჩემსკენ გამოწვდილი აჩრდილის ცივი ხელები დამენახა. მის ნაცვლად იატაკზე იწვა არნახული სიდიდის გომბეშო. შავი, სრიალა, ზომით თითქმის ერთი ფუტი იქნებოდა, კოტეჯში მოცოცებულიყო, რომ წვიმისაგან თავი შეეფარებინა.

ეს შემთხვევა ადასტურებს, თუ რა უკიდურესობამდე შეუძლია მიიყვანოს ნერვებს ადამიანი. მე პირდაპირ გათავებული ვიყავი შიშისაგან იმის გამო, რომ რაღაც შეუცნობელს, ზებუნებრივს შევეჩიხე, რამდენიმე წამის შემდეგ კი ჩემს თავზე მეცინებოდა და საშინაო ფესსაცმლის წვერი წავკარი გომბეშოს კარისაკენ და წვიმაში გავაგდე.

მეორე დილას სამივე მოსატყუარი ცოცხალი აღმოჩნდა და მთელი დღე კვლავ ფერმაში გავატარე. კიდეც ერთმა ღამემ განვლო და ვარები კვლავინდებურად კარგად გრძნობდნენ თავს, მაგრამ რაღაც სიახლეებმა იჩინა თავი. წერილების დამტარებლის სიკვდილის შემდეგ მთაში ფოსტა მოჰქონდა სამ პირს: წერილების ახალ დამტარებელს და მის ორ მცველ ჩაუკიდარს, ე. ი. ჩაფრებს. დამატებითი „თანამდებობის სიმბოლოს“ გარდა, რომელიც ავტომატურად გადავიდა დაღუპული ფოსტალიონის შემცვლელზე, ისინი შეიარაღებული იყვნენ პრიმიტიული შუბებით. სამივენი აღელვებულნი ყვებოდნენ, რომ სოფელში, ქვემოთ, ერთ მეოთხედ მილზე იმ ადგილიდან, სადაც წერილის დამტარებელი იქნა მოკლული, უნახავთ ავაზა, რომელიც მზეს ეფიცებოდა.

პატელმა სოფლის ერთ-ერთი მცხოვრების პირით მაცნობა ეს ამბავი. ჩაუკიდარებმა იკისრეს ჩემი გაცილება. ჩვენ სწრა-

ფად გავიარეთ ორ მილზე მეტი მანძილი კლდემდე, მაგრამ შევერილი ცარიელი დაგვხვდა. კლდეებში ავაზას ძებნას, და ისიც ასეთ სიციხეში, არავითარი აზრი არ ჰქონდა. მაგრამ მე მიხაროდა ისიც კი, რომ ის დაინახეს: მაშასადამე, ის ჯერ კიდევ ამ მიდამოებში იმყოფებოდა. სანამ დავბრუნდებოდი, მე კვლავ დავათვალიერე კეშიუს ხეზე მიბმული მისატყუარი, და შევარჩიე ტოტი, რომელზეც აუცილებლობის შემთხვევაში შეიძლებოდა მაჰანის მოწყობა.

ლამემ ჩვენ მოგვიტანა წარმატება, ვირს კი — სიკვდილი: ავაზამ ის სიბნელეში მოაშთო და ნახევარი შეჭამა.

ეს ნახა სისხამ დილაზე ხალხმა, რომელიც გავგზავნე ვირების დასარწყულებლად და საკვების მისაცემად. ავაზას ნამუსრევს ფოთლები მიაყარეს, რომ სვაეებს არ შეეჭამათ, და დაბრუნდნენ ახალი ამბის საუწყებლად.

ადრე ვისაუზმე, შემდეგ სწრაფად დავტაცე ხელი პალტოს, ფარანს, მათარას ჩაით, ცოტაოდენ ნამცხვარს და გავეშურე სოფლისაკენ, სადაც პატელმა სიამოვნებით მათხოვა ჩარპაი*. ოთხმა გამყოლმა საწოლი კაკლის ხესთან გადაიტანა, ჩამოკიდა და მიამაგრა ბაწრებით. მე ვაჩვენე მათ, როგორ შეენიღბათ საწოლი წვრილი ტოტებითა და ფოთლებით, რომ არ გამოჩენილიყო, რადგანაც ვიცოდი, თუ როგორი მნიშვნელობა აქვს ამას. მცირეოდენ დაუდევრობას შეუძლია გამოიწვიოს წარუმატებლობა. გადაბრუნებული ფოთლები, ერთი მხრიდან გამოჩენილი ჩარპაი, ხის ქვეშ დაყრილი ტოტები და ფიჩხი — ყველაფერი ეს კაციჭამიას ექვს იწვევს, რომელიც ყოველთვის დიდი სიფრთხილით უბრუნდება დატოვებულ ნანადირევს.

ყველაფერი რომ დავამთავრეთ, მე მხოლოდ ერთი ნაკლი შევამჩნიე — მაჰანი ძალიან დაბლა გვქონდა მოწყობილი — მიწიდან არა უმეტეს ათ ფუტზე იყო. თანაც ხეზე ასვლა სიძნელეს არ წარმოადგენდა.

* ინდური საწოლია, წარმოადგენს ოთხ ფეხზე მდგარ თოკებით გადახლართულ ხის ჩარჩოს.

დაახლოებით სამის ნახევარზე ჩემი თანმხლები ხალხი წავიდა. მე მათ დავავალე, თუ ღამე არ დავბრუნდი სოფელში, გარიჟრაჟზე მოდიოთ-მეთქი, და მოვიკალათე სახუნდარში. ცხელი დღე იყო, ირგვლივ უზარმაზარ გავარვარებულ კლდეებს პაპანაქება სიცხისაგან ბული ასდიოდა. ხე ცუდად მიცავდა სიცხისაგან გათანგულს და ჩემს სიხარულს საზღვარი არ ჰქონდა, როცა მოსალამოვდა და იწვე მისურის პლატოს უკან ჩაეშვა. შორს ჩემს ქვემოთ მდებარე დაბლობზე მე შემეძლო კარგად გამერჩია ჯალარპეტი და სადგურის ლიანდაგზე მანევრირებული ორთქლმავლების ორთქლის მოყვითალო ფერის ღრუბლები. დრო და დრო სიჩუმეში გარკვევით ისმოდა ჩამომდგარ და გამავალ მატარებელთა შემადგენლობის სასტვენის ხმა.

დაბინდებისას სადღაც შორს ფარშევანგმა დაიყვირა და წყვილმა თხაწველიამ გადაგვიფრინა ახლოს. მთის ფერდობზე ვიმყოფებოდი დასავლეთისკენ პირშებრუნებული და შემეძლო თვალყური მედევნებინა, როგორ მუქდებოდა მინდვრები, თითქოს შავ წამოსასხამში ეხვევიანო. ამავე დროს ჩემს ზემოთ მთის მწვერვალზე ჯერ კიდევ კიაფობდა წარმავალი დღის უკანასკნელი ათინათი. ჯალარპეტის ჩირაღდნები თანდათან ჩაქრა. ხან აქ, ხან იქ ვარჩევდი რკინიგზის სიგნალების წითელსა და მწვანე სინათლეებს. ჩრდილოეთიდან ჯალარპეტში მოდიოდა მატარებელი. ორთქლმავლის მთავარი ფარანი წინ შორს მანძილზე აწვდენდა შუქს. მატარებელი მიადგა აღმართს და მისი გადალახვისას ლოკომოტივის ქშენა ასე ჩამესმოდა: „თუ ის შესძლებს ამის გაკეთებას... მეც შევძლებ... თუ ის შესძლებს ამის გაკეთებას... მეც შევძლებ...“ ეს ხმები და მუხრატების ღრჭიალი თითქოს სულ ახლოს ჩემს გვერდით გაისმოდა, თუმცა სინამდვილეში ეს ხმები არა ნაკლებ ხუთი მილის მანძილიდან აღწევდა.

წყვილიადში გავეხვიე. უმოვარო ღამე იყო. ცაზე შავი ღრუბლები სადღაც მიიჩქაროდნენ. ზოგიერთი მათგანი კი ელაგირის მწვერვალს გართხმოდა. უკუნმა სიბნელემ დაივანა. ციდან ვარსკვლავები ალერსიანად აღარ დამცქეროდნენ და ისღა დამრჩენოდა, რომ ჩემს სმენას მივინდობოდი მხოლოდ.

სალამოს მწერების ჩქამიც არ ისმოდა. ჭრიჭინაც კი გატ-

რუნულიყო. გაუნძრევლად ვიჯექი ჩამოკიდებულ საწოლზე, თავზე კი ნემსიპარიები დამბზუოდნენ, მესეოდნენ სახეზე, ხელებზე და თავისი ნემსა ხორთუმებით მიხვლელტდნენ და მწვავე ტკივილს მაყენებდნენ. ვანძრევდი ხელის თითებს ანდა მსუბუქად გამოვწვედი ქვედა ტუჩს და ჩუმად ვიბერავდი სახეზე. ნემსიპარიების ნაწილი აფრინდებოდა ხოლმე, დანარჩენი კი განაგრძობდა ჩემს თავზე ტრიალს და თავს მამბზრებდა კბენით.

მე შეჩვეული ვიყავი ჯუნგლებში მაჰანში ჯდომას და დროის ანგარიში დაკარგული მქონდა, ან რა ბედენაა დასცქეროდე საათს, თუკი დროს დაჩქარება ჩემს ძალას აღემატება.

ასეთი მდგომარეობის დროს თავში უამრავი აზრი ირევა და მრავალ მოგონებას ამოატივტივებს ხოლმე. ამ სადამოას რატომღაც ვფიქრობდი დიდი სისწრაფის განმავითარებელი ახალი ველოსიპედის გამოყენების პრობლემაზე, ვფიქრობდი, რომ მცირე ენერჯის დახარჯვით შევძლებდი უდიდესი მანძილის დაფარვას. რა არ მოუვა თავში კაცს, რომლის ტვინიც უმოქმედოდა!

სუსტმა ოხვრამ შემაწყვეტინა ფიქრი. მივხვდი, რომ ავაზა მოვიდა ვირის ლეშის ნარჩენებისათვის.

ვიფიქრე, ფარნის ანთება და სროლა ნაადრევია-მეთქი. კეთილგონივრული იყო მეცლია ავაზასთვის შედგომოდა ჭამას. შემდეგ ძალიან ვნანობდი, რატომ მივიღე ასეთი გადაწყვეტლება და ხელი ავიღე სროლაზე, რომელიც წარმატების შეთხვევაში იხსნიდა კიდევ ერთი კაცის სიცოცხლეს.

დაიმედებული ველოდი, რომ გავიგონებდი ხორცის გლეჯის ხმას და ძვლების ხრამუნს, მაგრამ დრო გადიოდა. და ჩამიჩუმსაც არ მოუღწევია ჩემს ყურამდე.

გამოცდილებით ვიცოდი, როგორ უხმაუროდ ძალუძთ მტაცებლებს გადაადგილება, განსაკუთრებით ავაზას. რომელსაც უნარი შესწევს ჩუმად მოვიდეს და ისე წავიდეს. რომ შეუმჩნეველი დარჩეს დღისითაც კი. ახლა ის შესაძლოა ჩემგან ერთ იარღზე ან ერთ მიღზეც კი იყო დაშორებული, მაგრამ განა ასეთ კუნაპეტ ღამეში გაარჩევდა კაცი რამეს!

დავხედე საათის მნათ ციფერბლატს, ცხრას აკლდა ოცი წუთი. გაუნძრევლად ვიჯექი. უკვე მეთათე საათი დაიწყო, რომ უც-

ბად ჩემგან მარჯვნივ ქვების მხარეზე გავიგონე ყრუ ღრენა-რამდენიმე წუთის შემდეგ იგი განმეორდა.

როგორღაც ავაზამ გაიგო ჩემი იქ ყოფნა. სუნის აღება მას არ შეეძლო, რადგან ავაზას ან სრულიად არა აქვს, ან ძალიან სუსტი აქვს ყნოსვა, მაშასადამე, ავაზამ ან შემთხვევით აიხელა ზევით და დანახა მაჰანი ანდა ინტუიციით იგრძნო.

ღრენა ახლა უფრო ხმამაღალი და ხანგრძლივი იყო. ავაზა საშინელ ხმებს გამოსცემდა და გადავწყვიტე, რომ ის ემზადება ჩემს შესაშინებლად, რათა მაიძულოს ჩამოვხტე ძირს, ანდა სანამ ხეზე ამოვიდოდეს, აქეზებს თავის თავს და კიდევ მოემზადა უკანასკნელი ნახტომისათვის.

ასე გაგრძელდა რამდენიმე წუთს, შემდეგ გაისმა თავისებური ხველა-ღრიალი; ავაზა ხის ძირას რომ მოვიდა თავდასახმელად, მე გადავიხარე საწოლიდან, მოვსინჯე ფარნის გამომრთველი, გადავწიე შემნიღბავი ტოტები, რომ თოფი ქვევით მიმემართა. ვიცოდი, აჩქარება იყო საჭირო. როგორც ზემოთ მოგახსენეთ, სახუნდარი მიწიდან არც თუ ისე მაღლა გვქონდა მოწყობილი, ხეც ძალიან მოხერხებული იყო ასაცოცებლად და ავაზას შეეძლო ლანდის უსწრაფესად დამსხმოდა თავზე.

საუბედუროდ, მას ერთ-ერთი შემნიღბავი ტოტი დაეცა, რამაც, უეჭველად, ხელი შეუშალა მტაცებელს ხეზე ამოცოცებაში, მაგრამ ამავე დროს ჩამოეფარა ჩემი ფარნის სინათლეს. გადავიხარე ძირს, დავინახე როგორ ირხეოდა ტოტი და დავრწმუნდი, რომ ავაზა ტოტის ქვეშ იყო მოქცეული.

და აი ამ მომენტში წინდაუხედაობა გამოვიჩინე. ნაცვლად იმისა, რომ დავლოდებოდი, ვიდრე ჩემი მტერი განთავისუფლდებოდა ტოტისაგან, ნაჩქარევად დავუმიზნე იქ, სადაც მეგულებოდა ავაზა და თითო გამოვკარი ჩახმასს. თოფი გავარღა და მომეჩვენა, სხეულმა ზღართან მოადინა. წამსვე გავიფიქრე, რომ მოვკალი. მიწაზე დაცემისას ტოტში გახლართული ავაზა განთავისუფლდა და ვიდრე თოფის ხელახლა გატენას მოვასწრებდი, თვალი ძლივს მოვკარი ბუჩქნარში გაუჩინარებულ მის ყვითელ სხეულს.

ფარანი იმ მიმართულებით მივანათე, სადაც იგი გაუჩინარდა, მაგრამ ვერაფერი დავინახე და ვერც ვერაფერი გავიგონე. ირგვლივ სიჩუმე სუფევდა. შესაძლოა, ავაზა ბუჩქნარში ეგდო

მკვდარი ან დაჭრილი, ან კიდევ შორს წავიდა და გადაიკარგა. ამის გამორკვევა შეუძლებელი გახდა.

მე განვაგრძობდი ფარნის შუქით გარშემო ძებნას. შემდეგ გამოვრთე ფარანი იმ იმედით, რომ სიბნელეში რაიმე ხმაურს მოვკრავდი ყურს. ერთი საათის შემდეგ ალალებდზე გავისრო-
ლე ბუჩქნარში. გასროლის ხმის გამოძახილი მრავალგზის გან-
მეორდა, მაგრამ ავაზას სიცოცხლის ნიშანწყალი თითქოს გა-
ქრალიყო.

თორმეტის ნახევრამდე ველოდე. მადრას-კოჩინის ექსპრე-
სის ხმამალალი სტვენა რომ გავიგონე, ჩამოვედი ხიდან და გავ-
სწიე კოტეჯისაკენ. თანაც სრულიად დამშვიდებული ვიყავი,
რომ თუ ავაზა დაჭრილი იყო და სადმე ახლოს იმყოფებოდა,
როგორმე გამოეხმაურებოდა ჩემს უკანასკნელ გასროლას.

გზადმიმავალმა სოფელში შევეუხვე, პატელსა და აღელვე-
ბულ გლეხებს ვუამბე ყველაფერი, რაც მოხდა.

მეორე დღეს დილაადრიან დავბრუნდი სოფელში, ოცმა კა-
ცმა მოისურვა ჩემი გაყოლა დახმარების გასაწევად. ჩემივე
რჩევით, იმათ წამოიყვანეს რამდენიმე ნაგაზი და საკმაოდ მრავ-
ალრიცხოვანი რაზმით, რომ თავი უშიშრად გვეგრძნო, გავე-
შურეთ კაკლის ხისაკენ.

ვირის ლეში ხელუხლებელი აღმოჩნდა. ხის ქვეშ მიწაში ნა-
ტყვიარი გვიჩვენებდა, თუ სად გაიარა ტყვიამ. სისხლის ნაკვა-
ლევი არ ჩანდა. გულდასმით დაეჩხრიკეთ ბუჩქნარი, სადაც
ავაზა გაუჩინარდა და საითკენაც მეორედ გავისროლე თოფი,
დავათვალე რეთ აგრეთვე ლოდები და დაბალი ტყის დიდი
ნაკვეთი. აშკარა იყო, რომ ტყვია ავაცდინე და ავაზამ თავს
უშველა.

თითქმის ზიზღს ვგრძნობდი ჩემი თავის მიმართ, ისე და-
ვბრუნდი თანამგზავრებთან ერთად სოფელში, სადაც პატელს
ვაცნობე, რომ დრო მეტი აღარ მრჩება და მივემგზავრები ბან-
გალურში. თუმცა ვთხოვე, თუ რამე მოხდეს, კვლავ მიდებე-
შეთ-მეთქი.

მადრასის ექსპრესით ჯალარპეტზე გავლით შაბათ საღამოს
ჩავედი სახლში.

ასე დასრულდა ელაგირელ კაციჭამია ავაზასთან ჩემი შეხ-
ვედრის პირველი ტური.

მიუხედავად ყოველგვარი მოლოდინისა, პატელს არაფერი შეუტყობინებია. ორი თვის შემდეგ მივწერე მას წერილი. პასუხად პატელმა მაცნობა, რომ ავაზაზე არაფერი ახალი ცნობები არ ჰქონდა. ამას იმ დასკვნამდე მივყავდი, რომ ავაზამ ან ხელი აიღო კაციჭამიობის ჩვევებზე ანდა ელაგირიდან სამხრეთით თხუთმეტი კილომეტრის მანძილზე მდებარე ჭავადის მთავრეხილი გადალახა და მიიძალა. მაგრამ თუ უკანასკნელი ვარაუდი სწორი იყო და ჭავადის მთებში ვინმე იქნებოდა მოკლული, მე ამას გაზეთებიდან ან მთავრობის ცნობებიდან შევიტყობდი. ამიტომ პირველი ვერსია მიმაჩნდა სწორად, რა თქმა უნდა, ჩემს შემთხვევით გასროლილ ტყვიას შეეძლო მოხვედროდა მიზანში და ცხოველი სადმე განმარტოებულ ადგილას მიხობებულ, იქვე მომკვდარიყო, მაგრამ ეს საეჭვოდ მეჩვენებოდა.

გავიდა კიდევ ცხრა კვირა, და პატელისაგან მივიღე დეპეშა: ავაზა კვლავ გამოჩნდა და მოკლა ადამიანიო. მთხოვდნენ, სასწრაფოდ ჩავსულიყავი. ორ საათში მე უკვე მატარებელში ვიჯექი.

დაახლოებით საღამოს ცხრის ნახევარზე ჩავედი ჯალარბეტში. ამ დროს სოფელში წასვლას აზრი არ ჰქონდა და გადაწყვიტე გამომეძინა რამდენიმე საათს მოსაცდელ დატბაზში, გარიყრაუზე კი ავსულიყავი მთებში. ეს გეგმა არაგონიერული აღმოჩნდა. ძალიან თხიზელი ძილი ვიცი და გამვლელი მატარებლების ხმაური წამდაუწუმ მაღვიძებდა. გარდა ამისა, ნემსიპარიებისა და ბაღლინჯოების თავდასხმამ — ეს უკანასკნელნი მგონი სკამში ბუდობდნენ — მაიძულეს გავსულიყავი ბაქანზე და დილის ხუთ საათამდე მეხეტიალა. ელაგირზე ასვლას რომ შევუღდექი, უკვე ინათა და რვის თხუთმეტი წუთზე მივალწიე სოფლამდე.

ჩემი მეგობარი პატელი ჩვეული გულთბილობით მომეგება და რძიანი ცხელი ყავა შემომთავაზა, მან მიაშობა, რომ სამი დღის წინ დილით ავაზას მოეკლა ქალიშვილი, რომელიც წყლის მოსატანად წასულიყო ნაკადულზე პერეიამალაის მთის მხარას. თანასოფელელ გლეხებს მალე აღმოეჩინათ გვამის ნიშნები და წამოეღოთ საკრემაციოდ. ავაზას გვამის მცირე ნაწილის

შეკმა მოესწრო, შესაძლოა, მას ხელი შეუშალა ქალიშვილის საძებნელად წასულმა ხალხმა.

გადავწყვიტე, ამჯერად ცოცხალ მისატყუარად გამომეყენებინა თხა და ჩავმჯდარიყავი მისატყუარის თავზე სახუნდარში, რადგან ელაგირში ოთხ დღეზე მეტხანს დარჩენა არ შემეძლო. პატელმა გამაფრთხილა, რომ თხა ოც რუბიამდე ეღირებოდა. ელაგირში თხები ცოტა იყო, და პატრონებმა რომ გაიგეს მასზე დიდი მოთხოვნილება არისო, ფასები აუწიეს. ჩავაბარე პატელს ფული და ჯერ ჩემს ფერმას მივაშურე.

შუადღისას ბანგალურიდან წამოდებულ ცივსაუზმეს შევექეცი, მერე დავბრუნდი სოფელში და ვნახე, რომ თხა ჯერ კიდევ არ მოეყვანათ.

დღის ორი საათის შემდეგ მოიყვანეს შავი თხა. ის იმ ასაკში არ იყო, რომ მარტო დარჩენილს კიკინი დაეწყო და ავაზას ყურადღება მიექცია. გარდა ამისა, ზოგიერთ ავაზას შავი და თეთრი თხები სიფხიზლეს მატებენ. ჩვეულებრივ, მისატყუებლად ყველაზე კარგია ყავისფერბალნიანი ცხოველი, რომელიც ავაზას ბუნებრივ ნადავლს, გარეულ ცხოველს მოაგონებს. მაგრამ თხის გამოცვლა უკვე გვიან იყო.

მე თან გამომეყა პატელი და ოთხი თუ ხუთი გლეხი: მათ მოჰქონდათ ნაჯახები, ბაწრები და იგივე ჩარპაი, რომლითაც წინათ ვარგებლობდი. გზაში ერთი საათიც არ დამჭირვებია იმ სოფელში მისასვლელად, სადაც მოკლული ქალიშვილი ცხოვრობდა. იქ ჩვენ შემოგვიერთდა კიდევ ორი გლეხი. ადგილი, სადაც თავდასხმა მოხდა, მდებარეობდა სოფლიდან დაახლოებით სამ მეოთხედ მიღზე, დასავლეთიდან აღმოსავლეთისაკენ მიმდინარე ნაკადულის ახლოს. მისი ქვიშნარიანი ნაპირები ხშირი ლანტანითა და ეკლიანი ბუჩქებით იყო დაფარული. ავაზა თავს დაესხა ქალიშვილს გლეხების მიერ არც ისე ღრმად ამოთხრილი გუბურის ახლოს, სადაც გვალვიან პერიოდში ნაკადულის დაშრობისას წყალი ჰქონდათ მომარაგებულნი. ცხადია, კაციჭამიამ მიიტოვია ქალიშვილი ლანტანის ბუჩქების საფარიდან.

ყველაფერი იმაზე მეტყველებდა, რომ ამ ავაზას კაციჭამიასათვის სრულიად არაჩვეულებრივი ჩვევები გააჩნია. იგი კვლავ ძველისით, მზისით დაესხა თავს ადამიანს. ასე იქცევიან მხოლოდ ვეფხვები, მაშინ როდესაც ბუნებით მშიშარა კაციჭა-

მია ავაზები ჩვეულებრივ ეპარებიან ხოლმე თავიანთ მსხვერპლს სიბნელეში. მე ფფიქრობდი, როცა ქალიშვილი მოვიდა, ცხოველი უკვე ტევრში იწვა და ვერ დააღწია თავი ცთუნებას და იგემა გემრიელი ლუკმა, რომელიც მოულოდნელად თათებში წაუვარდა.

ჩავიმუხლე და გულდასმით დავათვალიერე ლანტანის შამბნარი და მისი ახლომახლო ადგილები. ჩემი მოსაზრება დადასტურდა: ერთ-ერთი ბუჩქი წარმოადგენდა ავაზას ვრცელ თავშესაფარს, რომლის ძირსაც მიწა დაფარული იყო ხმელი სქელი ფოთლებით და ნაკვალევის აღმოჩენის საშუალებას არ გვაძლევდა, მაგრამ გარეული ცხოველის გარკვეულმა, ოდნავ საგრძნობმა სუნმა დამარწმუნა, რომ ავაზა დროგამოშველით სარგებლობდა ამ თავშესაფარით.

გავიხარე: თუკი ავაზა მოდიოდა აქ წინათ, კვლავაც მოვიდოდა. გარდა ამისა, პერაიამალაი მდებარეობდა აქედან დაახლოებით ნახევარ მილზე და მისი მწვერვალის კლდეებსა და ნაპრალებში ავაზას შეეძლო ჰქონოდა მუდმივი ბუნავი. მაშინ თავშესაფარი ლანტანში მისთვის იყო ყველაზე მოხერხებული ადგილი, სადაც იგი წყლის დასაღვეად მოსულ ცხოველებს დარაჯობდა ხოლმე.

მდგომარეობა რომ შევისწავლე, ერთმა აზრმა გამიელვა თავში: უნდა გავმართო რამდენადაც შეიძლება ბუნებრივი სცენა, ესე იგი, ისე უნდა მივაბა თხა გუბურის მახლობლად, თითქოს ის წყლის დასაღვეად მოვიდა. მე კი უნდა დავასწრო ავაზას და დავიმალე ბუჩქის ქვეშ. გაიგონებს თუ არა თხის კიკინს ანდა დაინახავს მას მთიდან, უმაღლე გამოეშურება საფარისაკენ, სადაც მე დაველოდები.

ჩემი გეგმა გავაცანი თანამგზავრებს, მათ იგი მოიწონეს. მხოლოდ პატელს მიაჩნდა უაზრობად თავის ასეთ საფრთხეში ჩავდება. დავარწმუნე ის, რომ რისკი არც ისე დიდია: ლანტანის ხშირი შამბნარის გამო ავაზას შეეძლო ჩემთან მოსვლა მხოლოდ ერთი მხრიდან. ამასთან მისი ყურადღება მიპყრობილ იქნება თხაზე და, არა მგონია, ეჭვი აიღოს, რომ მტერი მისსავე საკუთარ თავშესაფარშია ჩასაფრებული.

და აი, ჩავასვით მიწაში პალო, შემდეგ შევძვერი ბუჩქის ქვეშ, დავამაგრე ფარანი თოფის ლულაზე და კარგად გავსინჯე,

მუშაობდა თუ არა წესიერად. ეს ფარანი ახალი შექმნილი მქონდა, სამი ბატარეით იკვებებოდა და იძლეოდა ფოკუსირებურ სხივს. ბოლოს მშვიდად დავლიე ჩაი მათარიდან და პატელსა და გლეხებს ვუბრძანე მიებათ თხა უკანა ფეხებით პალოზე და წასულიყვნენ.

აქამდე თხა ცოტა მოშორებით გვყავდა, რომ ბუჩქებში დაშალული ადამიანი არ დაენახა: თორემ სიმარტოვეს აღარ იგრძნობდა და კიკინსაც არ დაიწყებდა.

ლანტანის ქვეშ ძალიან ცხელოდა. ვიდრე მზე ჩავიღოდა, სიბნელეში აღმოვჩნდი, თხამ რამდენჯერმე დაიკიკინა და გაჩუმდა, მარტო იმის იმედიღა მქონდა, რომ დაღამების შემდეგ ის კვლავ ამოიღებდა ხმას. მაგრამ იმედი გამიცრუვდა: ჩემამდე ჯერ დროგამოშვებით აღწევდა მისი ჩლიქების ბაკუნი და ბაწრისაგან განთავისუფლების ცდის ხმაური, მაგრამ მერე ყველაფერი მიწყდა. როგორც ჩანს, წყეულმა ცხოველმა დაიძინა, მე კი მთელი ღამე უნდა მეფხიზლა და სულ დაძაბულ მდგომარეობაში ვყოფილიყავი. როგორ მშურდა თხის ბედი!

ნემსიპარიები მაწუხებდნენ, რაღაც მწერები დაფუთფუთებდნენ ჩემს სხეულზე. შინაურ თაგვებზე მომცრო ტანის ტყის თაგვები დასუნსულებდნენ ხმელ ფოთლებში და დაცოცავდნენ ლანტანის ტოტებზე. რაღაც გრძელმა და რბილმა გაისრიალა ბუჩქის გასწვრივ. გველი... უვნებელი თუ შხამიანი – არ ვიცოდი. ნემსიპარიებისა და მწერების თავდასხმის მიუხედავად, სრულიად გაუნძრევლად ვიჯექა და ვერ გავიგონე, როგორ გასრიალდა ის.

ავაზა არსად ჩანდა. ღამის ფრინველებიც კი არ არღვევდნენ მყურდრობას. მოსაბეზრებლად გაჭიანურდა დრო. ჩემი მაჯის საათის მანათობელ ციფერბლატზე ისარი მშვიდად ზომავდა წუთებს. ძილი მერეოდა, მაგრამ ვცდილობდი არ ჩამეტვლიმა და ერთი წუთითაც არ ვხუჭავდი თვალებს. თავს ძალას ვატანდი გული გადამეყოლებინა და სხვა რამეზე მეფიქრა, მაგრამ ჩემი აზრები კვლავ თხისკენ იყო მიმართული.

თანდათანობით შემოტანებულმა ნაცრისფერმა სინათლემ გვამცნო ახალი დღის მოახლოება. მე გამოვძვერი ბუჩქიდან და ვგრძნობდი თავს ყველაზე საძაგელ ადამიანად მთელ ინდოეთში, თხას ფეხები შემოეკეცა და მაგრად ეძინა. ის ზანტად წამოდგა ფეხზე, დაუჩქარებლად დაიბერტყა სხეული, გაიქნია

თავისი მოკლე კუდი და დამცინავად შემომხედა, თითქოს სურდა ეთქვა: „აბა, რომელი ჩვენგანია სინამდვილეში თხა, შენ თუ მეო“?

თხა ავუშვი და მიფუყვანე სოფელში პატელს. ის სწორედ წამოსასვლელად ემზადებოდა, რათა შეეტყო ჩემი წარმატებების შესახებ. ვთხოვე მას, დაებრუნებინა შავი თხა პატრონისათვის და ვუთხარი, მე თვითონ შევუდგები უფრო შესაფერი მისატყუარის მოძებნას-მეთქი. წავედი ჩემს კოტეჯში და შუადღემდე ვიძინე.

ავდექი, ძალზე მომშივნოდა, გავხსენი ორაგულის ქილა და ბანგალურიდან წამოღებული პურით შევექეცი. პური უკვე გამხმარიყო და ბლომად წავეცხე დაკონსერვებული კარაქი. ეს გახლდათ მთელი ჩემი საუზმე. პორტატიულ ფილა-პრიმუსზე ავადუღე ჩაი, რომელმაც მხნეობა შემმატა მორიგი ღამისთვის. მოვაგროვე საჭირო ნივთები, გავავსე მათარა ჩაით და დავბრუნდი სოფელში. საბედნიეროდ, ისე თბილოდა, როგორც წინა ღამეს.

პატელს ვთხოვე გავეცილებინე სოფელში, სადაც შეიძლება თხის შოვნა. გულდასმით შერჩევისა და გაცხარებული ვაჭრობის შემდეგ შევჩერდი ციკანზე, რომელსაც, ჩემი აზრით, უნდა ეკიკინა. დაახლოებით ოთხი საათისათვის წავედით ადგილზე, სადაც წინა ღამე გავატარე. ერთი საათის შემდეგ უკვე ვიჭექი ბუჩქის ძირას, ციკანი მიბმული იყო, ჩემი თანამგზავრები კი უკან დაბრუნდნენ.

როგორც კი ისინი თვალს მიეფარნენ და მიწყდა მათი ხმა, თხამ მორთო გაუთავებელი კიკინი. ასეთი წარმატებისათვის გუნებაში მივულოცე ჩემს თავს.

საღამოს ლანტანის ქვეშ კვლავ სიბნელემ დაისადგურა, თხა ხმამაღლა კიკინებდა, მე კი მოუთმენლად ველოდი ავაზას. გავიდა საათი და უეცრად ყური მოვკარი ნელ შრიალს, ხმელი ტოტების ოდნავ გასაგონ ტყაცუნს და მივხვდი, რომ ის მიახლოვდებოდა. საცაა დადგებოდა გადამწყვეტი მომენტი! ახლა მთავარი იყო, არ ამენთო ფარანი მანამ, სანამ ავაზა მთლიანად ჩემი მხედველობის არეში არ მოხვდებოდა, თორემ გაიქცეოდა. მაგრამ თუ დავაგვიანებდი, მას შეეძლო აღმოვეჩინე და თავს დამეხსმოდა.

ნერვები უკიდურესობამდე მქონდა დაძაბული და ისე გან-
ვავრძობდი ცდას. ირგვლივ ჩამიჩუმიც კი არ ისმოდა. უეცრად
ჩემამდე მოაღწია ოღნაემა ქშენამ. მაშასადამე, ავაზამ გაიგო,
რომ მე იქ ვარ. ის აბურძგნა, უნდოდა დაეღრინა, და ამ დროს
ხახიდან მაღალი ქშენა ამოსკდა. ასლ ან არასოდეს! თითი და-
ვაჭირე ფარნის ღილს. მისი სინათლე პირდაპირ ავაზას სის-
ხლით სავსე მოთეთრო თვალებს მიაწყდა. ჩემგან ათი ფუტის
მანძილზე კარგად ვარჩევდი მის დრუნჩსა და მკერდს. ნაჩქა-
რევად დავეშიზნე ყელში და ვინჩესტერის სასხლეტს გამოვ-
კარი თითი. ავაზამ ნაბიჯი გადმოდგა წინ და უკანა თათებზე
აღიშართა, მაგრამ მეორე ტყვია შიგ გულში მოხვდა, ზურგზე
დაეცა და უეცრად საღდაც მიიმალა. რამდენიმე წუთს ისმოდა
დამტვრეული ფიჩხის ტკაცანი, და მას მოჰყვა მომაკვდავი ცხო-
ველის ბუყბუყისმაგვარი ხმა, რომელიც შეუძლებელია სხვა
ხმას მიამსგავსო და ყველაფერი მიწყდა.

კიდევ ნახევარ საათს ველოდე, სანამ გავბედავდი ბუჩქიდან
გამოსვლას. თუმცა თითქმის დარწმუნებული ვიყავი, რომ ავაზა
მკვდარია, ხელში გატენილი თოფით გამოვედი საფარიდან. პირ-
ველი ჩემი სურვილი იყო ამეშვა ციკანი და თან წამეყვანა, მაგ-
რამ შემდეგ გავიფიქრე, მოკლული ავაზა იქნებ არც კი იყო
კაციჭამია-მეთქი. მაშინ სოფელში მაქსიმალური სიფრთხილით
უნდა დავბრუნებულიყავი, არც თხის წაყვანა შეიძლებოდა,
რადგან ის დიდ ხიფათს შემანთხვევდა. ამიტომ თხა ადგილზე
დავტოვე, მე კი ნელა და ფრთხილად გავწიე პატელის სახლისა-
კენ. იქ ჯერ კიდევ არ ეძინათ. ვუამბუ, როგორ იყო ყველაფერი,
წავედი კოტეჯში და ღრმად დავიძინე.

მეორე დღეს ვიპოვეთ ავაზას ლეში. ეს იყო ბებერი ხვადი
ავაზა, რომელსაც საკმარად თხელი და უფერული ტყავი ჰქონ-
და და კაციჭამიას აშკარა ნიშნები ეტყობოდა: ეშვები ხანდაზ-
მულობის გამო მოცვეთოდა, კლანჭები დასუსტებოდა. მაგრამ
მხოლოდ დროს შეეძლო დაედასტურებინა ნამდვილად მოვსპე
თუ არა მკვლელი.

დღისით ავაზას ტყავით დავეშვი ელაგირის მთებიდან.

ბევრმა წყალმა ჩაიარა მას შემდეგ. მაგრამ ელაგირსა და
ჯავადში არ ყოფილა ადამიანის მოკვლის არცერთი შემთხვევა.
ასე რომ მე ყველა საფუძველი მაქვს ვიფიქრო, რომ იმ დამეს
ბოლო მოვულე კაციჭამიას.



თ ა ვ ი მ ე ს ა მ ე

მოხუცი მუწუსვამი და ავაზა მამალიდან

ქალაქი ბანგალური, სადაც მე ვცხოვრობ, მდებარეობს ინდოეთის აღმოსავლეთ სანაპიროზე, რომელსაც გარს უვლის ბენგალის სრუტე, მდებარე მადრასისა და დასავლეთ სანაპიროზე, რომელსაც აკრავს არაბეთის ზღვა, მდებარე მანგალურის შემაერთებელ ხაზზე. ბანგალური ზღვის დონიდან სამი ათასი ფუტი სიმაღლის ტაფობზე მდებარეობს. იმას, ვისაც ამ ქალაქში უტყვობია, არასოდეს დაავიწყდება მისი თავისებური ზომიერი, არცთუ ძალზე ტენიანი და გვალვიანი ჰავა, არ დაავიწყდება წლის ცივ სეზონში მომხიბვლელი ნისლი დილაობით ნოემბრიდან შუა თებერვლამდე და გამამხნევებელი სიგრილე დილაობით ზაფხულშიაც კი. სახელწოდება ბანგალური წარმოადგენს სიტყვა „ბენგალ ურუს“ ინგლისურ ვარიანტს, და კანადას ენაზე ნიშნავს „ცერცვის ქალაქს“, რითაც გაითქვა სახელი. ის, ვისაც ერთხელ მაინც უგემნია ბანგალურის ბოსტნეული და ინდური და ევროპული ჯიშის ხილი, ვერასოდეს დაივიწყებს მას.

მეორე მსოფლიო ომის ბოლომდე ბანგალური არ იყო დიდი სოფელი, მაგრამ სტრატეგიულმა მდებარეობამ და უდიდესმა პოტენციალურმა შესაძლებლობამ გადააქცია ის ინდოეთის ყველაზე პოპულარულ ქალაქად. ლტოლვილთა მოზღვაეების შედეგად მისი მოსახლეობა სამჯერ გაიზარდა და გადაიქცა სწრაფ-მზარდ სამრეწველო ცენტრად.

მე აქ არ შევუდგები ბანგალურის დაწვრილებით აღწერას. მინდა მხოლოდ ვთქვა, რომ ვცხოვრობ ძალიან ლამაზ ქალაქში. ის რამდენიმე ბორცვზეა გაშლილი და თითოეული ბორცვიდან ჰორიზონტზე მოჩანს სამი მთა — ჩრდილოეთით, ჩრდილო-დასავლეთით და დასავლეთით. ეს მთები განლაგებულია ოცდათხუთმეტი მილის რადიუსზე, და თითოეულის სიმაღლე ოთხი ათას ფუტს აღემატება.

ყველაზე მაღალი — ჩრდილოეთის მთა ფაქტიურად ნანდილ-რუჯის ჯგუფის წარმომქმნელ სამი მთისაგან შედგება. „დრუგი“ ნიშნავს „მთის ციხე-სიმაგრეს“. სამი მწვერვალიდან ერთი სხვებზე უფრო წამოწეულია აღმოსავლეთისაკენ, და მართლაც დაგვირგვინებულია კარგად შემონახული ძველი ციხე-სიმაგრის ნაშთით. ის აგებული იყო მრისხანე „მაისურის ვეფხად“ წოდებული მუსულმანი მეომრის ტიპუ-სულთანის მიერ. სიმაგრე ცნობილია დაახლოებით ექვსასი ფუტი სიღრმის მქონე „ტიპუს ხრამით“. მრისხანე სარდალი აქ უსწორებდა ანგარიშს თავის მტრებს: ისინი თვალახვეულნი უნდა გასულიყვნენ უფსკრულზე გადებულ ვიწრო მოქანავე ფიცარზე. ის, ვინც შეძლებდა ბოლომდე გასვლას და უკან დაბრუნებას, გადაჩენილი იყო. თუმცა არსადაც მოხსენებული ასეთი ბედსვიანის შესახებ. შესაძლოა, ფიცარი ძალზე მაგრად ქანაობდა ან ძალზე მაგრად აქანავებდნენ — ვინ იცის? ისტორიკოსები აქამდე ვერ იძლევიან პასუხს ამ კითხვაზე.

ბანგალურიდან ჩრდილო-დასავლეთით შივანაგანგის მთაა აღმართული. მის მწვერვალზე დგას ტაძარი — ინდოელთა სალოცავი ადგილი. იქვე არის ჭა, რომელზეც ამბობენ, უფსკეროაო. მეორე ვერსიით მასში იწყება ბანგალურში შემავალი მიწისქვეშა საიდუმლო ხვრელი.

აღმოსავლეთით მდებარე მესამე მთას ჰქვია მაგადი. თუ ბანგალურიდან უმზერთ, ის მოგაგონებთ შაქრის თავს, მაგრამ თუ

ზედ ახვალთ, აღმოაჩინთ აქლემის კუზის მსგავს ორ მალლობს. მათ შორის გაწოლილია ხშირი ტყით დაფარული ხეობა, სადაც ციცაბო ფერდობების გამო ძნელია მოხვედრა. ხოლო თუ აქ ფეხი დაგისხლტათ, ისეთივე ცუდი ბოლო მოგელით, როგორც ტიპუს ტყვეებს.

ამ ხეობიდან დავიწყებ ჩემს მოთხრობას, რადგან აქ ჰქონდა ბუნაგი ავაზას, რომელიც შიშის ზარს სცემდა მთელ მაგადს.

მაგადის მალლობი მდებარეობს გადაკვეთილ ადგილზე. მისგან სამხრეთით გადაჭიმულია სამოცდაათ მილზე დაკული ტყე, რომელიც ფარავს ბორცვების ჯაჭვს და სოფელ სანგამის მახლობლად მდინარე კავერამდე აღწევს.

ბორცვების ამ ჯაჭვის შუა ნაწილი, სადაც ყველაზე მაღალი მწვერვალები მჭიდროდ მიჯრიან ერთმანეთთან, ქალაქ კლოზეტსა და კანკანხალს შორის, სავსეა ავაზებით. ეს რაიონი ჩემი ვაჟიშვილ დონალდისათვის ნამდვილი სამოთხეა. მან იქ დაახლოებით ორმოცამდე ავაზა და ათზე მეტი დათვი დახოცა.

მაგადიდან დასავლეთით გადაშლილია დაბალი ბუჩქნარით დაფარული ვაკე. აქ უხვადაა შავი ირმები, კურდღლები, ფარშევანგები, კაკბები და მწყერები. ბორცვები გრძელდება ჩრდილოეთისაკენ, მაგრამ იქ ისინი გაცილებით დაბალია. აღმოსავლეთით უფრო ბორცვიანი ადგილია, ოცდათხუთმეტ მილზე კი ბანგალურია. ბანგალურისკენ მიმავალი გზა ოცდასამ მილზე ჰქვეთს შედარებით პატარა მდინარეს არკრავარტის იმ ადგილას, სადაც მოწყობილია საგუბარი. ამ წყალსაცავის მოცულობა იმდენად დიდია, რომ ის უზრუნველჰყოფს წყლით ბანგალურს ყველაზე გვალვიან წლებშიც კი.

ახლა თქვენ გაქვთ წარმოდგენა იმ ადგილზე, სადაც პირველად გამოჩნდა ჯიქი, რომელზეც ქვემოთ გვექნება საუბარი, მაგრამ ნუ იფიქრებთ, რაკილა მე ამ მტაცებელს ჯიქი ვუწოდებ—თითქოს მასში რალაც არაჩვეულებრივი რამ იყოს. მე უკვე განვმარტე წიგნის დასაწყისში, რომ ავაზა და ჯიქი ერთი და იგივე ცხოველია. ინდოეთში, რამდენადაც ჩემთვის ცნობილია, უფრო მეტ ხმარებაშია სახელწოდება „ავაზა“.

ამბავი, რომელიც მინდა გვიამბოთ, მოხდა მეორე მსოფლიო ომამდე.

მაგადის მთის ძირში გაფანტულ ზოგიერთ მცირერიცხოვან

სოფელში ავაზამ მოკლა რამდენიმე თხა და ერთი თუ ორი სოფლის ნაგაზი. ამისათვის არავის მიუქცევია განსაკუთრებული ყურადღება, რადგან ამ ავაზების ნაშიერნი ასეთ თავდასხმებს ახლენდნენ ადამიანთა მრავალი თაობის თვალწინ.

მაგრამ დროთა განმავლობაში ავაზამ თანდათან თავი აიშვა. მან დაგლიჯა რამდენიმე მოზვერი და შემდეგ ძროხებსაც დაე-რია.

ინდოეთში ხარი წმინდა ცხოველად ითვლება და არც ერთი ინდოელი მის ხორცს პირს არ აკარებს. მიუხედავად ამისა, ხარი ასრულებს ყველა მძიმე სამუშაოს. ხარი ხნავს, ხარს აბამენ ორთვალაში. მას მოძრაობაში მოჰყავს აგრეთვე წისქვილის ვეებერთელა ქვები, რომლითაც ფქვავენ ჩუნამს — ჩამქრალ კირს. მიუხედავად იმისა, რომ ხარი აუცილებელია მეურნეობაში და ძვირადღაც ფასობს, ადამიანები არც ისე დარდობენ, როდესაც ზოგჯერ ავაზა მოჰკლავს ხოლმე მას — ოღონდაც მთლად ღორმუცელად ნუ გადაიქცევა. მაგრამ როცა მტაცებელი იწყებს თავდასხმას მეწველ ძროხებზე, რომლის რძიდან შემდეგ დებულობენ მთელ ქვეყანაში ფართოდ გამოყენებულ და ძვირად ღირებულ გხის — ერბოს, — ეს უკვე დანაშაულია და იგი უნდა აღიკვეთოს.

ბანგალურში ცხოვრობს (მე ვლაპარაკობ აწმყო დროში იმიტომ, რომ ის ამჟამადაც იქ ცხოვრობს) ერთი სუბიექტი, რომელსაც სახელად მუნუსვამი ჰქვია. იგი „ჭენტლმენი მონადირეების გამცილებლის“ როლს ჩემულობს. დიდი გაიძვერა ენმეა. ქალაქში მოაქვს ახალი ამბები და ამცნობს მას ახალბედა გამოუცდელ მონადირეებს:

— ოსტატო, აქედან სულ თორმეტიოდე მილზე უაიტფილდის ახლოს ორმოცამდე ტახის კოლტია, რომლის დახოცვა სულ იოლი საქმეა.

ან:

— ოსტატო, ათ მილზე მაგადისკენ და თვრამეტ მილზე მაისურისკენ მიმავალ გზებზე მთის ირმის ჯოგებია, თითოეულში ორმოცდაათ-ორმოცდაათი სულია.

ცნობისათვის ის თხოულობს საკმაო გასამრჯელოს. თუ მუნუსვამი მოდის დანიშნულ დღეს, რომ გააცილოს ახალბედა აღნიშნულ ადგილამდე, ამ უკანასკნელს მხოლოდ ისღა დარჩე-

ნია, გაოცდეს, თუ სად გაქრა მრავალრიცხოვანი გარეული ტახები და შავი ირმები, რომლებიც, მუნუსვამის სიტყვით, აქ მრავლად იყო. მაგრამ ერთი წუთითაც კი არ იფიქროთ ეჭვის შეტანა მუნუსვამის სიმართლეში. ის ძალზე გაქნილი და გაიძვერა ვინმეა.

— აი, ოსტატო, — გეტყვით ის, — მე დიდიხანია გეუბნებოდით: ადრე უნდა ჩამოხვიდეთ-მეთქი. თქვენ არ დამიჯერეთ. გუშინ ჩამოვიდა მანქანით სახიბების — სამხედრო ოფიცრების მთელი ჯგუფი; მათ მოკლეს ორი ტახი. დანარჩენები კი უშალვე გაიფანტნენ. ეჰ, ოსტატო, ჩამობრძანდით მეორეჯერ!

ტახები და შავი ირმები — „საბავშვო სათამაშოებია“ მუნუსვამისათვის. რომ გაიგოთ, რისი გამკეთებელია ის, უნდა დაუჟკვირდეთ, თუ როგორ თავაზობს ავაზას შესახებ ახალ ამბავს ვინმე უბედურ ახალბედას, რომელმაც უნდა მიიღოს ცხოვრების ახალი გაკვეთილი. ის გამოჩნდება ბუნგალოს ჭიშკართან, ან შეაჩერებს სახიბს გზაზე სიტყვებით:

— სარ, მე დიდი მონადირე გახლავართ — ჯენტლმენების გამცილებელი. მე ვუჩვენებ ოსტატს შავ ირმებს, ტახებს, ფარშევანგებს, კურდღლებს, კაკებებსა და მწვანე მტრედებს. იქნებ ოსტატს ჩიბუხა ან გარეული იხვები უყვარს? ისინი უამრავი არიან ხოლმე დეკემბერში კისტმისის * დროს. ოსტატს სურს მოკლას ირემი ან ძალიან დიდი ავაზა? თხუთმეტ მილზე აქედან, კანკანხალში მიმავალ გზაზე ვეებერთელა ავაზაა. თუ ოსტატი გაიღებს ავანსად თხუთმეტ მონეტს, მე დანიშნულ ადგილას დავაბამ ცოცხალ ვირს და ვაცნობებ ოსტატს. აგრეთვე მოვაწყობ ძალზე ჩინებულ მაჰანს და ოსტატი ძალზე ადვილად მოკლავს ავაზას.

ახალბედა გაოცებულია. ცოცხალი მისატყუარი სულ რაღაც თხუთმეტ რუპიად? ავაზა აქედან მხოლოდ თხუთმეტ მილზე? ვინ ამბობდა, ნადირობა დიდ სიძნელეებთან დაკავშირებული ძვირადღირებული გასართობიაო?

ამრიგად თხუთმეტი რუპია ბარდება მუნუსვამს. ამ მომენტში მას უეცრად აგონდება, რომ ოსტატმა უნდა მისცეს კიდევ ორი რუპია საჭმლისათვის, სამი კი — ავტობუსისათვის. სხვა-

* დამახინჯებულია „ქრისტმისი“ — შობა (ი ნ გ ლ).

ნაირად ის ვერ შეძლებს აცნობოს ოსტატს იმის შესახებ, რომ ავაზამ მოკლა მისატყუარი. ახალბედას ეს მოთხოვნები მიაჩნია სავსებით ბუნებრივად, ის გაიკრავს ჯიბეზე ხელს და უმატებს კიდევ ხუთ რუპიას. ფრიალ კმაყოფილი მუნუსვამი მიდის.

პირველყოფლია, ის ადგილობრივ მრავალრიცხოვან სავაჭროთაგან ერთ-ერთს მიაკითხავს, სადაც ტოდის ყიდიან. ის სვამს მარტო ტოდის და პირს არ აკარებს არაყის მაგვარ სპირტიან სასმელს, რომელიც, მისი სიტყვით, ძალზე მაგარია — განსაკუთრებით მუნუსვამისათვის. ხოლო ტოდის — ქოქოსის პალმის დადუღებულ წვეს — ცლის სამ-სამ ბოთლს ერთბაშად. ამის შემდეგ ბებერი მუნუსვამი ღრმა ძილს ეძლევა.

მეორე დღეს გაღვიძების შემდეგ ის თავგამოდებით შეუდგება ავაზასათვის მისატყუარის ძებნას.

გზასაცდენილი პირუტყვისა და ძაღლებისათვის ბანგალურში არის ორი საჩეხი. ასეთ საჩეხში მოხვედრილი ვირი პატრონმა რომ უკან დაიბრუნოს, უნდა გადაიხადოს ერთი რუპია. თუ ათი დღის განმავლობაში პატრონი არ გამოჩნდება, უპატრონო ცხოველი გაიყიდება საჯარო ვაჭრობით, რომ ღაფაროს მისი შესანახი ხარჯების ნაწილი. ასეთი აუქციონები კვირაში ორგზის ტარდება.

მუნუსვამისთვის არაფერს წარმოადგენდა წასულიყო აუქციონზე და ორ რუპიად შეეძინა ვირი. მას ისიც შეეძლო — თავი გაესაღებინა ცხოველის პატრონად და მოეთხოვა მისი უკანვე დაბრუნება, ბოლოს და ბოლოს ერთი ვირი მეორეს ჰგავს, ხოლო საჩეხის ზედამხედველს საშუალება არ ჰქონდა შეემოწმებინა, რამდენად კანონიერი იყო მუნუსვამის პრეტენზია, განსაკუთრებით, თუ იგი ამას აცხადებდა თაღლითი პირების მეშვეობით.

მამასადამე, ვირი, რომელშიც სახიბმა თხუთმეტი რუპია გადაიხადა, მუნუსვამს დაუჯდა სულ ორი რუპია, და ამგვარად მიიღო შემოსავლის სახით ცამეტი რუპია, რაც დაბანდებული კაპიტალის 650%-ს შეადგენს. რა თქმა უნდა, დასაწყისი ჩინებულია.

შემდეგ ის გზას გაუდგება, გაივლის რამდენიმე მილს იმ ადგილამდე, სადაც, მისი სიტყვით, უნდა იყოს ავაზა, და ორი დღით მიაბამს ვირს. მესამე დღეს სისხამ დილით თვითონ

ჰკლავს მას. ეს ასე კეთდება. მუნუსვამს აქვს ვეებერთელა დასაკეცი დანა, — რომელსაც გააჩნია ათამდე სხვადასხვა მოწყობილობა, მათ რიცხვში, როგორც ჩანს, ცხენის ჩლიქებიდან კენჭების ამოსაძრობი მრგვალი მახვილწვეტიანი ინსტრუმენტიც. ასე კი მეუბნებოდნენ, მაგრამ ამაში სრულებით არა ვარ დარწმუნებული. ამ პრიმიტიული იარაღით მუნუსვამი გადაუჭრის ცხოველს მთავარ ვენას, და როცა ის დაეცემა, კისერზე აყენებს კიდევ ოთხ ჭრილობას, ორ-ორს ყოველი მხრიდან. დანის წვერით უფატრავს მუცელს, მიმოაბნევს გარშემო შიგნეულს, ამოაგლეჯს რამდენიმე დიდ ნაჭერს და შემდეგ ლეშს ფარავს ტოტებით. დაბოლოს ბინძური ჩანთიდან ამოაქვს საიდუმლო საგანი. იციო რა არის ეს? მუნუსვამის მთავარი საშუალება — ნამჯით გატენილი ავაზას თათი. ამით იგი რამდენიმე ადგილას მიწაზე დააჩენს ნადირის კვალს.

როცა მას, როგორც საქმის მცოდნეს, დააკმაყოფილებს სურათის საერთო ხედი, ის გააჩერებს საბარგო მანქანას და რამდენიმე ანად ჩადის ქალაქში, სადაც უაღრესად ადგზნებულა, ნახულობს სახიბს. მღელვარება ახალბედასაც გადაედება. რა აიძულებს „მისუსს“* საჩქაროდ მოუმზადოს სენდვიჩი და ჩაითერმოსისთვის, თვითონ კი წმენდს თოფს, აგროვებს ვაზნება, ფარანს, ბატარეას და, როგორც წესი, მრავალ სხვა, სრულიად უსარგებლო ნივთს. შემდეგ ის მუნუსვამთან ერთად მთელი სისწრაფით მიჰქრის ადგილისაკენ, სადაც ავაზამ „მკვლელობა“ ჩაიდინა.

მუნუსვამი უჩვენებს ნაკვალევს მიწაზე, კბილების ანაბეჭდს ვირის კისერზე და სახიბს არაფერში ეჭვი აღარ ეპარება. მუნუსვამი ხელმძღვანელობს მაჰანის აგებას, რისთვისაც ქირაობს ორ მუშას და თითოეულისათვის მოითხოვს გასამრჯელოს ორ-ორ რუპიას, თუმცა მათ აძლევს მხოლოდ თოთხმეტ ანს**.

დაბოლოს, ვიდრე სახიბი შევიდოდეს სახუნდარში, მუნუსვამი მასთან აწყობს გარიგებას: თუ სახიბი მოკლავს ავაზას, მან უნდა მისცეს მუნუსვამს ჯილდო ოცი რუპია: თუ ოსტატი ააცდენს (ეს თვითონ ოსტატის დანაშაულია), მან უნდა მისცეს თავის

* დამახინჯებული „მისის“.

** რუპია იყოფა თექვსმეტ ანად.

მონა-მორჩილ მსახურს ათი რუპია; და თუ ავაზა არ გამოჩნდა (ოსტატმა არ უნდა დაივიწყოს, რომ ავაზა უაღრესად ეშმაკი ცხოველია და ზოგჯერ არ ბრუნდება მკვლელობის ადგილზე). მაშინ მან უნდა მისცეს მუნუსვამს ხუთი რუპია. მას ხომ პაპანაქება სიცხეში მოუხდა ოსტატისათვის ძალიან მძიმე სამუშაოს შესრულება. გარიგება იდება და, საოცარია, მუნუსვამი ისევე ენდობა ოსტატს, როგორც ოსტატი მას.

მაშ ასე, ავაზა არ მოდის. არ მოდის იმ უბრალო მიზეზების გამო, რომ იგი საერთოდ არ არის. პირველყოვლისა, მუნუსვამი ზრუნავს იმაზე, რომ ჩაიჯიბოს თავისი ხუთი რუპია, შემდეგ ანუგეშებს ოსტატს და ეუბნება, რომ ავაზა ძალზე უცნაური ცხოველია და შემდეგში შეიძლება მოვიდეს. ის წინადადებას აძლევს მიაბას მეორე ვირი, ისტორია ისევე და ისევე მეორდება მანამ, სანამ ახალბედა არ დაქარგავს ერთ-ერთი ამ უჩინარი ცხოველის დანახვის იმედს, და არ გადასწყვეტს თავი შეიქციოს მხოლოდ იხვებსა და კაკებებზე ნადირობით.

თქვენ შეგიძლიათ იკითხოთ: „საიდან ვიცი ყველაფერი ეს?“ ოდესღაც მეც ახალბედა ვიყავი და მუნუსვამმა ოთხგზის მაინც მომატყუა, თუ მეტჯერ არა. ერთხელ მოხდა გაუთვალისწინებელი შემთხვევა. მაშინ როცა მუნუსვამი მიჩვენებდა „ნადირის ნაკვალევს“, იქვე მყოფი მაწანწალა ძაღლი ერთაშად ტყვიასავით შევარდა ბუჩქებში და გამოათრია იქედან ტილოს ჩანთა. ძალზე შეშინებული მუნუსვამი დაედევნა მას, ძაღლი გაიქცა, მაგრამ ჩანთიდან გამოვარდა რაღაც ლაქებიანი საგანი. მუნუსვამი გაექანა მისკენ. მეც მივყევი. ეს იყო ნამჯით გატენილი ავაზას თავი, მაშინ სასტიკი სასჯელის მუქარით, უფრო მწვავე სასჯელისა, ვიდრე ვირების ხვედრი იყო მის ხელში. დაწვრილებით დაფქვა თავისი მოქმედების ხერხი, როგორც ამის შესახებ ზემოთ გიამბეთ.

ჭირთამთმენი ადამიანი ვარ და ვიცავ წესს: „შენც იცხოვრე და მიეცი საშუალება სხვამაც იცხოვროს“. თუ ახალბედები ისეთივე სულელებია, როგორც მე ვიყავი და მხოლოდ იმას ელიან, რომ ვინმემ „გაატყაოს ისინი“, მაშინ მუნუსვამს რატომ არ უნდა გაეკეთებინა ეს? ამიტომ არასოდეს ხელს არ ვუშლიდი მის ოინებს და მუნუსვამს, ცოტა არ იყოს, ვუყვარდი კიდევ.

არ იფიქროთ, რომ რადგან თქვენ გიამბებთ ეს ისტორია, მე მას რაიმეს ვავენებ. ბანგალური სავსეა ახალბედა მონადირეებით და მუნუსვამი თვითეულ მათგანს ახალ-ახალი სახელით წარუდგება ხოლმე: ზოგჯერ ის რამაიაპია, ზოგჯერ პუიაპი, ზოგჯერ კი პუნაიაპი. იმ შემთხვევისთვის, თუ თქვენ ოდესმე მოგიხდებათ ბანგალურში ყოფნა და მოისურვებთ ჩვენი რიგების შევსებას, მე დაგეხმარებით და აგიწერთ მუნუსვამის გარეგნობას. თუ თქვენს წინაშე წარსდგება ინგლისურ ენაზე მოლაპარაკე „ჯენტლმენი მონადირეების გამცილებელი“, ხან-შიშესული შავგერემანი, ხმელ-ხმელი და მაღალი კაცი, კეფაზე მოხვეული გრძელი თმით, დიდი გადმოკარკლული თვალებით და დოლბანდით ან კეპით თავზე, დხოტში*, ლანგოტში**¹, შარვალსა ან შორტში, ის ჯეკ ჯონსონის სახელითაც რომ წარმოგიდგეთ, შორს დაიჭირეთ თავი მისგან და წინასწარ ჩაკეტეთ ყუთში თქვენი ქისა. დანამდვილებით შემძლია ვთქვა, რომ ეს იქნება ჩემი ძველი მეგობარი მუნუსვამი, „ბედნიერი წარმატების მაცნე“, მატყუარა გამცილებელი.

ალბათ იფიქრებთ, რომ ამ კაცზე ამდენი ლაპარაკით მე ძალზე დავშორდი ძირითად მოთხრობას. ეს ასე როდია, რადგანაც ის საკმაოდ დიდ როლს თამაშობს, როგორც ამ ისტორიის დასაწყისში, ისე მის დასასრულს. გარდა ამისა, დარწმუნებული ვარ, რომ თქვენ კმაყოფილება მიიღეთ ასეთი არაჩვეულებრივი ადამიანის გაცნობით.

სწორედ ამ მუნუსვამმა მოაპკრა ყური ავაზას ოინებს, რომელმაც დაიწყო მაგადის რაიონში ხარებისა და ძროხების დახოცვა. არ იფიქროთ, რომ თუ მუნუსვამი მუდამ მოგონალ ავაზებს გთავაზობთ, მან არაფერი იცის ნამდვილი ავაზებია შესახებ. სრულიადაც არა! მრავალი წლის წინათ, როცა მუნუსვამი ახალგაზრდა გახლდათ და ცხოვრება შედარებით უფრო იოლი იყო, ის თვითონ ნადირობდა და კარგად შეისწავლა ეს ცხოველები. ამიტომ, როცა მუნუსვამამდე მოაღწია ხმებმა მაგადელი ავაზას შესახებ, იგი ავტობუსით მივიდა

* მამაკაცის ტანსაცმელი: ქსოვილის ნაქერი, რომელსაც წელზე, ბარძაყებსა და ნაწილობრივ ფეხებზე იხვევენ — ინდოეთის სხვადასხვა ნაწილში სხვადასხვანაირად იხვევენ.

** ვიწრო შემოსახვევი ბარძაყებზე.

მთაში და იქ პირველწყაროებიდან შეკრიბა ცნობები, რომ ავაზა საკმაოდ ხშირად ესხმოდა თავს მსხვილ რქოსან პირუტყვსა და თხეებს.

ძნელი წარმოსადგენი არაა, რომ მუნუსვამის ოინები და ის უცნაური ფაქტი, რომ სანადიროდ მასთან ერთად წასულს არავის არ უნახავს ავაზა, შეუქლებელია არ ევნო მისი მეგზურობის რეპუტაციისათვის. მთელ იმ მხარეში მასთან ხომ მჭიდროდ იყო დაკავშირებული როგორც ევროპელი, ისე ინდოელი მონადირეების ნახევარზე მეტი. მუნუსვამი სავალალო მდგომარეობაში აღმოჩნდა, რამაც შეათხელა მისი ქისა და, რასაკვირველია, უშუალოდ იმოქმედა მის კუჭზეც. დრო იყო ეზრუნა თავისი შელახული სახელის აღსადგენად.

ავაზას ხშირი და თავხედური თავდასხმები იმედს იძლეოდა, რომ მისი მიკვლევა არ იქნებოდა ძნელი. მუნუსვამში გაიღვიძა მონადირის ინსტინქტმა. მან გადაწყვიტა, რომ მოკლავს მხეცს და მერე მთელ ქვეყანას მოსდებს ამ ამბავს: ხარებშებმულ ფორანზე დადებს ავაზას ლეშს და ტამტამის ცემით დიდი ზეიმით გაატარებს ბანგალურის ქუჩებში. კიდევ მეტი, ის სურათს გადაიღებს მოკლულ ავაზასთან და ფოტოსურათებს საჩუქრად მისცემს იმ კლიენტებს, რომლებსაც ჯერ კიდევ ურთიერთობა აქვთ მასთან. იმათ კი, რომლებმაც მიაგან პირი იბრუნეს, ფოტოსურათებს ფოსტით გაუგზავნის. თითოეული ფოტოსურათის მეორე მხარეზე გააკეთებს მოკლე წარწერას, რომ ამა და ამ ადგილას, ამა და ამ დღეს მონადირე მუნუსვამმა მოკლა ავაზა, იმიტომ, რომ სახიბებმა, რომლებიც თან ატარებდა, ვერ შეძლეს ნადირის მოკლა, მიუხედავად იმისა, რომ მუნუსვამი ყოველგვარ დახმარებას უწყევდა.

რამდენადაც ბევრს ფიქრობდა მოხუცი მუნუსვამი, იმდენად უფრო მეტად მოწონდა თავისი ჩანაფიქრი. ეს აიძულებს ადამიანებს ჩაფიქრდნენ და დაეხმარება მას შელახული რეპუტაციის აღდგენაში.

მუნუსვამმა თავისი თოფი დიდი ხანია, რაც გაყიდა და ახლა როგორღაც იშოვა 12 ყალიბის ორლულიანი ძველი თოფი ჩახმახიანი მექანიზმით. შემდეგ დაბრუნდა მაგადის რაიონში და განუცხადა გლეხებს, რომ ის, მუნუსვამი, ოდესღაც გენე-

რლებთან და მეფის მოადგილეებთან ნამსახური ძველი „შიკარი“, * მოვიდა ცხოველის მოსაკლავად, რომელიც ასეთ დიდ ზიანს აყენებს მათ. მან განუცხადა, რომ ბინას დაიდებს მაგადის მთიდან ჩრდილოეთით, დაახლოებით ოთხ მილზე მდებარე იმავე სახელწოდების სოფელში და თხოვა, უმაღვე შეეტყობინებინათ მისთვის, თუ ავაზა კვლავ დაესხმოდა თავს ნახირს.

ორი დღის შემდეგ ავაზამ დაგლიჯა ძროხა. მუნუსვამმა წაიღო ნათხოვარ თოფთან ერთად ტყვია და ფინდიხი და გაეშურა შემთხვევის ადგილზე, სადაც ააგო სახუნდარი. ნამდვილად რომ მოეხვედრებინა ავაზასთვის, ორივე ლულიდან ერთდროულად ესროლა, ცალი ლულიდან ტყვია ბეჭში მოარტყა, ხოლო მეორედან ფინდიხიც არ დაუცდენია, მაგრამ ავაზა მაინც წავიდა. ასწონ-დასწონა რა მდგომარეობა, მუნუსვამმა გადაწყვიტა, რომ ის ძალზე მოხუცია და ვერ შეუდგება დაჭრილი ავაზას ძებნას. „გმირობის“ პროპაგანდის უპირატესობა, რომელმაც ასე ალაგზნო მისი წარმოსახვა, ახლა არარაობად ეჩვენებოდა სისხლიან ნაკვალევზე ცხოველის დევნის საშიშროებასთან შედარებით. მუნუსვამმა გადაწყვიტა, როგორმე დაბინდებამდე დაბრუნებულიყო და ბანგალურისკენ გაეშურა.

როგორც ცნობილია, ისტორია მეორდება, და ყველაფერი თავისი რიგით წარიმართა. ავაზამ კვლავ დაიწყო ძაღლებსა და თხებზე ნადირობა მაგადიდან კლოზეპეტში მიმავალი ოცდაორმილიანი გზის გასწვრივ მდებარე სოფლების ახლო. ის ორჯერ დაესხა თავს მწყემსებს, რომლებიც ცდილობდნენ გადაერჩინათ თხები, რასაც შედეგად მოყვა მამაკაცისა და ბიჭის დასახიჩრება.

შემდეგ თავს დაესხა პონის. ერთხელ ღამით სადგურ კლოზეპეტზე მაისურის მატარებლიდან სამი კაცი ჩამოვიდა. ამ დროს ავტობუსი არ დადის და ჩამოსულებმა გადაწყვიტეს მათთვის საჭირო სოფლამდე ჯატკით ემგზავრათ. ჯატკა—ლერწმის ჩარჩოზე ჭილობებგადაჭიმული და ზემოდან ნახევრადმრგვალი ორთვალაა. მასში აბამენ ამ მიზნისათვის საგანგებოდ გაწვრთნილ ტანმოორჩილ პონის. სოფლის ჩვეულებრივ

* მონადირე (პი ნ დ ი).

„ტატუსგან“* ისინი გამოირჩევიან მოკლე ფაფრითა და კუდებით.

ჯატკა მივიდა დანიშნულ ადგილას და მგზავრები ჩამოხდნენ. მეჯაგემ გადაწყვიტა ღამის გათევა სოფელში და დილაზე უკან კლოზეპეტში დაბრუნება. მან გამოუშვა პონი, დაუყარა თივა, რომელიც ჭვალოს ტომრით ჰქონდა წამოღებული და დაწვა დასაძინებლად.

როგორც ჩანს, თივა რომ მოათავა, პონიმ დაიწყო ხეტიალი სოფელში, რომ რაიმე მცენარეულობას წაწყდომოდა. ასე აღმოჩნდა ის სოფლის განაპირას.

უცბად ბოლო ქოხს ამოფარებული რაღაც მხეცი შეახტა ზურგზე და დაუწყო ყელის გამოლადვრა. პონი ხმაძალლა ჭიხვინით გამოქანდა უკან. მტაცებელმა თავი ველარ შეიკავა და გადმოვარდა, თუმცა მოასწრო მძიმე ჭრილობის მიყენება. ეს იყო ავაზა.

დაფეთებული პონის ჭიხვინმა და ავაზას ღმუილმა გამოადვიდა მეჯაგე და მან დაინახა მისკენ გამოქანებული ტანმორჩილი ცხენი. შიშისაგან აკანკალებული ცხოველი შედგა, ყელიდან სისხლი სჩქედდა. მეჯაგემ დაუყოვნებლივ განგაში ასტეხა.

პონის აღარ შეეძლო ჯატკის ზიდვა, მეორე დილას პატრონმა წაიყვანა იგი კლოზეპეტში და პოლიციას განუცხადა მომხდარი ამბის შესახებ. ხმა გავარდა — ახლო მიდამოებში გამოჩნდა ავაზა, რომელიც ერთ დღეს შეიძლება გახდეს კაცი-ჭამიანო.

მალე ამის შემდეგ სოფელ მაგადიდან ორი მილის მოშორებით ავაზა თავს დაესხა ადამიანს. ახლო მდებარე მინდვრებში მომუშავე გლეხები გავიდნენ საბრალოს დასახმარებლად. ის მიწაზე ეგდო ძალზე დაკბენილ-დაკაწრული. მაგადში წაიყვანეს და საავადმყოფოში მოათავსეს. შეადგინეს აქტი და ადგილობრივი დაფედარი — ეს სახელწოდება დაახლოებით შეესაბამება სერუანტს, — სოფელში თავისი წოდებით ყველაზე მაღლა მდგომი და საპოლიციო უბნის უფროსი

* „ტატუ“ — ინდური პონი (პინდი).

ველოსიპედით წავიდა მომხდარი შემთხვევის ადგილზე. მასთან ახლდა კონსტებლი.

სანამ ის ათვალეირებდა სისხლის ლაქებსა და მხეცის ნაკვალევს და ადგენდა, შესაძლებელია, მეტად გრძელ ოქმს, რომელსაც ასეთ შემთხვევაში პოლიციელები წერენ, ვილაცამ წაღლა აიხედა და დაიყვირა, პატარა გორაკის გაშიშვლებულ კლდოვან მწვერვალზე რალაც ორიოდ ფარლანგის* მანძილზე ავაზა წევსო. დაინახა თუ არა ის, დაფედარმა გამოართვა კონსტებლს ველოსიპედი, მთელი ძალღონით დააწვა სატერფეებს და მოკურცხლა სოფლისაკენ, რათა იმ სამი თოფიდან, რომელიც საპოლიციო უბნის მთელ არსენალს შეადგენდა, ერთ-ერთი წამოეღო.

თუმცა უკან ის ბრუნდებოდა ისეთივე სისწრაფით, ავაზამ მაინც მოასწრო ბორცვის მწვერვალს ამოფარება. გლენებმა ურჩიეს დაფედარს შემოეელო ბორცვისათვის — მანძილი დიდი არ იყო, — და ხელთ ეგდო ავაზა მეორე მხარეზე.

დაფედარმა, მამაცმა და ენერგიულმა ადამიანმა თან წაიყვანა სოფლის ერთ-ერთი მცხოვრები, რომ ეჩვენებინა მისთვის უმოკლესი გზა და სწრაფად გაეშურა ბორცვის შემოსავლელად და დამატებით აღიჭურვა 303-ყალიბის შაშხანით. ინდოეთის პოლიციელები შეიარაღებული არიან ისეთივე შაშხანებით, როგორც სამხედრო მსახურნი, მხოლოდ ამ შაშხანებს არ გააჩნიათ სავაზნე კოლოფები. ასე რომ სასხლეტზე თითის გამოკვრის დროს შესაძლოა მხოლოდ ერთხელ გაისროლო. სიფრთხილის ეს ღონისძიებანი ხალისს უკარგავს სასხლეტზე ჩქარ-ჩქარა ხელის დაჭერის მსურველ პოლიციელებს ადგილობრივი არეულობისა და შეტაკებების დროს. ამიტომ დაფედარის თოფი გატენილი იყო ერთი ვაზნით და კიდევ ორი თუ სამი ჯიბეში ედო.

ბორცვის მეორე მხარეზე ავაზას ჭაჭანებაც არ იყო, ირგვლივ კი მხოლოდ ლოდების გროვა ეყარა. გლენებმა ურჩიეს ბორცვზე ასვლა, რადგან მხეცი შეიძლება სადმე მახლობლად ყოფილიყო. როგორც კი შეუდგნენ აღმართს, კლდიდან გამოხტა ავაზა. მოულოდნელობისაგან დაბნეულმა დაფედარმა დაუ-

* სიგრძის საზომი, უდრის დაახლოებით ორას მეტრს.

მიზნებლად ესროლა და ააცდინა. მეორე წამს ის უკვე ბალახზე ეგდო, ავაზა ზემოდან აჯდა, კბენდა და უკაწრავდა მკერდსა და ხელებს, მისი თანამგზავრები კი თავქუდმოდგლეჯით ჩამორბოდნენ ბორცვიდან.

ავაზამ, რომელიც ჯერ კიდევ არ გამხდარიყო კაციჭამია, დაიკმაყოფილა ყინი, მიატოვა დაჭრილი პოლიციელი და თავის ბუნაგში დაბრუნდა. ამასობაში გლეხმა მიიღბინა იმ ადგილას, სადაც კონსტებლი და მეორე გლეხი იყო და აცნობა, რაც მოხდა, კონსტებლი შეახტა ველოსიპედს და გაექანა საპოლიციო ზებანში.

წამოიღო ჯოჯინაში დარჩენილი ორი თოფი და დამატებით ჯოხებით შეიარაღებული კანონის ოთხი წარმომადგენელი სასწრაფოდ გაეშურა ბორცვისაკენ. გზად მიმავალ პატარა რაზმს შეუერთდა რამდენიმე გლეხი. რაზმში უკვე ათ კაცზე მეტი იყო, როცა მძიმე მდგომარეობაში მყოფი დაფედარი აიყვანეს და მეორე დღეს სანიტარული მანქანით ჩაიყვანეს ბანგალურში.

ავაზას ოინები აღრევეც იყო ცნობილი, მაგრამ როცა ის თავს დაესხა ხელისუფლების წარმომადგენელს და ისიც დაფედარს, პოლიცია ამოძრავდა. ბევრი დრო არ დაჭირვებიათ. ამ ბოროტების ფესვის მისაკვლევად. აღმოჩნდა, რომ ყველაფერში დამნაშავეა მონადირეების გაიძვერა გამცილებელი მოხუცი მუნუსვამი. ის მამხილებელი საბუთებით სააშკარაოზე გამოიყვანეს: მოწმებმა აჩვენეს, რომ მან ააგო სახუნდარი, დაუდარაჯდა ავაზას და დაჭრა იგი. ამისათვის მას უნდა ესარგებლა ცეცხლმსროლი იარაღით. აქვს თუ არა მას თოფი? თუ აქვს, მაშინ იარაღის ტარების უფლებაც უნდა ჰქონდეს. ხომ არ მალავს იარაღს, რომელზეც არა აქვს ლიცენზია? შეიძლება ვინმესგან ითხოვა? ვისგან? რატომ? როდის? სად? იარაღის პატრონს თუ აქვს ლიცენზია? რამდენი ვაზნა ჰქონდა მუნუსვამს?

სეტყვასავით დააყარეს შეკითხვები. საწყალი მუნუსვამი ხათბალაში გაება. მისთვის წაყენებული ბრალდება მთავრდებოდა დასკვნით, რომ ჭრილობებისაგან დაფედარის სიკვდილის შემთხვევაში მოხუც მონადირეს მიიჩნევენ „პოტენციური კაცის მკვლელად“, შეავსეს ბრალდებათა მთელი გვერდი და უეჭველია საფუძვლად დაუდებდნენ დიდი ხნით მის ციხეში ჩასმას.

აქ მუნუსვამს წამოეშველა თანდაყოლილი საზრიანობა და ყველაზე ხელსაყრელი გარიგება დადო. ვალდებულება აიღო, რომ ოთხი დღის განმავლობაში მოკლავდა ავაზას და ოლქის პოლიციის უფროსს მიაართმევდა. თუ იგი ამას ვერ მოახერხებდა, მაშინ პოლიცია მის მიმართ ნებისმიერ ზომებს გამოიყენებდა, წინააღმდეგ შემთხვევაში მასზე წაყენებული ყველა ბრალდება მოხსნილი იქნებოდა.

ოლქის პოლიციის უფროსი პრაქტიკული ადამიანი იყო, ავაზას განადგურება უფრო აინტერესებდა, ვიდრე მუნუსვამის დევნა სასამართლოს მიერ. ავაზა დროთა განმავლობაში აუცილებლად გადაიქცეოდა კაციჭამიად, მაშინ როცა საექვოა, რომ მუნუსვამი, მიუხედავად თავისი ყალთაბანდური ხრიკებისა, აქამდე გაანადგებდა თავის დანაპირებს. ამიტომ ოლქის პილიციის უფროსმა მისცა მას ოთხი დღის ვადა და გაანთავისუფლა.

იმავე დღეს ჩემი კოტეჯის შესასვლელ კართან გავიგონე დაჟინებული მუდარა: „სარ, სარ!“ ეს იყო მუნუსვამი. ცრემლები ჩამოსდიოდა ლოყებზე (როგორ ახერხებდა მის გამოწვევას, ეს გახლდათ მისი საიდუმლოება, რომელიც ჩემთვის ჯერ კიდევ არ გაუნდვია). მან მიაშო თავიდან ბოლომდე თავისი მწუხარებისა და იმის შესახებაც, რაც იცოდა ავაზაზე — ამ მონაყოლის უმეტესი ნაწილი მე უკვე გიამბეთ.

ის იმეორებდა, რომ მიცემული აქვს ოთხი დღის ვადა ავაზას მოსაკლავად, რომ წარუმატებლობის შემთხვევაში მას მიაბრძანებენ „დიდსა და უზარმაზარ ციხეში“. მე სიცილით ვკითხე მუნუსვამს, რატომ არ გაიქეცი-მეთქი. ასეთი აზრი კი დაებადა მას, მაგრამ ინდოეთში სხვაგან სად იპოვნიდა ისეთ სახიბ-სპორტსმენებს, რომლებიც ასე უხვად იძლევიან ფულს, აუქციონებს, სადაც ორ რუპიად შეიძლება ცოცხალი ვირის შეძენა, და ოჰ!.. მრავალ სხვა უპირატესობას, რომლითაც ის სარგებლობს ბანგალურში. ამ აზრებმა მოტეხეს მოხუცი და ცრემლები კიდევ უფრო უხვად ჩამოედვარა თვალთაგან. არ გავიოცებდი, რომ შემეტყო — ამ ცრემლების ნაწილი გულწრფელი იყო.

ვიქნებოდი თუ არა იმდენად თავაზიანი, რომ დავეხმარებოდი მას ავაზას მოკვლაში? ამით გადავარჩენდი მას და მრავ-

ვალ სხვა ადამიანს, რომლებიც შეიძლება მომავალში მისა მსხვერპლნი გამხდარიყვნენ.

მე ყურად ვიღე მისი მეორე თხოვნა, მაგრამ არ დამიმა-
ლავს მუნუსვამისთვის, რომ პირველი ნაკლებად მაწუხებდა.
მას არ წყენია. დავეთანხმე, დავხმარებოდი ერთი პირობით:
რადგანაც ის იყო ყველა ფათერაკის მიზეზი, ჩემს გვერდით
უნდა ყოფილიყო ნადირობის დამთავრებამდე.

თანხმობის ნიშნად მოხუცს გაელიმა, უცნაურია, თითქოს
სულ ახლახან ცრემლად არ დაღვრილიყო.

იმ საღამოსვე გავეშურე ოლქის პილიციის უფროსთან და
სიცილით ვუამბე მუნუსვამთან ჩატარებული საუბრის შესა-
ხებ. მე განვუცხადე პოლიციელს, რომ არ ვიცი, რამდენად
სერიოზულად ეკიდება იგი მუნუსვამისათვის მიცემულ ოთხი
დღის ვადას, რომ ასეთი შეზღუდვა ჩემთვის მხოლოდ ხელს
შემშლელი იქნებოდა, იმიტომ, რომ მსურდა თან მყოლოდა
მოხუცი ყალთაბანდი, და როგორ დამენახებოდა, როცა მე-
ხუთე დღეს პოლიცია წაიყვანდა მას.

პოლიციის უფროსმა მიპასუხა, რომ, მართალია, აპირებდა
მუნუსვამისათვის ოთხი დღის ვადის მიცემას, მაგრამ რადგან
მე ვხელმძღვანელობდი ნადირობას, იგი აღარ ჩაერეოდა ამ
საქმეში. გარდა ამისა, მან მომცა წერილი, რომელშიც უბრძა-
ნებდა ყველა პოლიციელს, რომ ყოველგვარი დახმარება აღ-
მოეჩინათ ჩემთვის.

ცხადია, ამის შესახებ არაფერი მითქვამს მუნუსვამისა-
თვის, გული რომ არ გატეხოდა, პირიქით, დავარწმუნე, ოლქის
პოლიციის უფროსი უკვე ნანობს-მეთქი, ოთხი დღის ნაც-
ვლად რატომ სამი დღე არ მივეციო. მაგრამ მე ჩავერიე საქ-
მეში და სულ უკანასკნელ მომენტში გამოვასწორე მდგომარე-
ობა-მეთქი.

მუნუსვამი კიდევ უფრო მეტად განიმსჭვალა ჩემდამი მა-
დლიერების გრძნობით და, მოუთმენლობით აღგზნებულს,
სურდა, რაც შეიძლება ჩქარა გავდგომოდი გზას. მეორე დღეს
სისხამ დილით „სტუდენტების“ მანქანით მივედით მაგადის
მთამდე და დავიწყეთ მის ძირში მდებარე სოფლების მცხოვ-
რებთა გამოკითხვა. ასე მივალწიეთ სოფელ მაგადიმდე. აქ მო-

ველაპარაკე კონსტებლს, რომელმაც სიკვდილს გადაარჩინა დაფედარი, იქედან მანქანით ჩავედით კლოზებეტში.

გზაში ვჩერდებოდით თითოეულ სოფელში და კვლავ გამოკითხვას ვაწარმოებდით. ვიყავით იმ სოფელშიც, სადაც ავაზა თავს დაესხა პონის. კლოზებეტში ინსპექტორის ადგილობრივ თანაშემწეს გადავეცი ოლქის პოლიციის უფროსის წერილი. მან დაუყოვნებლივ აფრინა კაცი ჯატკის მეჭაგის მოსაყვანად და მან გვიამბო, რაც შეემთხვა მის პონის.

გამოკითხვა გრძელდებოდა გვიან საღამომდე. მაგრამ, მიუხედავად ამისა, ვერ შევხვდი ვერც ერთ კაცს, რომელმაც იცოდა ავაზას ბუნაგის ადგილმდებარეობა ან მისი ჩვევები. მე კი ვიცოდი, საჩქარო არაფერი იყო, მაგრამ მუნუსვამის დაღვრემილმა სახემ მიიღო კიდევ უფრო ტანჯული გამომეტყველება, როდესაც აშკარა გახდა, რომ იმ ნაჩუქარი ოთხი დღიდან ერთმა დღემ უშედეგოდ ჩაიარა.

დაებრუნდით სოფელ მაგადიში და ღამე გავათიეთ მოგზაურთათვის განკუთვნილ ბუნგალოში.

ღლით ჩვენს წინაშე გამოცხადდა გამხდარი კაცი, სახელად ალიმუტუ. მან გვიამბო, რომ საარსებო საშუალებას იმით შოულობს, რომ გარშემო მდებარე ბორცვებზე აგროვებს თაფლს, დაეძებს სამკურნალო ბალახებს და, როცა საშუალება ეძლევა, მახეებს უგებს კურდღლებს, მწყრებსა და კაკბებს. რომ გაეგო, გასულ ღამეს მე და მუნუსვამი დავდიოდით ამ მხარეში ავაზაზე ცნობების შესაკრებად, ის მოვიდა და გვაცნობა, რომ მისი დაკვირვებით, მხეცი ბინადრობს მაგადის მთების ხეობაში მდებარე გამოქვაბულში.

მე ვკითხე მას, რატომ გგონია-მეთქი ასე. რამდენიმე კვირის წინ, ბალახის მოგროვების დროს შეემჩნია, რომ იმ ადგილას კლდეებს შორის გაეგლო ცხოველს, რომელსაც სისხლი დიოდა და გარკვეულ კვალს ტოვებდა. გაჰყვა მას და იქ, სადაც ცხოველი ჩამოსულიყო კლდიდან, ავაზას თათების ანაბეჭდები აღმოაჩინა. ნაკვალევს აღარ გაჰყოლია. მოგვიანებით მას უამბეს, რომ წინა დღით, ცოტა მოშორებით ამ ადგილიდან ვიღაცას დაეჭრა ავაზა. ეს უცნობი გახლდათ მუნუსვამი.

მან იცოდა გამოქვაბულის არსებობა, რადგან ადრე არაერთხელ შეუგროვებია აქ თაფლი. ორი დღით ადრე კლოზე-

პეტიდან დაბრუნებისას, როცა ჯერ კიდევ არ იცოდა წინა დღით დაფედარზე მომხდარი თავდასხმის შესახებ, ის მივიდა გამოქვაბულთან, რომ შეემოწმებინა შეუდგნენ თუ არა ფუტკრები ფიჭის კეთებას, უეცრად გამოქვაბულიდან მოესმა ღრენა. მოაგონდა სისხლიანი ნაკვალევი და უმაღვე დასტოვა ხევი.

ეს იყო მნიშვნელოვანი ახალი ამბავი.

ალიმუტუ კისრულობდა გამოქვაბულამდე ჩემს გაცილებას იმ პირობით, თუ დაახლოებით ერთ ფარლანგს ოთხზე დამდგარი ზოხვით გავივლიდი ლანტანის ხშირ შამბნარში.

მე დავთანხმდი და მუნუსვამს ვუთხარი, რომ დადგა ჩვენი პირობის შესრულების დრო, რათა გამომყოლოდა სანადიროდ იმ ბოროტების გამოსასყიდლად, რომელიც მან ჩაიღინა ავაზას დაქრით.

არ იფიქროთ, რომ მან უარი განაცხადა. პოლიციამ იაე დააშინა მუნუსვამი, რომ მას ეშინოდა არა ავაზასთან შეხვედრის, არამედ იმის, რომ დარჩენილ სამ დღეს ფუქად არ ჩაეველო.

შევიცადე, ვიდრე მზე დააცხუნებდა და დინჯად ვისაუზმე: საშუალება უნდა მიმეცა ავაზასთვის თავის ბუნაგში დღის ღრმა ძილს მისცემოდა. ძალიან ადრე რომ გამოვჩენილიყავი, ცხოველს შეეძლო ჩემი ხმის გაგონება და მიიმალებოდა.

ზუსტად ათ საათზე გავედით ბუნგალოდან მანქანით და თხუთმეტ წუთზე უფრო ადრე აღმოვჩნდით თითქმის ზუსტად ხევის პირდაპირ მდებარე მთის ღრმულში. ალიმუტუმ გვითხრა, აქ გავჩერებულიყავით. მანქანა ხის ჩრდილში დაეაყენე გზის პირას და გარეთ გამოვედით. დავაქირე ხელი თოფის კონდახს, რომ გამესინჯა, კარგად მოძრაობდა თუ არა მექანიზმი. შემდეგ ალიმუტუმ, მუნუსვამმა და მე გავწიეთ მაგადისაკენ, რომელიც გზიდან დაახლოებით ორ მილზე მდებარეობდა. მალე მივალწიეთ მის ძირს და შევუდექით ხეობისაკენ გასვლას, რომელსაც ჩვენგან ფარავდა ხეები. გადაშლილი კენწეროების ზემოთ მოჩანდა მარცხნივ და მარჯვნივ აღმართული მთის მწვერვალები.

აღმართი მძიმე სავალი იყო, და მთელ საათს მივცოცავ-

დით, ვიდრე დაბალი ტყისა და ლანტანის შამბნარს მივაღწევდით. აი სწორედ აქ იყო საჭირო ხოხვით სვლა.

მერწმუნეთ, რომ დიდი შრომა გავწიეთ ამ მცირე მანძილის გადასალახავად. ალიმუტუ ჩემზე ცოტა წინ მიხობხავდა, მუნუსვამი კი ძალზე ახლო მომყვებოდა. ლანტანის სარტყელს რომ გავცდით, ოფლი წურწურით ჩამოგვდიოდა, ხაკისფერი შარვალ-პერანგი ბევრ ადგილას გამხეოდა. დარწმუნებული ვარ, რომ კაკვისმაგვარ ეკლებზე, რომლითაც სავსეა ლანტანის ტოტები, შერჩა ჩემი სახის, კისრისა და ხელის მტევნის კანის ნაწილები.

როგორც იქნა, თავი დავაღწიეთ შამბნარს და შევედით ხეობაში. ჩვენს ირგვლივ ეყარა უზარმაზარი რიყის ქვები, რომლებიც ნახევრად მაღალ ეკლიან ბალახს დაეფარა. ალიმუტუმ წაიჩურჩულა, რომ გამოქვაბული მარცხნივია და იქამდე გასავლელია ხეობის სამი მეოთხედით. ავაზას დანახვა შეუძლებელი იქნებოდა იმ შემთხვევაშიც კი, ჩვენს გვერდითაც რომ ყოფილიყო. აქ ათამდე ვეფხვიც რომ ყოფილიყო, ვერც ერთს ვერ შევამჩნევდით.

ახლა რაზმის უფროსი მე ვიყავი, უკან მომყვებოდა ალიმუტუ, ხოლო მას — მუნუსვამი. მარჯვენა მხარე მეკავა იმ ანგარიშით, თუ ავაზა თავს დაგვესხმოდა ბუნაგიდან ან მარცხნივ რომელიმე საფარიდან, უმაღვე შევამჩნევდით მის მოახლოებას.

აი, ჩვენც აღმოვჩნდით გამოქვაბულის პირდაპირ. მის თავზე გადმოკიდებული კლდის ნაპრალი ამოვსებული იყო ცვილის უჯრედებით, ძველი ფიჭით, მაშინ, როცა ახალი ფიჭუთითქმის ჯერ კიდევ არსად ჩანდა. მაღალი ბალახი და ქვის გროვა, რომლის უმეტესი ნაწილი ზევიდან იყო ჩამოშვებული, ფარავდა გამოქვაბულის ნაწილს.

უეცრად გავიგონეთ მხეცის ღმუილი. ალიმუტუ მხარზე შემეხო, რომ შევეჩერებინე, მაგრამ მე უკვე თვითონ გავიგონე ეს ხმა, ეს იყო ავაზას ან დათვის ხმა.

შევდექი, რომ კარგად გავრკვეულიყავი შექმნილ მდგომარეობაში. ღმუილი უთუოდ მოისმოდა წინიდან — გამოქვაბულიდან, ანდა რომელიღაც ახლო ადგილიდან. მე შემეძლო იმ მიმართულებით ქვები დამეშინა ან მივსულიყავი ცოტა უფ-

რო ახლოს. ეს უკანასკნელი საშიში იყო. ცხოველს შეეძლო ზემოდან დამსხმოდა თავს. ბალახის ან ქვების იქით რომ ვერ შეემჩნია მისი მოახლოება ან ტყვია ამეცდინა, სერიოზული უსიამოვნებანი მომელოდა.

სიფრთხილემ გაიმარჯვა და ჩურჩულით ვუბრძანე ალიმუტუსა და მუნუსვამს, ესროლათ ქვები.

მოვიმარჯვე თოფი, შევაყენე ჩახმახი და დაძაბული ვადევნებდი თვალს ჩემს ირგვლივ ოდნავ მოძრაობასაც კი, მაგრამ წინანდებურად სრული სიწყნარე სუფევდა. მუნუსვამმა და ალიმუტუმ კვლავ დაიწყეს ქვების სროლა, მაგრამ ისევ უშედეგოდ.

უეცრად მარჯვნივ, იქ, სადაც გამოქვაბული ფერდობს ეკვრის, შევამჩნიე, რომ მაღალი ბალახი ოდნავ ირხევა. ეს მოძრაობა შეიძლება გამოწვეული ყოფილიყო ნიავით ან ბალახებში მიმალული ცხოველების მიერ.

მე ერთში ვიყავი დარწმუნებული: ეს არ იყო დათვი. სამხრეთ ინდოეთის დათვი შავია და მუქ ბალახში ადვილად შემეძლო მისი ქურქის გარჩევა; გარდა ამისა, ის ვერ ახერხებს ჩუმად მიპარვას და მიეკუთვნება იმ მოუქნელ ცხოველებს, რომლებიც ხმაურით გამოჩნდებიან და ხმაურითვე გაუჩინარდებიან ხოლმე.

მხედველობა დავძაბე და დავინახე გამოქვაბულზე გადმოწოლილი წინწყლებიანი ქურქის ნაწილი. ახლა ცხოველი არ მოძრაობდა, და უეჭველია ჩვენ გვიყურებდა, თუმცა ბალახი მიშლიდა მისი თავისა და დრუნჩის დანახვას. რამდენიმე წამით დაგვიანება — და იგი შეიძლება წასულიყო.

დავუმიზნე წინწყლებიან საგანს და ფრთხილად გამოვწიე ჩახმახი. წამსვე ბალახიდან გამოჩნდა ზევით ამხტარი ავაზა, შემდეგ ის დაგორდა ფერდობზე და მხედველობიდან მიიშალა. კლდეზე ავტოცდი, ვცადე მისი დანახვა ქვევით, მაგრამ ვერაფერი ვერ შევამჩნიე.

ათ წუთს დაველოდე, შემდეგ ვუბრძანე ალიმუტუსა და მუნუსვამს დამალულიყვნენ და დასაზვერად წავებოხდი. დრო და დრო მსხვილი რიყის ქვებზე ავლიოდი და ვცდილობდი დამენახა გაუჩინარებული ცხოველი.

ბოლოს, როგორც იქნა, დავინახე, მაგრამ ჩემი სიფრთხი-

ლე ამო აღმოჩნდა: ავაზა მკვდარი იყო. კისერში გასული ტყვია თავის ქალაში მოხვედროდა.

მოკლული ნადირის დათვალიერების დროს გამოირკვა, რომ მუნუსვამს ავაზასთვის ტყვია ზურგში მოერტყა. ამ ადგილზე აჩნდა გაგლეჯილი დიდი ჭრილობა, რომელშიც მატლები ფუთფუთებდნენ. ორ ნამსხვრევს ტყავი გაეგლიჯა, მაგრამ, როგორც ჩანდა, ამათგან მიყენებული ჭრილობები მოშუშებოდა. ძირითადი ჭრილობა საბოლოოდ გამოიწვევდა ცხოველის შიმშილით სიკვდილს, რომ ის კაციჭამია არ გამხდარიყო.

საშინელი სათრევი იყო მძიმე ლეში ლანტანის შამბნარში, მაგრამ ოფლში გაწუწულებმა, როგორც იქნა, გავათრიეთ.

იმ საღამოსვე ავაზას ლეში ოლქის პოლიციის უფროსის ფეხებთან დავაგდეთ. გავიდა ზუსტად ორი დღე მას შემდეგ, რაც მე მოვითხოვე მათ მიერ დადგენილი ოთხდღიანი ვადის გაგრძელება. მე და მუნუსვამმა დასახული ამოცანა ორჯერ უფრო სწრაფად შევასრულეთ. ოლქის პოლიციის უფროსს ძალზე კმაყოფილი გამომეტყველება ჰქონდა.



თ ა ვ ი მ ე ო თ ხ ა

შ ა ვ ი ა ვ ა ზ ა შ ი ვ ა ნ ი პ ა ლ ი დ ა ნ

შივანიპალი ყოველთვის იყო ჩემი საყვარელი სანადირო ადგილი; იგი მდებარეობს დაცული ტყის განაპირას ბანგალურის მახლობლად და იქ ჩასვლა უფრო მოხერხებულა უიკენდის* დღეს და საღამოობითაც რამდენიმე საათს მთვარის შუქზე სასეირნოდ. ამისათვის საჭიროა გაიაროთ ორმოცდაერთი მილი დენკანიკოტამდე, იქედან კიდევ ოთხი მილა, შემდეგ დატოვებთ მანქანას და ხუთ მილს ფეხით გაივლით ბილიკზე.

სოფლიდან დასავლეთით დაახლოებით სამ მილზე ადგილი ციცაბოდ ეშვება სამასი ფუტის სიღრმეში მიმავალ მდინარისაკენ. შივანიპალის სამხრეთით აღმოსავლეთიდან დასავლეთისაკენ მიედინება მეორე შენაკადი; ის ჰქმნის რამდენიმე ჩანჩქერს და შემდეგ ერთვის მდინარეს. შივანიპალიდან აღმოსავლეთით ბორცვის ფერდობზე დაახლოებით ხუთასი ფუტის

* შაბათიდან ორშაბათამდე დასვენების დრო (ინგლ.).

სიმაღლეზე მდებარე „გულხატი ბუნგალოს“ პატარა სამონადირო სახლამდე გადაჭიმულია ჭუნგლები. გულხატიდან აღმოსავლეთით ხუთნახევარ მილზე აიურის დაბაში მეორე ბუნგალოა. ოთხი მილის მანძილზე იქედან ჩრდილო-აღმოსავლეთით კუჩუვადის კლდოვან ბორცვთან ახლოს მდებარეობს სატყეოს კუთვნილი ფარდული. ამ მიდამოებში ხარობს სანდალოზის ტყეები, და ფარდულში ვეებერთელა ძველ სასწორზე წონიან მორებს დენკანიკოტის საწყობში გაგზავნის წინ.

შივანიპალიდან ჩრდილოეთით გადაჭიმულია ხშირი ბუჩქნარი. შივანიპალში ვერც კი დაითვლით ლერწმით გადახურულ ხუთამდე ქოხს — მას სოფელსაც ძნელად თუ უწოდებს კაცი. ჩრდილოეთით სამ მილზე, ვიდრე ნახევარ მანძილს გაივლიდე მთავარ გზამდე, მდებარეობს სოფელი სალივარამი.

შივანიპალი ყოველი მხრიდან გარშემორტყმულია განაკაფებით, რომლებიც სატყეო სამმართველოს მიერ სოფლიდან ერთი მილის მანძილზე გაკეთებულია დაცული ტყის საზღვრების აღსანიშნავად. თითქმის ორი განაკაფის გადაკვეთის წერტილში სამხრეთ-აღმოსავლეთის კუთხეში მდებარეობს წყალსატევი. ორი პატარა მდინარე, რომლებიც სოფლიდან დასავლეთით სამასი ფუტის სიღრმის ხევში ერთმანეთს უერთდება, მიიკლავნება ხშირ ჭუნგლებში შივანიპალიდან სამხრეთ-დასავლეთით დაახლოებით რვა მილზე მდებარე მოზრდილ სოფელ ანჩეტისაკენ.

მე ასე დაწვრილებით იმიტომ აღვწერ შივანიპალის შემოგარენის ტოპოგრაფიას, რომ შეგეძლოთ წარმოიდგინოთ ადგილმდებარეობის სურათი, სადაც მოხდა ის ამბავი, რომელზეც მსურს მოგიხროთ.

ასეთი კუთხეები, დაბალი კლდოვანი მთებით, ხშირი ბუჩქნარით, გაუვალი ჭუნგლებითა და სარწყულებლებით, რომლითაც სარგებლობენ არა მარტო მტაცებელი, არამედ მათი საკბილო ცხოველებიც, ავაზების იდეალური თავშესაფარია. დაუმშრალი წყაროები ადგილობრივ მცხოვრებლებს საშუალებას აძლევდა ჰყოლოდათ შივანიპალში მსხვილი რქოსანი პირუტყვის საკმაოდ დიდი ჯოგები, რის გამო მის მიდამოებს, ცხადია, კიდევ უფრო ეტანებოდა კატის ოჯახის ეს ნაშიერი.

და მართლაც, შივანიპალის რაიონი ბევრმა ავაზამ აირჩია ხანმოკლე თუ მუდმივ ადგილსამყოფელად. სწორედ ამით მიზიდავდა ეს კუთხე 1929 წელს ჩემი პირველი ჩასვლისას.

შივანიპალის ირგვლივ მეტად სხვადასხვანაირი მცენარეულობა ხარობს: წყალსატევის გარშემო ბამბუკის რაყაა, სამხრეთით და დასავლეთით — ხშირი ტყე, აღმოსავლეთით და ჩრდილოეთით უფრო მეჩხერი ჭუნგლები და ბუჩქნარია, რომელშიაც შერეულია სანდალოზის ხეები.

თვალწარმტაცი მთები, რომლებიც დასავლეთით ცისფერ ნისლში გახვეულ ჰორიზონტის დაკბილულ ზოლს ქმნიან, ამ გარემოს მატებს განსაკუთრებულ სილამაზეს. გარიჟრაჟე ჭუნგლებიდან მაღლა იწევა ნისლის ფარდა, ფარავს მთების ძირს და ხილულად ტოვებს მხოლოდ მწვერვალებს, რომლებიც მოგვაგონებენ ზღვის აქაფებულ ტალღებში ჩაძირულ კლდოვან კუნძულებს. მოღრუბლულ დღეებში, პირიქით, შავი ღრუბლები ფარავს მთის მწვერვალებს ისე, რომ ხილული რჩება მხოლოდ მთის ქვედა ფერდობები და ადგილი თითქმის ვაკე გეჩვენებათ.

მე ბევრი მთვარიანი ღამე გამიტარებია „ჩხუმიანში“ (ზმნა „ჩხუმი“ ურდუს ენაზე ნიშნავს „ხეტიალს“), შივანიპალის გარშემო მდებარე ჭუნგლებში. აქ მოიპოვებოდა ყველა სახის ნადირი ბიზონებს გარდა. მთვარიან ღამეში ჭუნგლებში შეიძლება შეხვდეთ სპილოს, გაიგონოთ ვეფხვის ჩუმი კვნესა, ხერხის ღრჭიალის მსგავსი ავაზას ღმუილი, და გაქცეული სამბარის მიერ დამტვრეული ტოტების ტკაცანი. შეიძლება მხოლოდ მარტო სპილო დაინახოთ, რადგან მტაცებლები და სამბარიც ძალზე ეშმაკებია, და დიდი ხნით ადრე, ვიდრე ადამიანი მათ მიუხლოვდებოდეს, ხედავენ ან ესმით მისი ხმა. შეიძლება შეხვდეთ დათვის, ხმამაღლა ღრუტუნითა და ჰაერის ყნოსვით მიმავალს ან თეთრი ჭიანჭველების ძებნის და მიწაში საჭმელი ძირხვენების ენერგიულად ამოთხრის დროს. თქვენს მახლობლად მიმავალი დათვის ხმაური გაისმის კიდევ დიდი ხნით ადრე, სანამ მცენარეულობის ბუნდოვან ფონზე მუქი ლაქა გამოჩნდებოდეს.

ძალიან დიდი ხნის წინათ, 1934 წელს შივანიპალი გააოცა ახალმა ამბავმა: ტყიდან თავისი ჯოგით დაბრუნებულმა მწყემ-

სმა წყალსატევთან დაინახა შავი ავაზა. ის იღვა ბუჩქთან და მშვიდად სვლელდა წყალს. მწყემსი იფიცებოდა, რომ ავაზა კუპრივით შავი იყო, მე სხვა რა საბუთი მქონდა, რომ მისთვის არ დამეჭვებინა. ავაზა მიაშტერდა ჯოგს, მაგრამ როგორც კი მწყემსი შენიშნა, ბუჩქებში გაუჩინარდა.

ამჟამად შავ ავაზას არ მიაკუთვნებენ განსაკუთრებულ ბიოლოგიურ სახეობას. მიიჩნევენ, რომ ცხოველის შავი ტყავი მელანიზმის * შედეგია. თუმცა ძალიან იშვიათად, მაგრამ ზოგჯერ ნაყარს შორის შეიძლება დაინახოთ შავი ლეკვი. თუმცა, შავი ავაზები უფრო ხშირად გვხვდება მალაის, ბირმისა და ასამის მარადმწვანე ხშირ ტყეებში, ვიდრე სამხრეთ ინდოეთში. იშვიათად ასეთი შეიძლება მოკლათ დასავლეთ გატემიც **. მართალი არიან, ჩემი აზრით, ისინი, რომლებიც ამტკიცებენ, რომ შავი ავაზები უმთავრესად ბინადრობენ ხშირ მარადმწვანე ტყეებში, იმიტომ, რომ მცენარეულობის მუქი შეფერილობა მათ აძლევს უკეთ შენიღბვის საშუალებას. სწორია აგრეთვე ისიც, რომ მელანიზმი შეიძლება გამოვლინდეს, სადაც გნებავთ, ტყის მცენარეულობის ხასიათის დამოუკიდებლად. თუმცა ჩემი გამოცდილება ამას არ ადასტურებს. შავი ავაზები წარმოადგენენ ბუნების, ანუ, უფრო სწორად, ჯუნგლების ერთ-ერთ საიდუმლოებას, რომელიც დღესაც საბოლოოდ არ არის ამოხსნილი.

თუ თქვენ ზოოპარკში ყურადღებით დააკვირდებით შავ ავაზას, მის მუქ ქურქში გაარჩევთ ჩვეულებრივი ავაზას ვარდისფერ წინწკლებს, თუმცა, რასაკვირველია, უაღრესად ბუნდოვანს.

სოფელში დაბრუნებისას მწყემსმა უამბო თანასოფლელებს, რომ შეხვდა შავ ავაზას. ამ მხარეში მანამდე არასდროს არ ენახათ შავი ავაზა, არც სმენოდათ რაიმე ასეთის შესახებ და მწყემსს არ დაუჯერეს. თვითონ მწყემსს, ცხადია, ეჭვი არ ეპარებოდა, რომ დაინახა შავი ავაზა, მაგრამ გულწრფელად

* ცხოველთა ორგანიზმის კანსაფარველში მუქი შეფერილობის განშაპირობებელი, მეტად დიდი რაოდენობით შემღებავი ნივთიერების არსებობა.

** მთის ქედი ინდოეთის დასავლეთ ნაწილში.

მიაჩნდა, რომ მას თვალწინ წარმოუდგა არა ცოცხალი არსებ. არამედ თვითონ სატანა ერთ-ერთი იმ სახეცვლილებით, როს ელსაც ხშირად ღებულობს ჯუნგლებში, რომ დააშინოს საცოც დავი გლეხები.

გაიარა რამდენიმე კვირამ, შავ ავაზაზე არაფერი ისმოდა და მწყემსის ნაამბობი დავიწყებას მიეცა.

ერთხელ შუადღისას, როცა მზე შუბისტარზე იყო, ჯოგი ისვენებდა ხეების ჩრდილში. ცხოველები ორიდან ექვსამდე ჯგუფ-ჯგუფად იწვნენ, და თვალედახუჭულნი ზანტად იცოხნებოდნენ. ორმა მწყემსმა დაამთავრა ფეტვის ლავაშისა და კარისაგან * შემდგარი სადილი, დაწვნენ ერთმანეთის გვერდით ხის ძირში და მალე დაიძინეს. ძნელი წარმოსადგენია ამაზე უფრო მშვიდი სურათი: ლაქვარდოვანი ცა, ტროპიკული მზე, მიწაზე უხვად რომ აფრქვევს მცხუნვარე სხივებს, რომლებსაც მიწავე ირეკლავს მორთოლოვარე ტალღებად. სიცხისაგან მოთენთილი ჯოგი თვლემს და არაფერს აინუნშიაც არ აგდებს.

და ამ მომენტში მოხდა შავი ავაზას პირველი თავდასხმა. მოულოდნელად გამოჩენილმა ეშვები გაუყარა ყელში მოწითალო-თეთრ ძროხას, რომელმაც დაიბღავლა ტკივილისაგან, წამოხტა ზეზე და თავისი მტერი მალე აიტაცა.

ძროხის სულთმობრძავემა ბღავილმა გააღვიძა ერთ-ერთი მწყემსი.

მან უბიძგა ამხანაგს და მიუთითა შავი ავაზას ქურქით მოვლენილ ეშმაკზე. მათ თვალწინ შიშისაგან შეძრწუნებული ძროხა მიწაზე დავარდა და განაგრძობდა ფეხების ქნევას, თუმცა სიცოცხლის ნიშანწყალი აღარ ეტყობოდა. შავი ავაზა უფრო და უფრო უჭერდა ეშვებს, ბოლოს საწყალ ცხოველს აღმოხდა სული. მხოლოდ მაშინ წამოცვივდნენ მწყემსები.

ჩვეულებრივ პირუტყვზე ავაზას თავდასხმის შემთხვევაში მწყემსები მიცვივდებოდნენ ხოლმე საშველად ჯოხების ქნევითა და ხმამაღალი ყვირილით და თუ ყოველთვის ვერ ახერხებდნენ მსხვერპლის გადარჩენას, მტაცებელს მაინც განდევნიდნენ, ვიდრე იგი მოასწრებდა ჯუნგლებში ლეშის შეთრევას.

* ცერცვის, ბოსტნეულისა და მწვანისაგან მომზადებული სახელე-ბელი.

ამჯერად მათ ვერ გაბედეს ასე მოქცეულიყვნენ. თავზარ-
აცემულნი იდგნენ, თითქოს ადგილზე ყოფილიყვნენ მიჯა-
კულნი. ამასობაში ავაზამ გაუშვა პირი თავის მსხვერპლს და
აიხედა მათკენ. თუმცა ის ორმოცდაათ იარღზე იყო მწყემს-
ბისაგან, მაგრამ ნათლად არჩევდნენ ძროხის გამოღადრული
კელიდან მოთქრიალე სისხლის ნაკადს და მტაცებლის მუქ-წი-
თელ ხახას, რომელიც მკვეთრად გამოირჩეოდა შავი ქურქის
ვონზე.

მწყემსები შემობრუნდნენ და, რაც ძალი და ღონე ჰქონდათ,
მოკურცხლეს.

უცნობი შავი ურჩხულის გამოჩენით დამფრთხალმა შივანი-
პალის მცირერიცხოვანმა მცხოვრებლებმა გადაჭრით უარი
განაცხადეს, წასულიყვნენ ძროხის ლეშის მოსატანად.

ამ დღიდან შავმა მოთარეშემ რეგულარულად დაიწყო
შივანიპალიდან ხარკის აღება შინაური ცხოველებით. ის კიდევ
რამდენჯერმე დაინახეს, და ახლა უკვე აღარავის ეპარებოდა
ექვი მისი არსებობის შესახებ. მაშინ გლეხებმა გადაწყვიტეს
შემდეგში უფრო ფრთხილად ყოფილიყვნენ. ჯოგს სოფლიდან
მეოთხედ მიღზე შორს აღარ მირეკავდნენ საბალახოდ.

როდესაც ავაზამ იგრძნო, რომ კვების ეს წყარო მისთვის
მიუწვდომელი გახდა, მტაცებელმა გააფართოვა თავისი მოქ-
მედების არე და გეზი აიღო ანჩეტის, გულხატისა და აიურას
ჯოგებისაკენ, მან მსხვილი ვირიც კი გაიტაცა სოფელ სალი-
ვარამიდან, რომელიც, როგორც უკვე ვთქვით, მდებარეობდა
შივანიპალის ჩრდილოეთით ტყის მასივიდან საკმაო მან-
ძილზე.

დაახლოებით ამ დროს ვეწვიე შივანიპალს მეგობართან
ერთად. ჩვენ გავემგზავრეთ იქ კვირას, მეორე საუზმის შემდეგ,
რომ გაგვესეირნა ტყეში, და თუ მოვახერხებდით, მოგვეკ-
ლა სუფრისათვის ტყის მამლები ან წყვილი მწვანე მტრედი.
შავი ავაზას გამოჩენისა და თავდასხმის შესახებ ნაამბობმა
ძალიან დამაინტერესა. ადრე მხოლოდ ერთხელ მყავდა ნახული
შავი ავაზა ზოოპარკის კედლებს გარეთ, და გადავწყვიტე
მეცადა ამ იშვიათი ნადირის მოკვლა.

გლეხებს დაეპირდი, ავაზას მიერ მოკლულ, ცხოველის
ღირებულებას აგინაზღაურებთ იმ შემთხვევაში, თუ ხელს არ
6. კ. ანდერსონი, ჯ. კორბეტი

ახლებთ მას და მე მაცნობებთ-მეთქი. ამისათვის ავტობუსს უნდა მისულიყვნენ ხოსურის ფერმამდე, სადაც იყო უახლოესი საფოსტო განყოფილება, და გამოეგზავნათ ჩემთვის დეპეშანგალურში. ვთხოვე აგრეთვე ეცნობებინათ ამის შესახებ სოფლის მცხოვრებთათვის, სადაც ავაზა თარეშობდა. ბოლოს რომ კიდევ უფრო მიმეზიდა და დამეინტერესებინა გლეხები. დავპირდი — არა მართო მოკლული ცხოველის ღირებულებას აგინაზღაურებთ, არამედ ვინც ზუსტად შეასრულებს ჩემს მოთხოვნებს, ჯილდოსაც მიიღებთ ორმოცდაათი რუპიის ოდენობით-მეთქი.

შემდეგ რამდენიმე დღის განმავლობაში მზად მქონდა გაშლილი საწოლი — ის მაჰანის მაგივრობას მიწევდა — და სხვა მოწყობილობა, რომ დეპეშის მიღებისთანავე გავსულიყავი ბანგალურიდან. მაგრამ დეპეშა მივიღე ორი კვირის შემდეგ და ისიც დაახლოებით დღის ოთხ საათზე. ხუთის თხუთმეტ წუთზე უკვე გავუდექი გზას, მაგრამ შივანიპალამდე რომ მივაღწიე, შვიდს გადაცილებული იყო და უკვე საცხებით ბნელოდა.

შივანიპალში ცხოვრობდა ვინმე რანგასვამი, რომელიც წინათ რამდენჯერმე დამეხმარა ნადირობაში. სწორედ მან მაცნობა ხოსურიდან, რომ იმ დღეს, როცა პირუტყვი საზღვარზე იყო გარეკილი, ავაზა თავს დაესხა ჯოგს. მწყემსმა იცოდა ჩემი დაპირება მოკლული ცხოველის საფასურის ანაზღაურებისა და ჯილდოს მიცემის შესახებ, ამიტომ ხელი არ უხლია ლეშისტვის, გაიქცა შივანიპალში და ახალი ამბავი გადასცა რანგასვამს; ის თავის მხრივ გაეშურა დენკანიკოტში, რომ მოესწრო პირველის თხუთმეტ წუთზე გამავალ ავტობუსისათვის და პირველ საათზე ჩავიდა ხოსურში:

რანგასვამი და მწყემსი დავაჯილდოვე სიმარდისათვის, დავფიქრდი, როგორ მოვქცეულიყავი: მეთვალთვალა და ფარნის შუქზე მომეკლა ავაზა თავის ნადავლთან ახლავე, თუ დამე გამეთია შივანიპალში, რომ საღამოხანს ჩავსაფრებოდი მას. პირველი გეგმა ძალიან გაბედული იყო: ნადავლთან მიახლოების მომენტში ავაზა შეიძლება თავს დამსხმოდა. მაგრამ ვერ შევძელი საკმაოდ საფუძვლიანი მოსაზრების შერჩევა იმის სასარგებლოდ, რომ კიდევ ერთი დღე დავრჩენილიყავი

სოფელში, სადაც არაფერი საქმე არ მქონდა გასაკეთებელი.

თავდასხმა მოხდა ნახევარ მილზე ნაკლებ მანძილზე შივანი-ბალიდან დასავლეთით, იქ, სადაც ციცაბო დაღმართი იწყებოდა სოფლიდან სამი მილის მოშორებით გამავალი მდინარის ხეობაში. მანძილის სიახლოვეთ მოტყუებულმა, მაინც გადავწყვიტე მეცადა ავაზას მოკვლა იმავე ღამით, თუ რანგასვამი და გლეხი გამომყვებოდნენ და მიჩვენებდნენ, სად ეგდო მოკლული ძროხის ლეში. შემდეგ ჩემი გამცილებლები იქნებოდნენ სმენა და ინტუიცია.

მწყემსი და რანგასვამი დაჟინებით მირჩევდნენ ხვალ საღამომდე დამეცადა, მაგრამ მე მაინც გადავწყვიტე მტაცებლის მოძებნა.

მოლაპარაკება რომ დავამთავრე, რვას ათი წუთი აკლდა და აღარ შეიძლებოდა არც ერთი წუთის დაკარგვა, რადგან ავაზა უკვე შეუდგებოდა ჭამას.

შენიღვის მიზნით თოფს მივამაგრე შავად შეღებილი ელექტროფარანი და ჯიბეში მარაგად ჩავიდე სამი ბატარეა და ხუთი ვაზნა. ოთხი ვაზნით გავტენე თოფი: სამი იყო სავაზნე კოლოფში, ერთი ლულაში. თუმცა 405 ყალიბის ვინჩესტერის კოლოფი გამიზნულია ოთხი ვაზნისთვის, მაგრამ სწრაფად გატენის დროს ხშირად მტყუვნების თავიდან ასაცილებლად ვტენი სამი ვაზნით. ბოლოს ჩავიცვი კედები, რომლებითაც მსუბუქად და უხმოდ დავდიოდი, ხაკისფერის ნაცვლად ჩავიცვი შავი ხალათი, რომელშიც ჩვეულებრივ ვდარაჯობდი ხოლმე მხეცს მაპანში.

რანგასვამმა და მწყემსმა მიმაცილეს ამომშრალ ნაკადულამდე. შემდეგ მწყემსმა ამიხსნა, რომ ნაკადულის კალაპოტი მიემართება ზუსტად დასავლეთისაკენ და იმ ადგილას, სადაც ავაზამ თავდასხმა ჩაიდინა, ნაკადული უხვევს ორ ადგილას. მან აგრეთვე თქვა, რომ ავაზამ ძროხის ლეში შეათრია ჯუნგლებში ორასი იარღის მანძილზე ჩრდილოეთით მეორე მოსახვევის ბოლოდან.

უნდა ვუმაღლოდე ნაკადულის ორ მოსახვევს, რომლებმაც საშუალება მისცა ჩემს გამცილებლებს, მოეცათ ასეთი ზუსტი ახსნა-განმარტება. ვუბრძანე მათ დაბრუნებულ-

ყვნენ, — ბოლოს და ბოლოს მე თვითონაც შემეძლო მეპოვნა გზა შივანიპალში დასაბრუნებლად და შევუდექი ჩემი ჩანაფიქრის განხორციელებას.

გადავწყვიტე, რომ უფრო აზრიანი იქნებოდა გავყოლოდი არა ნაკადულის ნაპირს, არამედ ამომშრალ კალაპოტს, სადაც უფრო ნაკლებად ისმის ხმაური, რომელიც შეიძლება ჩემდაუნებურად გამომეცა. გარდა ამისა, ნაკადულის კალაპოტში ჩემთვის უფრო ადვილი იყო საჭირო მიმართულებით გეზის დაჭერა ფარნის დაუხმარებლად, ურომლისოდაც შეუძლებელია მცენარეულობით დაფარულ ნაპირზე სიარული, მათ უფრო, რომ ღრუბლებმა დაფარეს ვარსკვლავები და გარშემო უკუნი სიბნელე სუფევდა.

ამრიგად, მეტად ფრთხილად გავყევი ნაკადულის კალაპოტს და მალე ვიგრძენი, რომ იგი ჯერ უხვევდა სამხრეთ-დასავლეთის მიმართულებით. რამდენიმე ხნის შემდეგ კალაპოტმა კვლავ მოუხვია ჩრდილოეთისკენ, შემდეგ გასწორდა და გაემართა თავდაპირველი მიმართულებით: ორი მოსახვევიდან მე პირველი უკვე გავლილი მქონდა.

მალე დაიწყო მეორე მოსახვევი, ახლა უკვე ჩრდილოეთას მიმართულებით. ემოძრაობდი რაც შეიძლება ფრთხილად, ვცდილობდი ფეხი არ დამედგა ქვაზე ან ლოდზე, ძროხის ლეშამდე რჩებოდა დაახლოებით სამი იარდი, მაგრამ თუ ჩემს მიერ დევნილი მტაცებელი სადმე ახლოს იმყოფებოდა და არ იყო ნადავლის ჭამით გართული, მას შეეძლო ხმაურის გაგონება და მიიმალებოდა.

საბედნიეროდ, კალაპოტის ამ ნაწილში არ იყო ბუჩქები და ქვები, ასე რომ წინ მდუმარედ მივიწევდით. ცოტა ხნის შემდეგ კალაპოტმა სამხრეთისაკენ მოუხვია, რამდენიმე იარდის შემდეგ კი გასწორდა.

შევდექი. ავაზამ ამ ადგილას მოკლა ძროხა და აქედანვე შეათრია ჯუნგლებში, დაახლოებით ორას იარდზე ჩრდილოეთის მიმართულებით. ახლა მე უნდა დამეტოვებინა კალაპოტი და ბუჩქნარში შემეღწია.

ფეხის ცერებზე შემდგარი გავემართე ჩრდილოეთ ნაპირისაკენ, ფრთხილად დავდე თოფი მიწაზე და სმენად ვიქეცი.

გავიდა ხუთი წუთი, მაგრამ მყუდროებას არაფერი არ-

ღვევდა. შესაძლებელია ძროხის ლეში ძალზე ღრმად იყო შე-
თრეული ჭუნგლებში და ვერ შეეძელი ჭამის დროს ავაზას
პირის ხრამუნის გაგონება, თუ, რასაკვირველია, ის ნადავლის
ახლოს იდგა. ხელებზე დანდობილი ჩუმად ავცოცდი ნაპირზე,
შემდეგ ავიღე თოფი, ნელა, ძალიან ნელა დავიძარი წინ. ისე
ბნელოდა, რომ თვალთან თითს ვერ მიიტანდი. ვიცოდი, სა-
შიში არაფერია, ვინაიდან ავაზა არ იყო კაციჭამია და არც
ადამიანებზე თავდასხმის მიდრეკილებას იჩენდა, მაგრამ ეს
იყო მაინც ჩემი პირველი შეხვედრა შავ ავაზასთან, მე კი
გაგონილი მქონდა, რომ ისინი განსაკუთრებით მძვინვარენი
და აგრესიულნი არიან. გულახდილად უნდა ვალიარო, რომ
ძალიან ვლეღავდი.

თითოეული ღუიმის* გავლის შემდეგ ვჩერდებოდი და
ყურს ვუგდებდი, ხომ არ ისმოდა ავაზას ჭამის ხმა, რადგან
ამ ხმას ჩემთვის მეგზურობა უნდა გაეწია. წყვილიაღში შეუ-
ძლებელი იყო რაიმეს გარჩევა, ფარნისათვის კი შემეძლო მი-
მემართა მარტოოდენ გასროლის წინ. ფარნის ოდნავი სუსტი
ციმციმიც რომ შეემჩნია, ავაზა უმაღვე გაიქცეოდა.

ასე განვაგრძობდი წინ სვლას და მეჩვენებოდა რომ უკვე
დიდი ხანია, რაც მივდივარ. შესაძლებელია გავიარე სამოცდა-
თხუთმეტი იარდი ან ცოტა მეტი, როცა წინიდან, ჩემგან
ოდნავ მარჯვნივ, გაისმა რაღაც ხმა. ყური მივუგდე, მაგრამ
ხმაური არ განმეორებულა.

ახლა მე მივიწვედი ხშირი მცენარეულობით დაფარულ
ადგილზე, და მიუხედავად ყოველგვარი ცდისა, ვერასგზით
ვერ შეევძელი უხმაუროდ სიარული, ეს ხმაური რომ ადამი-
ანის ნაბიჯების ხმას არ დამსგავსებოდა, მივდიოდი ასე: ავ-
წვედი ფეხს, გადავიტანდი წინ, შემდეგ დავდგამდი მიწაზე და
მსუბუქად გავსრიალდებოდი. ფეხი რომ დამედგა შხამიანი
გველისათვის, რეზინის ფეხსაცმელი ვერ დაიცავდა ჩემს კო-
ჭებს. ვცდილობდი ამაზე არ მეფიქრა, განვაგრძე გზა, შეძლე-
ბისდაგვარად ბუჩქებისა და შამბნარის შემოვლით, ამის წყა-
ლობით ცოტათი ავცდი საჭირო მიმართულებას.

ხანგამოშვებით შევდგებოდი და ყურს მივუგდებდი ხოლ-

* ღუიმი=2,6 სანტიმეტრს.

მე, მაგრამ ირგვლივ სიჩუმე სუფევდა. მე უკვე გადავწყვიტე, რომ ორას იარღზე გაცილებით მეტი მქონდა გავლილი. ღრუბლებით დაფარული ცის ქვეშ ხეებსა და ბუჩქების გარშემო სიარულში უიმედოდ დავკარგე ყოველგვარი ორიენტირების უნარი, რომ ერთბაშად გაისმა მოგლეჯილი ხორცისა და ძვლების ხრამუნის დიდი ხნის ნანატრი ხმა.

ბედმა გამიღიმა: ავაზა ამ დროს იმყოფებოდა ძროხის ლეშის ახლო და, რაც მთავარია, მთელი ყურადღება ჭამაზე ჰქონდა გადატანილი. მხოლოდ ისლა დამრჩენოდა მივახლოვებოდი იმდენად, რომ ერთდროულად შემძლებოდა ფარნის ანთება და სროლა. სათქმელად ეს ადვილია გასაკეთებლად კი — რარიგ რთული.

ჯერ ერთი, ხმები აღწევდა ჩემგან ცოტა მარცხენა მხრიდან და უკნიდან, მაშასადამე, სიბნელეში მარჯვნივ გადავხრილვარ. შესაძლოა ადრე ვერ ვარჩევდი ამას იმიტომ, რომ ავაზა ეს იყო დაბრუნდა თავის ნადავლთან. მაგრამ შესაძლოა ვარაუდი მეტად არა სასიამოვნო იყო, — მან გაიგონა ჩემი ფეხის ხმა და გაიტრუნა.

დაველოდე რამდენიმე წამს, რომ ზუსტად განმესაზღვრა, საიდან მოდიოდა ხმები. მეჩვენებოდა, რომ ავაზა იმყოფება ჩემგან ორმოცდაათი — ათი იარღის მანძილზე.

კვლავ დავიწყე ძალიან ნელა და ფრთხილად დაცურება იმ მიმართულებით, საიდანაც ხმაური ისმოდა.

თუ ავაზამ ნადავლი ბუჩქებში ან მის იქით წაათრია, მე ვერ შევძლებ სროლას. თუ ვესკრი და დავკრი, იგი თავს დამესხმის და ყველა უპირატესობა მის მხარეზე აღმოჩნდება.

ვცდილობდი ჩემი თავის გამხნევებას და გულში ვიქეოლებდი, რომ ეს ავაზა წინათ არასდროს არ დასხმია თავს ადამიანს, რომ ფარნის სინათლე დააფრთხობს მას და, შესაძლებელია, აიძულოს კიდევ სულ გაიქცეს.

მეტად ძნელია შემდგომი წუთების ზუსტად აწერა. გონება და გრძნობები უკიდურესობამდე მქონდა აღზნებული, ასე რომ ავტომატურად ვუვლიდი გვერდს ყველა დაბრკოლებას — ხეებსა და ბუჩქებს. სანამ ავაზა „ვახშობდა“, შემეძლო დარწმუნებული ვყოფილიყავი, რომ იგი ახლოს იმყოფება, ჭამითაა გართული და ვერ გრძნობს ჩემს მიახლოებას.

მაგრამ თუ ხმები შეწყდებოდა, ეს კი მაჩვენებელი იქნებოდა იმისა, რომ ავაზამ ჩემი სუნი იკრა და შეწყვიტა ჭამა.

ხმები არ წყდებოდა და ამიტომ განვაგრძობდი მიპარვას, ყოველთვის, სანამ ნაბიჯს გადავდგამდი, ფეხის წვერით ვსინჯავდი მიწას. თუ ხმელ ფოთოლს ვიგრძნობდი, ხმაური რომ არ გამოეწვია მას, ფეხს სხვა ადგილას ვდგამდი. თვალეზღაბებული მივჩერებოდი სიბნელეს, ყურები გამახვილებული მქონდა, რომ ჭამის ხმა არ გამომპარვოდა.

ხმები მოულოდნელად შეწყდა, და შემადრწუნებელი სიჩუმე ჩამოვარდა.

ავაზამ შეისვენა, თუ ჭამა დაამთავრა და წავიდა? შეიძლება ის სწორედ ახლა მიდის. ან გაიგონა ჩემი ნაბიჯების ხმა და ემზადება თავდასასხმელად. ამ აზრებმა ქარიშხალივით გამიელვა თავში და შევჩერდი.

რამდენიმე ხანს — არ ვიცი ზუსტად რამდენს — სრულიად გაუნძრევლად ვიდექი. მახსოვს, რომ ვფიქრობდი, რა გამეკეთებინა შემდეგში. განვაგრძო წინსვლა, ავაზა მიხვდება, რომ მე აქ ვარ. როგორც არ უნდა ეცადოს, ადამიანი ვერ შეძლებს მოძრაობას სიბნელეში ისე ჩუმად, რომ არ გაიგონოს ასეთი მახვილი ჭმენის მქონე ნადირმა. თანაც თუ უმოძრაოდ გავჩერდები, მაშინ შევძლებ შევიტყო ავაზას მოახლოება.

გადავწყვიტე, არ დავძრულიყავი ადგილიდან, შემდგომმა ამბებმა ცხადყო, რომ ჩემი გადაწყვეტილება სწორი იყო.

რამდენიმე წამის შემდეგ, მეტად დაძაბულმა, ყური მოვკარი სუსტ შრიალს. ის მიწყდა, შემდეგ კვლავ განმეორდა. კილაც მოძრაობდა ჩემს წინ. მაგრამ ვინ? ასეთი განუწყვეტელი შრიალით მოძრაობს არა მარტო ბალახში მცოცავი გველი, არამედ მისაპარავად მუცელზე მხოხავი ავაზაც. სიმართლე გითხრათ, ცუდ ხასიათზე დავდექი.

ან იქნებ ეს ვირთხაა, ბაყაყია, ღამის ფრინველი, ანდა წვრილფეხა ცხოველი, რომლებიც მრავლად ბინადრობენ ჭუნგლებში? მაშინ ხმაური დრო და დრო ხომ უნდა შემწყდარიყო, და კვლავ განახლებულიყო, ახლა კი ჩემამდე აღწევდა შრიალი, რომელიც მოწმობდა ნელ, მაგრამ შეუჩერებელ მოძრაობას.

გაიარა კიდევ რამდენიმე წამმა, და სავსებით დავრწმუნ-
დი, რომ ჩემსკენ მოცოცავს ავაზა. ერთბაშად შრიალი შეწყ-
და. შემდეგ ამას მოჰყვა კარგად ცნობილი სისინი, იმის მაგ-
ვარი, რომელსაც გამძვინვარებული კობრა გამოსცემს ხოლმე
ჰაერის ამოსუნთქვის დროს. ავაზამ დაიწყო ღრენა. სულ მა-
ლე ის უფრო მკაფიოდ მოისმა და მოსალოდნელი იყო ღმუ-
ილად გადაქცეულიყო, შემდეგ კი დამესხმოდა თავზე; ხშირად
გამიგონია ხმები ასეთი თანამიმდევრობით და ისიც ვიცო-
დი, რაც იყო მოსალოდნელი. სწრაფად მოვიგდე თოფი ბეჭ-
ზე და ჩავრთე ფარანი.

ჩასისხლიანებული ორი მოთუთრო თვალი დამაშტერდა,
მაგრამ თვით მხეცის გარჩევა ვერ შევძელი: ეს ხომ სიბნელე-
ში უჩინარი შავი ავაზა იყო.

შესაძლებელია მას არ ჰქონდა ავი ზრახვები. მომეპარა
მხოლოდ იმისათვის, რომ გაერკვია, ვინ დადის მისი ნადავლის
მახლობლად. შეიცნო რა, რომ ხმაურს გამოსცემს მისთვის
საძულველი ადამიანი, ავაზამ გადაწყვიტა შეტევაზე გად-
მოსვლა, გაქვავებული მისჩერებოდა იგი ჩემი ფარნის
შუქს.

საკმაო დრო მქონდა, რომ ზუსტად ამომელო მიზანში.
ვესროლე. მაგრამ მის ნაცვლად, რომ დაცემულიყო ან ყოველ
შემთხვევაში დაეწყო თავგანწირული ბრძოლა, ავაზა ხორ-
ხისმიერი ღმუილით გახტა გვერდზე. ან ავაცდიან, ანდა
მხოლოდ დავჭერი ცხოველი.

შეუძლებელია ამეცდინა, მაგრამ ამას საბოლოოდ დღი-
სით გამოვარკვევდი მხოლოდ. გამოვბრუნდი და უკან
წავედი.

ამჯერად, ცხადია, ფარნით ვერ ვისარგებლებდი. მაგრამ
მხარი მექცა. საათნახევარი ვიხეტიალე, რომ მომენახა იმ
ნაკადულის კალაპოტი, რომლითაც მოვედი.

ცა კვლავ ღრუბლებით იყო დაფარული, ერთი ვარსკვლა-
ვიც კი არ ჩანდა, რომ გამერკვია, საით იყო შივანიპალი.
მაშინ მომაგონდა, რომ სოფლიდან დასავლეთით ეშვებოდა
დაღმართი ხევში, რომელშიც ორი მდინარე მიედინებოდა.
მაშასადამე, თუ მე წავიდოდი ოდნავ ამალღებულ ფერდობით,
უქველად სოფლის მახლობლად აღმოვჩნდებოდი.

შევუდექი აღმართს. მაგრამ შივანიპალში გვიანობამდე ვერ ჩავედი. მკითხველს თავი რომ არ შევაწყინო ზედმეტი წვრილმანებით, ვიტყვი მოკლედ — შუალამეს გადაცილებული იყო, როცა მე გავედი, არა შივანიპალის, არაწედ სალივარამისაკენ მიმავალ გზაზე. ახლა, რასაკვირველია, ვიცოდი -- სად ვიმყოფებოდი, და ნახევარ საათში ჩავედი სოფელში.

მისვლისთანავე გავალვიძე რანგასვამი და ვუამბე ყველაფერი. სხვა აღარაფერი დამრჩენოდა, გარდა დაწოლისა. მე უკვე ვთქვი, რომ შივანიპალი პატარა სოფელია, რანგასვამს ჰყავდა დიდი ოჯახი, და არ შეეძლო ჩემი მიწვევა ღამის გასათევად თავის ქოხში. ამიტომ დავწექი თივის ზვინში და რომ გავმთბარიყავი, გადავიფარე ნამიანი თივა.

თუ თქვენ ოდესმე მოისურვებთ ცოცხლად შეგკამონ ბალახის პაწაწკინტელა ტკიპებმა, რომლებიც ფუთფუთებენ თივაში და მრავლად არიან გავრცელებული სამხრეთ ინდოეთის ტყიან ადგილებში, ღამე გაათიეთ შივანიპალში თივის ზვინში. ბალახის ტკიპა წვრილი მწერია, ჩვეულებრივ ქინძისთავის ოდენაა. მაგრამ სისხლით გამძღარი იბერება. ეს პაწაწკინტელა არსებანი უმადური ღორმუცელები არიან: ისინი არა მარტო წოვენ სისხლს, არამედ ტანზე პატარა ჭრილობებსაც ტოვებენ. რაც უფრო მეტად იფხანთ ამ ადგილებს, რომ თავი დააღწიოთ აუტანელ ქავილს, ჭრილობა მით უფრო დიდდება და ბოლოს გადაიქცევა ჩირქოვან იარად, რომელიც იფარება ყავისფერი ფუფხით. ეს კიდევ ცოტაა, თუ ამ მწერთაგან ბევრი გაგაბედნიერებთ დიდი ყურადღებით, დარწმუნებული ბრძანდებოდეთ, რომ მუწუკებს გარდა, ციებ-ცხელებითაც დაგასაჩუქრებენ.

იმ წყეულ ღამეს თვალი არ მომიხუჭავს. თავიდან ტერფამდე მუწუკებით დაფარულმა, დაღლილმა და გაჯავრებულმა, განთიადს შევეგებე იმ ნტკიცე გადაწყვეტილებით, რომ ღამე უბოროტეს მტერთან ბრძოლაში გავატარე.

სულიერი განწყობილების აღსადგენად, უპირველეს ყოვლისა, უნდა დამეღია ცხელი ჩაი. გავეშურე რანგასვამის ქოხისაკენ, მაგრამ კარები დაკეტილი დამხვდა. როგორც ჩანს, სახლის ბინადართ ჯერ კიდევ ეძინათ. სასოწარკვეთილმა

კარზე დავაბრაახუნე და დავიწყე ხმამაღლა ძახილი. რამდენიმე ხნის შემდეგ ქოხის შიგნით დაიწყო მოძრაობა. ბოლოს ურდული, რომლითაც კარი შიგნიდან ჰქონდათ ჩაკეტილი, გამოიწია და გამოჩნდა ნამძინარევი რანგასვამის გაბურძგვნილი თავი.

ვუთხარი, სწრაფად გაეჩაღებინა ცეცხლი. ეზოს მეორე მხარეს რანგასვამმა სამკუთხედად მიწაზე სამი ქვა დადო და ამ სამკუთხედის შიგნით საშინლად მხრჩოლავი ნეღლი ფიჩხიდან და ჩალიდან კოცონი დაანთო. მე თან არ მქონდა წამოღებული წყლის ასადულღებელი ჭურჭელი და რანგასვამს ვთხოვე თიხის ქილა, რომელიც, მისი სიტყვით, სრულიად სუფთა იყო, თუმცა შესახედაობა ეჭვს მგვრიდა.

წყალი რომ აღუღდა, ჩავყარე მათარაში ჩაის ფოთლები, დავასხი მღულარე, დავახურე და რამდენჯერმე შევეანჯღრიე. ამასობაში გამოჩნდნენ სხვა ქოჯების ბინაღარნიც. ერთმა შემომთავაზა ცოტა რძე, მეორე გამიმასპინძლდა პალმის შაქრით, რაც ძალიან მინდოდა, რადგან შაქარი სახლში დამრჩა. ჩავაგდე ჭიქაში შაქარი, დავასხი მათარიდან ნაყენი, დავუმატე რძე, და, გინდა მერწმუნეთ, გინდა არა — გამოვიდა რაღაც ჩაის მსგავსი ნარევი.

საუზმე შედგებოდა კვერცხებისაგან, რომლებიც ვიყიდე და კოცონზე მაგრად მოვხარშე. დაახლოებით დილის შვიდი საათისათვის ძალ-ღონე ცოტად თუ ბევრად აღვიდგინე და კვლავ გამეღვიძა ინტერესი გარემოსადმი, დავიწყე ფიქრი, როგორ მოვქცეოდი ავაზას.

მე ვთხოვე რანგასვამს, მოეძებნა მწყემსი, რათა, თუ ეს შესაძლებელია, შეეკრიბა კამეჩების ჯოგი და გაერეკა ხშირ ბუჩქნარში. კამეჩები დამეხმარებოდნენ ავაზას აღმოჩენაში, რადგან დარწმუნებული ვიყავი, რომ ავაზასთვის ტყვია არ ამიციდენია.

ამ საუბრის დამსწრენი მარწმუნებდნენ, შივანიპალში არ არის კამეჩებიო. არავის სურდა გაეწირა თავისი პირუტყვი. ამ დროს გამოჩნდა ჩემი გუშინდელი თანამგზავრი. მან მაცნობა, რომ სალივარამში მის მეგობარს აქვს ლულიდან გასატენი თოფი. მწყემსმა გადაწყვიტა, ეთხოვებინა იგი, რომ ჩემთან ერთად წამოსულიყო ავაზაზე სანადიროდ. ამიტომ უთენია

ადგა და გაემგზავრა სალივარამში. სამწუხაროდ, მეგობარი არ დახვდა სახლში და მწყემსი ხელცარიელი დაბრუნდა.

მადლობა გადავუხადე მწყემსს ჩემი დახმარების სურვილისათვის, მაგრამ გულში კიდევ უფრო მადლობელი ვიყავი ბედის, რომ მისმა ცდამ ფუჭად ჩაიარა: ვალიარებ — ძალიან ვინერვიულებდი, რომ ჩემს უკან მომავალ მწყემსს ჰქონდა ლულიდან გატენილი თოფი, რომელიც უწესივრო მოპყრობის შემთხვევაში ძალზე საშიშია ახლო მყოფთათვის.

კამეჩების საქმეში მარცხი რომ განვიცადე, ვცადე შივანიპალის ძაღლების პატრონები დამეთანხმებინა. კარგა ხნის ყოყმანისა და კამათის შემდეგ მომგვარეს ერთადერთი ძაღლი. ეს იყო ყურებდაჭრილი და დაგრეხილი გრძელკუდიანი ყავისფერი დიდი ძუკნა — სოფლის ერთ-ერთი ტიპიური ძაღლი „პარია“, რომელსაც გაჩენისთანავე ჭრიან ყურებს, რომ შიგ ტკიპები არ გაუჩნდეს. გლეხების აზრით, უფრო ადვილი და უბრალოა ძაღლებისათვის ყურების დაჭრა, ვიდრე დროგამოშვებით ტკიპების მოშორება.

საკვირველი დამთხვევაა, ძაღლს ერქვა კუში. ეს მაგონებდა კუშ-კუშ-კარიას, ჩემი ძველი მეგობრის პუჯარი * ბაირეს ძაღლს, იმ პუჯარი ბაირესი, რომელთან ერთად ბევრი მიხეტიალია ჯუნგლებში. არ ვიცი, სალემის ოლქის ტყიან ნაწილში იყო ეს სახელი პოპულარული, თუ ის წარმომდგარია შორისდებულებიდან, რომლის მეშვეობით ძაღლებს არქმევენ ხოლმე სახელებს, — პირადად მე უკანასკნელისკენ ვიხრები. ძნელი წარმოსადგენია, მაგრამ კუში ზუსტად ისე იქცეოდა, როგორც მისი სეხნია.

ბოლოს რანგასვამის, მწყემსის, კუშისა და მისი პატრონის თანხლებით წავედი ავაზას საძებნელად.

მალე მივალწიეთ ადგილს, სადაც წინა დღით თანამგზავრებმა დამტოვეს, შემდეგ ჩემს ნაკვალევზე გავყევით ნაკადულის კალაპოტს და გადავედით ჩრდილოეთ ნაპირზე.

აქედან ჩახმახზე შეყენებული თოფით სათავეში ჩავუდექი პატარა რაზმს; კუში მორბოდა ჩემთან და ისევ ბრუნდებოდა

* ბრაჰმანი-ქურუმი.

პატრონთან, რომელიც ჯგუფს ბოლოში მოჰყვებოდა, ჩემს უკან მოდიოდა რანგასვამი, მას მოსდევდა მწყემსი.

მწყემსს, რასაკვირველია, ახსოვდა, სად ეგდო ძროხის ლეში, მაგრამ მე მინდოდა მენახა ადგილი, სადაც ავაზას ვესროლე. ეს არ მოხერხდა. ვინც ნამყოფია ჯუნგლებში, იცის, რომ ბუჩქები, დღისით სრულიად პატარა, დამე სიდიდითა და მოხაზულობით სულ სხვაგვარი გვეჩვენება, და ვერ დავადგინე, ვიყავი თუ არა აქ თორმეტი საათის წინ.

მაშინ ვუბრძანე მწყემსს, მივეყვანე ძროხის ლეშთან, მან ადვილად მიაგნო. ავაზას ნახევრად შეეჭამა ის, მაგრამ გაურკვეველი იყო, ჩემთან შეხვედრამდე მიერთვა, თუ ტყვიის აცდენის შემდეგ ხდება, თუმცა ძალიან იშვიათად, რომ მტაცებლები დაჭრის ან სროლის შემდეგ უბრუნდებიან თავის ნადავლს.

ლეშთან მისვლისთანავე ვცადე დამედგინა, საიდან მოვდიოდი წინა ღამით. შემეძლო მხოლოდ შევარაუდა, თუ რამდენ ხანს მოცოცავდა ჩემკენ ავაზა. გამოცდილება მიკარნახებდა, რომ როცა პირველად გავიგონე ავაზას ჭამის ხმა, მისგან თხუთმეტიდან ორმოცდაათ იარღზე ვიქნებოდი.

გადავზომე ნაბიჯებით თხუთმეტი იარღი, და ერთ-ერთ გლახს ვუბრძანე, მოედუნა ტოტი, რომ აღენიშნა ადგილი, შემდეგ გადავთალე კიდევ ოცდათხუთმეტი იარღი და მეორე ტოტი მოვლუნე.

სადაც ამ ორ ნიშანს შორის, დაახლოებით იმ მიმართულებით, საითაც მე მივდიოდი, უნდა დარჩენილიყო რაღაც ნაკვალევი. თუ ის არ იყო, მაშასადამე ავაცდინე.

უკვე დარწმუნებული ვიყავი, რომ თუ ავაზა დაჭრილია, მახლობლად არ იქნებოდა დამალული, რადგან გაიგონებდა თუ არა ჩენი ფეხის ხმას, უთუოდ გასცემდა თავის თავს ღრენით ან შეეცდებოდა თავს დაგვესხმოდა.

მე ვუბრძანე ჩემს თანამგზავრებს გულდასმით გადაეჩხირკათ მიდამო სისხლიანი ნაკვალევის აღმოსაჩენად. კუშმა რაღაც იყნოსა, და მისმა პატრონმა თავისთან მიგვიხმო: ლიმონის ბალახის ფოთოლზე მოჩანდა შემხმარი სისხლის მოგრძო ლაქა. კარგ გუნებაზე დავდექი. ჩვენს წინ იყო იმის დამამტკიცებელი საბუთი, რომ არ ამიციდენია ტყვია და დამიჭ-

რია ნადირი სხეულის ზედა ნაწილში. რადგან მე ვუმზერდი ფარნის სინათლის ამრეკლავ თვალებს შუა, ტყვია უნდა მოხვედროდა თავის ქალაში.

და აი აქ კუშმა გვიჩვენა, რისი უნარიც აქვს მას. ის არ იყო დაგეშილი, მაგრამ ჩანდა, რომ ინსტინქტით გრძნობდა, რასაც მოითხოვდნენ მისგან. რამდენიმე ხნის განმავლობაში აქეთ-იქით აწყდებოდა, ყნოსავდა ირგვლივ ყველაფერს, შემდეგ წკმუტუნით გავარდა წინ.

ჩვენ გავყევით მას და ფოთლებზე და ბალახის მაღალ დეროებზე სისხლის ახალი ლაქები აღმოვაჩინეთ. სისხლი აჩნდა მიწასაც. მამასადამე ჭრილობა არ იყო უბრალო განაკაწრი, და ცხოველი ალბათ, სისხლიდან იცლებოდა. სისხლი თითქმის ყველგან შემშრალიყო, გარდა ძალიან ჩრდილოვანი ადგილებისა, აქ იმდენად სველი იყო ის, რომ თითოთ შეიძლებოდა აგეზოცა. სისხლი არ იყო მუქი, როგორც არის ხოლმე ფილტვების დაზიანების დროს.

კუში გაიქცა დასავლეთის მიმართულებით. ის მირბოდა, როგორც ჩანდა, მდინარე ანეკალ ვანკას კალაპოტისაკენ მიმავალ ნაკვალევზე. ეს მდინარე ერთვის დოდა ხალას. რომელიც კანადის ენაზე ნიშნავს „დიდ ხახას“. ასეთი სახელწოდება იმიტომ მიიღო, რომ თავის დაკლავნილ გზაზე მრავალი ნაკადულის წყალს ნთქავს. დოდა ხალა მიედინება სოფელ ანჩეტის მახლობლად, შემდეგ მკვეთრად უხვევს სამხრეთისაკენ, გვერდს უვლის გუნდალამს და ბოლოს ერთვის მდინარე კავერის.

მე კარგად ვიცნობდი დოდა ხალას რაიონს, დოდა ხალასი, რომელსაც შევარქვი „იღუმალი მდინარე“ იმის გამო, რომ მის ნაპირს იშვიათად სწევვია ვინმე მეტად ხანგრძლივი და ძნელად გადასალახავი გზის გამო. ამიტომ ადამიანის თვალსა და ხმას მოწყვეტილი დოდა ხალას ხეობა აღსავსეა მომხიბლავი მშვენიერებით. აქ ვიპოვნე გეოლოგებისათვის საინტერესო ქანები, მაგრამ ახლაც ვერ ვბედავ გამოვაქვეყნო ეს აღმოჩენა, რომ ერთმა ყველაზე ულამაზესმა კუთხემ სალემის ოლქის ჯუნგლებში არ დაკარგოს თავისი ხელშეუხებელი სილამაზე.

მაგრამ დაუებრუნდეთ იმ დილის ამბებს. ბუჩქნარი ძალიან ხშირი იყო, მაგრამ ვერაფერს ვნებდა კუშის მახვილ ყნოსვას.

უფრო ძნელი იყო ძაღლის გვერდით ყოფნა. მისი მოქნილო პატარა სხეული დაძვრებოდა ბუჩქებსა და ეკლიან ჩირგვნარს. შორის. ხელ-ფეხი ძალზე დაგვეკაწრა და ძაღლი რომ მხედველობიდან არ დაგვეკარგვოდა, ისე სწრაფად მივიწვედით წინ. რომ სიფრთხილის ზომებსაც კი ვიცავდით დაჭრილი ავაზას თავდასხმის შემთხვევაში მაყვლის ბუჩქები და სხვა დაბრკოლებანი გვაფერხებდა, მაშინ კუში შორს მოგვიტოვებდა ხოლმე და სტვენით ვუხმობდით ძაღლს უკან, მაგრამ რამდენიმე წუთით უკან რომ დაბრუნდებოდა, ჩანდა, როგორ უჭირდა ნაკვალევის ხელახლა მოძებნა.

ბაწარი არ გვექონდა თან წამოღებული და მწყემსისაგან ვითხოვე დოღბანდი, მისი ერთი ბოლო კუშს ჩავაბი კისერში, მეორე კი გადავეცი პატრონს. მაგრამ დოღბანდი მოკლე იყო და ძაღლი რომ დაგვეკავებინა, პატრონს უხდებოდა წელში მოხრა, და როცა კუში წინ გავარდნას ლამობდა, დოღბანდი კისერში უჭერდა, სული ეგუბებოდა და ხრიალებდა.

ასე მივიწვედით წინ, სანამ არ მივალწიეთ პლატოს ნაპირს, საიდანაც იწყებოდა ციცაბო ხრამი, ქვევით კი მაღალი ხეების წვეროებს შორის მოჩანდა მდინარე ანეკალვანკა; მზე ირეკლებოდა დაკლანკილ ქვიშიან კალაპოტში წყლის ვერცხლისფერ ზედაპირზე. როგორც ყოველთვის, წლის ამ დროს მდინარე სამი მეოთხედითაა დაკლებული.

ცოტა რომ გავიარეთ, დავრწმუნდით, ჭრილობისაგან ღონემიხდილი ავაზა ბალახზე ბაბუჯის ხის შტამბთან წოლილა და, ირგვლივ დაღვრილი სისხლის მიხედვით ჩანდა, რომ უბრალოდ კი არ ისვენებდა, არამედ ბორგავდა და მიწაზე გორაობდა ტკივილისაგან, კუში აქ შესდგა და გამოავლინა მეორე არაჩვეულებრივი თვისება — ალოკა სისხლი. სოფლის ძაღლებს ჩვეულებრივ ეშინიათ ავაზის, კუში კი, როგორც ზემოთ მოგახსენეთ, განსაკუთრებული ცხოველი გახლდათ. ჩვენ მართლაც ბედი გვეწვია, რომ კუშის პატრონმა ნება დაგვართო თან წამოგვეყვანა ძაღლი. უმრავლესობას გლეხებისა, რომლებიც უყოყმანოდ ჭრიან ლეკვებს ყურებს, სისასტიკედ მიაჩნიათ დაჭრილი მტაცებლის სადევნად ძაღლის გამოყენება. კუშის დაუფასებელი დახმარების გარეშე ვერასოდეს ვერ

შევკლებდით გავყოლოდით ხშირ ბუჩქნარში სისხლიან ნაკვალევს.

დავიწყეთ ხრამში ჩასვლა. მცენარეულობა აქ შეთხლებული იყო, მიწა კი გაშიშვლებული და ქვიანი. ყველგან დახვავებულ ქვის ლოდებს შორის ხარობდა გრძელფოთლიანი უხეშია-ლიმონის ბალახი.

მდინარის ნაპირები დაფარული იყო რიყის ქვით. ისინი ცხადყოფდნენ, თუ უწევდა წყლის დონეს მდინარეში წყალდიდობის დროს მუსონების პერიოდში.

მხეცის დევნა ნაკვალევზე ადვილი გახდა. კლდეების ფონზე გამოყოფილი ჟანგისფერ-მოყავისფერო წვეთები ცხადყოფდნენ, თუ სად გაიარა ცხოველმა. ავაზის დაკარგული სისხლის რაოდენობით თუ ვიმსჯელებდით, აშკარა გახლდათ, რომ ის უფრო სერიოზულადაა დაჭრილი, ვიდრე მე ვვარაუდობდი. როგორც ჩანდა, ტყვიამ დაუზიანა არტერია, თორემ სისხლის დენა, თუ სრულებით არ შეუწყდებოდა, შეუშცირდებოდა მაინც, რადგან კანქვეშა ქონი შეკუმშვის დროს ხურავს. ნატყვიარს.

მივალწიეთ მდინარის კალაპოტს, სადაც ჯერ კიდევ მიედინებოდა წყლის წვრილი ნაკადი. აქ ავაზა ალბათ განერთხო-მიწაზე, რომ წყურვილი მოეკლა და დატოვა სისხლის წვეთების ორი მწკრივი. ამან ძალიან შემაფიქრინა, რადგან მე ხომ ერთხელ ვესროლე მას?

სანამ მდინარის ფონზე გავიდოდა, ავაზას თათი დაედგათავის სისხლზე, და ქვაზე გარკვევით აღბეჭდილიყო მხეცის საშუალო ზომის წინა თათი. წყალს ჩამოერეცხა სისხლი-მხეცის თათიდან, მაგრამ მეორე ნაპირას ლოდებსა და რიყის ქვებზე ჩანდა შემშრალი სისხლის წვეთები.

მდინარეზე გადასვლისას ავაზამ შეიცვალა მიმართულება და დაახლოებით ორასი იარდის მანძილზე მდინარის პარალელურად მისი ნაპირების გასწვრივ მიდიოდა. შემდეგ გაუხვია მარცხნივ და შეუდგა ხრამის ფერდობზე ასვლას. ეტყობა, აქ ქვები და კლდეები დაიფარა მცენარეულობით და კვლავ მოგვიხდა ალაგ-ალაგ ბამბუკისა და ხეების შენაცვლებულ შამბნარსა და ეკლიან ბუჩქნარში გაღწევა.

ავაზა ხულ მალლა-მალლა მიიწევდა, მას კვალდაკვალ

მისდევდა კუშიც. ბოლოს გავედით დენკანიკოტიდან ანჩეტისაკენ ტყის გადამკვეთ გზაზე, ცხრა მილის აღსანიშნავად ჩასმული ქვის პირდაპირ. ღამისა და დილის განმავლობაში ამ გზაზე გაიარა მრავალმა ფორანმა, და წამსვე ნაკვალევის სუნი გაქრა ყავისფერ მტვერში. მაგრამ კუშმა ადვილად იპოვა იგი გზის მეორე მხარეზე, და ჩვენც აჩქარებით მივეყვეით უკან.

ბალახი და ლელიანი თანდათან შეცვალა ეკლიანმა მცენარეებმა, უფრო მეტად კი ლანტანის შამბნარმა. იქ, სადაც ავაზა ბუჩქის ქვეშ გაძვრა, აღწოვნით თითქმის გადაულახავი დაბრკოლების წინაშე. მისი შემოვლა შეუძლებელი იყო. სხვა გზა არ იყო, მუცელზე ხოხვით უნდა განგვეგრძო გზა.

ასეთ პირობებში თოფი ზედმეტ ბარგად გამიხდა სათრევი. ეკლნარი სახეს მიკაწრავდა, თმებს მგლეჯდა, ხელ-ფეხში მერჭობოდა, ტანსაცმელი შემომეფლითა. ყველაფერს ვწყველიდი ქვეყანაზე. ჩემი ამხანაგები კიდეც უარეს მდგომარეობაში იყვნენ, რადგან მათ უფრო მსუბუქად ეცვათ. ან შესაძლოა მათი კანია ნაკლებ მგრძნობიარე — არ ვიცი. მაგრამ დარწმუნებული ვარ, იმ გამოთქმებისათვის, რომლებიც ყველა ჩვენგანს ეკერა პირზე, კონკურსი რომ გამოეცხადებინათ ქუჩურ ლანძღვა-გინებაზე, უთუოდ პირველ ჯილდოს ჩვენ მოვიპოვებდით. მხოლოდ კუში შემოგვცქეროდა აუღელვებლად და აშკარად უკმაყოფილოდ ჩვენი აუჩქარებლობისა და მოუქნელობის გამო.

ახლა უკვე ნათელი გახდა, რომ დაჭრილ ცხოველს გეზი აღებული ჰქონდა ბორცვისაკენ, რომელიც დაახლოებით ნახევარი მილით იყო დაშორებული მეშვიდე და მერვე მილის აღმნიშვნელ ხაზებს შორის დენკანიკოტა — ანჩეტის გზაზე მდებარე სოფელ კუნდოკატიდან. ამ ბორცვის მწვერვალზე ბევრი გამოქვაბულია და მსსვილ ფუტკრებს, რომლებიც ბინადრობენ ჯუნგლების კლდევან ნაწილში, მათი მოხრილი თაღები შეურჩევიათ თავისი ფიჭისათვის. მე არაერთხელ დამინახავს ისინი ანჩეტში მიმავალ გზაზე გავლის დროს.

ვგრძნობდი, რომ შავი ავაზის მოკვლის ძალზე პატარა იმედილა მრჩებოდა. აქ მისი ძებნა ისევე ამაო იყო, როგორც ნემსისა თივის ზვინში. გარდა ამისა, თუ ავაზამ თავშესაფრად აირჩია გამოქვაბული, სადაც ფუტკრები ბინადრობენ, მაშინ

მას საიმედოდ დაცულ ადგილას მოუქალათებია, შეწუხებული ფუტკრები ძალზე მრისხანე მოწინააღმდეგენი არიან.

ბუჩქებს ვამტვრევდით და ისე მივიკვლევდით გზას. საუკუნეთა მანძილზე ზემოდან ჩამონადენი წვიმის წყლით გაპრიალებულ დამრეც ქვიან ფერღობზე ეკლიანი ბუჩქები ნაკლებად ხარობდა.

სუნს კუში მიყავდა პირქუშად გადმომზირალ ყველაზე ვეებერთელა ნაპრალისაკენ. ჩვენ ვხედავდით გამოქვაბულის თალიდან გადმოკიდებულ ფუტკრების ექვსამდე ახალ ფიჭა და ალაგ-ალაგ ძველის ნარჩენებსაც.

რეზინისძირიანი ფეხსაცმლის წყალობით ადვილად ავცოცდი კლდის მოლაპულ ფერღობზე. ჩემ ფეხშიშველ ამხანაგებს ხომ უფრო არ გაჭირვებიათ. ისმოდა კუშის კლანჭების სუსტი ტკაცუნა, როცა ის ნავარდით გარბოდა ჩვენ წინ.

ჩვენ მივალწიეთ გამოქვაბულის შესასვლელთან. აქ ყოველგვარ ხმას ფარავდა ზუზუნი მილიონი ფუტკრისა, რომლებიც წინ და უკან დაფრინავდნენ. გარდა ამისა, ისმოდა მუშა მწერების ფრთების დაუსრულებელი ხმაური. მწერებისა, რომელნიც ეზიდებოდნენ ჯუნგლებიდან ტყის ყვავილების ნექტარს, აგროვებდნენ ფიჭებში და კვლავ უკან მიფრინავდნენ.

პატარა არსებები თავისი საქმით იყვნენ გართული და არავითარ ყურადღებას არ გვაქცევდნენ, მაგრამ ვიცოდით—საკმარისი იყო მათი შეწუხება, რომ ასეთი მშვიდი და უვნებელი არსებანი თავს დაგვსხმოდნენ შავი ლავის ნაკადით, და რამდენიმე წუთში სასიკვდილოდ დავეკბინეთ.

გამოქვაბულის შესასვლელის წინ ვიდექით. ჯერ კიდევ შესამჩნევი, თუმცა ძალიან სუსტი სისხლიანი ნაკვალევი, პატარა ორი შემხმარი წვეთის სახით, მიგვითითებდა, რომ დაჭრილი ცხოველი შიგნით იყო შესული.

გამოქვაბულის შესასვლელი შედარებით დიდი იყო: დაახლოებით ოცი ფუტი სიგანე და ამდენივე სიმაღლე ექნებოდა. დღის სინათლე აღწევდა შიგნით რამდენიმე იარღზე, შემდეგ წყვდიადი სუფევდა. ჩემდა გასაოცებლად გამოქვაბულს ქვის მშრალი ფსკერი ჰქონდა. რა თქმა უნდა, უთუოდ, ამან მიიზიდა ავაზა და ფუტკრებიც, რომლებსაც არ უყვართ ნოტიო ადგილი.

მე ჩუმად ვუბრძანე ჩემს თანამგზავს, დარჩენილიყვნენ გარეთ და აცოცებულებოდნენ ზევით ქვიან ფერდობზე, მე კი კუშთან ერთად შევედი გამოქვაბულში. გეგონებოდათ, კუში გრძნობდა მოსალოდნელ საფრთხეს. მას გამბედაობამ სრულიად უღალატა და, ჩემს ზურგს ამოფარებული, სულ უკან-უკან რჩებოდა.

ვიდრე შესასვლელი ხვრელიდან მკრთალ შუქზე შემეძლო რაიმეს გარჩევა, წინ მივიწვედი, გავიარე არა უმეტეს ოცდაათი ფუტისა და შევჩერდი. წინ წასვლა აღარ შემეძლო, რადგან ფარანი თან არ მქონდა წამოღებული.

ორი გამოსავალია დამრჩენოდა: ან დაჭრილი ცხოველი უნდა შეიძულებინა დაეტოვებინა გამოქვაბული, ან დავბრუნებულებიყავი შივანიბაღში ფარნისათვის, გამეფრთხილებინა ზევით შედარებით უშიშროებაში მყოფი ამხანაგები, რომ თვალი დაეჭირათ, ჩემს დაბრუნებამდე არ გამომძვრალიყო ავაზა გამოქვაბულიდან. ცხადია, გონივრული იყო ამერჩია მეორე მშვიდობიანი გზა, რომელიც უზრუნველყოფდა მეტი წარმატების შანსებს, მაგრამ მე უკვე არავითარი სურვილი არ მქონდა, კვლავ მევლო წინ და უკან...

დავუსტვინე და ხმამაღლა დავიყვირე. არავითარი პასუხი. კვლავ დავიყვირე. კუშმა, რომელიც აქამდე წკმუტუნებდა, ყუფა დაიწყო. კვლავ არავითარი გამოხმაურება. სიჩუმე იყო ჩვენი გულმოდგინების ერთადერთი ჯილდო.

იქნებ მოკვდა დაჭრილი ცხოველი? არა მგონია. არაფერი არ მიუთითებდა იმაზე, რომ მდინარე ანეკალ ვანკუზე გადასვლის შემდეგ ავაზა სადმე შეჩერდა. ანდა მიატოვა გამოქვაბული ჩვენს მისვლამდე? შესაძლებელია ეს ასეა, მაგრამ კვლავ არაფერი საბუთი გვექონდა, რომ გვევარაუდა— ეს სწორედ ასე მოხდა.

ხელი მოვაფათურე გარშემო, რომ რაიმე მესროლა გამოქვაბულის სიღრმეში, ჩემ ფეხთან ახლოს დიდი ქვა ევდო, ავწიე მარცხენა ხელით — ძალიან მძიმე მეჩვენა.

ქვას ვისვრი მარცხენა ხელით, თოფს კი მარჯვენა მხრიდან. ჩანძახი ფეხზე შევაყენე: მივადე მარჯვენა ხელი სასხლტეზე და მთელი ძალით გადავისროლე ქვა. ის გაქრა გამოქვაბულის სიბნელეში, გრიალით დავარდა ფსკერზე და გაგორდა.

უმალვე გაისმა კარგად ცნობილი, ხველების მსგავსი ხანგრძლივი ღრიალი და ავაზა შეტევაზე გადმოვიდა. რადგან ის შავი იყო, მხოლოდ მაშინ დავინახე, როცა სინათლეზე გამოჩნდა თოფის ლულიდან ორი თუ სამი იარდის მანძილზე. ვესროლე, მაგრამ მან მძაფრი ნახტომი ვააკეთა, გეგონებოდათ, ინერციით განაგრძობს ჩემსკენ სრიალსო. კიდევ ვესროლე. სროლის ხმების გამოძახილი რამდენჯერმე განმეორდა.

და აქ ჯოჯოხეთი დატრიალდა. ფუტკრების ხმაურმა, რომელსაც შეუცნობლად აღვიქვამდი, როგორც ხმადებალ გუგუნს, კრეშენდოს* მიაღწია. გამოქვავბულის შესასვლელში დღის სინათლეს გადაეფარა უთვალავი მოფუსფუსე შავი მასა. რამდენადაც გუგუნნი ძლიერდებოდა, იმდენად მრავლდებოდა მათი რიცხვი. შავი ღრუბლები მოექანებოდნენ ჩემკენ. გეგონებოდათ, თვით ბუნებაც ამხედრებულაო ჩემს წინააღმდეგ. მე გავაბოროტე ფუტკრები. ავაზას აღარ დავეძებდი და გასასვლელისაკენ გავექანე.

ფუტკრები ზვავივით დამასკდნენ თავზე. მკბენდნენ ხელებზე, კისერზე, თავსა და სახეზე, მიძვრებოდნენ ქურთუკის შიგნით. ერთმა პერანგშიც კი ნოახერხა შეძრომა და ზურგში მიკბინა.

ნაკბენები ძალზე მტკივნეული იყო.

მე დავეგორდი კლდის ფერდობზე, რომელზეც ცოტა ხნის წინათ მივცოცავდით. თითქოს შორიდან მომესმა კუშის წკმუტუნნი. დიდი სისწრაფით მივექროდი, მაგრამ ფრთოსან ჯალათებს თავი ვერ დავაღწიე, ისე ჩქარა მომდეგდნენ. ჰაერი ავსილი იყო ფუტკრებით და დაუზოგავად მიტევდნენ. მახსოვს, გონებაში მათ ვადარებდი იაპონელ მფრინავეებს, რომლებიც სიცოცხლესა და მანქანას სწირავდნენ მტრის გასანადგურებლად. ზუსტად ასე, ფუტკრები რომ მკბენდნენ, ამით თავის სიცოცხლეს სწირავდნენ. მათ ხომ დაკბილული აქვთ ნესტრის ბოლო, რომელსაც კბენის შემდეგ მწერი ვეღარ ამოაძრობს ხოლმე მტრის კანიდან. ნესტარი წყდება უხამიან პარკთან ერთად და ფუტკარი წამსვე იღუპება.

* კრეშენდო (crescendo-იტალ.). ხმის თანდათანობით გაძლიერება. (მთარგმნელი).

ფერდობის ძირამდე მივირბინე, ფუტკრები კვლავ დამტრი-
ალებდნენ თავზე. სასოწარკვეთილი ლანტანის ხშირი ბუჩქის-
ქვეშ შევძვერი. მე ყოველთვის წყევლა-კრულვას ვუთვლიდი ამ
ბუჩქებს, ისინი მიმაჩნდა ეშმაკის მახედ, რომელიც ადამიანსაც
ვნებს და მცენარეებსაც, როდესაც იჭრება ყანებსა და ჯუნ-
გლებში, გარდა ამისა, ხელს უშლის მონადირის უხმაუროდ
სიარულს სამონადირეო ბილიკებზე. მაგრამ ამ წუთში ვლო-
ცავდი ლანტანს: მან სიკვდილს გადამარჩინა. ფუტკრები
ფრენის დროს ესხმიან თავს და იკბინებიან — ამით ისინი
ჰგვანან მოპიკირე ბომბდამშენს. იმდენი მოსაზრება არა აქვთ,
რომ დასხდნენ, მიცოცდნენ და ისე უკბინონ მტერს. ლან-
ტანის გადახლართულმა ტოტებმა შეუშალეს ხელი და
ფუტკრებმა ჩემამდე ვერ მოაღწიეს.

გაანჩხლებული ფუტკრების გუნდი განაგრძობდა გუგუნს
ჩემ თავზე. ორ საათზე მეტი გავიდა, სანამ ზუზუნი შეწყდე-
ბოდა და კვლავ განაგრძობდნენ მუშაობას. ძალიან მეძინებო-
და, ჩავთვლემდი კიდეც, რომ ტკივილებს მოეცა ამის საშუა-
ლება. მწვავედ ვგრძნობდი ტკივილს და ნაკბენების ადგილს
კანი გამისივდა.

დღის სამი საათი იქნებოდა, ლანტანის ბუჩქიდან რომ
გამოძვერი, გზაზე დავეშვი და გავეშურე სოფელ კუნდუკო-
ტაისკენ. იქ შევხვდი ჩემს თანამგზავრებს. ისინი თითქმის არ
იყვნენ დაკბენილნი, ფუტკრებმა, როგორც ჩანს, შეუტიეს
გაქცეულ მტრებს — მე და საწყალ კუშს. ძალზე დაშავე-
ბულმა კუშმაც მოიბრინა სოფელში. ეჭვი არ მეპარებოდა,
რომ ფუტკრები არც აიპაპს დატოვებდნენ უყურადღებოდ.

გავეშურეთ ჩემი მანქანისაკენ და წავედით დენკანიკოტში,
სადაც იყო მუნიციპალური საავადმყოფო და ამბულატორია.
უკვე საკმაოდ გვიან იყო, ექიმი რომ გავალვძიეთ. მან მე და
კუშს პინცეტით ამოგვიღო ტანში ჩარჩენილი ფუტკრის
ნესტრები და წაგვისვა ნიშადურის სპირტი. გამოქვავულის
პატარა ბოროტ სულებს კუშისთვის ჩაეცათ ცხრამეტი, ჩემ-
თვის კი ორმოცდაერთი ნესტარი.

ღამე დენკანიკოტის ტყის ბუნგალოში გავათიეთ. რკინის
საწოლზე ლეიბები არ ეგია და მე სავარძელში მოწყობა ვამჯო-
ბინე. ჩემს თანამგზავრებს და კუშს აივანზე ეძინათ.

ნაკბენების გამო სიცხემ ამიწია და კანკალი დამაწყებინა. კისერზე, სახეზე და ხელებზე სიმსივნე არ ცხრებოდა. ერთ ფუტკარს ნესტარი მარცხენა თვალის ახლო ჩაეცა, თვალი გასივდა და ნაწილობრივ დაიხურა, კუშიც ასევე იტანჯებოდა. მესმოდა, როგორ საცოდავად წკმუტუნებდა.

დილის ათ საათზე დავბრუნდით უკან ცხრა მილის აღმნიშვნელ ქვასთან. იქედან წავედით ფეხით, ამჯერად მეორე გზით: პირუტყვის მიერ გატკეპნილი გზითა და სამონადირო ბილიკით, რომელზეც სიარული გაცილებით ადვილი იყო. გამოვედით შამბნარიდან იმ ადგილზე ქვევით, სადაც ქვის შვერილი იყო და რომლის ქვეშაც წინა დღეს ვადექით.

ფუტკრები კვლავ შრომობდნენ თავის ფიჭებში. ყველგან სიწყნარე და სიმშვიდე სუფევდა.

დავტოვე გლეხები და კუშთან ერთად მეორედ ავცოცდი ფერდობზე. ფრთხილად მივუახლოვდი გამოქვაბულს, ვიცოდი, რომ ფუტკრები არაა საშიში, სანამ მათ კვლავ არ შეაწუხებ. რაც შეეხება ავაზას, თითქმის დარწმუნებული ვიყავი, რომ ჩემმა ორმა გუშინდელმა გასროლამ ბოლო მოუღო მას, და თუ არა, მაშინ ფუტკრებს უნდა დაეგვირგვინებინათ ეს საქმე.

და მართლაც: გამოქვაბულში შესასვლელიდან რამდენიმე ნაბიჯზე მორგვივით მოკუნტული მკვდარი და გაციებული შავი ავაზა ეგდო. კუში შედგა დაახლოებით ერთ იარღზე შისგან და დაიღრინა. ვშიშობდი, რომ ის დააფრთხობდა ფუტკრებს და კვლავ თავს დაგვატყდებოდა რისხვა, რომ დამეწყნარებინა ის, დრუნჩხე მივადე ხელი.

გამოვედი გამოქვაბულიდან, და ხელი დავუქნიე გლეხებს, რომ ზემოთ ამოსულიყვნენ. ყველამ ერთად ლეში ჩავათრიეთ ქვევით: მწყემსმა გამოჭრა კეტი და ლიანებით მაგრდ მივაბით ზედ ავაზის თათები. შემდეგ გავიდეთ ტვირთი მხრებზე და წავიღეთ მანქანისაკენ; მკვდარი ავაზა მანქანის ფრთასა და კაპოტს შუა ჩამოვკიდე.


დენკანიკოტის ბუნგალოში ავაზა გავატყავე. ვარდისფერი ხალები მკაფიოდ მოჩანდა შავი ბალნის ქვეშ. ტყავში ჩასობილი ფუტკრის ნესტრები მეტად ძნელი აღმოსაჩენი იყო, მაგრამ გლეხებს ვუბრძანე გულდასმით დაეთვალიათ აღმოჩე-

ნილი ნესტრები. ამოვადვრეთ ორას სამოცდაცამეტი ნესტარი, სინამდვილეში კი ის გაცილებით მეტი იყო.

გლებებს დახმარებისათვის გასამრჯელო გადავუხადე და დავებრუნდი ბანგალურში, ერთიასად დაჯილდოებული გადატანილი ტანჯვისათვის, რადგან გავხდი ჩემს მიერ მოკლული ერთადერთი შავი ავაზის იშვიათი ქურჭის და საოცრად ჰკვიანი ძაღლის კუშის მფლობელი. შვიდ რუპიად ვიყიდე ის.

კინალამ დამავიწყდა: გახსოვთ, იქ სადაც ავაზა შეჩერდა მდინარე ანეკლ ვანკთან, სისხლის ლაქის ორი წყება შევამჩნიე. უფრო მსხვილი ლაქები მოწმობდა ძლიერ სისხლის დენას. ამან გამაოცა. რადგან მხოლოდ ერთხელ ვესროლე; შემდეგ ჩემთვის ყველაფერი ნათელი გახდა: ტყვია თვალებს შუა კი არ მოხვედრია, სადაც ვუმიზნებდი, არამედ შეეხო საფეთქელსა და ყურს და დაუზიანა საზარდულის არე. მეორე ჭრილობიდან სისხლით იცლებოდა, პირველი ჭრილობა კი მსუბუქი იყო. ალბათ როცა ვესროდი, ავაზა ნახტომისათვის ემზადებოდა და სხეული ოდნავ მოხრილი ჰქონდა.

გამოქვაბულში ჩემ მიერ ნასროლი ორი ტყვიიდან ავაზას ერთი გულში მოხვედროდა, მეორე კი ღია ხახაში და კისერში გასულიყო.



თ ა ვ ი მ ე ხ უ თ ე

გველები და ჯუნგლების სხვა ბინადარი

ინდოეთის ჯუნგლების ცხოველებზე დაწერილია საკმაოდ ბევრი წიგნი, რომლებიც დიდად საინტერესოა ყველასათვის, ვინც კი ტყის ცხოვრებითაა გატაცებული. მწერალმა-ფერმერებმა დანბარ-ბრენდერმა, ჩემპიონმა, გლესფორდმა, ბესტმა, კორბეტმა* და სხვა მრავალმა გზა გაუკაფეს სამონადირეო მოთხრობას ცხოველთა ჩვევებზე, რომლის შესწავლაც თვითონ შეძლეს. ნაწილი ამ მოთხრობებისა ნახევარი საუკუნის წინათაა დაწერილი, როცა ინდოეთის ჯუნგლები, სრული ამ სიტყვის მნიშვნელობით, სავსე იყო ნადირით, განსაკუთრებით კი მტაცებლებით. ეს ავტორები მანამდეც სახელმოხვეჭილნი იყვნენ, ნაგრამ მათი თხზულების უდავო ღირსებები მხოლოდ

* დასახელებული ავტორები არ იყვნენ პროფესიონალი ლიტერატორები. ისინი დიდხანს ცხოვრობდნენ ინდოეთის სასოფლო რაიონებში, სადაც ჰქონდათ ადგილმამული, და ამიტომ ანდერსონი მათ ჟერმერებს უწოდებს.

ახლა ხდება აშკარა. გადაჭარბებული არ იქნება თუ ვიტყვით, რომ რამდენადაც ინდოეთის შეურყენელი ცხოვრება წარსულს ჩაბარდა, ამ შესანიშნავი ადამიანების ნაწარმოებებს სულ უფრო მეტი მნიშვნელობა ენიჭებათ, რადგან შთამომავლობას უნახავენ ცნობებს, რომლის შექმნა არავითარი ფულით არ შეიძლება.

ინდოეთის შიკარები, რომლებსაც თავდაპირველად მხოლოდ ნადავლი აინტერესებდათ, და ცნობილი თეთრკანიანი მონადირეებიც კი, აფრიკაში მხოლოდ გამდიდრების სურვილით რომ იყვნენ შეპყრობილნი, ბოლოს მაინც იმსჭვალეობდნენ ტყის ბინადართა სიყვარულით, ბინადართა, რომლებსაც ოდესღაც დევნიდნენ და ზოცავდნენ. მათგან უმრავლესობამ ღელი აიღო ნადირობაზე და მოეკიდა უფრო კეთილშობილურ და რთულ საქმეს — ბუნების შესწავლას და გარეული ცხოველების სურათების გადაღებას.

ძველად თვლიდნენ, რომ ჭუნგლებში ნადირობა დიდ საფრთხესთან არის დაკავშირებული. ვარაუდობდნენ, რომ ნეტაყებელი ნადირის გარდა, მონადირის სიცოცხლეს ემუქრება წხამიანი გველები, მორიელები, ობობები და სხვა საძაგელი არსებანი, რომ აღარაფერი ვთქვათ უკვე ჭუნგლებში გავრცელებულ დაავადებებზე, — მალარიაზე, ტროპიკულ ციებ-ციხელებზე და სხვა.

წაგალითად, ჯერ კიდევ მაშინ, როდესაც მამაჩემი ჰონადაჩე იყო, ნადირობა ნილგირის მთის ძირას მდებარე ტყეებში, მაისურის სათავადოს შიმოგასა და კადურის ოლქების ჭუნგლებში ან წასვლა დასავლეთ გატებში გმირობად ითვლებოდა. მაშინ ფიქრობდნენ, რომ დილის ნისლი იწვევს ბრონქიტს, ფილტვების ანთებას და განსაკუთრებით მალარიას და რომ ჭუნგლების ცხოველები არაჩვეულებრივად მძვინვარე და გაბედული არიან.

ფერმერი მწერლები, პირიქით, გვარწმუნებენ, რომ გარეული ცხოველები სრულიადაც არ არიან სასტიკნი, რომ მათ ყველას ეშინია ადამიანისა. მეცნიერების მიერ დამტკიცებულია, რომ ინდოეთში არ არის შხამიანი ობობები, ხვლიკები და ბაყაყები, არსებობს მხოლოდ შხამიანი გველების მცირე ნაირსახეობა, და რომ ფილტვების ანთებით შეიძლება ავად

გახდომა ყველგან, ინდოეთის ყველაზე ცხელი და მშრალი რაიონის ქალაქებშიც კი. სერ რონალდ როსმა გამოიკვლია, რომ მალარიის ბაცილა ვრცელდება განსაკუთრებული სახის კოლოს მიერ და არა ტენიანი ნისლის ან ტყის ჰაერის შედეგად. ეს ბაცილები აღმოჩენილ იქნა არა მარტო ჯუნგლებში, არამედ ქვეყნის სხვა ნაწილებშიც. მალარიის კოლოები მრავლდებიან დამდგარ წყალში და ბინძურ წყალსატევებში, რომლითაც სავსეა დიდი ქალაქებიც კი. მალარიასთან ბრძოლის კამპანიამ და მთავრობის სხვა ღონისძიებებმა ხელი შეუწყვეს ამ ავადმყოფობის აღმოფხვრას, მედიცინამ გამონახა მის წინააღმდეგ სწრაფმოქმედი და თითქმის ყოველთვის ეფექტური წამლები, ასე რომ ის აღარ იწვევს კვლავინდებურად შიშს.

რაც შეეხება იმ საშიშროებას, რომელსაც წარმოადგენენ გარეული მხეცები და გველები, აქ საუკეთესო მასწავლებელია პირადი გამოცდილება. შეიძლება დარწმუნებით ითქვას, რომ რამდენიმე იშვიათი გამონაკლისის გარდა, ადამიანი ტყის წიაღში უფრო ნაკლებ საშიშროებას განიცდის, ვიდრე ფეხით მოსიარულე ქალაქის ქუჩებში, სადაც ტრანსპორტის გაცხოველებული მოძრაობაა.

რასაკვირველია, ახალბედა მონადირე ზოგჯერ ჩაიდენს უგუნურ საქციელს და ხიფათს გადააწყდება, მაგრამ მხოლოდ თავისი გამოუცდლობისა და უვიცობის შედეგად. გამოცდილების მიღება კი, თუ სურვილი გაქვს, ძნელი არაა.

ინდოეთის ჯუნგლების მეფედ ვეფხვი ითვლება. ინდოეთში ღომები ბინადრობენ გუჯარათის ნახევარკუნძულ გურის რაიონის ტყეებში, სადაც მათ მზრუნველობით იცავენ. ვეფხვი დიდებული, ლამაზი და კეთილშობილი ცხოველია, მაგრამ არსებითად სიდიდით, ძალღონით და თანაც დაუოკებელი ტემპერამენტით ჯუნგლების მეფე, უდაოდ, მაინც სპილოა. ის გაცილებით უფრო საშიშია ვეფხვზე, და იმ ოლქის მკვიდრნი, სადაც ეს ორი ცხოველი ბინადრობს, ვეფხვს ეპყრობიან უფრო მოურიდებლად, თუ ის, რასაკვირველია, კაციჭამია არაა— გარეულ სპილოს კი — დიდი თავაზიანობით. თუ თქვენ მოგიხდებათ ადგილობრივ მცხოვრებთან ერთად ჯუნგლების ბილიკებზე გავლა და ამ დროს შეხვდებით ვეფხვს ან ავაზას, ის დაგანახებთ მათ მიამიტი გულგრილობით, მაგრამ ყურს

მოკრავს თუ არა ტოტების მტერების ხმას, ის უმაღლესე შედეგება, წარმოთქვამს მშობლიურ ენაზე ერთადერთ სიტყვას „სპილო“; განსაზღვრავს, საიდან მოდის ხმა და შეეცდება აირჩიოს უფრო შორი გზა იმ ადგილიდან, სადაც ცხოველი ბალახობს.

ეს სიფრთხილე საკუთარი და წინაპართა მიერ ჯუნგლებში ცხოვრების გამოცდილების შედეგია. იციან რა ამ ძლიერი ცხოველის ფიცხი ხასიათი, ინდოელები თავს არიდებენ ზედმეტ რისკს. მშვიდ მდგომარეობაში სპილოები ჩვეულებრივ უვნებელნი არიან, მაგრამ ისინი ადვილად აღიგზნებიან ხოლმე, ფრთხებიან და ღიზიანდებიან.

რაც უფრო მრავალრიცხოვანია ინდური სპილოების ჯოგი, მით უფრო ნაკლებ საშიშია ის. აღწერიდან ცნობილია, რომ აფრიკული სპილოები საჭიროების დროს მოქმედებენ კოლექტიურად, ცდილობენ მონადირეს მასიურად თავს დაესხან. ინდური სპილოები ასე არ იქცევიან, მაგრამ თითოეული მათგანი მრისხანე მოწინააღმდეგეს წარმოადგენს. განსაკუთრებით, თუ ეს მოხეტიალე სპილოა, რომელსაც უკვე შემთხვევა ჰქონდა, მოეკლა ადამიანი. ჯოგს მოწყვეტილი, ცალკე მობალახე „შეყვარებული“ სპილო მძუნაობის დროს, ანდა შვილებიანი დედალი სპილო მზადაა სიცოცხლე გასწიროს მათ დასაცავად. ხდება ისეც, რომ სპილო არ ეშვება და მისდევს ადამიანს ზოგჯერ მთელი მილის მანძილზე, ცხადია, თუ დევნილს ძალუძს ამ მანძილის გარბენა. როცა დაეწევა, სპილო ამ უბედურს ნაკუწ-ნაკუწ გლეჯს, ფეხებით თელავს, ან ხის შტამბს შეახეთქებს, ანდა მალა აისვრის ჰაერში.

ხშირად დღისით შამბნარში წყალსატევთან ჩასაფრებული, წყურვილის მოსაკლავად და საბანაოდ. მოსული სპილოების გასალიზიანებლად ვბაძავ ხოლმე ვეფხის ღრიალს ან ავაზის ღმუილს. ჩვეულებრივად პირველ შემთხვევაში სპილოები გულშემზარავად დაიდრიალებენ, ლეწენ ხის ტოტებს, ბუჩქებს და გაიფანტებიან. ძალიან საინტერესოა თვალყურის დევნება შვილებიანი დედა სპილოებისათვის: ისინი იჩქარიან, თითქოს უნდათ გაექცნენ მახლობლად ბუჩქებში მიმალულ ვეფხს, პირდაპირ მუცელქვეშ ამოდებული ხორთუმით მიჰყავთ პატარები. სპილო თუ მარტოა, „ვეფხის“ ხმის გაგონებაზე აუცილებლად გაშეშდება, მიაშვერს ყურებს იმ მხარეზე, საიდანაც ხმა

ესმის, ხორთუმით „მოსინჯავს“ ჰაერს და ცდილობს განსაზღვროს მტრის ადგილსამყოფელი. შემდეგ შემობრუნდება და დინჯად გაუჩინარდება ჯუნგლებში. ხანდახან სპილო იწყებს ადგილზე ტოკვას, თავსა და ხორთუმს გაშმაგებით აქნევს აქეთ-იქით, მაგრამ ერთი წუთის შემდეგ მაინც ტოვებს იქაურობას. მე არ მინახავს არც ერთი სპილო, ვეფხვის ღრიალი გაეგონოს და ადგილზე დარჩენილიყო.

ავაზას ღრენა უფრო სხვანაირად მოქმედებს: მამალი სპილოები მზად არიან ბრძოლისათვის პატარების დასაცავად. მარტოხელა სპილო აუცილებლად შორდება ამ ადგილს, თუმცა არც ისე ჩქარობს. ერთხელ თუ ორჯერ დავინახე ავაზას ღმუილის შემდეგ სპილო ფეხსა და ხორთუმს როგორ სცემდა წყალზე და მერე განაგრძობდა სმას. მაგრამ ემჩნეოდა, აშკარად ღელავდა და თავს უზრუნველად მაინც ვერ გრძნობდა.

ეს თავშესაქცევი ექსპერიმენტები ცხადყოფენ, რომ მიუხედავად ვეება სიდიდისა და უდიდესი ძალისა, სპილო არც თუ ისე მამაცი ცხოველია. პირიქით, ის, უდავოდ, მშიშარა და მოკრძალებულია. რომელიღაც წიგნში წამიკითხავს, რომ სპილოს ისეთი ძვალი აქვს, შეუძლია გადიდებულად დაინახოს ის საგანი, რომელსაც მისჩერებია. ამის მიზეზიცაა, რომ სპილოს ეშინია ვეფხვების, ავაზების და აგრეთვე ადამიანებისა. არ შეეცდები, თუ ვიტყვი, როგორც ყველა შფოთისთავი, ის ყოველთვის იყენებს თავისი მდგომარეობის უპირატესობას მხოლოდ მაშინ, როცა ხედავს, მტერი იჩენს ჭიშხდალეს. იმ არსებას კი, რომელსაც მედგარი წინააღმდეგობის გაწევა შეუძლია, სპილო იშვიათად ესხმის თავს.

როგორც ჩანს, სპილოებს თანდაყოლილი სიძულვილი აქვთ თეთრი საგნებისადმი. ამიტომ იმ რაიონებში, სადაც ბევრი სპილოა, გზის მოძრაობის მაჩვენებლები შეღებილია შავად; თეთრად შეღებილი რომ ყოფილიყო, სპილოები დაუყოვნებლივ ამოთხრიდნენ და შორს გადაისვრიდნენ. ტყეში გამგზავრებისას, სადაც სპილოები ბინადრობენ, გონივრული არ არის თეთრი ტანსაცმლის ჩაცმა.

ოდესღაც ხმარობდნენ კორპის თეთრ მუზარადს, რომელიც ირეკლავდა მზის სხივებს და იცავდა ადამიანს სიცხისაგან.

ერთი ჩემი ნაცნობი დაეხეტებოდა ჯუნგლებში ასეთი მუზარადით. ძნელი სათქმელია, რატომ ეხურა მუზარადი, რომელიც არა მარტო სპილოებს აღიზიანებს, არაჰედ ძალიან გამოირჩევა და ხელს უშლის მონადირეს ცხოველების შეუმჩნეველად დევნაში. ის და მეგზური შოლაგას ტომიდან მიდიოდნენ ბორცვის თხემზე და განაკაფზე ორასი იარდის მოშორებით დაინახეს მობალახე სპილო. სხვა პირობებში ძალიან ცუდი მხედველობის სპილო ვერ დაინახავდა ადამიანებს ასეთ მანძილზე. გარდა ამისა, ქარი ისე უბერავდა, რომ გეშასაც ვერ აიღებდა, მაგრამ თეთრი ქათქათა მუზარადი შეუძლებელია მას არ შეემჩნია ჯუნგლების მწვანე-ყავისფერ ფონზე. სპილომ დაიყვირა და გადავიდა შეტევაზე. მონადირემ და შოლაგამ მოკურცხლეს. საბედნიეროდ, შოლაგა გამოცდილი მეგზური იყო. არ მიატოვა „სახიბი“*, უკან მისდევდა და გზას უჩვენებდა. სპილო ეწეოდა მათ. მაშინ შოლაგამ გადაუსწრო მონადირეს, აართვა თავიდან მუზარადი, დააგდო მიწაზე და სახიბი თან გაიყოლია. როგორც კი სპილომ მიირბინა მუზარადამდე, დევნის ყოველგვარი ინტერესი დაეკარგა. უსიტყვოდაც გასაგებია, სპილომ რომ დაამუშავა მუზარადი, რად გადაიქცა ეს მშვენიერი თავსამკაული.

ცნობილია, რომ სპილოებს შორის ხდება ჩხუბი, რომელიც ხანგამოშვებით შეიძლება სამ დღემდე გაგრძელდეს. ჩხუბის საბაზია ზოგჯერ ჩათქვირებული „ქალბატონის“ წყალობა ან „შეყვარებული“ მამლის ჯოგიდან ვანდევნა, რომლის ყურადღება დედალი სპილოსადმი დიდ აღშფოთებას იწვევს. მაგრამ ხშირად შეჯახება ხდება იმის გამოც, რომ ძალ-ღონით აღსაესე. ახალგაზრდა მამალი სპილო ექიშება ბელადს პირველობისათვის.

ასეთ ბრძოლებში მამალი სპილოები ეშვებით საშინლად ასახიჩრებენ ერთმანეთს. ზედმეტია იმაზე ლაპარაკი, რომ ამ დროს და ბრძოლის შემდეგაც მეტოქენი ძალიან გაღიზიანებულ მდგომარეობაში არიან, და ვაი იმ ცოცხალ არსებას, რომელსაც ამ მომენტში ისინი თვალს დაადგამენ.

სალემის ოლქის სატყეოში მომუშავე ერთი ტყის მცველი

* ბატონი (პინდი).

დოდა ხალის ხეობაში თავს წაადგა ორ მოჩხუბარ სპილოს. და აქ მოხდა რაღაც საოცრება: მოქიშპეებმა დაივიწყეს მტრობა, ხმამაღლა დაიყვირეს და ორივენი დაეტანენ მას.

მე უკვე ყწერდი სხვა მოთხრობებში მოხეტიალე სპილოებზე, ამიტომ მათ შესახებ აღარაფერს ვიტყვი. მინდა მხოლოდ ვთქვა, რომ ამაზე უფრო საშინელი შეხვედრა ჯუნგლებში წარმუდგენელია. ის, ვინც ოდესმე გაიგონებს მძინვარებითა და სიძულვილით აღსავსე თავზარდამცემ ღრიალს, დაინახავს ბუჩქებსა და დაბალ ტყეში მისკენ გამოქანებულ ხორთუმმოხრილ, ყურებგაფოფრილ და კუდაწეულ ურჩხულს, ამ სანახაობას სიკვდილამდე ვერ დაივიწყებს.

ნილგირის მთის ძირში ერთმა მოხეტიალე სპილომ ჰაერში აისროლა ტყისმცველი. ჩამოვარდნის დროს ის ბამბუკის გადატეხილ შტამბს დაენარცხა და იქვე დალია სული.

წმინდა ბულის მიერ მოკლული სეგურელი მოხეტიალე სპილო შედარებით ტანმორჩილი, გონიერი და მძვინვარე ცხოველი იყო. მას შეეძლო მაპარვოდა ადამიანს ან, კლდეს და ბამბუკის ხეს ამოფარებული, ჩასაფრებოდა. ერთხელ მან სეგურის გზაზე დაიჭირა ქალი, ფეხებით გათელა, შემდეგ ააგლიჯა ფეხიდან ვერცხლის ბრასლეტი, ყკლზე ასხმული ძიღები და რამდენიმე იარღზე გადაისროლა.

მეორე ამბავი შეემთხვა ტყის დარაჯს ბილიგირიანგანის მთიან რაიონში, სადაც მრავალი სქელკანიანი ბინადრობს. იმ დროს აქ ბინადრობდა მოხეტიალე სპილო, რომელსაც დიდი ხანია ცუდი სახელი ჰქონდა გავარდნილი. მოხეტიალე შეხვდა ტყის დარაჯს და დაედევნა. მდინარის ფონზე გასვლისას საწყალს ფეხი გადაუბრუნდა. სპილო დაეწია მას და ნაკუწ-ნაკუწ აქცია. მთელი სამი დღე გვამთან ბობოქრობდა, აფერხებდა ტრანსპორტის მოძრაობას, სანამ არ ინება წასვლა და საშუალება მისცა ნათესავებს მოეკრიბათ ნეშტის ნარჩენები დასაწვავად.

ამავე რაიონში დათარეშობდა მეორე მოხეტიალე სპილო. ერთხელ მან გზიდან გადააგდო ხარებშებმული ფორანი. ეს სპილო მოკლა ფიტულების ცნობილმა გამტენმა მაისურელმა ვან ინგენმა.

ინდოეთის ჯუნგლების ყველაზე გულადი ცხოველი, რომ-

ლის სიმამაცისათვის დღემდე არავის შეუსხამს ხოტბა, უთუოდ, გარეული ტახია. ჯუნგლების სხვა ბინადართან შედარებით მის პატარა სხეულში უფრო მეტი გამბედაობა, თავხედობა, და მკვლევლობის დაუოკებელი წყურვილია დაფარული, ვიდრე ჩემთვის ცნობილ სხვა ცხოველებში. დაჭრილი სპილოები, ბიზონები, აგრეთვე ვეფხვები ჯერ გაცლას ცდილობენ და მხოლოდ უკიდურეს შემთხვევაში ესხმიან თავს. მაგრამ დასჭერით ბებერი გარეული ტახი, ის მოიკრებს უკანასკნელ ძაღლონეს, დაგესხმით თავს და ისეთი თავგანწირული სიმამაცით შეგებრძოლებათ, როგორც არც ერთ ულანს არ ჩაუდენია ბალაკლავასთან* მომხდარი შეტაკების დროს.

სპილოს შემდეგ, ინდოეთის ჯუნგლების უფრო საინტერესო ცხოველია ვეფხვი. პირადად მე სიმამათიით ვარ განწყობილი მისადმი. გარდა პერიოდულად შეხვედრილი კაციჭამიებისა, რომლებიც შიშის ზარს სცემენ მოსახლეობას ასეულ მილის მანძილზე, ვეფხვი სამართლიანად იმსახურებს „ჯენტლმენის“ სახელს.

ვეფხვზე ნადირობა სპორტის ყველაზე რთული სახეობაა. დაჭრილი ვეფხვის დევნა ძალიან საშიშია და მონადირისაგან მოითხოვს ჯუნგლების ზედმიწევნით ცოდნას. მაგრამ დაჭრილის ტყეში დატოვება და მისი სატანჯველში ჩაგდება აუღქვაობაა არა მარტო ცხოველთა, არამედ მახლობლად მცხოვრებ ადამიანთა მიმართაც: კრილობას შეუძლია მტაცებელი კაციჭამიად აქციოს.

სიდიდით, ძალ-ღონისა და გამბედაობით ავაზა ვერ შეედრება ვეფხვს, მაგრამ ის ძალზე ვერაგი და დაუნდობელია. მე უკვე გიამბობთ, რომ ავაზები, მიუხედავად კაციჭამიობის მიდრეკილებისა, ჩვეულებრივ მათთვის დამახასიათებელ შიშს განიცდიან ადამიანების წინაშე. ისინი იშვიათად ესხმიან თავს პირდაპირ, თითქმის ყოველთვის შეუემჩნევლად ეპარებიან თავიანთ მსხვერპლს ზურგიდან და ამისათვის მოქმედებენ სიბნელეში.

ავაზას უყვარს პირის ჩაგემრიელება ძაღლის ხორციით.

* ქალაქი ყირიმში, სადაც 1854 წ. 13 ოქტომბერს ყირიმის ომის დროს მოხდა დიდი ბრძოლა.

ოდესდაც, კომბატურის ოლქის ქალაქ კოლეგალიდან თითქმის ერთ მილამდე დაშორებულ პატარა მაღლობზე, სადაც ტაძარია აღმართული, დაბინავდა წყვილი ავაზა, რომლებმაც სული გაუმწარეს მთის ძირში მცხოვრებ ამერიკელ მისიონერებს იმით, რომ მუსრი გაავლეს მათ ძაღლებს, როგორც კი ღირსპატივსაცემმა მამებმა ისინი გაიჩინეს. ბოლოს და ბოლოს ავაზები ისე გათავხედნენ, რომ ადგილობრივი პოლიციის უფროსმა ინსპექტორმა რამდენიმე ახალგაზრდის დახმარებით თავს იდო მათი მოსპობა. პირველ რიგში ცეცხლი წაუკიდეს ბალახს მტაცებელთა ბუნაგის ახლოს, მაგრამ რადგან ამან შედეგი არ გამოიღო, მაშინ დაიწყეს გამოქვაბულში ჩირაღდნების შეგდება. ავაზები გარეთ გამოცვიდნენ და შეტაკებისას ერთი ავაზა მოკლულ იქნა, ხოლო რამდენიმე ყმაწვილი დაიჭრა.

ინდოეთის ჯუნგლების სამხრეთ ნაწილის ტლანქი, ბეცი „დათუნია“ ბოროტი, მაგრამ განსაკუთრებით ფიცხი არსებობს. ცოტა ხნის წინათ დათვების ოჯახმა -- მამამ, დედამ და საკმაოდ მოზრდილმა ბელმა შეარჩიეს თავისი ბუნაგისათვის გამოქვაბული კლოზეპეტის მახლობლად, სადაც უკვე ავაზა ბინადრობდა. როცა ძუ ავაზა თავს დაესხა მომხდურებს, ბელმა უმაღლვე მოკურცხლა, მშობლებმა სცადეს წინააღმდეგობის გაწევა, მაგრამ გაათრებული ავაზის ბასრი კლანჭებით შეშინებულებმა მალე მოუსვენს. უფრო მეტიც, ოჯახის მამა ისეთი სისწრაფით გარბოდა, რომ თავი ვერ შეიკავა, ასი ფუტის სიმაღლის კლდიდან გადმოვარდა და წინა თათები მოიტეხა. მეორე დღეს გლეხებმა შუბებით მოუღეს მას ბოლო.

საკმარისია დათვმა გაიგონოს ან დაინახოს მოახლოებული ადამიანი, რომ მიუხედავად თავისი მოუქნელობისა, უმაღლვე მოკურცხლოს. თუ გასაქცევი გზა მოჭრილი აქვს, თქვენგან ყოველგვარი საბაბის გარეშე, წაქეზებული არა სიმამაცით, არამედ შიშით, გადმოდის შეტევაზე, და თანაც ცდილობს თავისი ბლაგვი ოთხღუმიანი კლანჭებით მოწინააღმდეგეს სახეში სწვდეს. მე შევხვედრივარ ადგილობრივ მცხოვრებლებს, რომლებსაც განუცდიათ დათვების თავდასხმა: მართლაც, რომ საშინელი ჭრილობები ჰქონდათ მიყენებული და მთელი სიცოცხლის მანძილზე დასახიჩრებულნი იყვნენ.

დათვი, როცა ის ძირხვენებს თხრის ან თეთრი ჭიანჭველე-
ბის ბუდეს ქექავს, რალაციოთ ტაკიმასხარას წააგავს: ყველაზე
ტკბილი ძირხვენებისა და პირის ჩასაგემრიელებელი ტერმი-
ტების ძებნისას იგრიხება, იმანჭება, და უცნაურ პოზებს
იღებს. ერთსა და იმავე დროს ისეთ ხმებს გამოსცემს, რომ
თვითმფრინავის გუგუნის, კრაზანების ბზუილი და საბერველის
ქშენა გეგონებათ, თანაც ეს უკანასკნელი თითქოს ყველა ამის
აკომპანემენტ- იყოს. მრუდფეხას უყვარს ძილი თავისსავე
ამოთხრალ დაბალ ორმოში, კლდეებს შუა, გამოქვაბულში
ანდა ხშირ ბალახში ხეების ჩრდილქვეშ. მისი ხნამაღლა
ხვრინვა დიდ მანძილზე ისმის. თუმცა ზოგჯერ ისე უშფოთვე-
ლად ძინავს, რომ შეიძლება თავს წაადგე და უნებურად ფეხიც
კი დაადგა. მაშინ შიშისაგან გაღვიძებული ცხოველი დაუყო-
ნებლივ გადმოდის შეტევაზე.

კაიბატურული შოლაგას ტომის ხალხი გაბედულად უსწო-
რდება დათვებს. მათ სახელი გაითქვეს იმიტ, რომ მოკლეთა-
რიანი ბასრი ნაჯახებით თავს უპობენ თათმოჩორთვილებს.
დათვი ცდილობს სასეში მისწვდეს თავის მტერს და უკანა
თათებზე დგება, ამ დროს თავს, კისერსა და მკერდს უშვერს
ნაჯახს, რომელიც ღონიერ და გაბედულ მონადირეს უჭირავს
ხელში. მონადირეს ფარის მაგივრობას უწევს შავი მატყლის
პატარა საბანი, რომელსაც შოლაგას ტომის მკვიდრი ჩვეუ-
ლებრივ მარცხენა ხელზე იხვევს.

ვეგეტარიანელი და მწერიჭამია დათვი არც ლეშს თაკი-
ლობს. ხშირად დაშინახავს, როგორ პარავს ვეფხსა და ავაზას
დამპალ ნაღავლს.

ჯუნგლებში ყველაზე უფრო საშიშია შხამიანი გველები.
მონათხრობი ამბების მიხედვით თუ ვიმსჯელებთ, რომელთაც
აქ ახალბედებს ყურებს უჭედავენ, ინდოეთის ტყეები სავსე
უნდა იყოს ქვეწარმავლებით. სინამდვილეში კი ტყიან რაიონ-
ებში შედარებით ცოტა გველები ბინადრობენ. ისინი უფრო
ეტანებიან სოფლების მახლობლად მდებარე ყანებს, სადაც
მარცვლეული კულტურები ხარობს, აქვე სოროებში ბინად-
რობენ მილიონობით მინდვრის თაგვები, რომლებიც მარცვ-
ლეულით საზრდოობენ, თაგვებს კი ჭამენ გველები.

ინდოსტანის მთელ ნახევარკუნძულზე ბინადრობს შხამიანი

გველების მხოლოდ ხუთი სახეობა, რომელთა შხამიც ადამიანს ჰკლავს. ესენია: კობრა ანუ სათვალისანი გველი, გამადრიადა, რასელის ჭრელი გველი, ჭრელი ქერცლიანი გველი, ანუ პურსა და კარაიტი. მარჯნის გველიც შხამიანია, მაგრამ იმდენად ვიწრო ხახა აქვს, რომ არ შეუძლია ადამიანის კბენა. ჭრელი გველის ნაკბენიც იშვიათად იწვევს სიკვდილს, თანაც დაშავებული შოკით; იღუპება. უმეტესი წილი ზღვის გველებისა ძალზე შხამიანებია: ზოგიერთი მათგანის შხამი თორმეტჯერ უფრო ძლიერია, ვიდრე სათვალისანი გველისა, მაგრამ ისინი მხოლოდ ზღვაში ბინადრობენ.

საერთოდ სხვადასხვა გველების შხამის შედარებითი სიძლიერე ასეთია: რასელის ჭრელი გველის შხამი დაახლოებით ორჯერ უფრო ძლიერია ქერცლიანი გველის შხამზე, ჭრელი გველის შხამი სამჯერ ძლიერია რასელის ჭრელი გველის შხამზე, კარაიტის შხამი კი თითქმის ორჯერ ძლიერია სათვალისანი გველის შხამზე. სათვალისანი გველის შხამთან შედარებით გამადრიადის შხამი უფრო სუსტია, მაგრამ, სამაგიეროდ, ეს ყველაზე დიდი შხამიანი გველია მსოფლიოში; სიგრძით ის თხუთმეტ ფუტს აღწევს და კბენის დროს ოთხჯერ მეტ შხამს ანთხევს, ვიდრე სათვალისანის ჯირღვლები შეიცავს. ამიტომ გამადრიადის ნაკბენი სიკვდილს იწვევს სამგზის უფრო სწრაფად, ვიდრე კობრას ნაკბენი.

გამადრიადა მხოლოდ ბორცვიან ადგილებში გვხვდება, მარადმწვანე ტყეებს შორის, სადაც უხვი წვიმები იცის. ბინადრობს განსაკუთრებით ჯუნგლებში და შეძლებისდაგვარად ერიდება დასახლებულ ადგილებს. იკვებება სხვა გველებით, ამიტომ მისი ტყვეობაში შენახვა მეტად ძნელია. ცოტა ხნია წინათ მაისურის ზოოპარკში შიმშილით დაიღუპა ერთ-ერთი ასეთი გველი. მთელი წლის განმავლობაში მას საუაზხოზდნენ სხვადასხვა უშხამო ქვეწარმავლებს, მაგრამ ის ჭიუტად პირს არ აკარებდა მათ. გამადრიადის სიკვდილმა ცხარე კამათი გამოიწვია მაისურის პრესაში, და ცალკე პიროვნებები რელიგიური მოტივებით გულისწყრომას გამოთქვამდნენ ზოოპარკის ადმინისტრაციის მოქმედების გამო.

გამადრიადა, როგორც უკვე ვთქვი, მსხვილი გველია, ჩვეულებრივ მომწვანო-ზეთისხილის ფერისა, თეთრი ზოლებით.

8. კ. ანდერსონი, ჯ. კორბეტი

ბირმასა და მალაიაში მისი სახეობის მამლები თითქმის შევებია, თუმცა თეთრი ზოლები მათაც ემჩნევათ. გამადრიადას კისერი ნაკლებად აქვს განვითარებული სხეულის სიგრძესთან შედარებით. ვიდრე კობრას და მოკლებულია განთქმულ „სათვალეს“. გამადრიადა მეტად აგრესიულობით ხასიათდება და პირველი ესხმის თავს, განსაკუთრებით კვერცხების მცველი დედა. ეს აგრესიულობა მე არ შემიმჩნევია, თუმცა ორჯერ შევხვდი გამადრიადას. პირველად ეს მოხდა დაბა აგუმბის ახლოს დასავლეთ გატების ხეობის სიღრმეში ნაკადულთან. ბანგალურში ბალისთვის ხისმაგვარ გვიმრის ძირებს ვთხრიდი და წყალში მცურავ წითელკუდიან იშვიათ თევზს დავეღვენე. მინდოდა ის აკვარიუმისათვის დამეჭირა. უეცრად შევამჩნიე, რომ გვიმრის ბუჩქნარიდან თავს ჰყოფს ხელიკი—იგუანა. ახლოს მივედი, რომ უკეთ დამეთვალიერებინა, მაგრამ ხელიკი იგუანას ნაცვლად გამადრიადას შევეჩხე. ის ნაპირზე მთელი თავისი სიგრძით აღიმართა და ექვსი ფუტით მაღალი აღმოჩნდა ჩემზე. ქვეწარმავალი ცახცახებდა სიბრაზისაგან, შავი თვლებიდან ცეცხლს აფრქვევდა, ჰაერს ხმაურით უშვებდა პირიდან. მე ჯოხიც კი არ მქონდა და აზიტომ გაშეშებულივით ვიდექი ერთ ადგილას. რამდენიმე წამის შემდეგ დაცხრა, ჰაერით გაბერილი ჩინჩახვი დაეჩუტა, და ჩემგან ხუთ ფუტზე ნაკადულში შესრიალდა. შუა ადგილას შედგა და მოიხედა, თითქოს ამოწმებდა, რისი გაკეთება მწაღდა. მე კვლავინდებურად უძრავად ვიდექი. მაშინ მან განაგრძო გზა და მეორე ნაპირზე გვიმრებში გაუჩინარდა.

მეორე შემთხვევა მოხდა სანტავერის მახლობლად, ვეფხვებზე ნადირობისას ბაბა ბუდაის მალლობზე. ხის ქვეშ ვიჯექი. უცებ ჩემ უკან გაისმა სიგნალის მაგვარი საოცარი სტვენა, რომლითაც მამალი ბიზონი აფრთხილებს დანარჩენებს საშიშროების მოახლოების შესახებ. მეგონა, საცაა ბიზონს დავინახავდი, მაგრამ მწვანიდან მის ნაცვლად გამოჩნდა გამადრიადა და ჩემს გვერდით შესრიალდა განაკაფში. ვეჭვობ, რომ ამჯერად გველმა დამინახა, რადგან გაუნძრევლად ვიჯექი და არც ერთი კუნთი არ შემთრთოლებია.

ბევრს ვუამბე ეს ორი შემთხვევა და ყველა მიმტკიცებდა, იმის წყალობით ხარ გადარჩენილი, რომ გაუნძრევლად იჯექიო.

შეიძლება ასეც იყოს. ერთი კი უეჭველია: მე უფრო გამიმართ-
ლა, ვიდრე რამდენიმე წლის წინათ აგუმბეში ზოოპარკისათ-
ვის წყვილი გამადრიადის დასაჭერად ჩამოსულ საწყალ უბე-
დურ გერმანელ ზოოლოგს. პირველად მამალი გველი ადვი-
ლად დაიჭირა. ორი დღის შემდეგ, დედალის დაჭერას რომ
ცდილობდა, გველმა უკბინა და ზოოლოგი იქვე ჭუნგ-
ლებში გარდაიცვალა.

ამასთან დაკავშირებით გამახსენდა გამოსვლა ერთი მოხე-
ტიალე გველების შემლოცველი ქალისა, რომელიც შემთხვევით
მყავდა ნახული მემიოში, ბირმაში. თუ მეხსიერება არ მძალა-
ტობს, ქალი ძალიან ლამაზი იყო. მან გამადრიადა კალათიდან
ამოიყვანა და ცეკვავდა მის წინ, ვიდრე არ აღიმართა ის მი-
წიდან რამდენიმე ფუტის სიმაღლეზე ყელგაბერილი. მაშინ
შემლოცველმა აკოცა მას პირზე. მოგვიანებით დავათვალიერე
გველი და აღმოჩნდა, რომ მას შხამიანი ჯირყვლებიც ჰქონდა
და კბილებიც. მაგრამ ის მამალი იყო, შემლოცველი კი, ვიმეო-
რებ. ძალიან ლამაზი ქალი გახლდათ. შესაძლოა, სწორედ ამი-
ტომ მოეპყრა ის ქალს ასე რაინდულად.

კობრა კარგადაა ცნობილი და არ მოითხოვს დაწვრილებით
აღწერას. მიუხედავად გავრცელებული აზრისა, ის იშვიათად
აღწევს ექვსი ფუტის სიგრძეს. ინდოეთში ბინადრობენ „ცალ-
სათვალისანი“ კისერზე თეთრი ლაქით. შავი რგოლით გარშე-
მოვლებული და „ორსათვალისანი“ კობრები, აგრეთვე ისეთი
კობრები, რომელთაც ეს ნიშნები სრულიად არა აქვთ,
თუმცა კისრები ასევე ძლიერ აქვთ განვითარებული. შეფერი-
ლობით კობრას ცნობა ძნელია, რადგან ის ყველა ფერისა და
ელფერისაა, შეხვდებით კუპრივით შავსაც და თეთრსაც. თუმ-
ცა უმეტესად გავრცელებულია ნაცრისფერი და ყავისფერი
კობრები.

კვერცხებიდან ახლად გამოჩეკილი კობრის წიწილების ნაკ-
ბენიც კი, რომელთაც ექვს დიუმზე მეტი სიგრძე არა აქვთ,
მომაკვდინებელია. ყველაზე უფრო აგრესიულია კობრები თა-
ვისი არსებობის პირველ ორ წელიწადს. ასაკთან ერთად ისინი
მშვიდნი ხდებიან, ძალიან ბებერი კობრები კი მხოლოდ მაშინ
იკბინებიან, როცა მათ უშუალოდ საშიშროება ემუქრებათ. ამ

ასაკში შეიძლება მათი მოთვინიერება შხამიანი კბილებისა და ჯირყვლების ამოუცლელადაც.

კობრა დებს მტრედის კვერცხისოდენა თხუთმეტამდე რბილგარსიან კვერცხს პატარა ორმოში ან ნეშომპალას ქვეშ. გველის წიწილების წარმატებით გამოჩეკვისათვის აუცილებელია მზის სითბო — მაგრამ არა მზის გული — და მნიშვნელოვანი სინესტე რომ კვერცხები არ გაფუჭდეს.

გველ კარაიტის საშუალო სიგრძე დაახლოებით სამი ფუტია. წვრილ შავ სხეულზე გარდიგარდმო თეთრი ზოლები. აქვს. სწრაფად მოძრაობს, ძალზე მშვიდარა და ნერვიულია, ტყვეობაში ჩვეულებრივ კვდება გაურკვეველი მიზეზების გამო ერთ ან ორ დღეში.

რასელის ჭრელი გველი მსხვილია, ხუთ ფუტზე ცოტა მეტი სიგრძისაა, ზურგის გასწვრივ ძეწკვივით სამ წყებად გასდევს მუქი ყავისფერი რომბისებრი ლაქები (ერთი ცენტრში და თითო-თითო გვერდებზე). ამიტომ მას ზოგჯერ „ძეწკვივან გველს“ უწოდებენ.

ქერცლიანი ჭრელი გველი სიგრძით ძლივს აღწევს ორ ფუტამდე. მისი ყავისფერი სხეული თეთრი ზოლებითაა აჭრელებული. ის გამოირჩევა იმით, რომ ბრტყელი ზურგი ქერცლით აქვს დაფარული, გალიზიანების დროს ის მორგევიით იგრავნება და ამის გამო ქერცლი გამოსცემს მალალ ღრჭიალა ხმას.

გამადრიადას, კობრასა და კარაიტს აქვს ორ-ორი უძრავი კბილი. პირველთა კბილები სიმადლით ნახევარი დიუმია, მეორისა — ერთი მეოთხედი, ხოლო მესამისა — ერთი მერვედი. კბილებს უკანა მხარეზე აქვს სადინარები, რომლებშიც წვრილ ნაკადად გადის ჯირყვლების მიერ გამოყოფილი შხამი.

რასელის ჭრელ გველსა და ქერცლიან გველსაც აქვს ორ-ორი შხამიანი კბილი პირის უკანა ნაწილში. საჭიროების შემთხვევაში შეუძლიათ ასწიონ და შემოაბრუნონ როგორც ღერძზე, ფესვის ირგვლივ. ასეთი აგებულების გამო მსხვერპლი ჯირყვლებიდან გამოყოფილ შხამის თითქმის მთელ დოზას იღებს. რასელის მსხვილი ჭრელი გველის შხამიანი კბილები სიგრძით დუიმს აღწევს და ხევს რბილი ტყავის ფესხაცმელს, კრავებს, შარვალს, მჭიდროდ ნაქსოვ მატყლის სქელ წინდებს.

დაახლოებით შეიძლება დავადგინოთ გველის კბენის შე-

დეგად აღამიანის სიკვდილის დრო, რადგან ის დამოკიდებულა სხვადასხვა გარემოებაზე: ასაკზე, სხეულის აგებულებაზე, ჯანმრთელობაზე, დაზიანებულის ფიზიკურ მდგომარეობაზე, გველის სიდიდეზე, იმაზე, დაკბინა თუ არა მან მოკლე ხანში სხვა ცოცხალი არსება და ფაქტიურად რა რაოდენობის შხამი მოხედა აღამიანის სისხლში.

გამადრიადას კბენის შემდეგ სიკვდილი დაახლოებით საათნახევარშია მოსალოდნელი: კარიატის — ორი-სამი საათის შემდეგ; კობრასი—ოთხი ექვსი საათის შემდეგ; რასელის ჭრელი გველისა — თოთხმეტი-ოცდათექვსმეტი საათის შემდეგ; ქერცლიანი ჭრელი გველისა — სამი-შვიდი დღის შემდეგ.

ინდოეთში ბინადრობს აგრეთვე დიდი რაოდენობით არა-შხამიანი გველებიც, შესაძლოა ყველაზე საინტერესო მათგან იყოს თვრამეტი ფუტის სიგრძის პიტონი. მალაის ზოგიერთი ამ სახეობის წარმომადგენლის სიგრძე ოცდათხუთმეტ ფუტამდე აღწევს. პიტონი ახრჩობს მსხვერპლს—იმის მიხედვით, თუ რა ჭიდიდისაა იგი. ეს შეიძლება იყოს ვირთხა, ბაჭია, ღორი და დიდი ირემიც კი, რომელსაც გარს შემოეხვევა და შემდეგ ყლაპავს მთლიანად. მე წაკითხული მაქვს, რომ იაპონიის წინააღმდეგ ბირმის სამხედრო კომპანიის დროს შემთხვევით მოკლულ იქნა „ბადისებრი პიტონი“ (ასეთი სახელწოდება მიიღო მალაიაში ბინადარმა პიტონის ნაირსახეობამ, ის გვხვდება აგრეთვე ბირმაშიც), რომელსაც სიგრძე ორმოც ფუტზე მეტი ჰქონდა. სასიკვდილოდ განწირულმა ამოანთხია იაპონელი ჯარისკაცის სხეული მუზარადთან ერთად. არ შემიძლია ამ მოთხრობის უტყუარობა დავადასტურო, თუმცა ის პრესაში გამოქვეყნდა.

მცდარია აზრი, თითქოს პიტონი სანამ გადაყლაპავდეს თავის მსხვერპლს, ალორწოიანებდეს მას. მისი ყბები, როგორც ყველა მახრჩობელასი, არ არის ერთმანეთთან შეერთებული, ტყავი კი ძალიან ელასტიკური აქვს, ამიტომ მას შეუძლია გადაყლაპოს ისეთი ზომის ცხოველი, რომელიც მასზე გაცილებით დიდია.

არაშხამიან ქვეწარმავალთა შორის მიწის გველების მრავალი სახეობა არსებობს, რამდენიმე სახისაა ხის — წვრილი, ძალიან მოძრავი, წკებლისმაგვარი გველები; ქვიშის მოზრდი-

ლი ჭიაყელას მსგავსი გველები და დიდი რაოდენობითაა მტყნარი წყლის გველები. ქვიშის გველის ერთ-ერთ ნაირსახეობას აქვს მოკლე კუდი, რომელიც თავს წააგავს და რამაც საფუძველი მისცა იმ რწმენის ფართოდ გავრცელებას, რომ ამ ქვეწარმავალს ორი თავი აქვს.

მე ყოველთვის მიყვარდა გველები და რვა წლიდან მყავდა ისინი თავშესაქცევად. ამიტომ სკოლაში რაღაც მაფრთხობელად ვიყავი ცნობილი განსაკუთრებით გოგონებისათვის, მაგდებდნენ კინოდან, საკვირაო სკოლიდან და ეკლესიიდანაც კი, იმიტომ, რომ ქვეწარმავლებს გავუშვებდი ხოლმე. „ანდერსონი გველების შემლოცველი“ — ასე შემრჩა ეს ზედმეტი სახელი, თუმცა აგერ უკვე ორმოცდარვა წლისა ვარ.

გველის შხამს ფართო გამოყენება აქვს მედიცინაში და დარწმუნებული ვარ, რომ ჯერ კიდევ მისი ყველა სამკურნალო თვისება არ არის აღმოჩენილი. ამ დარგში მუშაობა რთულდება ადამიანზე ექსპერიმენტირების საშიშროებით. ზოგიერთი გველის შხამი გამოიყენება მცირე რაოდენობით სისხლის ჩაქცევის დროს. დანტისტები და სხვა ექიმები იყენებენ მას სისხლის დენის შესაჩერებლად კბილის ამოღებისა და სხვა მსუბუქი ოპერაციების დროს, კობრას და კარაიტის შხამი მცირე დოზით ეფექტურ წამალს წარმოადგენს ეპილეფსიისა და სხვა ნერვული დაავადებებისას.

ბომბეიში ხავეკინის სახელობის ინსტიტუტი ამზადებს ანტიტოქსიკურ შრატებს როგორც კომბინირებულს, ისე ნაკბენის საწინააღმდეგოდ. კომბინირებული შრატი უებარ საშუალებას წარმოადგენს იმ შემთხვევაში, როცა გამოურკვეველია, რა სახის გველის მიერ არის დაკბენილი ავადმყოფი. შრატის დასამზადებლად ცხენს კანქვეშ უშხაპუნებენ გველის შრატს, თანდათან აღიდებენ მის რაოდენობას, სანამ ცხენი არ გამოიმუშავებს სამ-ოთხჯერ მეტი სასიკვდილო დოზის გადატანის იმუნიტეტს. შემდეგ მას ვენიდან ართმევენ სისხლს, რომლიდანაც ბოლოს და ბოლოს მზადდება შხამის საწინააღმდეგო წამალი.

შრატის მომზადების წესების შესახებ გაგონილი მქონდა ჯერ კიდევ ბავშობისას, რამაც ძალიან დამაინტერესა და გადავწყვიტე თვითონ მესინჯა შრატის დამზადება. ვიშოვე ორი

ბებერი პონი და მაიმუნი—სად, აქამდე ვერ ვბედავ თქმას, — და ამ მიზნისთვის შექმნილი მცირე ზომის შპრიცი შევეუშნა-პუნე მათ კობრას შხამის თავდაპირველი დოზა. საუბედუროდ, იმდენი ცოდნა არ მქონდა, რომ განმესაზღვრა, რა ოდენობით უნდა შემეშვა შხამი და ამის გამო რამდენიმე საათის შემდეგ მომიხდა პონისა და მაიმუნის დამარხვა. მახსოვს მამა ძალიან გამიჭავრდა.

უკანასკნელი ომის დროს კარგ ფულს ვშოულობდა ჩრდილოეთ ამერიკის შეერთებულ შტატებში გველის შხამის, განსაკუთრებით კობრას შხამის კრისტალების ექსპორტირებით. საშუალო კობრა ყოველ ოთხ ხუთ დღეში იმუშავებს დაახლოებით ერთ კუბიკურ სანტიმეტრ შხამს. დაკრისტალების შემდეგ იგი იწონის ერთ გრამს; მასში ვიღებდი დაახლოებით ერთნახევარ დოლარს, მყავდა ოცი კობრა, მაშასადამე, მათ შხამზე ყოველ ოთხ-ხუთ დღეში ვაკეთებდი ოცდაათ დოლარს, ანუ თვეში ას ოთხმოც დოლარს. არც ისე ცუდია, თუ მხედველობაში მივიღებთ, რომ გველების შენახვა არაფერი არ მიჭდება. ვკვებავდი მათ ათ დღეში ერთხელ ბაყაყებითა და ხვლიკებით, რომლებსაც ინდოელი ბიჭუნა იჭერდა. ის ლებულობდა ამ სამუშაოსათვის შეიდ რუპიას თვეში, ე. ი. დაახლოებით ათ შილინგს.

ქვეწარმავალს შხამი რომ ამოაცალო, უნდა სწვდე მას ქეჩოში და მჭიდროდ მიადგა პირზე რეზინის აპკით დაფარული მინის ფინჯანი. გველი კბენს რეზინს. ამ დროს შხამი გამოიყოფა ჭირკვლებიდან და იღვრება ფინჯანში. შხამის დაკარგვის ან რეზინის ზედაპირზე გაფანტვის თავიდან ასაცილებლად, რეზინი ძალიან თხელი უნდა იყოს, ხოლო გველმა მინაზე კბილი რომ არ მოიტეხოს, ფინჯნის ნაპირს გარშემო რამდენიმე წყებად შემოახვევენ საიზოლაციო ლენტს.

კობრა ბერავს ყელს, აიშართება თავისი სიგრძის თითქმის ერთ მესამედზე და გამოჰყოფს თავს. ამ დროს შედარებით ადვილია ორკაბა ჯოხის მოდება კისერზე, რომ გველს თავი მიწაზე დაადებინო და სწვდე უკნიდან. გაცილებით ძნელია საქმის დაჭერა რასელის ჭრელ გველთან, ქერცლიან ჭრელ გაღლთან და კარაიტთან; ისინი თავს მალავენ დაგრაგნილ სხეულში და თანაც კობრაზე ბევრად მკვირცხლები არიან. ამასთან ჭრელი

გველი გრძელი და მოძრავი კბილების გამო საშიში „კლიენტია“, რომელსაც განსაკუთრებული სიფრთხილით უნდა მოეპყრათ.

კობრას მოთვინიერებაც ადვილია. მოხეტიალე შემლოცველის კალათში ჩასმულ კობრებს ამოცლილი აქვთ არა მარტო შხამიანი კბილები, არამედ ჯირყვლებიც, რის გამოც შხამის გამოყოფა წყდება და გველი სამუდამოდ უვნებელი ხდება. თუმცა კბილები მას დაახლოებით ერთ თვეში ამოსდის. რასე-ლის ჭრელი გველისათვის შეუძლებელია შხამიანი ჯირყვლების ამოცლა: ისინი ძალიან ახლოს არიან განლაგებული ტვინთან. პირის ღრუში გამავალი დიდი არტერიის გვერდით. ამიტომ ამ სახის გველებს შემლოცველნი უკერავენ ქვედა და ზედა ტუჩებს, უტოვებენ შუაში ჭუჭრუტანას, რომელშიც კვირაში ერთხელ უდგამენ ძვლის მილაკს და ამის მეშვეობით კვებავენ ამ საწყლებს. ჩვეულებრივად საკვები შედგება შაქრისა და რძეში შერეული ღვინისა და კვერცხის გულისაგან. ასევე კვებავენ კობრებს, რომლებიც ტყვეობაში ხშირად უარს ამბობენ თავიანთ ბუნებრივ საჭმელზე.

იმის გამო, რომ გველი იშვიათად ღებულობს საჭმელს, მისი შენახვა არაა რთული საქმე, როგორც წესი, საკმარისია შეიღ-ათ დღეში ერთხელ მივცეთ ვირთხა, ბაყაყი, ხვლიკი ან ფრინველი. გასაოცარია, მაგრამ ფაქტია, რომ პატარა გველები გაცილებით უფრო ღორმუცელებია მსხვილ გველებთან შედარებით. ყველაზე იშვიათად იკვებება პიტონი — ერთხელ ჭამა ყოფნის ორი კვირიდან ერთ თვემდე იმის მიხედვით, თუ რომელი ცხოველი გადასანსლა უკანასკნელად.

ყველა გველისათვის, როგორც შხამიანი ისე არაშხამიანებისთვის. დამახასიათებელია ერთი — გამადრიადის გარდა, ყველა მშიშარაა და გაურბის ადამიანს. გაიგონებენ თუ არა ადამიანის ფეხის ხმას, ცდილობენ უმაღლე მიიმალონ. გველები იკბინებიან შიშისა და თავდაცვის გამო მხოლოდ იმ შემთხვევაში, თუ მას ფეხს დაადგამენ. სხვათა შორის სასარგებლოა ვიცოდეთ, რომ გველებს არა აქვთ სმენის ორგანოები. მათთვის „გაგონება“ ნიშნავს სხეულით რხევის შეგრძნებას. ამიტომ ნაამბობი ფლეიტისა და სხვა ინსტრუმენტის ხმით კობრას „მოჯადოების“ შესახებ სრული მონაჭორია. მის ყურადღებას მუ-

სიკა კი არ იპყრობს, არამედ ინსტრუმენტზე დამკვრელი შემ-
ლოცველის ტანის, თავისა და ხელების რიტმული რხევა, სწო-
რედ ის აიძულებს გველს იმოძრაოს მასთან შეწყობილად ერთი
მხრიდან მეორე მხარეზე. ამიტომ უშედეგოა ინდოეთში ღამე
ბილიკზე გავლისას ლაპარაკი, ყვირილი, სიმღერა ან სტვენა,
რომ მიმალული გველი დააფრთხო. უფრო შედეგიანია მძიმე
ფეხსაცმელები და მიწაზე ჯოხის კაკუნი.

წელიწადში გველები ორ-სამგზის იცვლიან კანს. კანის გა-
მოცვლა ხდება, ასე ვთქვათ, წინდის ან ხელთათმანის წაძრობის
მსგავსად; კანისაგან რომ განთავისუფლდეს, გველი ეხახუნება
ან ოღროჩოღრო ზედაპირს ან რომელიმე საგანს გარს შემოეხ-
ვევა ხოლმე.

ინდოეთში გავრცელებული ზოგიერთი გველი კვერცხით
მრავლდება, ზოგი ცოცხლად შობს. შხამის არსებობა არ მოქ-
მედებს მშობიარობაზე. კობრა, მაგალითად, კვერცხებს დებს,
რასელის ჭრელი გველი და პიტონი კი შობენ ცოცხალ წიწი-
ლებს.

კობრა ჩვეულებრივად ბინადრობს ადამიანის სადგომის მახ-
ლობლად; მისი აღმოჩენა შეიძლება მინდვრად ტერმიტებისა და
მღრღნელების სოროებში. როგორი გასაოცარიც არ უნდა იყოს,
იგი თავს არიდებს ტყეს. გამადრიადა კი, პირიქით, ჯუნგლებს
ეტანება. რასელის ჭრელი გველი უფრო ხშირად გვხვდება ტყე-
ში და ხშირ ბალახში, ვიდრე დასახლებული ადგილების მახ-
ლობლად, კარაიტი საერთოდ იშვიათი გველია. ქერცლიანი
ჭრელი გველი ძირითადად მშრალ სილიან ადგილებშია.

ანტიტოქსინის ამპულების თან წაღება ჯუნგლებში მიზან-
შეუწონელია: საჭიროა მათი მაცივარში შენახვა. ერთადერთი
უებარი საშუალება გველის კბენისას ესაა დაუყოვნებლივ ნაკ-
ბენი ადგილის ღრმად ჩაჭრა და რაც შეიძლება მეტი მოწამლუ-
ლი სისხლის გამოწოვა, რომელიც არაა საშიში სიცოცხლისა-
თვის. კობრას შხამს ურევენ ფრინველების საკვებშიც, რათა
მეტი გულადობა შემატონ მამლებს ბრძოლის დროს. ეს საყვა-
რელი გასართობია ინდოეთის ზოგიერთ ნაწილში დასახლე-
ბული მუსულმანებისათვის, რომლებიც გამარჯვებულზე დიდ
ფულად თანხებს აბანდებენ.

ნაკბენი ადგილის შეხვევა მოითხოვს დროსა და გარკვეულ

ცოდნას. სანამ მის გაკეთებას მოასწრებდეთ, შხამი სისხლში შედის. გარდა ამისა, ეს საშუალება მიუღებელია, თუ დაშავებული ტანზეა დაკბენილი.

მანგანუმმკვავას კალიუმი საკმაოდ ანეიტრალებს შხამის მოქმედებას. მაგრამ სანამ ნაკბენ ჭრილობას დააყრიდეთ კრისტალებს, საჭიროა საკმაოდ ჩასერვა, რომ ქსოვილში ღრმად შეაღწიოს. ამიტომ ჭუნგლებში გამგზავრებისას ყოველთვის თან ვატარებ ჯიბის ბასრ დანას.

მე ვიცი ადამიანი, ამასთან უნდა აღვნიშნო ბრაკონიერი, რომელსაც კობრამ უკბინა. მას ეყო ნებისყოფა ჭრილობაზე და მის გარშემო თოფის წამალი დაეყარა და მოეწვა. ამის შემდეგ დაკოჭლდა, მაგრამ არ დაღუპულა.

მეორე ჩემ ნაცნობს, გველების შემლოცველს კობრამ ცერზე უკბინა. მან ცერის მეორე სახსარზე დაიღო დანა, და რაც ძალი და ღონე ჰქონდა, დაჰკრა მძიმე ქვა. მთლიანი ამპუტაციისათვის დასჭირდა ქვის არაერთხელ დარტყმა. შემლოცველი კინალამ სისხლისაგან დაიცალა, მაგრამ, მიუხედავად ამისა, გადარჩა და დღესაც ცოცხალია.

მესამე შემთხვევის მოწმე მე თვითონ ვიყავი. ერთხელ მომიხდა ღამის გათევა მუტურეს ბუნგალოში. გარიყრაეზე გამაღვიძა უცნობმა კაცმა და მითხრა, ერთი საათის წინ კობრამ მიკბინაო.

მას ბამბუკი მოჰქონდა თურმე პენაგარამში. წინა დღეს დაენახა გზის განაპირას ველური სპილოების ჯოგი, ძალიან შეშინებოდა და დაბრუნებულყო სადგომში, სადაც ღამე გაეთია. დაახლოებით დილის ოთხ საათზე კვლავ გზას გაუდგა, მაგრამ ამჯერად ის მიყვებოდა ფორანს უკან, რომ მისთვის ადვილი ყოფილიყო გაქცევა, თუ სპილოებს კვლავ შეხვდებოდა. უცბად მეჩაგემ იგრძნო მწვავე ტკივილი, ძირს რომ დაიხედა, იხილა ტერფზე მიკრული გველი. შესაძლოა, მას ფორანის ბორბალმა გადაუარა. ფეხით გადაადგო გველი, რომელიც გვერდზე გასრიალდა და მიიშალა, მაგრამ გამობერილი ყელის მიხედვით მოასწრო შეემჩნია, რომ ის იყო კობრა. გაიარა ორი მილი ბუნგალომდე იმ იმედით, რომ იქ დახმარებას აღმოუჩენდნენ. მე დაუყოვნებლივ ღრმად ჩავჭერი ჭრილობა და ტყის მცველის დახმარებით ვატარებდი ამ უბედურს აივანზე,

რომ გული არ შეღონებოდა. მაგრამ მალე დავრწმუნდი, რომ ყველა ჩემი ცდა ამარა. მეჯაგეს პირიდან დორბლი წამოუვიდა, თვალეზი გადაატრიალა, ალულლულდა და მთვრალივით დაბარბაცდა. მე შევძელი გამეგო მისგან პენაგარამიდან ერთი მილის მანძილზე მცხოვრები მისი ნათესავების სახელი და გვარი. მოულოდნელად სულთმობრძავემა ხელი ჩამავლო, გონება დაკარგა და ათის ნახევარზე გარდაიცვალა.

ტყის მცველი გავგზავნე, რომ ეცნობებინა ამბავი გარდაცვლილის ოჯახისა და პენაგარამას საპოლიციო ქვეგანაყოფისათვის. დღის ორ საათზე ხარებშებმული ფორნით ჩამოვიდნენ ხმამალა მტირალი ნათესავები. მათ მოჰყვნენ პოლიციელებიც, რომლებსაც სურდათ გაეგოთ, რატომ არის ბუნგალოს იატაკზე დაღვრილი სისხლის წვეთები, რატომ ჩავჭერი ღრმად ჭრილობა და რატომ გარდაიცვალა დაზარალებული. დაბოლოს, გვამი დაასვენეს ფორანზე და საპოლიციო უბანში გავგზავნეს. მეც მომცეს წინადადება. გავყოლოდი, მაგრამ ცივი უარი ვუთხარი. მთავარმა კონსტებლმა, ცოტა დაფიქრების შემდეგ, ნება დამართო დავრჩენილიყავი, ერთი პირობით, რომ არ მივატოვებდი ბუნგალოს, სანამ ცნობილი არ იქნებოდა გაკვეთის შედეგები. პასუხი მოვიდა სამი დღის შემდეგ — მეჯაგე გარდაიცვალა კობრას ნაკბენისაგანო. მეოთხე დღეს მაცნობეს, რომ მე თავისუფალი ვარ პოლიციის შედამხედველობიდან.

მთელი ოცდაცხრამეტი წლის განმავლობაში საქმე მაქვს გველებთან და მხოლოდ ერთხელ ვარ დაკბენილი. ეს მოხდა 1939 წელს. მე ხელი ვტაცე კობრას, მაგრამ ის ხელიდან გამიხსლტა და მიკბინა მარცხენა ხელის საჩვენებელ თითზე. საბედნიეროდ, ჩემი ფერმა ცხრა მილის მანძილზე იყო ბანგალურიდან და მანქანით მივედი საავადმყოფოში, სადაც სათანადოდ მიმკურნალეს. მაგრამ არასასიამოვნო განცდების გადატანა მომიხდა, არა კბენის გამო, არამედ ინექციისაგან. მესამე დღეს ნაწილობრივ წამერთვა ორივე ფეხი, თუმცა კალცისა და სხვა წამლების ნემსებმა ერთ დღეში ჩააქრო ეს მოვლენები.

დასასრულ მინდა გვიამბოთ სამხრეთ ინდოეთში ფართოდ გავრცელებული გასაოცარი ცრუ რწმენის შესახებ, თითქოს

პოლრედიპალიანის სადგურის უფროსი, გვარად ნარასიახი არჩენდა გველის დაკბენილ ყველა ადამიანს, თუ მას ამის შესახებ დეპეშით აცნობებდნენ. ამ ცრუ რწმენას ისე ღრმად მოეკიდა ფეხი, რომ დეპეშები ნარასიახის სახელზე რიგგარეშე იგზავნებოდა. სარწმუნო წყაროებიდან გაგონილი მქონდა დაშავებულთა სასწაულებრივი განკურნების მრავალ შემთხვევაზე, და სამხრეთ ინდოეთში ახლაც ცხოვრობს ასობით ადამიანი, რომელთაც მან სიცოცხლე შეუნარჩუნა. მისი *modus operandi* შემდეგში მდგომარეობდა: ბატონი ნარასიახი, როგორც კი დეპეშას მიიღებდა, გაეშურებოდა ეზოში მდგარ ხისკენ, გამოაძრობდა ბარძაყზე შემოსახვევიდან ძაფს, მიაბამდა ხის ტოტზე და წარმოთქვამდა ლოცვას, რის შემდეგ უგზავნიდა პაციენტს დეპეშას იმის შესახებ, რომ მას შენარჩუნებული აქვს სიცოცხლე იმ პირობით, თუ ის უარს იტყვოდა თამბაქოზე ალკოჰოლსა და ყავაზე. დაშავებული უეჭველად ცოცხალი რჩებოდა.

ვაი, რომ უზენაესმა თავისთან იხმო ბატონი ნარასიახი და ჩვენგან წავიდა. მაგრამ მას არასოდეს არ დაივიწყებენ. არ ვიცი საიდუმლოება მიწაში ჩაიტანა თუ არა, მაგრამ ვფიქრობ. ეს ასეა, რადგან აღარ გამიგია, რომ ვინმეს ნარასიახის მეთოდით მოერჩინოს ადამიანი გველის ნაკბენისაგან.



თ ა ვ ი მ ე მ ქ ვ ს ე

ჰაიდარაბადელი ჯალათი

ბრიტანეთის მმართველობის პერიოდში მაისურის სათავადოს ჩრდილოეთით მდებარეობდა ყოფილ მადრასის საპრეზიდენტოში შემავალი ბელარის, ანანტაპურამის, კარნულისა და ნანდიალის ოლქები. მათგან ჩრდილოეთით იყო ჰაიდარაბადის სათავადო — ჰაიდარაბადის ნიზამის სამფლობელო, ოდესღაც დელიში ყოვლისშემძლე მოგოლის იმპერატორის შთამომავალი ბრიტანეთის ხელისუფლების ერთგული მოკავშირე იყო.

ამჟამად ჰაიდარაბადის სათავადო აღარ არსებობს და ნიზამის ვრცელი მიწების ნაწილი, ანანტაპურამის, კარნულისა და ნანდიალის ოლქებით, შედის ანდხრა პრადეშის შტატის შემადგენლობაში, რომლის ტერიტორიაზე ცხოვრობს ტელუგუს ხალხი. ანდხრა-პრადეში ინდოეთის კავშირის მეორე შტატია სიდიდით და ჩამოუვარდება მხოლოდ მისგან ჩრდილოეთით მდებარე მადხია პრადეშის შტატს.

ამბავი, რომელსაც აქ მოგიტხრობთ, ეხება იმ ძველ დროს, როცა ეს ოლქები მადრასის პროვინციაში შედიოდნენ.

ცუდი ჰავა ხელს უშლიდა მათ განვითარებას: წვიმები აქ იშვიათად მოდის და წელიწადში ათი თვის მანძილზე აუტანელი სიციხეა (დანარჩენ ორ თვეშიც მომქანცველი სიციხეა). ეს ოლქები მჭიდროდ არაა დასახლებული. ქალაქების — ანანტაპურამის, კარნულისა და ნანდიალის ამავე სახელწოდების ოლქების ცენტრებს გარდა, მოსახლეობა თავმოყრილია ერთიმეორისაგან დიდ მანძილზე გაფანტულ სოფლებში.

ბომბეიდან მადრასს მიმავალი რკინიგზა მთავარი სატრანსპორტო მაგისტრალია ამ მხარეში. გუნტაკალეში მისგან განშტოებულია სამი ვიწროლიანდაგიანი ხაზი: დასავლეთისაკენ. სამხრეთისაკენ ბანგალურის მიმართულებით, მაისურის სათავადოში და აღმოსავლეთის მიმართულებით დრონაჩელამსა და ნანდიალზე გავლით ბეზვადისკენ, იქიდან კი აღმოსავლეთ სანაპიროსკენ.

გუნტაკალს, დრონაჩელამსა და ნანდიალს იქით აღმოსავლეთ რკინიგზის ხაზის განშტოება გადის ტყით დაფარულ რაიონზე და ბეზვადამდე გაივლის ხუთ სადგურს: გაზულაპალს, ბასავაპურამს, ჩელამუს, ბოგარუსა და დიგუვამეტას.

ვიწროლიანდაგიან რკინიგზის ხაზზე ნელი მოძრაობაა და საფოსტო მატარებლის მემანქანეები ღამით ორთქლმავლის ფარების შუქზე ახლაც ხშირად ხედავენ ღიანდაგზე გადამავალ გარეულ ცხოველებს. იშვიათი არაა შემთხვევები, როცა მატარებელი დაეჯახება გარეულ ტანს ან ირემს ღიანდაგზე გადასვლისას.

ამ ხუთი სადგურიდან იმ ხანად ახლომდებარე ჯუნგლებში სოფლის ოღროჩოღრო ქვიანი გზებით და საცალფეხო ბილიკებით მივდიოდით. საავტომობილო გზატკეცილი ჯერ კიდევ არ იყო. ეს წარმოადგენდა ერთ-ერთ მთავარ პირობას, რომელიც ხელს უწყობდა ადგილობრივი ფაუნის შენარჩუნებას. ქვეყნის დანარჩენ მხარეში დაუღალავი, მაგრამ ავი ზრახვებით შთაგონებული მონადირეები, უფრო სწორად რომ ვთქვათ, ბრაკონიერები ღამლამობით ანადგურებდნენ ავტომანქანის ფარების თვალისმომჭრელ შუქში მოხვედრილ ცხოველებს. ამ „მონადირეებმა“ მეტწილად არც კი იცოდნენ, რომელ ცხოველს ესროდნენ თოფს. უაზრო და სასტიკმა განადგურებამ დიდი ზარალი მიაყენა ინდოეთის ფაუნას, რადგანაც ის ვრცე-

ლდება ჩვილებიან დედა ცხოველებზე. უამრავი მძიმედ დაჭრილი ცხოველი ხოხვით თავს აფარებს ჯუნგლებს, და მძიმე აგონიის შემდეგ ესალმება სიცოცხლეს სასიკვდილო ჭრილობებისაგან. თავის დროზე ბრიტანეთის ხელისუფალნი ცდილობდნენ ბრაკონიერობის წინააღმდეგ ბრძოლას. ახლა ანალოგიურ ღონისძიებებს მიმართავს ინდოეთის მთავრობა. აქამდე ამ ღონისძიებებს არავითარი ნაყოფი არ გამოუღია, და მეკობრეობა გრძელდება. იგი არ შეწყდება მანამ, ვიდრე მოსახლეობა არ შეიგნებს, რომ გარეული ცხოველები წარმოადგენს ეროვნულ სიმდიდრეს და არ შეწყვეტს მათ უთავბოლო განადგურებას ან სანამ გარეული მხეცები მთლიანად არ იქნება მოსპობილი.

გაზულაპალ-დიგუვამეტის რაიონში უკანასკნელ ხანამდე შეგეძლოთ ღამე გაგეთიათ ჯუნგლებში ისე, რომ არ გშინებოდათ ფარების სინათლისაგან დაბრმავეების, ძრავის გამაყრუებელი გუგუნის, გასროლის ხმის ან სულთმობრძავი ცხოველის ღრიალის გაგონების.

აქ ცხოვრობს ტელუგუს ენაზე მოლაპარაკე ჩენჩუს ტომი. ამ ტომის ძირითად ტანსაცმელს წარმოადგენს დაფხრეწილი და ჭუჭყიანი ბარძაყებზე შემოსახვევი. მამაკაცები ატარებენ მშვილდსა და ისრებს, მორაუღლნი არიან მძივებითა და ფრთებით, ხოლო საზეიმო ვითარებაში თმებში იბნევენ ფარშევანგის ფრთებს.

მე არ ვცდილობ პროტესტი განვაცხადო ღამე ავტოთი ნადირობის წინააღმდეგ და არც ჩენჩუს ტომის ცხოვრების აღწერას ვაპირებ. უბრალოდ მინდა გაიმბოთ კაკიჭამია ვეფხვზე, რომელიც დროგამოშვებით მთელი ოთხი წლის მანძილზე თავზარს სცემდა ადგილობრივ ბინადართ.

დაიწყო იმით, რომ ვეფხვი ხოცავდა და ჭამდა ჩენჩუსა და ჰაიდარაბადის სათავადოს ტყეში მარტოდ მიმავალ მგზავრებს. დაახლოებით ნახევარი წლის შემდეგ გადაბარგდა სამხრეთისაკენ და თავისი მოსვლა გვამცნო იმით, რომ ჩელამიდან მოიტაცა გზის დარაჯი.

იმ ადგილებში უცვლელად ბინადრობდა მრავალი ვეფხვი, მაგრამ ბუნებრივი ნადავლის სიმრავლის გამო ისინი იშვიათად ესხმოდნენ თავს ადგილობრივ მოსახლეობას, ზოგჯერ ძროხას

თუ დავლევდნენ მხოლოდ. ამიტომ, გზის დარაჯი რომ გაქრა, იფიქრეს. ალბათ შეჩვეული ადგილი მიატოვა იმ მიზეზით, რომელიც მხოლოდ. თვითონ იცისო. რამდენიმე თვს შემდეგ კი, როცა ხან აქ და ხან იქ დაიწყო ადგილობრივი მცხოვრებლების უკვალოდ დაკარგვა, ეჭვი მიიტანეს კაციჭამია ვეფხვზე.

გავიდა სამი თუ ოთხი თვე გზის დარაჯის დაკარგვის შემდეგ. სახამ ვეფხი გამოჩნდებოდა. ერთ საღამოს ორი მენახირე ტყის განაპირას მდებარე პატარა სოფელ ვადაპალში ბრუნდებოდა. სოფლამდე ნახევარი მილი იქნებოდა დარჩენილი, რომ წინ მიმავალმა თურმე შეამჩნია — მიწიდან საკმაოდ მაღლა გაკეთებული ბუდიდან ამოფრინდა ჭაობის ჭრელი ქათამი კოელი (მამალი კოელი კუპრივით შავია). ეს ფრინველი, როგორც ჩანს, ყველაზე მსხვილი წარმომადგენელია გუგულების ოჯახისა, რომელსაც მიეკუთვნება აგრეთვე ინდოეთის „უგუნური ფრინველი“. როგორც ყველა ფრინველი, კოელიც არ იკეთებს ბუდეს. თავის კვერცხებს კი სხვა ფრინველების ბუდეში დებს*. წინ მიმავალმა მენახირემ გაახარა თავისი თანამგზავრი. რადგან იგი უფრო ახალგაზრდა იყო, დაიწყო ხეზე აცოცება და თითქმის მიზანს მიაღწია, რომ ქვევით გაისმა გულშემზარავი ყვირილი და დაინახა ვეფხვი, რომელიც ჭუნგლებში გარბოდა და პირში გაეჩარა მისი ამხანაგი; სასოწარკვეთილი მსხვერპლი შველას ითხოვდა.

ჩენჩუ საჩქაროდ აცოცდა ხის კენწეროზე. ამასობაში კი ვეფხვი თავის მსხვერპლიანად მხედველობიდან მიიმალა.

დაღამდა, მაგრამ ჩენჩუმ ვერ გაბედა ძირს ჩამოსვლა და ხეზე გაატარა თორმეტი საათი. სიცივისა და შიმშილისაგან აკანკალებული, ყოველ წუთს ვეფხის დაბრუნებას ელოდა. მეორე დღეს. როცა მზემ მაღლა აიწია, მან მორთო ყვირილი რაც ძალი და ღონე ჰქონდა. ქარი სოფლის მიმართულებით ქროდა, მისი ხმა გაიგონეს და გლეხების ჯგუფი წამოვიდა დასაზვერავად.

* რადგან კოელი ბუდიდან ამოფრინდა, ეს იმას ნიშნავდა, რომ მან ის-ის იყო იქ კვერცხი დადო. ჩენჩუს ტომელნი კოელის კვერცხებს უგემრიელეს საქმელად თვლიან, მაგრამ კვერცხების აღმოჩენა ძნელია, ვინაიდან შესაძლოა ის ნებისმიერ ბუდეში იყოს დადებული.

ასე ამცნო კაციჭამიამ მოსახლეობას, რომ თავის ადგილსამ-
ყოფლად აირჩია ჩელამის რაიონი.

ვადაპალიდან ეს ახალი ამბავი აცნობეს ჩელამის სადგურის
უფროსს, მან ღებეშა გაგზავნა ნანდიალში, და იქედან ცნობა
გადაეცა პოლიციას, სატყეო სამმართველოს ხელისუფალთ და
ოლქის კოლექტორს*, დაიწყო მითქმა-მოთქმა, გაიხსენეს რამ-
დენიმე კაცისა და რკინიგზის დარაჯის იღუმალი გაქრობა და
ამაში ბრალი დადეს კაციჭამიას. ჯუნგლებში კაციჭამია რომ
გამოჩნდება ხოლმე, ტყის სამმართველო ჩვეულებრივად ული-
ცენზიო ნადირობის ნებას რთავს ახლომახლო მდებარე ტყეებ-
ში. ეს ზომა ამჯერადაც იქნა მიღებული, თუმცა სატყეო სამ-
მართველოს განცხადებამ ვერ ჰპოვა მხურვალე გამოძახილი.
ძალიან ცოტა მსურველი აღმოჩნდა, დადევნებოდა კაციჭამიას
თითქმის სრულიად უგზო-უკვლო ადგილებში, სადაც თითო-
ეული იარღი ფეხით უნდა გაევიდოდა.

არა ერთმა და ორმა რკინიგზელმა სცადა კაციჭამიას მოკ-
ვლა. ისინი წინ და უკან დადიოდნენ დრეზინით გაზულაპალსა
და ჩელამს შორის, როგორც ჩანს, იმ ვარაუდით, რომ წააწყდე-
ბოდნენ რკინიგზის ლიანდაგის გვერდით დაყუნტულ ვეფხს,
თითქოსდა იმის მოლოდინში, რომ თოფით მოეკლათ, მაგ-
რამ დახეთ კაციჭამიას — არ იჩენდა თავაზიანობას. მათ თვა-
ლითაც არ უხილავთ ვეფხვი. მიუხედავად იმისა, რომ ყოველ
კვირაში სულ უფრო მეტი ადგილობრივი მცხოვრები უჩინარი
ბოროტმოქმედის მსხვერპლი ხდებოდა, მარტო ორ დაკარ-
გულს წმებდნენ. ჯოხებით, ნაჯახებით, მშვილდისრით შეიარა-
ღებულმა გლეხებმა შესძლეს მათი გაფანტული ნეშტის ნარჩე-
ნების აღმოჩენა. დანარჩენები უგზოუკვლოდ დაიკარგნენ:
ძალიან ძნელი იყო ჯუნგლებში სიარული და გლეხებსაც არ
სურდათ სიცოცხლის გაწირვა ნახევრადშეჭმული გვამისათ-
ვის.

ეს შეიძლება გულგრილობად ან გულქვაობად მოგეჩვენოთ,
მაგრამ მკითხველს მოვაგონებ, რომ ამ ბეჩავ ხალხს იარაღი არ
გააჩნდა და მომზადებული არ იყო კაციჭამიასთან საბრძოლვე-
ლად. ხშირად ჯუნგლები ფარავდა უზარმაზარ სივრცეს, და მხო-

* ადმინისტრაციული ორგანოების მეთაური.

ლოდ რამდენიმე ბილიკს მიეყავდით ტევრში რიყის ქვით სავსე ადგილებსა და შამბნარიან ხევში, რომლებიც ტყეს კვეთდნენ ყველა მიმართულებით. ყველამ იცოდა, რომ თუ კაციჭამია გაბედავს თავდასხმას საძებნელად წამოსულ ხალხზე, უკიდურეს შემთხვევაში ერთ-ერთი მაინც დაიღუპება, და თითოეულს ეშინოდა, რომ ეს ერთი მე ვიქნებო. შეიძლება მათი გამტყუნება?

კაციჭამიას მსხვერპლთა რიცხვი რომ გაიზარდა, მან, როგორც ჩანს, რამდენიმე ხნით მიატოვა ეს მხარე, რადგან სამიოთხი თვის განმავლობაში აქ მკვლელობები არ მომხდარა, თუმცა ისინი განახლდნენ მდინარე კრიშნას მახლობლად. მაშინ, და მხოლოდ მაშინ აშკარა გახდა, რომ კაციჭამია ხაიდარაბადიდან და კაციჭამია ჩელამიდან ერთი და იგივე ცხოველია.

ხაიდარაბადის სათავადოში მონადირეებისადმი მოწოდებას შეხვდნენ დიდი ენთუზიაზმით, და ერთი თუ ორი მუსულმანი ნავაბი* შეუდგა აქტიურ მოქმედებას ვეფხვების წინააღმდეგ. კაციჭამია იმდენად გათავხედდა, რომ სულ ახლოს, პატარა სოფელ მადიკონდას გვერდით მოკლა მგზავრი. ის გააგდეს, სანამ გვამის ჭამას შეუდგებოდა. ამის შესახებ აცნობეს ადგილობრივ ნავაბს, რომელიც დაბანაკდა სოფლიდან რამდენიმე მილის მოშორებით.

ნავაბი მყისვე გაეშურა მომხდარი ამბის ადგილზე და მიუსწრო, სანამ გვამს კრემაციისათვის წაიღებდნენ. მეზობელ ხეზე მოიწყო მაჰანი, რომ დალოდებოდა ვეფხვს თავის ნადავლთან. ნადირის მსხვერპლი უთვისტომო აღმოჩნდა; არ ჰყავდა ნათესავები, რომლებსაც შეეძლოთ მოეთხოვათ მისი გვამი, ასე რომ ეს შემთხვევა წარმოადგენდა კაციჭამიას მოკვლის ერთადერთ თავისებურ შესაძლებლობას.

ამაზე მეტად ნავაბს ბედი აღარ სწყალობდა. ვეფხვის დაბრუნებისთანავე მოულოდნელად ამოვარდა ქარიშხალი. ყოველ შემთხვევაში ასე ირწმუნებოდა ნავაბი. ასე იყო თუ ისე, მან ვერ მოახერხა ვეფხვის მოკვლა ადგილზე და დილის სინათლეზე აღმოაჩინეს რამდენიმე სისხლიანი ნაკვალევი, რომლებიც წვიმას ვერ გადაერეცხა. ნავაბი დაკმაყოფილდა იმით, რომ ვეფ-

* მსხვილი მიწათმფლობელი

ხვს მოარტყა, თუმცა ვერავინ ვერ შესძლო მეორე დღეს მტაცებლის ნაკვალევს გაყოლა და მისი ლემის მოძებნა. მაგრამ ნავაბი და დანარჩენებიც დარწმუნებული იყვნენ, რომ კაციჭამია მკვლარია.

გავიდა კიდევ რამდენიმე კვირა. ერთ მშვენიერ დღეს, გაზულაპალის მახლობლად კაკებებსა და ტყის ყვინჩილებზე მონადირე ჩენჩუ სადილობისას სახლში არ დაბრუნებულა. ის აპირებდა წინა დღით ჯუნგლებში დაგებული კაქანათების გასინჯვას, და შინაურებს დაპირდა ჩვეულებრივ, სადილობისას სახლში ვიქნებიო. მაგრამ გავიდა დღე, დაბინდდა, ის მაინც არ ჩანდა. მის ცოლსა და ერთადერთ შვილს, უკვე ყმაწვილს, მოუსვენრობა დაეტყოთ. მათ, ცხადია, გაგონილი ჰქონდათ ჩელამის მიდამოებში მომხდარი მკვლელობის შესახებ, მაგრამ ეს იყო რამდენიმე თვის წინათ, მას შემდეგ ამბავი ყველამ მიივიწყა. ახლა კი, მარჩენალი რომ აღარ დაბრუნდა, ცოლ-შვილი ცუდმა წინათგრძნობამ შეიპყრო.

კაციჭამიების თავდასხმების შემთხვევათა შესწავლა გვარწმუნებს, რომ ეს ხდება ცოტად თუ ბევრად ერთიმეორის მსგავს პირობებში. „ბოროტმოქმედი“ მოულოდნელად გამოჩნდება ხოლმე უფრო ხშირად მას შემდეგ, რაც ჭრილობა ცხოველებზე ნადირობის საშუალებას არ აძლევს. ადამიანთა მკვლელობა ჯერ იშვიათია, თანდათან ხშირდება იმისდა მიხედვით, თუ როგორ რწმუნდება მტაცებელი თავის ძალასა და უპირატესობაში უმწეო მოსახლეობის მიმართ. ყველა კაციჭამიას, როგორც ვეფხვებს, ისე ავაზებს, უცნაური თანდაყოლილი ჩვევა აქვთ: მიუხედავად ადამიანთა მოდგმის მიმართ მზარდი სიძულვილისა, მათი არსება სიფრთხილითა და რაღაც ქვეცნობიერი მეექვსე გრძნობითაა გამსჭვალული, რომელსაც ზოგი მონადირე სიმხდალედ თვლის. ეს ცხოველები მსხვერპლს თავს ესხმიან ყოველთვის მოულოდნელად მაშინ, როცა ადამიანი მარტოა, ანდა როდესაც ის ადამიანთა მოძრავ მწყობრს უდგას თავში თუ ბოლოში. კაციჭამია იშვიათად ესხმის თავს ადამიანთა ჯგუფს. თუ გამიზნული მსხვერპლი წინააღმდეგობას უწევს და სიცოცხლისათვის იბრძვის, კაციჭამია ხშირად უკან იხევს და გარბის, თუმცა ეს ავაზას უფრო ეხება, ვიდრე ვეფხვს, იმ უბრალო მიზეზის გამო, რომ ეს უკანასკნელი იმდენად ძლიერი

ცხოველია, მისი თავდასხმის შემდეგ მხოლოდ ცოტანი თუ გადაურჩებიან მის კლანჭებს და ბრუნდებიან სახლში, რომ უამბონ მომხდარი ამბის შესახებ. კაციჭამიების თანდაყოლილი სიფრთხილე თუ სიმხდალე — რაც გენებოთ ის უწოდეთ — უადრესად ართულებს მათ დევნას. მოტყუების წარუმატებელი ცდები ცხოველს უფრო ფრთხილს ხდის, თითქოს ესმის, რომ ჯილდოა გამოცხადებული მისი განადგურებისათვის.

ნადირობის დროს კაციჭამია ვეფხვი განსაზღვრულ მარშრუტს იცავს ზოგჯერ რამდენიმე ასეული მილის ფარგლებში. ის ჩერდება სოფლებისა და დასახლებების მახლობლად ერთი ან ორი კვირით, შემდეგ კვლავ განაგრძობს გზას. ამის წყალობით ის არა მარტო გაუჩინარდება, როცა მის გარშემო ატმოსფერო მწვავედება, არამედ გადადის ახალ სავარგულებზე, ახალ სამოქმედო არეში, სადაც მისი მისვლა მოულოდნელია მოსახლეობისათვის. როგორც კი მკვლევლები შეწყდება, გლეხები მათთვის ჩვეული გულუბრყვილობით რწმუნდებიან, რომ საშიშროებამ გაიარა, ავიწყდებათ სიფრთხილის დაცვა და როცა მტაცებელი ბოლოს და ბოლოს გამოჩნდება, ერთი მათგანი ადვილად უვარდება კლანჭებში. რადგანაც ვეფხვი წრიულად მოძრაობს, და ეს არის ვეებერთელა წრე, ის ერთი თუ ორი თვის ან მეტი ხნის შემდეგ — ეს დამოკიდებულია მისი მარშრუტის სიგრძეზე — აუცილებლად უბრუნდება ძველ ადგილს.

როგორც ზემოთ მოგახსენეთ ამავე წიგნში, თუ გაქვთ მიათმინება, გაგაჩნიათ საჭირო ინფორმაცია — მისი მიღება არც თუ ისე ადვილია — აგრეთვე ოლქის რუკა, რომელზეც აღნიშნულია მკვლევლები ადგილები და თარიღები, მაშინ შეიძლება არა მარტო ვეფხვის ნადირობის არის დადგენა, არამედ ამა თუ იმ ადგილას მისი დაბრუნების ვადის განსაზღვრაც ორი კვირის სიზუსტით. ეს არის ერთ-ერთი მთავარი მდგომარეობა, რომელიც მონადირეს ეხმარება კაციჭამიაზე ნადირობის სწორი გეგმის შედგენის საქმეში.

მე ვიამბეთ „ჩელამელი კაციჭამიას“, ანუ, როგორც მას ხშირად უწოდებენ, „ჰაიდარაბადელი მკვლელის“ გამოჩენის ისტორია, რომელიც საკმაოდ გვიან აღვადგინე ცალკეული ფაქტებიდან. მეშინია, თავი არ შეგაწყინოთ გაზულაბალელი მონადირის მოკვლისა და ნაწილობრივ შეჭმის შემდეგ კაციჭამიას

მიერ შემდგომ ჩადენილ მკვლევლობათა დაწერილებით ჩამოთვლით. თითოეული ახალი შემთხვევა წინანდელს ჰგავდა.

ვეფხვი მუდამ იცვლიდა ადგილსამყოფელს, დაძრწოდა სამხრეთით ჩელამ-გაზულაპალსა და ჩრდილოეთით მდინარე კრიშნას შუა, რომელიც ჰაიდარაბადის სათავადოში მიედინება. საკმარისია თვალი გადაავლოთ რუკას, რომ მიხვდეთ, რარიგ დიდი იყო მისი მოქმედების არე. თანაც მას შემდეგ, რაც ის ნავაბმა მადიკონდთან დაჭრა, მან გააორმაგა და გაასამმაგა ჩვეული სიფრთხილე და მალე მოიპოვა „ნამდვილი ეშმაკის“, რაღაც ზებუნებრივი ბოროტი სულის რეპუტაცია. ახლა ის ცდილობდა მოკლული მსხვერპლისათვის ერთბაშად რაც შეიძლება მეტი ხორცი შემოეჭამა და მეორეჯერ ძალზე იშვიათად უბრუნდებოდა ნადავლს პირის ჩასაგემრიელებლად. ამან არა მარტო შექმნა მნიშვნელოვანი სიძნელეები მისი მდევარი მონადირეებისათვის, არამედ გაზარდა მსხვერპლთა რიცხვიც, რადგან შიმშილის მოსაკლავად ვეფხვს უფრო ხშირად უხდებოდა ნადავლზე ზრუნვა.

მისი სათარეშო არე ვრცელი და მიყრუებული იყო, მტაცებლური მოქმედება ვერ ჰპოვებდა ფართო საზოგადოებრიობის გამოხმაურებას და მხოლოდ ერთ-ერთ ადგილობრივ გაზეთში ქვეყნდებოდა მოკლე ცნობა გულგრილ მკითხველთა საყურადღებოდ, რომ კაციჭამიამ ერთხელ კიდევ აიღო ხარკი. ამგვარად, სამნახევარი წლის განმავლობაში კაციჭამიამ მოასწრო ოთხმოცამდე მკვლელობის ჩადენა. მხოლოდ მაშინ დარწმუნდნენ, თუ როგორ მრისხანე საფრთხედ გადაიქცა იგი.

ჩვენ ეს ციფრი შემაძრწუნებლად გვეჩვენება. მაგრამ ისეთი უზარმაზარი ქვეყნისათვის, როგორიცაა ინდოეთი. სადაც სიცოცხლის საშუალო ხანგრძლივობა ამჟამადაც არ აღწევს ოცდაათ წელს, ხოლო წინათ კიდევ უფრო ნაკლებიც იყო, სადაც შიმშილი, წყალდიდობა და ავადმყოფობა ყოველ წლობით სპობს ათასობით სიცოცხლეს, სადაც ათასობით ადამიანი იღუპება გველის ნაკბენისაგან, სადაც შობადობა იმდენად მატულობს, რომ მიუხედავად ნაადრევი საკვდილიანობისა, სერიოზულ პრობლემებს აყენებს, ვეფხვის მიერ მოკლული ოთხმოცი კაცი მხოლოდ წვეთია ზღვაში.

თანაც მსხვერპლთა რაოდენობამ ძიაღწია ამ ციფრს ათას

სამასი დღის მანძილზე, ესე იგი, ვეფხეს უყვარდა, როგორც „გურმანს“ პირის ჩაგემრიელება მხოლოდ ადამიანის ხორციით. ეს იმას ნიშნავდა, რომ ის ნაირნაირი შინაური და გარეული ცხოველების ხორციით ამრავალფეროვანებდა თავის სუფრას და მონადირის მიერ შეთავაზებულ მისატყუარზედაც, ცხადია, უარს არ იტყოდა.

ხანგამოშვებით გახეთქებში ვკითხულობდი ცნობას ვეფხვის მიერ ჩადენილ მკვლელობათა შესახებ. სატყეო სამმართველომ გამომიგზავნა რამდენიმე ოფიციალური წერილი, წინადადებით, მეცადა კაციჭამიაზე ნადირობა, მაგრამ მათ თხოვნას ყურად არ ვიღებდი. დიდი ხნით სამუშაოდან მოწყვეტა არ შემეძლო და, გარდა ამისა, კაციჭამიაზე ნადირობის ადგილი ისე შორს მდებარეობდა ბანგალურიდან, რომ არ შემეძლო დროზე მიმესწრო იქ ვეფხვის გამოჩენის ან ადამიანის მოკვლის შესახებ ცნობის მიღების შემდეგ. ამავე დროს მე ყოველთვის მაინტერესებდა კაციჭამიასა და მოხეტიალე სპილოს ოინები. ამიტომ მოველაპარაკე მადრასის საპრეზიდენტოს, ჰაიდარაბადის სათავადოს სატყეო სამმართველოსა და პოლიციის ხელისუფალთ, რომ მათგან მივიღებდი ცნობებს ადამიანთა მოკვლის ადგილისა და თარიღის შესახებ და შევუდექი ამ ცნობების შეტანას რუკაზე. რუკის შემდგომმა შესწავლამ მიჩვენა, რომ მტაცებელი სამ თვეს ნადირობს გაზულაპალისა და ჩელამის რაიონში, შემდეგ გადადის ჩრდილოეთში და მომდევნო ოთხ თვეს ატარებს ჰაიდარაბადში, მერე ბრუნდება უკან. მანძილი გაზულაპალიდან ბასავაპურამამდე ექვსი მილია, ბასავაპურამიდან ჩელამამდე — ხუთი. ეს რაიონები არა მარტო ახლოა ბანგალურთან ჰაიდარაბადის შორეულ ოლქებზე, არამედ ფართობითაც მათზე მცირეა და ბანგალურს უერთდება რკინიგზის შტოთი. დაბოლოს, ეს რაიონები მჭიდროდაა დასახლებული, მაშასადამე, მათ შეეძლოთ უფრო სწრაფად აღმოეჩინათ ჩემთვის დახმარება და დროულად მოეწოდებინათ ცნობები მომხდარ „მკვლელობათა“ შესახებ, ვიდრე ჰაიდარაბადის ჯუნგლებში, სადაც მარტო უნდა შემოქმედა.

როგორც ხედავთ, იმედს არ ვკარგავდი, რომ ოდესმე შევეცდებოდი კაციჭამიას მიკვლევას, მაგრამ მან მაიძულა გადავსულიყავი გადაამწყვეტ მოქმედებაზე. ერთხელ დილით

საზოგადოებრივ სამუშაოთა დეპარტამენტის ინსპექტორი დრეზინით გაემგზავრა ჩელამა-ბასავაპურამის ხაზის შესამოწმებლად. ინდოეთში დრეზინა წარმოადგენს ხის უბრალო ოთხბორბლიან პლატფორმას, მისი სიგრძე არა უმეტეს ექვსი ფუტია, ზედ ადგას გაურანდავი ფიცრებისაგან შეჭედილი სკამი. პლატფორმას ორი მედრეზინე მუშა მიაგორებდა. ისინი იმდენად გაწაფული იყვნენ, რომ ტერფებს ზუსტად რელსებზე აბიჯებდნენ, რათა შიშველი ფეხები ღორღზე არ დაედგათ, რაც მეტად მწვავე ტკივილებს აყენებდა. აღმართზე მუშები ნაბიჯით მიდიოდნენ. სწორ ადგილას დრეზინა სირბილით მიჰყავდათ საათში დაახლოებით რვა მილის სისწრაფით, ხოლო თავდაღმართში უკან შეახტებოდნენ ხოლმე პლატფორმას. ინსპექტორი ხელის მუხრუჭით არეგულირებდა სისწრაფეს. მატარებელი რომ უნდა გაეშვათ სადგურიდან, დრეზინას გადმოიღებდნენ რელსებიდან.

ამ დღეს დრეზინა მოძრაობდა ჭრილში, რომელიც ჰკვეთდა ამ ადგილის ამალღებულ ნაწილს. ინსპექტორი დააწვა მუხრუჭებს, გააჩერა ურიკა და გადმოვიდა ძირს, რათა შეემოწმებინა ვაკისის ორივე მხარეზე წვიმის წყალსარინი თხრილები. ასაჩქარებელი არაფერი ჰქონდათ: მატარებლის მოსვლას ორი საათი უკლდა. ერთი მედრეზინე პლატფორმაზე წამოწვა და ჩათვლიმა, მეორე კი აცოცდა შვიდი ფუტის სიმაღლის მიწაყრილზე, მოიკალათა, ამოიღო „ბიდი“, ინდური იაფფასიანი სიგარეტი, რომელიც მზადდება დაუმუშავებელი თამბაქოსაგან და მისსავე ფოთოლშია გახვეული, მოუკიდა მას და სიამოვნებით გააბოლა.

ინსპექტორი სულ უფრო და უფრო შორდებოდა დრეზინას. მუშამ გადააგდო პირველი ბიდის ნამწვავი, ამოიღო მეორე, მოუკიდა, მაგრად მოსწია და გულგრილად გახედა თავის უფროსს. ის ამ დროს ლიანდაგზე გადადიოდა, რომ შეემოწმებინა თხრილი მეორე მხარეზე. გზიდან უკან მოიხედა და შეხედა დრეზინაზე დაძინებულ მუშას და მის ამხანაგს. რკინიგზის ლიანდაგს ორივე მხარეზე გასდევდა ჯუნგლები, რომლებიც დაახლოებით ორმოცდაათი იარღის მოშორებით იწყებოდა, აქა-იქ კი ცალკეული ბუჩქები ხარობდა მიწაყრილის მახლობლად. ინსპექტორმა ყურადღება მიაქცია თამბაქოს

მწვეელი მუშის ზურგს უკან მაღალ ბუჩქს; მოეჩვენა, რომ ბუჩქიდან გამოჩნდა „რაღაც“ მოძრავი მრგვალი საგანი. მზის ათინათი ბუჩქის ფოთლებზე ურიცხვ ბრჭყვიალა წერტილებად ისახებოდა, ხოლო ბუჩქის ქვედა ნაწილი და ის „რაღაც“ ჩრდილში იყო მოქცეული. იღუმალი საგანი კვლავ შეიჩხა, და შეფიქრიანებულმა ინსპექტორმა დაუწყო თვალთვალი, რა უნდა ყოფილიყო ეს. შემდეგ საგანი თითქოს მიწას გაეკრა და სრულიად გაუჩინარდა.

ახლა ინსპექტორი ყურადღებით ათვალთვრებდა მოპირდაპირე მხარეზე მდებარე თხრილს და მოძრავი საგანი გადაავიწყდა, მაგრამ მხოლოდ რამდენიმე წამით. უეცრად გულშემზარავი ყვირილი მოესმა. რომ შემობრუნდა, დაინახა, როგორ ჩამოათრია ვილაცამ მიწაყრილიდან მუშა, რომლის გოდება არემარეს აყრუებდა. ვერ გაეგო, რა მოხდა, ინსპექტორმა აირბინა ფერდობზე და დაინახა ჯუნგლებში მშვიდად მიმავალი ვეებერთელა ვეფხვი, რომლის პირიდან გადმოჰიდებული იყო მუშა. ის საცოდავად იქნევიდა ხელ-ფეხს.

ინსპექტორი იმდენად იყო შეძრწუნებული, რომ რამდენიმე წამს უძრავად იდგა ადგილზე მიჯაჭვულივით. გონს რომ მოვიდა, დაეშვა ქვევით ლიანდაგზე. მძინარე მუშას უკვე გაღვიძებოდა ამხანაგის ყვირილზე, მაგრამ ვერ მიმხვდარიყო, რა ხმაურმა გამოაღვიძა.

ინსპექტორმა, დრეზინას რომ გაუსწორდა, დაუყვირა მუშას:

— ვეფხვმა გაიტაცა რედი, სწრაფად უბიძგე დრეზინას.

მას აღარ დასჭირებია ბრძანების განმეორება. ორივემ მთელი ძალღონით უბიძგა ურიკას, სანამ არ მიაღწიეს დაღმართამდე, საიდანაც ინერციით განაგრძობდნენ სვლას.

ამ შემთხვევამ ფართო გამოხმაურება ჰპოვა, და საზოგადოების ყველა წრეში ინსპექტორს ტუქსავდნენ, იმის გამო, რომ მან განსაცდელში მიატოვა ადამიანი. რას არ უწოდებდნენ მას: მხდალს, მორალურ მკვლელს, გადაგვარებულს. საკითხავია, იმ ადამიანებიდან, რომლებიც ასე მკაცრად აკრიტიკებდნენ ინსპექტორს, მის ადგილას რამდენი მოიქცეოდა სხვანაირად. არ დაგავიწყდეთ, რომ მისთვის ეს ამბავი მოულოდნელი იყო და იარაღიც თან არ ჰქონდა.

გადავწყვიტე — დადგა-მეთქი კაციჭამიასათვის ანგარიშის გასწორების დღე. იმ ღამესვე ჩავჯექი მატარებელში და მეორე დღეს ავედი გაზულაპალში.

მეგონა, უფრო გონიერული იქნებოდა, დამეწყო მოქმედება ვეფხვის სამონადირო რაიონის საზღვრებიდან და გავდგომოდი გზას ბასავაპურამისა და ჩელამისაკენ. ამ რაიონის შუაადგილიდან რომ დამეწყო მოქმედება, დავკარგავდი მთელი ტერიტორიის თანმიმდევრულად მოჩხრეკის შესაძლებლობას და დამოკიდებული ვიქნებოდი მხოლოდ შემთხვევითობაზე. ადგილობრივ მცხოვრებთა დახმარება მჭირდებოდა, რადგან მხოლოდ ერთხელ ვიყავი აქ წამყოფი და ცუდად ვიცნობდი ამ ადგილებს. ვიმედოვნებდი, მენახა კაციჭამიას მიერ მოკლული ფრინველებზე მონადირის ვაჟი.

როგორც კი მატარებელი გაშორდა გაზულაპალს, გავიცანი სადგურის უფროსი და რამდენიმე რკინიგზელი. მათ ჩემი ჩამოსვლის მიზანი რომ გაიგეს, მითხრეს, სიხარულით დაგეხმარებითო.

პირველად გაჭირვებულ მდგომარეობაში აღმოვჩნდი: ადგილობრივი მოსახლეობა ლაპარაკობდა ტელუგუს ენაზე, რომელზედაც მხოლოდ რამდენიმე სიტყვა მესმოდა. რკინიგზელთა უმრავლესობას ცოტა ესმოდა ტამილი და ჰინდი, მე კი გვარიანად ვლაპარაკობდი ამ ენებზე. სადგურის უფროსმა იცოდა ინგლისური და თავის თავზე აიღო თარჯიმნის როლი.

პირველ ყოვლისა აეუხსენი მათ, რომ ჩემთვის აუცილებელია დამატებითი ცნობები ამ ვეფხვზე, განსაკუთრებით მის გარეგნობასა და ჩვევებზე. რკინიგზელებმა მხოლოდ ის თქვეს, რომ ეს იყო ძალზე მსხვილი ვეფხვი, მაგრამ ვილაცამ ვარაუდით მითხრა, — სოფელში მცხოვრებმა ტყის ორმა მცველმა უკეთ იცის და ამ საქმეში ისინი უფრო სასარგებლონი იქნებიანო.

ჩემი თხოვნით, მათ მოსაყვანად კაცი გაგზავნეს, და ოცი წუთის შემდეგ ისინიც გამოცხადდნენ. ერთ მათგანთან, მუსულმან ალი ბეგთან შემეძლო ჰინდის ენაზე ლაპარაკი, მეორე — ჩენჩუ სახელად კრიშნაპა — მხოლოდ ტელუგუს ენაზე ლაპარაკობდა. ხელით ვანიშნე, დამსხდარიყვნენ ვეებერ-

თელა მანგოს ხის ჩრდილში, თვითონ გვერდით მივუჯექი და საქმეს შევუდექი.

კაციჭამიასთან ჩემი პარტია გამბიტით* დავიწყე, დავპირ-დი მნიშველოვან ჯილდოს იმას, ვინც პირველი მომაწვდიდა. ცნობას და დამეხმარებოდა ვეფხვის მოძებნაში. ორივე ჯენტლმენმა ყურები ცქვიტა. ალი ბეგმა განაცხადა, რომ დამაყენებს ვეფხვის კვალზე, სიცოცხლის ფასადაც რომ დაუჯდეს ეს. ჩენჩუმ გადმომცა ალი ბეგის საშუალებით, რომ ისიც მზადაა დამეხმაროს, თუ ზუსტად ეცოდინება, სადაა ვეფხვი, რადგან არ უნდა სიცოცხლის გაწირვა.

სათანადოდ შევაფასე ეს გულწრფელი პასუხი, რადგან ჩენჩუს ტომის ყველა მკვიდრი ალაღმართალი და პრაქტიკული ხალხია.

შევუდექი მათ გამოკითხვას. ისინი მიმტკიცებდნენ, რომ ნახული ჰყავდათ ვეფხვი. მას შემდეგ, რაც მკვლევლობები დაიწყო, ისინი ვერ ბედავდნენ ჯუნგლებში მარტოდ ღრმად შეჭრას და ყოველთვის ერთად დადიოდნენ ნაჯახებით შეიარაღებულნი. გარდა ამისა, ცდილობდნენ ძალიან არ დაშორებოდნენ სოფელს. დაახლოებით ათი დღის წინათ ერთი მილის მანძილზე მათ ვეფხვი შეემჩნიათ. ვეფხვსაც თვალი მოეკრა მათთვის და წამსვე მოეკურცხლა ჯუნგლებისაკენ. ერთი თვით ადრე მათ ენახათ ვეფხვი წყალსატევებთან დილის ცხრა საათზე. მათ დანახვაზე იგი კვლავ სწრაფად გაქცეულიყო. ხოლო ერთხელ — ეს იყო დაახლოებით ორი თვის წინათ — ისინი სოფლიდან მეოთხედი მილის მოშორებით შეხვედროდნენ ვეფხვს, რომელმაც რამდენიმე მშფოთვარე წუთი განაცდევინა. ის არამც თუ გაიქცა, როგორც სხვა ვეფხვები, არამედ, პირიქით, შემობრუნდა მათკენ, მოირკალა და ხმამაღლა დაიბრღვინა. ტყის მკვლევები მზად იყვნენ გასაქცევად, მაგრამ კრიშნაპამ გადაუჩურჩულა ალი ბეგს, ერთხმად დაეყვირათ ასეც მოიქცნენ. პასუხად ვეფხვმა ერთხელ კიდევ დაიღმუჟლა, მაგრამ თავდასხმა ვერ გაბედა და გაშორდა, თან დროდა-

* დებიუტი ჰადრაკის თამაშში, რომელშიც თეთრები სწირავენ პაიკს ან მსუბუქ ფიგურას.

დრო ბრდღვინავდა და უკან იხედებოდა. ვეფხვი რომ მიიმა-
ლა, ტყის მცველებმა მოუსვეს სოფლისაკენ.

გულმა მიგრძნო: ოთხი თვე! დრო ემთხვეოდა რუკაზე
გაკეთებულ გაანგარიშებას, მხეცის არაჩვეულებრივი ქცევა
კი ადასტურებდა ჩემ მოსაზრებას. ტყისმცველებმა უეჭვე-
ლად კაციჭამია ნახეს უკანასკნელად გაზულაპალში ჩასვლის
დროს.

ორივე იმავე აზრისა იყო.

ყველაზე მეტად ის მახარებდა, რომ შევძელი დამედგინა
ახალი ოთხთვიანი ციკლის დასაწყისი. ვეფხვმა მოკლა დრე-
ზინის მუშა ჩელამსა და ბასავაპურამს შორის, და ის იყო კა-
ციჭამიას უკანასკნელი მსხვერპლი. თუ ჩემი გაანგარიშება-
ნი სწორია და ბედი მწყალობს, ვეფხვი ამ მომენტში უნდა
იმყოფებოდეს სადღაც ბასავაპურამსა და გაზულაპალს შო-
რის. მღელვარებამ შემიპყრო, ჩანდა, რომ წარმატებას მივალ-
წევდი.

შეაუღდექი ტყისმცველების დაწვრილებით გამოკითხვას
იმ ვეფხვზე, რომელმაც მათ დაუღრინა. შეამჩნიეს თუ არა
მას რაიმე განსაკუთრებული ნიშანი? ალი ბეგმა თქვა, რომ
ეს არის ძალიან მსჯილი ვეფხვი. კრიშნაპას ეჭვი არ ეპარებო-
და, რომ ის ხვადია. გარდა ამისა, მას მოეჩვენა, რომ ცხოვე-
ლის ტყავი უფრო ღია და მოყვითალო ფერისაა, ვიდრე ჩვე-
ულებრივი ვეფხვისა.

— გაიხსენეთ, სახიბ,—ამიხსნა მან,—ჩვენ ძალიან შეშინე-
ბული ვიყავით და ველოდით, რომ ვეფხვი თავს დაგვესხმოდა.
ასეთ მომენტში ვინ მიაქცევს ყურადღებას ასეთ წვრილმანს?

დავინტერესდი, ხომ არ იცნობდნენ ისინი ფრინველებზე
მონადირის ვაჟიშვილს. ცხადია, იცნობდნენ. ის ცხოვრობდა
ორიოდ მიღზე სადგურიდან. მამის მიბაძვით მან დაიწყო ნა-
დირობა ფრინველებზე, თუმცა სატყეოს წესები უკრძალავდა
მანებების დაგებას დაცულ ტყეში. მამამისსაც ამის გამო დევ-
ნიდნენ. წინათ ტყისმცველები დროგამოშვებით ქრთამის სა-
ხით ღებულობდნენ ხან ხოხობს, ხან ტყის მამლების (ყვინჩი-
ლების) წყვილს სუფრისათვის, და ეს აიძულებდა მათ თვალი
დაეხუჭათ მონადირის უკანონო მოქმედებაზე. ახლა კი ამ
ძღვენის მიტანაც შეწყდა. მაგრამ შეიძლება ამაში ბრალი დავ-

დოთ ამ საწყალს? მას თავისი ოჯახის გამოკვებაც უჭირს, რადგან იცის, რომ ეს ეშმაკის კერძი ვეფხვი შეიძლება ყოველ ბუჩქს უკან იმალებოდეს.

გახარებული, რომ მოკავშირეები ვიშოვე, ავდექი, თოფი მხარზე გადავიკიდე, და ტყის მცველებს ვთხოვე მონადირის სახლამდე მივეცალებინე.

რკინიგზის ლიანდაგი გადაკვეთეთ და ბილიკით გავეშურეთ ტყეში. მეჩხერ ბუჩქნარს ხშირი ჯუნგლები მოსდევდა და ჩვენ შეგვეძლო მხოლოდ ერთიმეორის მიყოლებით სვლა: წინ კრიშნაპა მიდიოდა, შემდეგ ალი ბეგი და უკან მე მივყვებოდი. ყოველ შემთხვევისათვის თოფი გავტენე და ფეხზე შეყენებული მარჯვენა ხელით მიმქონდა. ვეფხვი ვერ გაბედავდა ჩვენზე თავდასხმას — ჩვენ ხომ სამნი ვიყავით, მაგრამ თუ გაბედავდა, საშიშროება მოგველოდა კრიშნაპას და მე. შუაში მიმავალი ალი ბეგი სრულიად უზრუნველყოფილი იყო საფრთხისაგან.

როგორც მომეჩვენა, გავიარეთ არა ორი, არამედ სამი მილი. გადაკვეთეთ ქვიანი კალაპოტი, რომელშიც წვრილ ნაკადად მიედინებოდა ნაკადული, ავცოცდით პატარა ბორცვზე და მივადექით ქოხს. ღია კართან იჭდა ოცი წლის სიმპათიური ყმაწვილი და ბამბუკის ჯოხს თლიდა. მის ახლო, როგორც მე შევიცანი, ეწყო თითქმის უკვე გამზადებული კაკანათი ფრინველებისათვის.

მივუახლოვდით. ყმაწვილი ფეხზე წამოდგა და ზრდილობიანად მოგვესალმა. კრიშნაპამ ტელუგუს ენაზე გააცნო ჩემი თავი, ყმაწვილმა სასიამოვნო ხმით მიპასუხა. ალი ბეგმა შეიშნო თარჯიმნობა და მაცნობა, მონადირეს ბალას ეძახიანო. ქოხიდან თავი გამოყო დედაბერმა, როგორც ჩანდა, მონადირის დედამ და თექვსმეტ-ჩვიდმეტი წლის ახალგაზრდა ქალმა, მას ხელში ეჭირა სრულიად შიშველი ბავშვი, რომელიც სიამოვნებით წოვდა ძუძუს. ბავშვი ერთი წლისა იქნებოდა. ესენი უეჭველად ბალას ცოლ-შვილი იყო.

დავსხედით ბალახზე ქოხიდან რამდენიმე ფუტის მოშორებით; მე შევუდექი შეკითხვების მიცემას, ალი ბეგი კი თარგმნას. კრიშნაპა ხშირად ერეოდა ლაპარაკში, და აზუსტებდა იმას, რაც მთლად გასაგები არ იყო რომელიმე ჩვენგანისათ-

ვის. დიახ, ბალა, სიხარულით დაეხმარება თეთრ „დორაის“* კაციჭამიას მოკვლაში კაციჭამიასი, რომელმაც მამამისი დაგლიჯა. არა, ის არ აიღებს ფულს, ან სხვა რაიმე ჯილდოს, თორემ მამამისის სული გაწყურება. ის ხომ ერთადერთი შვილია და მამამისის სულს სურს, რომ მან თვითონ იძიოს შური მკვლელებზე, ანდა უკიდურეს შემთხვევაში დაეხმაროს სხვას ამ საქმეში. დიახ, მას არაერთხელ უნახავს კაციჭამია საკუთარი თვალით. ერთხელ თურმე წყალზე მიიღიოდა სწორედ იმ ნაკადულთან, რომელიც ის-ის იყო გადავლახეთ. სადილობის დრო იყო. ვედრო წყალში რომ ჩაუშვა, შემთხვევით მაღლა აიხედა და დაინახა ვეფხვი, რომელიც მოპირდაპირე ნაპირიდან ეპარებოდა. საბედნიეროდ, მან შეამჩნია მტაცებელი, როცა ის მისგან დაახლოებით ას იარღზე იყო. ბალამ დაადგო ვედრო და ტყვიასავით გავარდა ქოხისაკენ. რაც შეიძლებოდა, გაამაგრა შიგნიდან კარი, ეგონა, კაციჭამია თავს დაესხმოდა არამტკიცე ნაგებობას, მაგრამ ეს არ მოხდა. ღამით ხშირად გაისმოდა ვეფხვის ღრიალი: ის მოდიოდა ნაკადულთან წყურვილის მოსაკლავად. ეს იყო მსხვილი ხვადი, საკმაოდ მკრთალი ყვითელი ფერის ტყავით. სახიბს სურს იცოდეს, ხომ არა აქვს მას რაიმე განსაკუთრებული ნიშანი? ბალამ თვალები დახუჭა და ჩაფიქრდა, ბოლოს რომ გაახილა, მისი სახე იმედიანად გამოიყურებოდა. მას შეეძლო მხოლოდ ეთქვა, რომ ვეფხვს მკრთალ მოყვითალო-ყავისფერ ტყავზე ძალზე ვიწრო მუჭი ზოლები გასდევდა. შეუძლია თუ არა ამას რაიმე დახმარების გაწევა ბატონისათვის? ბალას ბევრი ვეფხვი უნახავს, მაგრამ ასეთი ვიწრო ზოლებიანი არა.

როდის შეხვდა ის ვეფხვს უკანასკნელად? კვლავ პატარა პაუზა, სანამ ბალა პასუხს მოითქვებოდა.

— დაახლოებით ოთხი თვის წინ.

ნახა თუ არა ამის შემდეგ სხვა ვეფხვი? ცხადია, ნახა, ორჯერ, მაგრამ ესენი იყვნენ ჩვეულებრივი ვეფხვები, და არა მამამისის მკვლელი. რა იცის? იმიტომ, რომ ისინი იყვნენ უფრო პატარა, მუჭი ფერის და ადამიანის დანახვაზე გარბოდნენ.

შემდეგ ბალამ მაცნობა ისიც, რომლის გაგონებაზეც ასე

* სიტყვა — დორასაგან — ბატონი (ტ ე ლ ე ზ უ).

ვოცნებობდი. ის ფიქრობს, რომ ვეფხვი კვლავ დაეხეტება ამ შიდამოებში; მართალია, მას არ გაუგონია ვეფხვის ხმა და არ უნახავს ის, მაგრამ ახლო აღმოაჩინა ნადირის მსხვილი ნაკვალევი. ასეთებს იგი ამჩნევდა წარსულში კაციჭამიას გამოჩენის დროს. ისინი მამამისის ნახევრადშექმული ნეშტის გარშემოც ნახა.

მე წამოვხტი და განვაცხადე, მინდა თვითონ დავათვალიერო ნაკვალევები-მეთქი. ბალამ ქალებს უბრძანა დაბრუნებამდე ქონში ყოფილიყვნენ და მაგრად ჩაეკეტათ კარი; ჩვენ კი წაგვიყვანა ნაკადულთან. როცა იმ ადგილას მივედით, სადაც ჩვენ ის გადავკვეთეთ ქონისაკენ მიმავლებმა, ის მიბრუნდა და დაყვა დინებას ქვემოთ. დაახლოებით სამი ფარლანგის შემდეგ ნაკადული უფრო უხვწყლიანა გახდა, მისი ქვიშიანი ნაპირები კი შევიწროვდა. გუშინწინ ღამით დასავლეთიდან აღმოსავლეთის მიმართულებით ვეფხვს გაველო. ნაკვალევი ისე დიდი იყო, რომ შორიდანაც გარკვევით ჩანდა.

ნაკვალევი უეჭველად ხვადს ეკუთვნოდა. ის კიდევ რომ გადიდებულიყო რბილ ქვიშაში, მისი დატოვება შეეძლო მხოლოდ არაჩვეულებრივად მსხვილ ვეფხვს.

დავბრუნდით ქონთან, და ბალას ვურჩიე ოჯახის გაგზავნა სოფელ გაზულაპალში, ყოველ შემთხვევაში დროებით მაინც, სანამ მე აქ ვიქნებოდი. ეს გაათავისუფლებდა მას დროებით საზრუნავისაგან და უფრო დამშვიდებულად დამეხმარებოდა. საშინელება იყო იმის გაფიქრებაც კი, რომ შუაგულ ჭუნგლებში გადაკარგული ამ უბადრუკი ქონის ბინადარნი — მოხუცი ქალი, ახალგაზდა ცოლი, ბავშვით და თვითონ ბალა — ცხოვრობენ მუდამ იმის შიშით, რომ რომელიმე მათგანი შეიძლება ვეფხვმა დაგლიჯოს. დღეს ომებისა და რევოლუციების ეპოქაში ვერავის გააკვირვებ საგმირო საქმეებით, რისთვისაც ადამიანებს ხოტბას ასხამენ და ორდენებით აჯილდოებენ. ზოგჯერ იმ აგენტებისა და მშვერავების დაღუპვის შესახებაც ვკითხულობთ, რომლებმაც თავისი სურვილით სიცოცხლე გასწირეს, სიკვდილს პირისპირ შეხვდნენ, მაგრამ მათი სიმამაცისთვის ხოტბა არავის შეუხსამს. მამაცთა გმირული ამბები უეჭველად ღრმად გვაღელვებს. მაგრამ იმ

დღეებში ჩემს აღტაცებას საზღვარი არ ჰქონდა ამ ადამიანების მიმართ, რომლებიც მრავალი თვის მანძილზე გაბედულად ცხოვრობდნენ განმარტოებულ ქოხში, სადაც მათ კარებთან—სრული ამ სიტყვის მნიშვნელობით— ჩასაფრებული იყო მკვლელები, რომელმაც მარჩენალი და ოჯახის მეთაური უკვე მოიწვია.

ქალები ყოყმანობდნენ, მაგრამ მე დაუინებით მოვითხოვდი მათ წასვლას, კრიშნაპა და ალი ბეგიც მხარს მიჭერდნენ და ბოლოს დავითანხმეთ. დიდი დრო არ დაჭირვებიათ დარბილი ბარგი-ბარხანის შესაგროვებლად. ბალამ და ქალებმა დაიდვეს თავზე თითო-თითო ფუთა, თანაც ახალგაზრდა ცოლს დამატებით მოყავდა კიდევ ძუძუმწოვარა ბავშვი და ერთიმეორის მიყოლებით სოფლისაკენ გავუდექით გზას.

იმ საღამოს სადგურის უფროსმა ბალასუბრამანიანმა შიმიწვია სადილად. ის ხორცს არ ჰქამდა, და მისმა ცოლმა მთელი თავისი ოსტატობით მოამზადა ძალზე გემრიელი ვეგეტერიანიული კერძი. საუცხოო იყო აგრეთვე დიდი ჯამით მორთმეული ხაჭოც. შემდეგ დავაყოლეთ დიდი ტოლჩებით ყავა. გადავწყვიტეთ ნასადილევს მოგვეწვია „თათბირი“ მოქმედების შემდგომი გეგმების შესადგენად და ბალასუბრამანიანმა წინადადება შემოიტანა თათბირი მოგვეწყო სადგურზე, სადაც დასწრება აუცილებელი იყო, რადგან ღამით გუნტაკალისკენ საფოსტო მატარებელს და ორ თუ სამ საბარგო შემადგენლობას უნდა გაეგლო. ამგვარად, ჩვენ გავეშურეთ სადგურისაკენ და მოვთავსდით ღია ბაქანზე, მე და სადგურის უფროსი მერხზე ჩამოვსხედით, ტყის მცველებმა და ბალამ კი ჩვენ წინ მოიკალათეს.

ყველაზე გონიერულად მივიჩნეე, ხვალვე მოგვეყვანა ორი ცოცხალი მისატყუარი; ერთი დაგვება იმ ადგილას, სადაც ვეფხვმა დაუღრინა ტყის მცველებს, მეორე კი ნაკადულის მახლობლად, შუა გზაზე ბალას ქოხსა და ქვიშიან ნაპირს შორის, სადაც ნაკვალევი ვნახეთ. ბალა და კრიშნაპა დარჩებიან მეთვალყურეებად და გვაცნობებენ, თუ მტაცებელი მოკლავს მისატყუარს, მე კი თარჯიმან ალი ბეგის თანხლებით გავემგზავრები ბასავაპურამსა და ჩელამში ცნობების შესა-

კრებად. თუ ერთ-ერთი მისატყუარი იქნა მოკლული, ბატონი, ბალასუბრამანიამი მიდგაშებს.

სადგურის უფროსი მეზობელი სადგურების კოლეგებს დაუკავშირდა და მოთხოვა მათ „ქებაარი“ — ინფორმაცია. მათ უპასუხეს, — ახალი არაფერი ვიცით კაციჭამიას ადგილსამყოფელის შესახებ, მაგრამ ყველა ფრთხილად და ვერავინ ბედავს ღამით შინიდან გამოსვლასო. გარდა ამისა, ჩელამის სადგურის უფროსმა ურჩია ბალასუბრამანიამს, მიმართოს საზოგადოებრივ სამუშაოთა დეპარტამენტის ინსპექტორს, ნება დართოს ისარგებლოს ჩელამამდის დრეზინით. ბალასუბრამანიამი არ დაელოდა ჩემს თხოვნას და დაუყოვნებლივ გაგზავნა ნანდილში სასწრაფო სამსახურებრივი დეპეშა. ძალიან მადლობელი ვიყავი რკინიგზელებისა, რომ ასე ცდილობდნენ ჩემთვის დახმარების გაწევას. მთელი ამ გაბედული წამოწყების მანძილზე ისინი აკეთებდნენ ყველაფერს, რაც მათ შეეძლოთ.

ამის შემდეგ საშუალება მივეცი სადგურის უფროსს თავისი საქმეებისათვის მიეხედა, მე კი ჩემი „საჭურველ-მტვირთველებით“ ჩავედი სოფელში. უკვე ღამე იყო, მაგრამ ჩვენ არ გვინდოდა საქმის სახვალიოდ გადადება, გავემართეთ პირუტყვის მეპატრონე გლეხის ქოხისაკენ; გავალღიძეთ ის და ავუხსენით, რომ ორი მოზვერი გვჭირდებოდა მისატყუარისათვის.

ბანგალურის გარშემო მდებარე ჯუნგლებში და განსაკუთრებით მაისურის შტატში, ძნელი იყო ამ მიზნისათვის ცხოველის ყიდვა. დიდი ტაქტი იყო საჭირო, რადგან გლეხებს ბოროტებად მიაჩნდათ ვეფხვის ან ავაზის დასაგლეჯად ცოცხალი მისატყუარის დაბმა, თუნდაც იმ მიზნით, რომ ხალხის დამღუპველი მტაცებელი მიეკვლიათ. ზოგიერთი მეპატრონის დასარწმუნებლად საათები იყო საჭირო, გვიან ღამით კი ამის თხოვნას სხვა ვითარებაში ცივი უარით შეხვდებოდნენ. საბედნიეროდ, ამ რაიონის მცხოვრებნი ძალიან საღად უყურებდნენ არსებულ მდგომარეობას. როგორც კი გლეხი მიხვდა, თუ რისთვის მივედი, დაუყოვნებლივ დამთანხმდა და წინადადებაც კი მომცა თვითონვე შემერჩია პირუტყვი.

სახლის უკან პირუტყვის ბაკში ფარნის სინათლეზე შე-

ვარჩიე ორი მოზვერი. პატრონმა მოისურვა თითოეულშა ოცდათხუთმეტი რუპია, რაც ინგლისურ ფულზე სამ გირვანქაზე ნაკლებია. ფული გადაუხადე, მადლობა მოვახსენე დახმარებისათვის და ვთხოვე, ცხოველები დილაძდე თავისთან დაეტოვებინა, სანამ ჩემი თანამგზავრები არ მოიკითხავდნენ.

დავბრუნდით სადგურზე. სატვირთო მატარებელი უკვე ლიანდაგზე იდგა. ანგლო-ინდოელი მემანქანე ესაუბრებოდა ბალასუბრამანიამს მის ოთახში. ერთ ხელში თერმოსი ეჭირა, მეორეში — ტოლჩა. რომლითაც ყავას სვამდა, ოთახში შესვლისთანავე თავი გამაცნო ვილიამ როჯერსად, ყავა შემომთავაზა და მაცნობა, რომ მხოლოდ ოთხი დღის წინათ ენახა ვეფხვი ლამით, რომელმაც თურმე ნახტომებით გადაჭრა რკინიგზის ხაზი აქედან ერთ მილზე ნანდიალის მიმართულე-ბით, მან ვერ შესძლო ამ მანძილზე კარგად დათვალიერება, მაგრამ ვეფხვი მოეჩვენა საკმაოდ დიდ ცხოველად. გარდა ამისა, მანვე გვაცნობა, რომ თუ მე მსურს კარგი ჩიტალის, სამბარისა და ტახის მოკვლა, ასეთები დიგუჟამეტის მიდამოებში გაცილებით მეტია, ვიდრე ამ სადგურთანო.

მადლობა გადაუხადე მისტერ როჯერს ინფორმაციისათვის და დავესძინე, რომ ირემზე ნადირობის შესახებ მოვიფიქრებდი მას შემდეგ, როგორც კი ბოლოს მოვუღებდი ვეფხვს. მან ხელი ჩამომართვა და გაეშურა ორთქლმავლისაკენ. ერთი წუთის შემდეგ სიჩუმე დაარღვია გულშემზარავმა სტვენამ და, ზმამალალი ქშენითა და ელარუნით დაიძრა სატვირთო მატარებელი. მალე გზის მოსახვევში მიიმალა უკანასკნელი ეავონის წითელი შუქი. სადგური კვლავ სიჩუმემ მოიცვა.

ამ დროს ნანდიალიდან მოვიდა საპასუხო დეპეშა: ინსპექტორი დრეზინით სარგებლობის ნებას გვრთავდა, სადგურის უფროსმა გააღო მოსაცდელი ოთახი, რომლის მთელ მოწყობილობას შეადგენდა მაგიდა, ორი სკამი და ძირგავარდნილი სავარძელი. ავანთე ჭერზე ჩამოსაკიდი ერთადერთი ლამპა. ბალამ შემოიტანა ჩემი თოფი, ლოგინი, მათარა და კალათა სურსათით. პირსაბანი ცარიელი იყო, ასე გვიან კი წყალზე ვინმეს გაგზავნა არ მინდოდა. გახარებულმა იმით, რომ ჭერქვეშ მაინც ვიმყოფებოდი, ჩავაქრე სინათლე და ჩავეშვი სავარძელში. ნახევრად ჩავეფალი ძირგავარდნილ ლელის სა-

ჯდომში. გავიხადე ფეხსაცმელი, მივეყრდნე სავარძლის ზურგს, ფრთხილად ავიტანე ფეხები, გრძელ შესადგამზე დავაწყე და უმაღვე ჩამეძინა.

დაახლოებით ხუთის ნახევარზე გამადვიდა მეორე სატვირთო მატარებელმა. კვლავ დავიძინე, ხოლო რამდენიმე წუთის შემდეგ, როგორც მომეჩვენა, ოთახში შემოვიდა ბალა და წმინდა დამიძახა. უკვე გათენებულიყო. ბალასუბრამანიამი სახლში წავიდა, რომ ერთი საათით მაინც დაეძინა. სანამ ბალა ფიჩხს მოაგროვებდა და ბაქნის ბოლოში კოცონს გააჩაღებდა სამფეხად დაწყობილ ქვებზე, ამოვიღე სამგზავრო პრიმუსი, ავანთე და შეეწვიე შაშხი. ის უკვე მზად იყო მანამ, ვიდრე კოცონზე ჩაისათვის წყალი აღუღებას მოასწრებდა, შემდეგ პირსახოცით, კბილის ჯაგრისით, პასტით, საპნითა და ერთი ხელი საცვლით გავემართე ორთქლმავლის წყალსატუმბისაკენ: ნივთები მისგან ცოტა მოშორებით დავაწყე, გავიხადე და წელზე პირსახოცი შემოვიკარი. შემდეგ დავდექი ტყავის სახელურის ქვეშ და ცალი ხელით შემოვაბრუნე ონკანთან შეერთებული ბორბალი, რომელიც ათი ათასი გალონის ტევადობის რეზერვუარიდან წყალს აწვდიდა წყალსაცავს. თქეში დამეშვა თავზე და კინალამ წამაქცია. მიუხედავად ამისა, კბილები რომ გავიწმინდე და ვიბანავე, უდიდესი სიამოვნება ვიგრძენი. ჯუნგლებში მაინცდამაინც თავს არ ვიწუხებ პირის მოპარსვით, მაგრამ ის კი აუცილებელია, რომ სუფთად და მხნედ გრძნობდე თავს. წელზე შემოკრული პირსახოცი ბარძაყებზე მთლიანად დამისველდა, მეორე არ გამაჩნდა, მაგრამ ამას არ ჰქონდა მნიშვნელობა. რადგან დილით არ ციოდა. რამდენიმე წუთის შემდეგ შემეძლო ტანთ ჩამეცვა.

ბალასთან რომ დავბრუნდი, კარდალში წყალი მხიარულად ჩუხჩუხებდა. ჩემი „ჩოტახაზრი“ (ინდოეთში ასე უწოდებენ თეთრკანიანების საუზმეს, სიტყვა „ჩოტა“ ჰინდის ენაზე ნიშნავს „პატარას“, „ხაზრი“ — ტრაპეზს) შედგებოდა ჩაის, შაშხისა და ბანგალურიდან ჩამოტანილი ჩაფატის* ნარჩენებისაგან, რომელიც ქვასავით გამხდარიყო.

* ინდური პური — ხშირი ლავაში.

ნასაუზმევს ტყის მცველები დაბრუნდნენ სოფლიდან, სადაც ღამე გაათიეს და ოთხივენი გავეშურეთ მოზვრების მოსაყვანად, რომ დაგვება ისინი შერჩეულ ადგილებზე. თუ თქვენ არ დაგვიწყებიათ, პირველი მდებარეობდა ვიწრო განაკაფზე სოფლიდან ერთ მილზე, სადაც ტყის მცველებმა დაინახეს ვეფხვი, რომელმაც ასე დააფრთხო ისინი თავისი ქცევით. კრიშნაპამ ნაჯახით მოჭრა ტოტი, გასხიპა დაახლოებით სამი ფუტის სიგრძეზე და ერთი ბოლო წაუწვეტა. შემდეგ შევარჩიეთ ხე, რომელზეც მოხერხებული იქნებოდა მაჰანის მოწყობა, ცხადია იმ შემთხვევაში, თუ ვეფხვი მოისურვებდა მისატყუარის მოკვლას. მისგან თხუთმეტი იარღის მოშორებით მიწაში ჩავასვით პალო და ზედ მივაბით მოზვერი უკანა ფეხებით. შემდეგ დავბრუნდით სადგურზე, გადაკვეთეთ ლიანდაგი და გავიარეთ კიდევ სამი მილი ბალას ქოხის მახლობლად მოჩუხჩუხე ნაკადულისაკენ. ახალი ნაკვალევი არ გამოჩენილა, ამიტომ მეორე მოზვერი მივაბით ნაკადულის ნაპირზე — ორმოცდაათ იარღზე უფრო ნაკლებ მანძილზე იმ ადგილიდან, სადაც ამას წინათ ვეფხვმა დატოვა ნაკვალევი.

შუადღე ჯერ კიდევ არ იყო მოტანებული, რომ სადგურზე დავბრუნდით. სადგურის უფროსი დაყინებით მეპატიებოდა საუზმეზე. რომ არ მეწყენინებინა ბალასუბრამანია მისათვის, ზრდილობიანად უარი ვუთხარი, რადგან ვგრძნობდი, რომ მისთვის, უმაღლესი კასტის წევრისათვის ოჯახში ჩემი ყოფნა სამძიმოა, თუმცა თავაზიანობის გულისთვის ამას არ ამჟღავნებდა. ტყის მცველთან ერთად წავედი სოფელში და ვისაუზმეთ სოფლის „სასტუმროში“, რომელიც ლერწმითა და მოთუთიებული თუნუქით დახურულ ერთოთახიან შენობაში იყო მოთავსებული. შემდეგ დავბრუნდით სადგურზე და სათანადო მითითებები მივეცით ტყისმცველთ, რომლებიც რჩებოდნენ მოზვრებისათვის საკვებისა და წყლის მისაცემად: აუ ერთ-ერთი მისატყუარი იქნებოდა მოკლული, ისინი უმაღლესე აცნობებდნენ სადგურის უფროსს, ბალასუბრამანიაში კი იცოდა, როგორ უნდა მოქცეულიყო შემდეგ.

აქვე უნდა აღვნიშნო, რარიგ დიდად ვაფასებ ამ ჯენტლმენის მიერ გაწეულ დახმარებას. ხელის შეწყობა იმ საქმეში, რომელიც დაკავშირებულია მის კასტაში საღმრთოდ მიჩნეუ-

ლი ხარის ან ძროხის დაღუპვასთან, ეწინააღმდეგებოდა მის რელიგიურ რწმენას. მაგრამ მან უღალატა დიდად მნიშვნელოვანი მიზნისათვის ამ რწმენას და ყოველ ძალ-ღონეს ხმარობდა, შეემსუბუქებინა ჩემთვის ამ რთული ამოცანის შესრულება.

მატარებელი, რომლითაც ექვსი მილი უნდა გამეველო, ბასავაპურამში ჩავიდა სამის ნახევარზე. მემანქანემ ორთქლმავლით მგზავრობის ნება დამართო, რათა კარგად დამენახა ჭუნგლები რკინიგზის ორივე მხარეზე, ალი ბეგი კი ჩაჯდა მესამე კლასის ვაგონში.

მატარებელმა ექვსი მილი ორმოცდახუთ წუთში გაიარა. ხშირ ჭუნგლებს რომ ვუყურებდი, ვგრძნობდი, როგორ მეკარგებოდა ნადირობის წარმატებით ჩატარების იმედი. ვეფხვს შეეძლო სადაც სურდა, იქ ყოფილიყო უღრანი ტყეებით დაფარულ ამ უზარმაზარ ტერიტორიაზე.

სადგური ბასავაპურამი არაფრით არ განსხვავდებოდა გაზულაპალისაგან. ორთქლმავლიდან რომ ჩამოვედი და მემანქანეს მადლობა გადავუხადე, თავში აზრმა გამიელვა — გაზულაპალში ორი მისატყუარის დაბმით ზედმეტი ოპტიმიზმი გამოვიჩინე: ხომ შეეძლო ვეფხვს ყოფილიყო ბასავაპურამში ანდა ჩელამში, ხუთი მილის მოშორებით აქედან.

ბასავაპურამის სადგურის უფროსი, კასტისგარეშე* მყოფი თამილი მასილამონი მთელი არსებით ცდილობდა ყოფილიყო ჩვენდამი გულითადად განწყობილი. პირველი მისასალმებელი სიტყვების შემდეგ თავი ისე ვიგრძენი, თითქოს სახლში ვიყავი. ის დაჟინებით მთხოვდა მგზავრობის დასასვენებელ ოთახში მომეწყო მთავარი შტაბ-ბინა და მარწმუნებდა, რომ ვეფხვი უეჭველად იქნებოდა აღმოჩენილი ბასავაპურამში, რომელიც მისი მოქმედების არის ცენტრშია.

კვლავ დავიწყე რკინიგზელებისა და ტყის მცველ ტელუგას გამოკითხვა. ყველა მათგანს ენახა ვეფხვი და თითოეული მარწმუნებდა, რომ ის იყო კაციჭამია. მაგრამ არც ერთს არ შეუემჩნევია, სიდიდითა და ფერით თუ განსხვავდებოდა

* იმ კასტებზე მიუყუთვნებელი, რომლებიც ოთხი ტრადიციული „ვარიდან“ — წოდებიდანაა, სხვაგვარად — „ხელშეუხებელი“.

თანამოძმეთაგან. ტყის მცველმა, რომელსაც კიტუს ეძახდნენ, გვიამბო, რომ რკინიგზის ჩრდილოეთით, სადგურიდან ერთი მილის სავალზე არის ტბა, სადაც ხშირად ვნახულობ წყლის დასალევად მოსული ვეფხვების ნაკვალევსო.

იმ საღამოსვე გავეშურეთ ტბისკენ. იქ შევამჩნიე ვეფხვის ქველი და მსხვილი ავაზას ახალი ნაკვალევი. უკანასკნელმა დამანადვლიანა: ავაზა ხომ აუცილებლად შეჭამს მისატყუარს ვიდრე ვეფხვი გამოჩნდებოდეს. მისატყუარის ისეთ ადგილას დაბმა, სადაც ავაზა დადის, — იგივეა, რომ მას მოზვერი შიართვა.

ღამე გავათიე მგზავრების ოთახში, დილით კი მეზობელ სოფელში ვიყიდე ხბო და მივაბი განაკაფზე ტყიდან ნახევარი მილის მოშორებით. კიტუს ვუბრძანე, დილ-დილაობით საკვები და წყალი მიეცა მისთვის, და თუ მოკლავდა ნადირი, ეცნობებინა სადგურის უფროსისათვის.

მერე მთელი ხუთი მილი ჩელამამდე კვლავ ორთქლმავლით ვიარე. ინდოელმა მემანქანემ მაჩვენა ის ადგილი, საიდანაც ვეფხვმა გაიტაცა დრეზინის მუშა. იგი სადგურებს შორის თითქმის შუა გზაზე იყო.

ჩელამში ყველაფერი თავიდან განმეორდა: ჩემი ჩამოსვლის შესახებ წინასწარ გაფრთხილებული სადგურის უფროსი გამომეგება. მას მოეწვია ორი ადგილობრივი ტყის მცველი და ისინი უკვე მიცდიდნენ ბაქანზე.

უწინარეს ყოვლისა, მიამბეს, რომ ბასავაპურამზე გავლილი სატვირთო მატარებლის გამყოლის სიტყვით, დიგუვამეტის ახლო, ე.ი. ჩელამიდან თექვსმეტ მილზე ტყის მასივის აღმოსავლეთ განაპირას მოკლულ იქნა ქალი.

ამ ახალმა ამბავმა თავგზა ამიბნია. მან არა მარტო მნიშვნელოვნად გააფართოვა კაციჭამიას ძებნის არე, არამედ ჩაფუშა გულდასმით მოფიქრებული მისატყუარების განლაგების გეგმა. თითქმის დარწმუნებული ვიყავი, რომ კაციჭამია სადღაც გაზულაპალის მიდამოებშია, მან კი მკვლელობა ჩაიდინა დიგუვამეტში, აქედან ოცდაშვიდი მილის მანძილზე. თუმცა ოცდაშვიდი მილი ბოლოს და ბოლოს არცთუ ისე დიდი გზაა ვეფხვისათვის.

სადგურის უფროსს ვთხოვე შეემოწმებინა ეს ცნობა.

დიგუვამეტში დაადასტურეს, რომ წინა დღით დილაზე ტყის განაპირას მხოვის ყვავილების მოკრეფისას დაიკარგა ქალი ჩენჩუს ტომიდან, თანასოფლელთ ენახათ მისი მხოლოდ ნახევრად სავსე კალათი. დიგუვამეტის სადგურის უფროსი გვირჩევედა აუცილებლად დაგვება მისატყუარები დიგუვამეტსა და პატარა სადგურ ბოგადაში, რომელიც ჩელამსა და დიგუვამეტს შორის მდებარეობს.

კარგი ამბავია! რომ მიაკვლიო მოუხელთებელ ვეფხვს, დაგჭირდება რკინიგზის თითქმის ყველა სადგურზე მისატყუარის მიბმა.

თავს არ შეგაწყენთ იმ ამბის მოყოლით, თუ როგორ მივაბი მისატყუარი ჩელამში მეორე დღით. შეიძლება გაგიკვირდეთ, რატომ შემდეგი მატარებლით არ წავედი დიგუვამეტში. საქმე ისაა, რომ ქალის მოკვლის დღიდან უკვე გავიდა ორი დღე და ჩემ ჩასვლამდე ვეფხვი მთლიანად დაღრღნიდა ძვლებსაც კი, თუკი საერთოდ მათ ვიპოვიდი, ამიტომ გადავწყვიტე, რომ უფრო გონივრული იქნებოდა მისატყუარის დაბმა ჯერ ჩელამში.

შემალვე წავედი ბოგადაში და საღამოს დავაბი იქ კიდევ ერთი მისატყუარი, მეორე დღეს კი სატვირთო მატარებლით დიგუვამეტში ჩავედი და იქაც ორი ცხოველი დავაბი. ერთი მივაბი ტყის განაპირას, სადაც ვეფხვი თავს დაესხა ქალს და მეორე იმ ადგილას, სადაც განაკაფი კვეთს დიდ ნაკადულს და გზას, რომელზეც ხონჩის ხის გვერდით პირუტყვს მიერეკებოდნენ ჯუნგლებში. ადგილობრივმა ტყის მცველმა ეოზეფმა — ინდოელმა ქრისტიანმა, გონიერმა და ბევრის მცოდნე ადამიანმა დამარწმუნა, რომ წინა წლებში ამ ხიდან არა ერთ ვეფხვს ჩასაფრებია.

უკვე ხუთი დღე ვცხოვრობდი ამ მხარეში, მივაბი შვიდი მისატყუარი, დავხარჯე იმაზე მეტი ფული, რასაც ვვარაუდობდი. დავიქანცე უჩინარ კაციჰამიაზე დაუსრულებელი ამბის მოსმენით და ერთხელაც არ გამიგონია ვეფხვის ღმუილი ჯუნგლებში არაჩვეულებრივი სიჩუმე სუფევდა.

საღამოს ეოზეფთან ერთად გავსწიე ტყისაკენ. ეოზეფი, ისე, როგორც მე, არ იყო ვეგეტარიანელი, ამასთან ოჯახიც არ ჰყავდა და დამარწმუნა, რომ მე მას არ შევაწუხებდი.

გადაწყვიტე რამდენიმე დღე დიგუვამეტში გამეტარებინა და დასაძინებლად შევარჩიე მისი სახლის აივანი. უოზეფის მსახური, კალიკატიდან ჩამოყვანილი მალაიალი მათავისუფლებდა საკმლის მომზადებაზე ზრუნვისაგან, რომელიც, მიუხედავად სიმცირისა, ყოველდღიურად ბევრ დროს მართმევდა. დიგუვამეტში დარჩენა ყველაზე მეტად იმან მაიძულა, რომ სწორედ აქ სამი დღის წინათ ვეფხვს მოეხდინა უკანასკნელი თავდასხმა. თქვენ, ალბათ, გაგიკვირდებათ, რატომ სერიოზულად არ შევეცადეთ მოგვენახა საწყალი ქალის ნეშტი. ჯერ ერთი, როგორც უკვე ვთქვით, ეს იყო უსარგებლო ცდა. მეორე, გარშემო მდებარე ჯუნგლები არაჩვეულებრივად მშრალი იყო, და თუმცა მისატყუარის დაბმის დროს გულდასმით ვათვალიერებდი, მაინც ვერ შევამჩნიე რაიმე ნაკვალევი, რომელიც მიგვითითებდა, თუ რომელი მიმართულებით წაიღო ვეფხვმა თავისი ნადავლი. ჩვენ გადავჩხრიკეთ ტყე ორას იარდზე მეტი რადიუსით და მისი ტანსაცმლის ნაფლეთიც კი ვერ ვიპოვეთ. თანაც არ მინდოდა ზედმეტი კვალი დამეტოვებინა ამ ადგილებში. ის ისედაც საკმაოდ გადაეჭეჭათ გლეხებს ქალის ძებნის დროს.

ამ ადგილას ჯუნგლები მეტად ლამაზია, ფრთოსანთა და ირმების სიუხვით ხომ მონადირეთათვის ნამდვილი სამოთხეა. რამდენჯერმე შეგვხვდა ტყის ველზე გრაციოზული ჩიტალის ჯოგი. გრძელი, მახვილი, ძვალივით გამხმარი, თესლისაგან დამძიმებული ბალახის ღეროები მიწაზე იხრებოდა. ეს მნიშვნელოვნად აღიღებდა თვალთახედვის არეს და გვიადვილებდა ხეების შტამბებს შორის ველების დანახვას. მშვენიერი რქებით შემკულ დიდებულ სამბარსაც კი წავაწყდით. რომელმაც ჩვენი მიახლოებისას ხმაურით მოკურცხლა. სალამოვდებოდა და ამ დროს სამბართან შეხვედრა მეტყველებდა ჯუნგლების ხელუხლებლობაზე, ბუნებრივი ნადავლის სიუხვეზე, რაც სულ მცირე იმედს იძლეოდა, რომ ვეფხვს სული წასძლევდა ერთ-ერთ ჩემს მისატყუარზე. მაგრამ ამ სიუხვეს, თითქოს უნდა გამოერიცხა ვეფხვის კაციჭამიად გახდომის შესაძლებლობა.

ალიბეგს ბილეთი ვუყიდე, დავავალე დაბრუნებულიყო გაზულაპალში და აღრე დავწეი დასაძინებლად. როგორც

იქნა, აღარ მაწუხებდა გამუდმებით მოძრავი მატარებლების ხმაური და ათსაათიანი ღრმა ძილის შემდეგ ავდექი წარმტაცი იმედებით აღსავსე. სანამ დასვენებით ვტკებოდით, მსახურ-მა-მალაიალმა სასწაული მოახდინა. ჩვენ წინ იდგა ხოფერიტა და ბრინჯი-პატით სავსე თეფშები და მაგარი ჩაი დოქით. პირველი კერძი მზადდება სუფთად დაფქვილი ბრინჯისაგან. მეორე — განსაკუთრებული ხარისხის ბრინჯისაგან. ამ საქმელების სამშობლოა მადრასი. ჩანდა, ჩემი ახალი მეგობარი ეოზეფი ამ ქალაქის მკვიდრი იყო წარმოშობით. საუზმე ძალიან გემრიელი მეჩვენა.

შემდეგ თავდია ფარეხში, რომელსაც კედლების ნაცვლად ჭილობები ჰქონდა, გადავივლე ცივი წყალი.

ეოზეფი მზად იყო და მიცდიდა, სანამ ჩავიცვამდი. მისი ხელქვეითი ორი ტყისმცველის თანხლებით გავემგზავრე მისატყუარების შესამოწმებლად. ორივე მოზვერი ცოცხალი და უვნებელი დაგვხვდა.

დაგვრჩენოდა მხოლოდღა ლოდინი. ჯუნგლებში ხეტიალი ვეფხვის შეხვედრის მიზნით უაზრობა იყო, ვინაიდან კაციკამიას მეტად ვრცელი მოქმედების არე ჰქონდა! ის შეიძლება ყოფილიყო ყველგან ერთმანეთისაგან ოცდაშვიდი მილით დაშორებულ დიგუვამეტსა და გაზულაპალს შორის. მაგრამ მე დიდი მოსამზადებელი სამუშაო ჩავატარე და ახლო მომავალში შემიძლო მისი ნაყოფით დავმტკებარიყავი.

და, აი ბოლოს მოვლენებმა იწყო გაშლა. დაახლოებით მეორე დილაა ცხრა საათზე აზუზუნდა ტელეგრაფის აპარატის ზუმერი და ბასავაპურამის სადგურის უფროსმა მასილამონმა მაცნობა — გასულ ღამით ჩემი მისატყუარი მოეკლათ. სიხარული ნაადრევად ჩავთვალე. თუ გახსოვთ, ტბასთან აღმოვაჩინე ავაზას ახალი ნაკვალევი და მისატყუარი ამ ადგილიდან განზრახ მოშორებით დავაბი, რომ შეიძლებისდაგვარად გადამერჩინა მტაცებლისაგან.

მასილამონს ვთხოვე ტყისმცველ კიტუსათვის დაევალებინა. გამოერკვია ვეფხვის მიერ იყო მისატყუარი მოკლული, თუ ავაზას მიერ. პასუხს არ დაუყოვნებია, რადგან კიტუ გვერდით ჰყავდა. ის ამტკიცებდა, რომ მოზვერი დაგლიჯა ავაზამ და მირჩევდა ჩავსულიყავი და მომეკლა ის, თორემ დანარჩენ მისატყუარებსაც ასეთივე ბედი ელოდა.

ეს გონივრული იყო. იმ დღეს სახალხო მატარებელი ბასავაპურამისაკენ არ მიდიოდა, მაგრამ, საბედნიეროდ, ამ მიმართულებით დილის თერთმეტ საათზე გადიოდა სატვირთო მატარებელი. სადგურის უფროსმა გააჩერა ის და გამყოლთა ვაგონით ჩავედი ბასავაპურამამდე. ჟოზეფმა დაიჟინა, შენთან ერთად წამოვალო.

კიტუმ მიმაცილა მოკლულ მოზვერთან. მთელი ეს სანახაობა, კისერზე ეშვებით მიყენებული დაფლეთილი ჭრილობებიდან, გაფატრულ სტომაქამდე, სადაც ხორცი და წელები ერთმანეთში იყო არეული, აშკარად მოწმობდა, რომ აქ თარეშობდა ავაზა. მაშასადამე ღამე ის მაგრად გამძღარიყო და ვშიშობდი, რომ მალე აღარ დაბრუნდებოდა. კიტუმ მიჩია, მაჰანის ნაცვლად მისი თოკის საწოლით მესარგებლა და წავედით მის მოსატანად. დაახლოებით ორ საათში დავბრუნდით და საწოლი ხეზე მივამაგრეთ. ოთხი საათისათვის ყველაფერი მზად იყო.

შემდეგ გავემართეთ სადგურისაკენ, რომელიც ერთ მილზე მდებარეობდა, და სახელდახელოდ წავისაუზმეთ ბისკვიტებით, ჩაჰადითა და ბანანებით. ჟოზეფმა მოისურვა, რადაც არ უნდა დაჯდომოდა, ჩემთან ერთად წამოსულიყო და ექვსის ნახევარზე ჩვენ უკვე მაჰანში ვიყავით.

არ გასულა ოცი წუთიც კი, რომ მოულოდნელად რადაც ფაჩუნი მომესმა. ავაზა იჭდა და ტკებობდა თავისი ნადავლით, იმდენად ლამაზი მეჩვენა, ძლივს ვძლიე ცთუნებას, მეჩუქებინა მისთვის სიცოცხლე. მხოლოდ იმის შეგნებამ, რომ ის გაანადგურებდა ყველა მისატყუარს, მაიძულა მესროლა მარცხენა ბეჭს ქვევით დამიზნებული თოფი.

კიტუ და მასილამონი გაოცდნენ, რომ ასე მალე დავბრუნდით. როდესაც გაიგეს, თუ როგორ მოხდა ყველაფერი ეს, სადგურის უფროსმა მოკლული ცხოველის ტყავი მთხოვა. პეტრომაქსის ფარნის შუქზე ოთხი მუშის თანხლებით წავედით ლეშის მოსატანად. მასილამონი აღელვებული ადევნებდა თვალს, ჩემი მითითებით როგორ ატყავებდნენ ავაზას. მე ვასწავლე როგორ შეენახა ტყავი შაბიამნით მანამ, სანამ გაუგზავნიდა ბანგალურში ფიტულების დამტენს.

დილით ახალი მისატყუარი ვიციღე. ეს მოზვერი მივებით ტბასთან, სადაც ვეფხვის ძველი ნაკვალევი ენახეთ.

ჟოზეფთან ერთად ვემზადებოდი დიგუვამეტში დასაბრუნებლად, მაგრამ სადგურზე მასილამონისაგან გავიგე, რომ მას ჩელამის სადგურის უფროსისგან დეპეშა მიეღო ღამით ვეფხვის მიერ ჩემი მისატყუარის დაგლეჯის შესახებ.

მატარებელი მხოლოდ ოთხი საათის შემდეგ გადიოდა და გადავწყვიტე, ჩელამამდე ხუთი მილი ფეხით გამევიღო. ჟოზეფი არ იყო წინააღმდეგი და თორმეტის ნახევარზე უკვე იქ ვიყავით.

სადგურის უფროსი და ტყისმცველები ძალზე აღელვებულები დაგვხვდნენ. დილით მოზვერისათვის წყალი რომ მიეტანათ, ტყისმცველებს ენახათ მისი გვამის მხოლოდ ნარჩენები, რომლის ირგვლივ მიწაზე მკაფიოდ აჩნდა მსხვილი ვეფხვის ნაკვალევი. მათ მოჭრილი ტოტები მიეფარებინათ ლეშისათვის, რომ დაეცვათ სვავებისაგან და წამოსულან სადგურისაკენ, რომ გადმოეცათ ჩემთვის ახალი ამბავი.

ვცდილობდი, ჩემი შვიდივე მისატყუარი ხეების გვერდით დამეხა. აქ უფრო მოსახერხებელი იყო მაჰანის მოწყობა, რამაც უკვე ხელი შემიწყო ჩავსაფრებოდი ავაზას.

ტყისმცველებმა თავს იღეს ჩარპაის შოვნა. ამასობაში სადგურის უფროსი, ჟოზეფი და მე წავედით სოფლის ერთადერთ სასადილოში. სადილობის დროს ჟოზეფმა სურვილი გამოთქვა, ამჯერადაც წამომყოლოდა თან. ძლივს, ისე რომ არ შეწყენინებინა, გადავათქმევეინე ჩემთან წამოსვლის სურვილი. ერთი საქმეა ავაზის ჩასაფრება და სულ სხვაა — ვეფხვისა, მითუმეტეს, თუ ის კაციჭამიაა, რომელსაც ჩვენ ვეძებდით. ოღნავი ფაჩუნი ან გაუთვალისწინებელი მოძრაობა გასცემს ჩვენს იქ ყოფნას და დააფრთხობს მტაცებელს. მე უკვე მქონდა შემთხვევა, როდესაც მაჰანში ჯდომის დროს ამხანაგებმა უნებლიე ხმაურით ამდენი შრომა წყალში ჩაგვიყარეს. განსაკუთრებით ეს ხდება მაშინ, ზოცა ჩასაფრება მთელი ღამე გრძელდება, ადამიანი იქანცება და ნერვიულობას იწყებს. ყველა სიძნელის შემდეგ არ მინდოდა რისკზე წასვლა.

მოკლული მისატყუარი ტყის სიღრმეში ერთი საათის სა-

ვალზე იყო, სადგურიდან დაახლოებით სამ მილზე. ჩარპაი მოიტანეს ჯერ კიდევ ოთხის ნახევრამდე, მაგრამ გარემოს ხედი რომ არ შეცვლილიყო, შესანიღბავი ტოტები მოვჭერით და მოვზიდეთ მოშორებით მდგარ იმავე ჯიშის ხეებიდან (ეს იყო თამარჩინდი), რომელზეც მაჰანს ვიკეთებდით. ამიტომ ერთი საათი გავიდა, სანამ ხეზე მოვეწყობოდით.

ვიდრე ტყის მცველები და ჟოზეფი — ის დაბლა იდგა და ტოტებს აწვდიდა — გართული იყვნენ მაჰანის მოწყობით, მე დავათვალიერე მკვდარი მოზვერი და ვეფხვის ნაკვალევი. ნიადაგი ძალზე მაგარი იყო, ამის გამო მიწაზე ნაკვალევი ოდნავ ჩანდა და ვერც ერთზე თათის ბალიშის მკაფიო ანაბეჭდს ვერ გაარჩევდით. ეს იყო საკმაოდ მსხვილი ხვადი ვეფხვი, მაგრამ გადაჭრით არ შემეძლო მეთქვა, რომ ეს სწორედ ის ცხოველია, რომლის ნაკვალევიც ვნახე გაზულაპალში ბალას ქოხის ახლოს ნაკადულთან.

დაახლოებით ხუთის ნახევარზე ჩავჯექი მაჰანში. რამდენიმე წუთი დაგვიჭირდა, რომ დაგვეწყო ნივთები: ჩაის და წყლის ბოთლები, სოფლის „სასტუმროში“ აღებული ვახშამი, ბანანის ფოთლებში შეხვეული სამი დიდი ჩაპატი, ფარანი და ვაზნები. წელიწადის ამ დროს ღამე თბილია, ამიტომ არ წამომიღია არც საბანი და არც პალტო. ბოლოს მივამაგრე თოფის ლულაზე ფარანი და რადგან ყველაფერი მზად იყო, ჟოზეფსა და ტყისმცველებს ელთხარი თვითონ გავიგნებ-მეთქი გზას სადგურისაკენ. ისინი წავიდნენ. დაიწყო ჩემი ვახტი.

უკვე ბინდდებოდა, როცა ვილაცის ყრუ ნაბიჯების ხმა გავიგონე. თამარჩინდის ფოთლები პაწაწინა და ნაზაა, ძირს ჩამოცვენილი რბილ ნოხს წააგავს, რომელიც სიარულის დროს მსუბუქ, ოდნავ გასაგონ შრიალს გამოსცემს. ვინმეს მოახლოებას, ისეთი პატარა არსებისაც კი, როგორცაა ვირთხა, ყველაზე კარგად გვაგებინებენ ტექტონის ხის ხმელი ფოთლები: ისინი იწყებენ შრიალს და ტკაცანს ჯერ კიდევ მანამ, ვიდრე მომსვლელს დავინახავდეთ.

მაგრამ ვიცოდი, რომ ეს ოდნავ გასაგონი ხმები გვაუწყებს ვეფხვის მოსვლას, და არ გამკვირვებია, როცა მაჰანიდან გადმოხრილმა ის პირდაპირ ჩემს ქვევით დავინახე.

რამდენიმე წამით ის გაქრა მხედველობიდან, მაგრამ მალე

გამოჩნდა და გაბედულად გაემართა მოკლული მოზვრისაკენ. რომელიც ახლო ეგდო ხესთან. ამიტომ ვხედავდი ვეფხვის მხოლოდ მარცხენა ფერდს, უკანა ფეხებს და კუდს. როგორც ცნობილია, სიბნელეში საგნები კარგავენ თავის მკაფიო მონახულობას და გაცილებით უფრო მსხვილი გვეჩვენება, ვიდრე სინამდვილეში. ამას დამიმოწმებს ყველა, ვინც ამ დროს ჯუნგლებში ან ინგლისის ტყეში ყოფილა. ჩემს ქვემოთ მყოფი ცხოველი არაჩვეულებრივად დიდი მეჩვენებოდა, მაგრამ ვერ ვარჩევდი ვერც მისი ტყავის ფერს და ვერც ზოლებს.

სიბნელეში რომ გარკვევით დამენახა თოფის სამიზნე, მარცხენა ხელის ცერი დავაჭირე ფარნის ჩამრთველს. სინათლის სხივი მოხვდა ვეფხვს მარცხენა ფერდზე და დაეცა მის წინ მოზვრის ლეშს. სწრაფად დამიზნების დროს შევამჩნიე, რომ ვეფხვი ვერ ხვდებოდა, საიდან მოდიოდა სინათლე. მან, როგორც ჩანს, იფიქრა, სინათლე მოკლული მისატყუარიდან მოდისო. ყოველ შემთხვევაში ის იდგა გაშეშებული და დაპყრებდა მას.

დავუმიზნე მტაცებელს მარცხენა ბეჭის ცოტა ქვემოთ და ვესროლე. ვეფხვი ძირს დაემხო, შემდეგ მარჯვენა მხარეზე გადაბრუნდა და გამოუჩნდა თეთრი მუცელი და გულმკერდი. კვლავ ვესროლე და, განვაგრძობდი რა ფარნით განათებას. შევაჩინე, რომ მხეცი უკვე ისულთმობრძავი იყო.

ოცი წუთის განმავლობაში დროგამოშვებით ვაშუქებდი მას, მსურდა დავრწმუნებულიყავი, რომ ის ნამდვილად მკვდარია, შემდეგ ჩამოვედი და გულდასმით გავსინჯე ჩემი ნადავლი.

ეს იყო ჯანღონით სავსე მსხვილი ხვადი, მშვენიერი ვიწრო ზოლებიანი მუქი ქურჩით. მაგრამ ეჭვი არ მეპარებოდა, რომ ეს არ იყო ბალას აღწერილი ვეფხვი. კაციჭამიაა თუ არა? თუ სხვა ვეფხვი მოვკალი? თუ ბალას მიერ ნახული ვეფხვი არ იყო კაციჭამია? ამ კითხვებმა თავში გრიგალივით გამიელვა, მაგრამ მათზე პასუხის გაცემა შეეძლო მხოლოდ დროს; ის გვიჩვენებს, იქნება თუ არა კიდევ ადამიანთა მსხვერპლი.

ფარნის მეშვეობით მოვძებნე დაკლაკნილი ბილიკი, რომელმაც ბოლოს სადგურთან მიმიყვანა. ცხრა საათი არ იყო. ყოზეფს მოსაცდელ ოთახში ეძინა, ტყის მცველებს კი ჭილო-

ბებზე პირდაპირ ბაქანზე. გავალვიძე ისინი და ვუამბე, როგორც იყო საქმე. ძნელია მათი სიხარულის აღწერა. ჟოზეფმა გულთბილად მომილოცა და ხელი ჩამომართვა.

მადლობა გადაუხადე მას და გავუზიარე ჩემი ეჭვები, მაგრამ ჟოზეფი და ტყისმცველები ოპტიმისტები იყვნენ. ეჭვი არ ეპარებოდათ, რომ კაციჭამია მოვკალი.

ამ დროს სადგურის უფროსი მოვიდა მატარებლის შესასვლელად. ახალი ამბავი რომ გაიგო, ძალზე გაეხარდა. ტყისმცველები წავიდნენ გლეხების მოსაყვანად, რომ ვეფხვის ლეში წამოეღოთ. დაახლოებით ერთი საათის შემდეგ მათ მოიყვანეს ათი კაცი, რომლებსაც თან წამოეღოთ ბამბუკის მსხვილი ჯოხები, ბაწრები და ორი ფარანი.

დაახლოებით ღამის პირველ საათზე ვეფხვი სადგურზე ჩამოვიტანეთ. ვუბრძანე, ლეში დაედოთ პლატფორმის ბოლოში რკინის მოაჯირის ახლო. ფარნებისა და ჩემი სათადარიგო ლამპის სინათლეზე, რომელიც ჟოზეფს ეჭირა, დავიწყე მოკლული ცხოველის გატყავება, რადგან გამოირკვა, რომ ტყისმცველებს ამის გაკეთება არ შეეძლოთ. ჩემი საქმით ვიყავი სავსებით გართული, როცა სადგურზე მატარებელი გაჩერდა.

ვინც შიგ იყო — მგზავრები, გამყოლები თუ მემანქანე. ყველა გამოეფინა ბაქანზე. უკეთ რომ დაენახათ, ჩემს გარშემო ვეებერთელა წრე შეკრეს. იმ ღამეს უდიდესი წარმატება მხვდა წილად. მატარებელი შეჩერდა სადგურზე განაწესზე თხუთმეტ წუთზე მეტ ხანს, მაგრამ რკინიგზელები ამას არაფრად აგდებდნენ. ინდოეთშიაც კი იშვიათად ნახავთ გვიან ღამით რკინიგზის ბაქანზე როგორ ატყავებენ ვეებერთელა ვეფხვს.

მეორე დღეს ვისვენებდი, სადგურის უფროსმა კი გადასცა ცნობა კაციჭამიას მოკვლის შესახებ მეზობელ სადგურებს. ყველა ზეიმობდა; მხოლოდ მე არ ვიყავი კმაყოფილი და გადავწყვიტე დავრჩენილიყავი კიდევ ერთი კვირა. უცნაური წინათგრძნობით ვიყავი შეპყრობილი, რომ კაციჭამია ცოცხალია და სულ მალე იჩენს თავს. ბანგალურში ჩასვლას, შემდეგ კვლავ ჩამოსვლას და ყველაფრის თავიდან დაწყებას ვამჯობინე ადგილზე დარჩენა. მით უმეტეს გათვალისწინებული

მქონდა აქ ერთი თვე გამეტარებინა და მისატყუარებიც უკვე დაბმული მყავდა.

გავიდა ოთხი დღე. მოულოდნელად გაზულაპალიდან მოვიდა ცნობა, რომ ვეფხვმა მოკლა ბალას ახალგაზრდა ცოლი.

მტაცებელი მოქმედებდა ზუსტად, თითქოსდა განრიგის მიხედვით.

ჟოზეფი იმ დროს უკვე დაბრუნდა დიგუვამეტში. ბალასუბრამანიამს დეპეშა გაუვგზავნე, რომ დაეკავებინა სადგურზე ბალა, დაეჭექი ღრუზინაზე, რადგან მატარებელი მოგვიანებით გადიოდა და მუშების დახმარებით გავემგზავრე გაზულაპალში.

გზაში საათნახევარზე მეტი დაგვარგე. ჩემს მოლოდინში ბალა იჯდა ბაქნის კუთხეში და ჩუმად ტიროდა. გვერდით იდგნენ დამწუხრებული ბალასუბრამანიამი, ალი ბეგი და კრიშნაპა.

ახალგაზრდა ჩენჩუმ ტრაგიკული ამბავი მოკლედ მოგვითხრო. გაეგო თუ არა, რომ ჩელამში მოეკალი კაციჭამია, იფიქრა, საშიშროებამ განვლოო და დაბრუნდა ოჯახით თავის ქონში. მეორე დღეს, მისმა ცოლმა რომ გაიღვიძა, ბავშვი მასთან გადააწვინა და თვითონ გარეთ გავიდა. ერთი წუთის შემდეგ შემოესმა ქალის ჩუმი ყვირილი. მიხვდა, რომ რაღაც საშინელება მოხდა, დაავლო ნაჯახს ხელი და გარეთ გამოვარდა, მაგრამ იქ არავინ იყო.

ჯერ კიდევ კარგად არ იყო გათენებული და ბალამ ვერ შეძლო უბედურების რაიმე ნიშნების აღმოჩენა. მან მოუხმო ცოლს, მაგრამ პასუხი არ მიუღია. შეშლილივით გაიქცა ქონის უკან, სადაც ცოლი ჩვეულებრივ დადიოდა. კვლავ ვერავინ ნახა.

ლამით დაცვარულ ბალასს ნამი ჯერაც არ შეშრობოდა, და როგორც კი ინათა, ბალამ გაარჩია მასზე ჯუნგლებისაკენ მიმავალი ორი ნაკვალევი. მიხვდა, რომ ის გავლებულია ორი მძიმე სხეულის — ვეფხვისა და მისი მსხვერპლის მიერ, რომელიც მას კბილებით მიჰქონდა.

და აქ ბალამ დიდი სიმამაცე და ძალზე გაუფრთხილებლობა გამოიჩინა: შეიარაღებული პატარა ნაჯახით, მარტო დაედევნა ნადირს.

ირიყრაჟა და, რამდენიმე ფარლანგის გავლის შემდეგ აღმოაჩინა პირველი სისხლიანი ნაკვალევი იმ ადგილას, სადაც ვეფხვს დაეგდო თავისი ტვირთი დანამულ ბუჩქებს შორის, რომ უფრო მოხერხებულად ჩაეგლო კბილები. ახლა კვალზე გაყოლა ადვილი იყო, და ბალა დაეწია ვეფხვს, როცა ის ბებერი (გამხმარი) ხის ქვეშ უნდა შედგომოდა ჭამას.

კაციჭამიამ დაინახა მონადირე და დაიღრინა. წამიც და ის თავს დაესხმოდა ბალას. მაგრამ დაგლეჯილი ცოლის დანახვაზე ბალა გამძვინვარდა. იგი რაღაც დემონური თავდავიწყებისა და სიმაპაციხ გრძნობამ შეიპყრო და, სიძულვილით ანთებულმა, ნაჯახით შეუტია ვეფხვს.

მე უკვე ვიამბეთ, რომ კაციჭამიებს ახასიათებთ საოცარი სიმხდალე: ისინი იშვიათად გადადიან პირდაპირ შეტევაზე. იმ დღითაც კაციჭამიამ ჩელამიდან დაამტკიცა, რომ არც ის წარმოადგენს გამონაკლისს. ვეფხვი ყოყმანებდა, სანამ ახალგაზრდა ჩენჩუ არ აღმოჩნდა მის გვერდით, მაშინ კი იკადრა და მოკურცხლა.

საბედნიეროდ, ბალა გონს მოვიდა. რომ გაეგრძელებინა დევნა, კაციჭამია შიშს დაძლევდა, შეტევაზე გადმოვიდოდა და მოსპობდა მას. ბალამ ხელში აიტაცა ცოლის სხეული და გაიქცა ქოხისაკენ.

რომ მოვისმინე ეს უბრალო, ალალმართალი ისტორია, აღტაცებისა და სიამაყის გრძნობით განვიმსჭვალე. როგორი გმირი შვილები ჰყავს ინდოეთს ისეთ ტომებშიც კი, რომლებიც განკიცხულად ითვლებიან!

შინ ბალამ არ დაკარგა დრო ცრემლებისათვის. მან უკეთ გაამაგრა ქოხის კარები, სადაც ცოლის სხეული დაასვენა და დედასთან ერთად, რომელსაც ბავშვი მოჰყავდა, გამოეჩქარა სადგურისაკენ, რომ ჩემთვის ეცნობებინა.

ახალგაზრდა მონადირე მიყვებოდა თავის მწუხარებას და ჩუმად იმდულრებოდა. მე არც კი მიცდია მენუგეშებინა ის. მისთვის საჭირო იყო გულის მოოხება ტირილით. ცრემლი მკურნალია ადამიანის დაკარგვით გამოწვეული საშინელი ნერვიული დაძაბულობის დროს, ბალას დაწყნარება კი ამო იყო. მე სანუგეშო სიტყვები ვერ მოვნახე იმ საშინელი

უბედურების ქამს, რომელიც თავს დაატყდა ჯერ კიდევ ახალგაზრდას ახლად დაწყებულ ცხოვრებაში.

მაგრამ ბალაა დიდხანს არ უტირია. მიუხედავად იმისა, რომ მე ხელს არ ვუშლიდი გაექარებინა დარდი და არც ვაჩქარებდი, ათი წუთის შემდეგ ის აღგა და განაცხადა, რომ მზადაა სამოქმედოდ.

მე უკვე მქონდა ღრმად მოფიქრებული გეგმა, მაგრამ ბალასაგან იგი მოითხოვდა უდიდეს მსხვერპლს და ვერ ვბედავდი ამის თქმას. შეიძლება იმის გამო, რომ ორივემ მრავალი წელი გავატარეთ ჯუნგლებში, ჩვენ გვაკავშირებდა აზრთა ერთიანობა და ამიტომ ბალამ უსიტყვოდ გამიგო. მან შემომხედა, ოღნავ დამიქნია თავი და ცრემლები ლაპალუპით წამოუვიდა.

— ის იყო ჩემი ცოლი, — მითარგმნა მისი სიტყვები ალი ბეგმა, — მე მიყვარდა ის, მაგრამ მოგცემ მის სხეულს მისატყუარისათვის, რომ სამაგიერო მივუზღო ჩემი საყვარელი ცოლისა და მამის მოკვლისათვის.

ბევრი ვილაპარაკეთ და საკმაო დროც დაეკარგეთ. მზად ვიყავი შემესრულებინა როლი, რომელიც მომანდო ამ თავზღაბალმა, მაგრამ თავისი სულიერი თვისებით დიდბუნებოვანმა ადამიანმა. საჩქაროდ შევჭამე ბალასუმბრამანიამის მზრუნველი ცოლის მიერ ბრინჯისა და ბოსტნეულისაგან დამზადებული კარი. ავაესე ერთი მათარა ჩაით, მეორეც წყლით, ტყისმცველების, რომელთაც ჩარპაი მოჰქონდათ, და ბალას თანხლებით გავემართეთ მისი ქოხისაკენ.

მიცვალებული შემადრწუნებელი სანახავი იყო. ბალამ ცოლს ბარძაყებზე მისი ერთადერთი სარი * გადააფარა. ნორჩ სანზე საოცარი სიმშვიდის გამომეტყველება ჰქონდა. გამოგლეჯილ ფერდიდან ბინძურ იატაკზე სისხლის ნაკადი იღვრებოდა, მკერდიდან და ყელიდან წვეთ-წვეთად ჩამონადენი სისხლი კი მუქ კანზე შეხმობოდა. ერთ წუთს მოკრძალებით და მღუმარედ ვიდექით და დავყურებდით იმ ქალის დაგლეჯილ ნეშტს, რომელიც ჯერ კიდევ დილით ბედნიერი დედა

* ქალის ტრადიციული ტანსაცმელი ინდოეთში.

იყო. შემდეგ ბალას ვთხოვე მივეცილებინე იმ ადგილამდე, სადაც ვეფხვი დაინახა.

მზეს კარგა ხანია შეეშრო ცვარი, კაციჭამიას და მისი მსხვერპლის მიერ მოთელილი ბალახი გასწორებულიყო და ოდნავ მოხრილი, მსუბუქად ირხეოდა ნიავეზე. სისხლიანმა ნაკვალევმა მალე მიგვიყვანა გამხმარ ხესთან, რომლის ქვეშაც ვეფხვი აპირებდა თავისი მსხვერპლის შექმას.

მღუმარენი ნელა მივიწვევდით წინ და ვფხიზლობდით, თუმცა ოთხს არსებითად არავითარი საფრთხე არ მოგველოდა. ხის ძირთან შეეჩერდით და დავათვალიერეთ მიწა. ამ ადგილას ის მყარი იყო და დაბალი ხმელი ბალახი ფარავდა. აქ არავითარი ნაკვალევის აღმოჩენა ან დანახვა არ შეეძლო კაცს.

გამახსენდა, რას ლაპარაკობდნენ კაციჭამიაზე: მას შემდეგ, რაც იგი დასჭრა ჰაიდარაბადის ნავაბმა, არასოდეს არ უბრუნდება ადამიანის ნეშტსო. დაუბრუნდება თუ არა ის ამჯერად? აქვს თუ არა აზრი საფარის მოწყობას? მაიმედებდა მხოლოდ ის, რომ ვეფხვი არ შედგომია ჭამას. მაგრამ მეორე მხრით ბალამ დააფრთხო იგი. ერთი სიტყვით, წარმატების შანსი ძალიან ცოტა იყო. მაგრამ სხვა რა გზა მქონდა, გადავწყვიტე ბედი მეცადა.

პირველ ყოვლისა საჭირო იყო მომეძებნა ხე, რომელზეც შეიძლებოდა ჩარპაის მიმაგრება.

ვეფხვს სატრაპეზოდ შეერჩია ხშირი ბუჩქნარითა და დაბალი ტყით დაფარული ადგილი. მახლობელ ხემდე, გამხმარი ხის ჩაუთვლელად, ასე ოცდაათიოდე იარდი იქნებოდა. უნდა ავსულიყავი ხის მალალ კენწეროზე, რომ შესაძლებლობა მქონდა მომეხვედრებინა ტყვია ვეფხვისათვის. შესაძლოა, ის დაბრუნებულყო მხოლოდ დაღამების ხანს და თუ დაბლა დავჯდებოდი, ფარნის შუქი მაყელის ბუჩქნარში ვერ გააღწევდა.

ხესთან მივედი და დავათვალიერე იგი, მისი ზედა ტოტები ორი თითის სიმსხოც არ იქნებოდა. საეჭვო იყო, რომ მას გაეძლო ჩემი და ჩარპაის სიმძიმისათვის.

მეორე დიდი ხე ხარობდა ათი იარდის მოშორებით. ავცოცდი ზედ კენწეროზე, მაგრამ იქედან მხოლოდ გამხმარი ხის

შტამბის ნაწილს ვხედავდი. მაყვლიანი კი ფარავდა ძირს და ყველაფერს, რაც მის გვერდით იყო.

სად მოვწყობილიყავი?

დავბრუნდი თანამგზავრებთან და გამხმარ ხეს ირგვლივ შემოვუთარე. თავის დროზე ის ყოფილა დიდი, შტამბის სიმსხო თორმეტიდან თხუთმეტ ფუტამდე აღწევდა. გაუგებარი იყო, რამ დაღუპა ხე — ავადმყოფობამ, პარაზიტებმა, თუ ფესვები მიწაშივე ჰქონდა შეჭმული. ასე იყო თუ ისე, ხე რამდენიმე წლის წინათ გამხმარიყო და ჩემ ზევით მოწმენდილ ცისკენ სრულიად შიშველი ტოტები გაეშვირა.

ძირს ტერმიტები უღრღნიდნენ და მალე დადგებოდა ყამი, როცა ხანდაზმული ფესვები ვერ გაუძლებდა შტამბის სიმძიმეს, მიწაზე დაეცემოდა და აურაცხელი ჭიალუისა და მწერების ლუკმა გახდებოდა.

ახლოს მივედი. ჩემი თავის სიმაღლეზე შტამბიდან გამოშვერილიყო სამი ტოტი, ხოლო ქვემოთ გამხმარი მიწის ზედაპირის ქვეშ უამრავი ტერმიტი ფუთფუთებდა. ფეხის წვერებზე დავდექი და დავინახე მათ მიერ გამოჭმული ხის ფულურო.

ეს არ ემჩნეოდა გვერდიდან, განსაკუთრებით იმ ადგილიდან, სადაც მოკლული ქალის სხეული ესვენა.

ხელით მოვიხმე ინდიელები და ჩავჩურჩულე ალი ბეგს, რომ ეთხოვა ბალასთვის შეემოწმებინა, შემეძლო თუ არა მოწყობა ფულუროიან შტამბში. შემდეგ ხის ფულუროში ფარანი შევანათე და დავრწმუნდი, რომ შიგ არც გვილი, არც მორიელი, არც ცხრაფეხა არ იყო დამალული. ბალა მარდად ჩაძვრა შიგ. ის ჩემზე ერთი ფუტით მაინც იქნებოდა დაბალი და უმაღლე გაუჩინარდა ფულუროში, მაგრამ სწრაფად ამოყო თავი და მაცნობა, — ფულურო, ჩემთვისაც კი ვიწროა, ხოლო თქვენ სრულიად ვერ მოთავსდებითო. საჭირო იყო ფულუროს გაფართოება.

აქვე შევამჩნიე, რომ მეორე მხრიდან ტერმიტებს ხე უფრო მეტად გამოეხრათ.

ბალას დახმარებით, რომელიც შიგნიდან მოქმედებდა, შევუდექით დამპალი ხის ნაჭრების მოგლეჯას ფულუროდან, და დროგამოშვებით გარედან ვცემდით კრიშნაპას ნაჯახს. მუშა-

ობის მეტი წილი ჩვენს ნაცვლად ტერმიტებს ჩაეტარებინათ. და თანდათანობით არა თუ გავაფართოვეთ ხერელი, რომელშიც ბალა ჩაძვრა, არამედ გავხსენით ფულუროს მოპირდაპირე მხარე ზემოდან მუხლების დონემდე; ამ მიმე სამუშაომ წავგვართვა დაახლოებით ორი საათი, და ბოლოს შევქელი ფულუროში ჩაძრომა და საკმაოდ თავისუფლად ვამოძრავებდი ხელებს.

მაგრამ ჩემს პოზიციას ჰქონდა მთელი რიგი სერიოზული ნაკლოვანებანი, უპირველეს ყოვლისა, ზურგით ვიდექი იმ ადგილისაკენ, სადაც ვეფხვმა დააგდო ქალი, და სადაც მოსალოდნელი იყო მისი დაბრუნება, თუკი საერთოდ დაბრუნდებოდა უკან. იმ მიმართულებით ყურებას ხის შტამბი მიშლიდა. მეორე მხრიდან ხერელის გაკეთება ჩვენ არ შეგვეძლო, რადგან ამისათვის არც ღრო გვეყოფნიდა და არც ხმაურის ატეხვა გვინდოდა.

მოფიქრების შემდეგ გადავწყვიტეთ, რომ მოკლულის გვამი დაგვედო ცოტა მოშორებით იმ ადგილიდან, სადაც ის მიატოვა ვეფხვა. თორემ სანამ შევიტყობდი მის მოსვლას, ვეფხვს შეეძლო ნადავლი გაეტაცა, ან შეექვამა ჩემგან ხუთი იარდის მოშორებით და ვერაფერს ვერ გავაკეთებდი. რასაკვირველია, შემეძლო გამოვმძვრალიყავი საფარიდან და, მიპარვით შემომეველო ხისთვის. მაგრამ ეს იყო სარისკო საქმე. გარდა ამისა, სიბნელეში ფულუროდან ამოსვლის დროს ხმაურს ავტეხდი და ეს აიძულებდა ვეფხვს გაქცეულიყო. ანდა — ეს ყველაზე მეტი საშინელება იქნებოდა — ხის შემოვლის დროს შეეძლო დამტაკებოდა. არასასიამოვნო პერსპექტივა!

მეორე დიდი ნაკლი ის იყო, რომ მთელი ღამე ფეხზე უნდა ვმდგარიყავი. ქვევით ძალიან ვიწრო ფულურო არ მაძლევდა ჩამუხლების საშუალებასაც კი.

შემდეგ ვეფხვი, სანამ გვამს მიუახლოვდებოდა და ადგილმდებარეობას დაზვერავდა, როგორც მოიქცეოდა ყველა გონიერი ნადირი, უმაღვე დამინახავდა, როცა ჩვენ მიერ ამოჭრილი ხერელის მოპირდაპირე მხარეზე აღმოჩნდებოდა. რა თქმა უნდა, ვბრძანებ შენიღბონ იგი ფოთლებითა და ხვი-

არა მცენარეებით, მაგრამ შევძლებდი კი ჭუნგლების ბინადარის მოტყუებას? ხომ არ შეეპყვლება, რომ ჯერ კიდევ დილით სოულიად მიშველ შტამბზე გაჩნდა ფოთლები და სხვა მცენარეულობა?

და თუ კობრამ, მორიელმა ან სხვა მხოხავმა ქვეწარმავალმაც აირჩია ეს ფულურო თავშესაფარად გრილ ღამეში, მე აღმოვაჩინდი საშინელ მდგომარეობაში. საერთოდ შეიძლება და წამოჭრილიყო იმდენი მოულოდნელი უსიამოვნებანი, რომ გადავწყვიტე მათზე არ მეფიქრა.

პალტო მიწაზე დავაფინე, ზედ დავყარე მთელი ნაგავი და გადავიტანეთ მოშორებით. ამის შემდეგ გავეშურეთ ქოხისაკენ და ბალამ გაბედულად შეიგდო მხარზე ცოლის გვამი. ნელი ნაბიჯით, ჩუმად დაგბრუნდით ხესთან. ბალას ვთხოვე ცოლის სხეული ჩვენს მიერ გაკეთებული ხვრელიდან ცოტა მარცხნივ დაედო ისე, რომ ცქერის დროს ვეფხვს არ შევემჩინე. ფულუროში ძლივს მოვთავსდი თოფით; შეეკვამე ჩაპატი და დავლიე ჩაი, მათარა კი ალი ბეგს მივეცი.

ჩაძვერი ფულუროში. ბალამ და კრიშნაპამ ხვრელს ტოტები მიაფარეს და ფოთლებითა და ხვიარა მცენარეებით შენიღბეს. ბალა რამდენიმე ნაბიჯით უკან იხევდა, რომ შეემოწმებინა, ხომ არ ვჩანდი გარედან. ხვრელის განივ ჩემი მკერდის სიმაღლეზე მან ჩაამაგრა დიდი ჯოხი, რომელზეც სროლის დროს შემეძლო თოფის დაყრდნობა. ვცადე უხმოდ თოფის აღმართვა; ძლივს ამოვაცოცე ზევით და ჯოხზე დავდე. ბალამ შენიღბა ხვართქლათი ჯოხი და ხის შტამბი ორივე მხრიდან. ბოლოს სამი ტოტის ძირში, რომლის ქვემოთ იყო ფულურო, იმდენი ტოტები და ფოთლები მიამაგრეს, რომ ჩაკეტილი აღმოვჩინდი ჩემს თავშესაფარში.

ვიდრე წავიდოდა, ბალა გამოეთხოვა თავის მკვდარ ცოლს, დაუკოცნა ცივი შუბლი და ფეხის გულეები. მერმე მუხლებზე დაიჩოქა, მიწაზე დაემხო და პატიებას თხოვდა მისი გაუბედურებული გვამის შებილწვისათვის.

როდესაც წამოდგა, თვალეებზე ცრემლი აღარ ჰქონდა, სახე კი გაბედულ გამომეტყველებას გამოხატავდა. მან შემომხედა და ჩვენს შორის კვლავ წარმოიშვა ჭუნგლების მოყვარული ორი ადამიანის სულიერი კავშირი. მისი გამოხედვა ყოველ-

გვარ მჭევრმეტყველურ სიტყვაზე უკეთ ღალაღებდა: „ყველა-ფერი, რაც შემეძლო, გავაკეთე, საყვარელი ცოლის სხეულიც კი გავსწირე. დანარჩენი შენზეა დამოკიდებული“. ჩემ თავს სიტყვა მივეცი, რომ მის იმედებს გავამართლებდი.

ერთი წუთის შემდეგ ჩემი თანამგზავრები გაეშურენ ქობისაკენ, მე კი მარტო დავრჩი.

ხუთს თხუთმეტი წუთი აკლდა. ბუჩქნარის ტოტებში შემოღწეული შუქი მუქ წითელ წინწყლებად ეფინებოდა სარის, რომელშიც ბალამ გაახვია მეუღლის გვამი. ჩამოშლილი თმები ლამაზად შემოხვეოდა მის მშვიდ სახეს, რომელიც ჩემსკენ ჰქონდა მოშვერილი. მიცვალებულს ერთი ხელი გულზე ესვენა. ალბათ იმ მდგომარეობაში, როგორც დაუჭდო ის დილით ქმარმა, როცა უსულო სხეული მოჰქონდა ქობში; მეორე გაშვერილი ხელი გვერდით ედო.

ირგვლივ სრული სიწყნარე სუფევდა; მხოლოდ ნიავი დანავარდობდა ფოთლებსა და ბალახებზე, ათამაშებდა ქსოვილის ყურს და ნაზად არხევდა მკვდარი ქალის კუბრივით შავი თმის კულულს. არავითარი ხმაური, გარდა მაჯის საათის სუსტი ტიკ-ტიკისა და რაღაც ყრუ ბაგა-ბუგისა. უცბად ვერ მივხვდი, რომ ეს ჩემი გულისცემაა. ზურგით მაყრდნობილმა ფრთხილად, ნელ-ნელა გავჭიმე ფეხები. მათ ხომ მთელი ღამე უნდა გაეძლოთ ჩემი სხეულის სიმძიმისათვის, და ჩემს მხრიავაც მზრუნველობისა და დახმარების აღმოჩენა იყო საჭირო.

ორმოცდა ხუთი წუთის შემდეგ ჯუნგლები გამოცოცხლდა—გაისმა დასაბუღებლად მიმავალი ფარშევანგებისა და ტყის მამლების ხმაური. ერთმა ნაცარა მამლაცინწამ ჩემ წინ მინდორზე ჩაიარა და გამომწვევად ყიყლიყო გასძახა მიღეულ დღეს. „კუკ კი-ა კია კუკ-მ“, — ყიოდა ის. რამდენიმე წამის შემდეგ შორიდან მოისმა: „უხვი, კუკ კუკ-მ“. მამლაცინწამ ფრთები გაშალა და გაიხედა იმ მიმართულებით, საიდანაც პასუხი მიიღო. ქარმა დაბერა და შეარხია სარის კალთა. ფრთების მძიმე ქნევით მამლაცინწა გაფრინდა.

„მი-კაო მი-კაო“, — ისმოდა ფარშევანგების დაჟინებული ყვირილი და ერთიმეორის მიყოლებით ზევით აზრენილი დიდი ფრინველები გუნდებად სხდებოდნენ მოშორებული ხე-

ბის ტორტებზე. დაგვიანებული პეპლები და ხოჭოები დაფარვატებდნენ ჰაერში ან ბზუილით სხდებოდნენ ფოთლების ქვეშ და სხვა თავშესაფარში, რომლებიც ღამის გასათევად ჰქონდათ შერჩეული.

როგორც იცის ხოლმე ტროპიკებში, დღე მალე მიიწურა. ჩემმა ფრთოსანმა მეგობრებმა უეჭველად უკვე დაიბუდეს, თუ არა და მალე დაიბუდებენ. დაბნელებისთანავე ერთ იარაღზე ჩემგან მოშორებით რაღაც მომრგვალო დაჯდა მიწაზე. ეს თხაწველიაა — ინდოეთის ჯუნგლების ღამის მაუწყებელი.

„ჩუკ-ჩუკ-ჩუკუუ? — იმეორებდა ის. ხმელი ბალახის ფონზე მისი ყავისფერი სხეული ქვას მოგაგონებდათ. მაგრამ აი, მან ლაპაზად გაშალა ფრთები და გაფრინდა. „ჩიპ-ჩიპ-ჩიპ“, — გაისმა ჩემს ზემოთ, ორი ღამურა სწრაფად უვლიდა წრეს ხის ირგვლივ, და ფრენის დროს იტაცებდა ნაადრევად გამომძვრალ ღამის მწერებს ან დღის ხოჭოებს, რომლებსაც დაძალვა ვერ მოესწროთ.

მე წინათაც მრავალგზის მინახავს, როგორ იწურება დღე და მის ნაცვლად შემოდის ღამე, მაგრამ არასოდეს არ ვყოფილვარ ასეთ მდგომარეობაში.

სრულიად დაბნელდა, მხოლოდ ცოტახნით. აი, უკვე ცაზე აკიაფდნენ ვარსკვლავები და ჯუნგლებს ტყორცნეს მკრალა ნათელი. ამ უმთვარო ღამეში ისინი ჩემთვის უნდა ყოფილიყვნენ სინათლის ერთადერთი წყარო.

ქიქლებმა ვერ აღმომაჩინეს უცბად, მაგრამ როცა მათმა მზვერავეებმა ჩემს თავშესაფარს მოაგნეს, სულ რამდენიმე წამი დასჭირდათ, რომ ამის შესახებ ეცნობებინათ მთავარ ბინაში. და მაშინ მოპოკირე ბომბდამშენის მთელი ესკადრილია დამესხა თავს. ფულტოროში შემოფრენილი ჩემი სისხლის მსმელი გამბედავი მწერები რომ მომეტყუებინა, ქვედა ტუჩი გამოვიშვირე და სულის შებერვით ვიშორებდი სახიდან. ხელები კი შარვლის ჯიბეში ჩავიწყე.

გახდა რვა საათი. მე ხან ერთსა და ხან მეორე ფეხს ვწევდი ზევით და ვამოძრავებდი თითებს ტილოს ფეხსაკმელში, რომ გამეუმჯობესებინა სისხლის მიმოქცევა ტერფებში. მთელი ღამე სატანჯველად გავწირე თავი, თუმცა ცნობილი იყო,

რომ ეს კაციჰამია არასდროს არ უბრუნდება მის მიერ მოკლული ადამიანის გვამს. მაგრამ თვალწინ წარმომიდგა ბალას ატირებული სახე და ჩემგან ასე ახლოს მყოფი მოკლული ქალის სახის გამომეტყველება, და მივხვდი, რომ სხვანაირად მოქცევა არ შემიძლო.

უეცრად ყურები ვცქვიტე, ნერვები უკიდურესობამდე ნქონდა დაძაბული. ვერაფერს ვხედავდი, არც არაფერი მესმოდა, მაგრამ ჩემი სახელივით ზუსტად ვიცოდი, რომ კაციჰამია ჩემს გვერდითაა. ტანში გამაჟრჟოლა. რალაც გამოურკვეველი, მიუწვდომელი წინათგრძნობა მაფრთხილებდა.

უეჭველად, ვეფხვი ახლოა!

სმენა დავძაბე, ვცდილობდი, რაიმე შრიალი მაინც გამეგონა, მაგრამ სრული სიჩუმე სუფევდა. არც ირემი და არც ჭუნგლების სხვა რომელიმე ცხოველი არ იძლეოდა ყვირილით ნიშანს მტაცებლის მოახლოების შესახებ.

სრული სიჩუმე და ის, რომ ვეფხვი არ ჩქარობდა გვამთან მისვლას, მხოლოდ ერთს ნიშნავდა — რომ ის რალაცამ შეაშფოთა. რა იყო ეს — ბალასთან მისი შეტაკების დროს შთაგონებული შიშის შედეგი, თუ ხედავდა ან გრძნობდა რაიმეს მახლობლად? და რაც მთავარია, ხედავდა და გრძნობდა თუ არა ჩემ აქ ყოფნას?

უეცრად სიჩუმე, რომელიც საუკუნედ მეჩვენებოდა, დაარღვია ფშვინვამ და მიწაზე გათრეული სიმძიმით გამოწვეულმა ხმაურმა. ვეფხვმა უეჭველად გადაწყვიტა თავისი მსხვერპლის გატაცება. ერთი წუთიც და ხელიდან გამისხლტებოდა.

მე უკვე მზად ვიყავი უკუმეგდო სიფრთხილე, აშკარად ამომელო თოფი, ამენტო ფარანი და გაბედულად მესროლა, მაგრამ ხმაური მოულოდნელად შეწყდა. ნუთუ ვეფხვმა გვამი გაიტაცა? და ამ დროს ხის მეორე მხრიდან გავიგონე ძვლების ხრამუნნი.

ყველაფერი უბრალოდ მოხდა. ვეფხვმა რატომღაც გვამი სწორედ იმ ადგილზე გადაათრია, სადაც დილით მიატოვა. ალბათ იფიქრა, რომ მის მოსვლამდე ტურამ ან აფთარმა გადაათრია გვამი, ან შეიძლება ინსტინქტი კარნახობდა; ყოველ შემთხვევაში აშკარა იყო, რომ ის ვერაფერს ამჩნევდა, თორემ

ან ჩუმად გაშორდებოდა იქაურობას, ან დააჩქარებდა გვამის წაღებას.

თავისუფლად ამოვისუნთქე, მაგრამ მოულოდნელად თავში აზრმა გამიელვა: ახლა რომ თოფი ვესროლო, ანდა ამოვიღე საფარიდან და შემოვუარო ხეს. შავბნელი ფიქრი გულზე ლოდოვით დამაწვა!

გახსოვთ ალბათ, რომ ბალამ და კრიშნაპამ ფოთლებითა და ხვარაქლათი ამოხერგეს ფულუროს შესავალი... პირველყოვლისა, უნდა მომეშორებინა ისინი. ამ დროს აუცილებლად ატყდებოდა ხმაური, თუნდაც სუსტი. თუ ის მიაღწევდა ვეფხვის ყურამდე, ის გაიქცეოდა, ან, რაც გაცილებით უფრო ცუდია — შემოუვლიდა ხეს, რომ შეეგრძნო ხმაურის მიზეზი და აღმოვეჩინე, სანამ მე მოვემზადებოდი.

რჩებოდა ერთი გამოსავალი — მიმეცა ვეფხვისათვის ჭამით გართობის საშუალება. ასეც მოვიქეცი.

როცა ის ხორცს გლვჯდა, ძვლებს ღრღნიდა და ასრამუნებდა, მე ამ დროს ჩუმად ერთმანეთში ჩახლართულ ლიანებს და ჯოხებს ნელ-ნელა ვიღებდი და ფულუროს ძირში ჩემს ფეხებთან ვაწყობდი. ამგვარად გავწმინდე გამოსასვლელი. შემდეგ ავწიე მარჯვენა ფეხი, და სისხლის ცირკულაცია რომ აღმედგინა, ერთი წუთით დავიჭირე ასეთ მდგომარეობაში, შემდეგ ფულუროს მეორე მხარეზე ფრთხილად დავდგი. მერმე ცოტა შევიცადე. ძვლების ხრამუნი გრძელდებოდა. მაშინ წონასწორობის შესანარჩუნებლად ხელი ჩავჭიდე ხის შტამბს და ძალიან ფრთხილად მარცხენა ფეხი მარჯვენას მივადგი.

რამდენიმე წამს კიდევ არ ვიყავი მზად სროლისათვის, და კაციჭამიას რომ შევემჩინე, კარგი დღე არ დამადგებოდა. საბედნიეროდ, ვეფხვი ძალიან იყო ჭამით გართული. თითო დუიმით მივიწევდი წინ, კიდევ ერთი დუიმი და ვეფხვის წინ აღმოვეჩნდებოდი. ამ დროს ვეფხვს დრუნჩი ხისკენ რომ ჰქონოდა მიმართული, უეჭველად დამინახავდა. მაგრამ მე კიდევ მქონდა შანსი — ცოტა ხანს კიდევ ვერ შევემჩინე.

დადგა მოქმედების დრო, დავვიანება აღარ შეიძლებოდა, ავწიე თოფი მალა, კონდახი მხარზე მივიბჯინე და ოდნავ წინ წავიწიე. შემდეგ ცოტა დავიგრძელე კისერი და შტამბიდან გავხედე, ჩემი თვალები მიჩვეულია გაფანტულ სინათლეს, და

კარგად დავინახე უფრო მომავალი სიგრილით გაჭიმული ვეფხვი. ეს იყო ყველაფერი, რაც დარჩა ქალის გვაშიდან. ვეფხვი ნახევრად შემობრუნებული იწვა ჩემკენ და გაპყურებდა იმ მიმართულებით, საიდანაც სადამოს მოვიდა. ჩემ თოფზე სამიზნე არ ჩანდა, და რომ მესროლა, საჭირო იყო ფარნის ჩართვა.

ფრთხილად ავწიე მარცხენა ხელი, დავაყენე თოფი სასროლ მდგომარეობაში და ცერით სწრაფად მოვსინჯე ფარნის ჩამრთველი. რატომღაც შეიგრძნო ვეფხვმა, რომ მას საშიშროება ემუქრება. უკან მოიხედა, მაგრამ უმაღლეს სინათლის სხივი ეცა მოელვარე თვალებში. პირში ხორცის ნაჭრები ჰქონდა გამოჩრილი.

პირველი ტყვია ვეფხვს კისერში მოხვდა. როდესაც ის ახტა და გადატრიალდა, მე ელვისებური სისწრაფით დავახალე მეორე ტყვია და შემდეგ მესამე, ის გაშმაგებით იგრიხებოდა, მაგრამ ერთბაშად — აღარ ვიამბობთ, თუ როგორ მოხდა ეს, — უცბად გაქრა.

პირველი და მომდევნო სროლის შემდეგ ის ტკივილისა და მძვინვარებისაგან ღმუოდა და სულთმობრძავი ბუჩქების ტოტებს ამტვრევდა, მაგრამ მეტად აღარ დამინახავს. კაცი-კამია ჯუნგლებში მიიმალა.

სასწრაფოდ დავიმაღლე ხმელი ხის ფულფროში და მინდოდა თოფის ცარიელი სავაზნე კოლოფი შემევესო, მაგრამ წამსვე გავიფიქრე, თუ ტყვია გაიჩხირებოდა, რაც ხშირად ხდება 405-ყალიბის ვინჩესტერის ხელახალი გატენის დროს და მე სრულიად უმწეო მდგომარეობაში აღმოვჩნდებოდი. გადავწყვიტე, დავრჩენილიყავი ერთი ტყვიისამარა. თუმცა ჩემი თოფის სავაზნე კოლოფი იტევდა ხუთ ტყვიას, მაგრამ ჩვეულებრივ მტაცებელზე სანადიროდ წასვლისას ოთხი ვაზნით ვტენიდი ხოლმე. ეს იყო სიფრთხილის დამატებითი ღონისძიება გაჩხერის წინააღმდეგ.

ვეჭვობდი, სწორედ მოვიქეცი თუ არა, რომ კვლავ ფულფროში ჩავძვერი. შეიძლება უფრო გონიერული ყოფილიყო, გარეთ დავრჩენილიყავი. მაშინ დავინახავდი ვეფხვს, თუ ის თავს დამესხმოდა. ახლა ბუჩქები მიშლიდა ხელს.

მაგრამ სინანული გვიან იყო. უძრავად ვიდექი. მთლიანად

ოფლში გახვითქულს თოფი ხელიდან მისხლტებოდა, ვგრძნობდი საშინელ სისუსტეს და თავის ტკივილს.

ვეფხვი კვლავ განაგრძობდა ღრიალს და ტოტების მტკრევას, მაგრამ ხმაური თანდათან შორიდან ისმოდა და ბოლოს სავსებით მიწყდა. მტაცებელი არ იყო მკვდარი. ყოველ შემთხვევაში, წავიდა. მე სიკვდირს გადავრჩი, და ბედს ვუმაღლოდი ამისათვის. მასაქმა და თავი გაცილებით უკეთ ვიგრძენი.

საუბედუროდ, აღელვებულმა ვერ შევიტყე, რომელი მიმართულებით ისმოდა გადახვეწილი მხეცის ღრიალი, ასეთ სიბნელეში ბალას ქოხისკენ წასვლა თვითმკვლელობას ნიშნავდა. გზის გაკვლევა შეიძლებოდა მხოლოდ ფარნის საშუალებით, სინათლეში კი ვეფხვი დამინახავდა, თუ ის სადმე ახლომახლო იწვა ბუჩქებში.

ამგვარად, დაღლილობისგან მუხლმოკვეთილმა დარჩენილი დამე ამ წყეულ ფულუროში გავატარე. განთიადს სულიერად დაცემული განწყობილებით შევხვდი, თუმცა არც ერთ წუთს არ დამვიწყნია, რომ ბედმა გამიღიმა და ცოცხალი დავრჩი.

როგორც კი იმდენად ინათა, რომ შეიძლებოდა რაიმეს დანახვა, გამოვძვერი ფულუროდან და სრულიად ქანცგაწყვეტილი მიწაზე დავეშვი. მდგარხართ ოდესმე მთელი დამე ფეხზე თითქმის ცამეტი საათის განმავლობაში? თუ არა, მაშინ სცადეთ.

თხუთმეტ წუთს ვისვენებდი. შემდეგ წავედი დამეხედა იმისათვის, რისი ნახვაც ჯერ კიდევ შეიძლებოდა: სანამ ვეფხვი გართული იყო ქელეხით, მე კი გავათავისუფლებდი გამოსასვლელს ჯოხებისა და ფოთლებისაგან და ფულუროდან ამოვძვრებოდი, გავიდა ათი — ან დიდი-დიდი თხუთმეტი წუთი. ამ ხნის განმავლობაში ვეფხვმა შესანსლა ქალის გვამის დიდი ნაწილი.

იქ, სადაც ვეფხვი სულთმობრძავი ბორგავდა, მიწა გადაქეპილი იყო. აქედან მას უდიდესი ნახტომი გაეკეთებინა ორი იარდის მანძილზე მდებარე ბუჩქნარში. აქ ბუჩქები დამტკრეული, ფოთლები კი სისხლით მოსვრილი იყო. ამ ადგილიდან სისხლიანი ნაკვალევი მიდიოდა ჯუნგლებში. რამდენიმე იარდი გავიარე ნაკვალევზე და დავრწმუნდი, რომ მას

მიყვავდი ჩრდილოეთისაკენ. მაშასადამე შემეძლო შედარებით მშვიდად დაებრუნებულიყავი ქობში.

ასეც მოვიქეცი. აღმოჩნდა, რომ ბალას და ტყისმცველებს თეთრად გაეთენებინათ ღამე და სროლის ხმა რომ გაეგონათ, გარიჟრაჟზე წამოსულიყვნენ ჩემს შესახვედრად, მაგრამ მხოლოდ ერთი ფარლანგი ექნებოდათ გავლილი, რომ შედგნენ და მე დამელოდნენ. რასაკვირველია, ისინი, კიდევ განაგრძობდნენ გზას, მაგრამ ალი ბეგს გაეფრთხილებინა, რომ შესაძლებელია მან მხოლოდ დაჭრა ვეფხვი, და გაურკვეველია, სად იმალება მხეციო.

მე ვუამბე ყველაფერი, რაც ამ საშინელ ღამეს მოხდა. ჩემი საათი შვიდის ნახევარს უჩვენებდა. ვეფხვს, როგორც ჩანს, დაახლოებით საღამოს ცხრის ნახევარზე ვესროლე, ესე იგი ათი საათის წინათ. ვეფხვი ამასობაში უნდა მომკვდარიყო, ანდა სისხლისაგან დაცლილი საღმე უნდა წოლილიყო ცოცხალმკვდარი. მოთმინება აღარ მყოფნიდა, რაც შეიძლება სწრაფად მივყოლოდი სისხლიან ნაკვალევს.

ალი ბეგს იარაღი არ ჰქონდა, და ვურჩიე ქობში დარჩენილიყო. მან მიპასუხა, რომ მარტო დარჩენის ეშინია და ამჯობინებს ჩვენთან წამოსვლას და ბედის გამოცდას. ამგვარად, ჩვენ დაებრუნდით გამხმარ ხესთან. მე გავაფრთხილე ბალა, რომ იძულებული ვიყავი მიმეცა ვეფხვისათვის ჭამის საშუალება, სანამ გამოსასვლელს გავათავისუფლებდი. ის დამეთანხმა, რომ ეს აუცილებელი იყო, მაგრამ საწყალი ქალის გვამის შესახედაობამ მთლად გაანადგურა ბალა. მწუხარებისაგან გულმოკლული ხმამაღლა ატირდა.

ბალას არასგზით არ უნდოდა წასვლა, სანამ გვამის ნარჩენების კრემაციას არ ჩაატარებდა: ბევრი ვცადეთ მე და ტყისმცველებმა, მოგვეზინა ბალაზე გავლენა, მაგრამ მხოლოდ ალი ბეგმა შეძლო მისი დაყოლიება. მან პირდაპირ განუცხადა, რომ ჩვენ ყველას, და განსაკუთრებით კი ბალას, მოგველის დიდი უსიამოვნება ადგილობრივი პოლიციის მხრივ, თუ ბალა ჩაატარებს გვამის კრემაციას გამოკვლევამდე. მაშინ ჩვენ დავამტვრიეთ ტოტები და დავაფარეთ ნეშტს, რომ დაგვეცვა სვავებისაგან, რომლებიც დაუყოვნებლივ დააცხრებოდნენ გვამის ნარჩენებს.

იმედი გვქონდა, ვნახავდით ვეფხვს ცოცხალს ან მკვდარს სადმე ახლოს, მალე დავბრუნდებოდით უკანვე და გავაკეთებდით საჭირო განცხადებას პოლიციაში.

მაგრამ ასე როდი მოხდა.

სისხლიან კვალს ბუჩქნარში მივყავდით. როგორც მე შევამჩნიე, ვეფხვი ორ ადგილას იყო დაჭრილი. ერთი ჭრილობა სხეულის ზედა ნაწილში ჰქონდა, მეორედან განუწყვეტლივ წვეთავდა სისხლი. ამ კვალზე მიყოლის დროს აღმოვაჩინე აპკის ნაჭერზე დალეკვრტებული სისხლი, საიდანაც დავსკვინი, რომ ვეფხვისათვის ტყვია სტომაქში მომირტყამს.

პირველად ცხოველს დაუსვენია ორი ფარლანგის მოშორებით გამხმარი ხიდან. აქ მიწაზე დაყრილი სისხლიანი ხორცის ნაჭრები ცხადყოფდნენ, რომ ვეფხვს საშინელი გულისრევა ჰქონია და რომ ჩემი ვარაუდი სწორია.

ნახევარი მილის შემდეგ მან შეისვენა. ორი პატარა სისხლის გუბეც ადასტურებდა, რომ მას ორი ჭრილობა ჰქონდა. როგორც ჩანდა, კუჭში ჭრილობა უფრო სახიფათო იყო, რადგან იქედან უფრო მეტი სისხლი დიოდა.

მიუხედავად ამისა, ცხოველი განაგრძობდა სვლას. მკაფიო სისხლიანი ნაკვალევი თანდათან შეუმჩნეველი გახდა. შესაძლებელია, აპკი ან ქონი გადაეფარა ჭრილობას კუჭში, და შეწყდა სისხლის დენა.

მივადექით ნაკადულს, რომელიც ორ გორაკს შორის მირაკრავებდა. ამ ადგილას ვეფხვი ალბათ ჩაწვა წყალში, რომელსაც ჯერ კიდევ მოვარდისფრო ელფერი გადაჰკრავდა. მოპირდაპირე ნაპირზე მოჩანდა სისხლიანი ვიწრო ზოლი. აქ ვეფხვს იმდენი ებორიალა ძნელ გზაზე, რომ პირველად გარკვევით დავინახეთ თათების ანაბეჭდები, რომლებიც უკველად მსხვილ ხვადს ეკუთვნოდა.

ნაკვალევი გრძელდებოდა შემდეგაც, მაგრამ სისხლის წვეთები უკვე იშვიათად გვხვდებოდა. მე, სიმართლე რომ ვთქვა, გაოცებული ვიყავი. ჩემი მრავალი წლის გამოცდილებით, ვეფხვი უნდა დაცლილიყო სისხლისაგან. ამის ნაცვლად ის ჯიუტად მიიწევდა წინ და გეზი ჩრდილოეთისაკენ ჰქონდა აღებული. სისხლის წვეთები ახლა ძალზე იშვიათად გვხვდებოდა და სიარული გაგვიძნელდა. შევიჭვრით ჯუნგლების

სიღრმეში, მეტად შორს, სადაც მხოლოდ აქა-იქ გვხვდებოდა ცხოველების მიერ გატყეპნილი ბილიკები. მთაგორიანი ადგილები დასერილი იყო ღრმა ხეებით, სადაც წვრილ ნაკადებად მიიკლაკნებოდა ნაკადულები. წყალი უხვად იყო, და როგორც ჩანს, ვეფხვი არა ერთხელ შეჩერდა წყურვილის მოსაკლავად. დიდი ხეები შეცვალა ხშირმა ბუჩქნარმა, რომელშიც ძირითადად ლანტანი და სხვა ეკლიანი მცენარეეები ხარობდა.

დაახლოებით დღის პირველ საათზე წავაწყდით სისხლის უკანასკნელ წვეთს. შემოვიარეთ შემოგარენი, მაგრამ ეს იყო და ეს, მეტი ვერაფერი აღმოვაჩინეთ. კვალი დაიკარგა, დევნა შევწყვიტეთ.

მდუმარედ დავბრუნდით გაზულაპალში, თაკარა მზე აჰერდა. ძალიან დავიღალე, უმაღვე ჩავეშვი მგზავრების მოსაცდელ ოთახში მდგარ სავარძელში და წამსვე ჩამეძინა.

მისტერ ბალასუბრამანიამმა დეპეშა გაგზავნა პოლიციაში, და მეორე დღეს ნანდიალიდან ამოვიდნენ პოლიციელები. ჩვენ მათთან ერთად გავეშურეთ გამხმარი ხისაკენ.

უბედური ქალის ნეშტს გახრწნა დაეწყო. სუნი ერთ ფარლანგზე იგრძნობოდა. ფოთლებს, რომლითაც დავფარეთ მისი გვამის ნარჩენები, ბუზების გუნდი დასეოდა. უმცროსი პოლიციელი მივიყვანე ხის ფუღუროსთან, სადაც წინა ღამით ვიძალეობდი, და ვუამბე მთელი ისტორია. ცამეტფურცლიანი აქტი დაიწერა, აქედან ექვსი ფურცელი დასჭირდა ჩემს ჩვენებას.

ბალამ ითხოვა ცოლის გვამის კრემაციის ნებართვა. ჩვენ მდუმარედ ვადევნებდით თვალს, ბალამ და ტყისმცველებმა მოაგროვეს ფიჩხი, დადეს ზედ ქალის ნეშტი, ზემოდან ხმელი ტოტები დააყარეს და დაანთეს დიდი კოცონი. ეს იყო უბრალო და სამწუხარო ცერემონია, ირგვლივ დამწვარი ხორცის სუნე იდგა. მე დავრჩი ბალას თანაგრძნობის გამო. პოლიციელი, რომელსაც გული ერეოდა, გადგა გვერდზე და ხეს მიეყრდნო.

მეორე დღეს ბალას თვალეებში ველარ ვუყურებდი. ისეთი გრძნობა მქონდა, თითქოს მოვატყუე. ახალგაზრდა კაცი მიხვდა. ის შემოვიდა ბალასუბრამანიამთან ერთად მგზავრების ოთახში, სადაც მე ვიჯექი, და თხოვა სადგურის უფროსს, გადაეთარგმნა მისი სიტყვები.

გადაეცით დორაის, არ იღარდოს, რომ მან ვერ მოჰკლა ვეფხვი. ვიცი, მან ყველაფერი გააკეთა, რაც შეეძლო. — სხვა ვერავინ და მეც კი, ვერ გავაკეთებდი მეტს.

ამაზე უკეთეს სიტყვებს ვერავინ მეტყვოდა დასაწყენარებლად. გულზე მომეშვა და ბალასუბრამანიამს ვთხოვე მადლობა გადაეხადა ბალასთვის ამ სიტყვებისა და ჩემთვის გაწეული დახმარებისა და ყურადღების გამო.

გაზულაპალში კიდევ ერთი კვირა დავრჩი, მაგრამ ახალი არაფერი გამიგია. ავაზამ მოკლა დიგუვამეტში დაბმული ერთ-ერთი ჩემი მისატყუარი. გავეშურე იქ და, რომ დავრწმუნდი, ის მართლა ავაზას ნამოქმედარი იყო, მიუხედავად ჟოზეფის უკმაყოფილებისა, ნადირსავე დავუტოვე შეუჭმელი მისატყუარი.

კვირის ბოლოს გამოვემშვიდობე ჩემს ახალ მეგობრებს, რომლებიც მენმარებოდნენ და ხელს მიწყობდნენ ჯუნგლებში ყოფნისას. მისატყუარად ნაყიდი მოზვრები დავუბრვი ტყისმცველებს, დანარჩენი კი ბალას ვაჩუქე.

ბანგალურში რომ დავბრუნდი, სამი თვის შემდეგ ვეფხვმა მოკლა კაცი მდინარე კრიშნას მახლობლად, ჰაიდარაბადის სათავადოში. სამი თვის შემდეგ ბოგარიდან რამდენიმე მილზე მოკლულ იქნა კიდევ ერთი კაცი.

ამის შემდეგ მტაცებელი იშვიათად ხოცავდა ადამიანებს, მაგრამ მკვლევლობა მაინც ხდებოდა.

გადარჩა თუ არა ჩემ მიერ დაჭრილი კაციჭამია? განაახლა თუ არა მან თავისი თავდასხმები? ანდა ამავე რაიონში შეიძლება მოქმედებდა ორი კაციჭამია, რომელთაგან ერთმა მოკლა დიგუვამეტში ყვავილების მკრეფავი ქალი, მეორემ კი — ბალას ცოლი? და თუ მართლაც სინამდვილეში კაციჭამია ორი იყო, მაშინ რომელმა მათგანმა იმსხვერპლა უკანააკნელად ადამიანები? თუ დამნაშავეა მესამე ვეფხვი, რომელიც ახლახან გახდა კაციჭამია?

არ შემიძლია ამ კითხვებზე პასუხის გაცემა, და ეს ზოგჯერ მაწუხებს. არაფერს დავიშურებდი, რომ ჭეშმარიტება დამედგინა.



თ ა ვ ი მ ე შ ვ ი ლ ე

დიდი ბიზონი გედესალიდან

არ მინდა შემოგთავაზოთ ჩვეულებრივი სამონადირო მოთხრობა იმაზე, თუ როგორ მოვკალი ან დავეჭერი დიდი ბიზონი. თუ თქვენ ფიქრობთ, რომ მოისმენთ რალაც ამის მსგავსს, იმედგაცრუებული დარჩებით, ვინაიდან არასდროს არ მისვრია მისთვის ტყვია და არც ვაპირებ სროლას: მეტისმეტად მხიბლავს ეს ცხოველი.

დიდმა ბიზონმა, მამაცმა ბებერმა მებრძოლმა, პატიოსნად დაიმსახურა ჯოგის მბრძანებლისა და წინამძღოლის სახელი, ჯოგისა, რომელზეც ასე ერთგულად ზრუნავდა: რომ შეეძლოს ჩემი გაგება, მე მას ჩემს საამაყო მეგობრად ჩავთვლიდი.

გედესალი შოლაგას ტომით დასახლებული პატარა სოფელია „ბიზონების ზონის“ ცენტრალურ ნაწილში, როგორც მე ვუწოდებ კოიმბატურის ოლქის ჩრდილოეთით მდებარე ტყიან რაიონს. დასავლეთიდან გედესალს ეფარება ბილიგირიანგანის მთები, რომლის ფერდობზე სალ კლდეებს ლამაზად ენაც-

ვლება მწვანე კორდები. აღმოსავლეთით გადაჭიმულია მეორე მთაგრეხილი. რომელიც სიმაღლითა და ზვიადობით ვერ შეედრება ბილიგირირანგანს. ეს დაბალი მთები მთლიანად ტყეს დაუფარავს, სადაც ქარბობს ფინიკის ველური პალმები. მათ შორის ხარობს ათი ფუტი სიმაღლის „ვეფხვისბალახა“. წლის შუა პერიოდში პალმებზე მწიფდება ყვითელი, გამოფიტული და სრულიად უგემური ფინიკი, რომელიც ფრინველებისა და მხეცების საყვარელი საჭმელია.

აღვიმედებარეობის ტოპოგრაფია, მცენარეულობისა და ფინიკების სიუხვე აქ იზიდავს ბიზონებს, სამბარებსა და დათვებს.

მთის ორ ქედს შუა ჩრდილოეთიდან სამხრეთისაკენ გადაჭიმულია დაბლობი, რომლის ერთ მხარეზე კოლევალიდან დიმიზუმისაკენ მიიკლავება ერთადართი გზა. ის გადის გედესალსა და ამავე სახელწოდების ბუნგალოს შორის.

ეს სახლი არაჩვეულებრივად დიდია სატყეოს ბუნგალოსათვის, აქვს მთელი რიგი მიდგმული ნაგებობანი, რომლებშიც ცხოვრობენ სატყეო სამმართველოს მუშები. სახლის ირგვლივ ვეებერთელა შემოლობილ ნაკვეთში დარგულია მთის მშვენიერი ყვავილები, რომელთა დიდრონი თანაყვავილელი თაიგულს მოგაგონებთ.

ბუნგალოდან სამხრეთით მდებარეობს ქაობიანი დაბლობი, პატარა წყალსატევით, რომლის წყალობით იქ ქორფა მწვანე ბალახი ხარობს. დაბლობში ყოველთვის ბალახობს ხალეზიანი ირმის ჯოგი. უკანასკნელად რომ ჩავედი ამ მხარეში, ჯოგს წინამძღოლობდა საუცხოო რქებიანი საკმაოდ მსხვილი ირემი. მის მუქ ყავისფერ, თითქმის შავ ზურგზე მკვეთრად გამოირჩეოდა თეთრი წინწყლები.

ვიმედოვნებ, რომ არც ერთი მონადირე, ადამიანი იქნება ის თუ მხეცი, არ მოკლავდა მას და იგი დღესაც დაეხეტება თავის „პარამხანით“ გრილ ტენიან ხეობაში, ისეთივე ლალი და ზვიადი, როგორიც ჯუნგლებია, რომელმაც მას ძუძუ აწოვა.

გზიდან აღმოსავლეთით პატარა მთები და დასავლეთით მთაგრეხილის ძირას მდებარე ღრმა ხეობა მრავალრიცხოვანი ბიზონის ჯოგის საძოვარს წარმოადგენს. ხეობაში მიედინება

საკმაოდ დიდი მდინარე, რომლის მასაზრდოებელი შენაკადები ალაგ-ალაგ კვეთენ გზას. ეს, ყველაზე ცხელ თვეებშიც კი დაუშრეტელი წყალსატევი, იზიდავს ცხოველებს.

ბიზონების ჯოგში ოციდან ორმოცამდე, და ზოგჯერ მეტი სულაა. თითოეულში შედის ძროხები, ხბოები და ექვსი მოზრდილი ხარი. ყველაზე ძლიერი ხარი ბრძოლით მოიპოვებს ხოლმე წინამძღოლის უფლებას, სანამ მას არ დაძლევს უფრო ახალგაზრდა და ენერგიული ხარი, ანდა არ დაიღუპება ჯუნგლებში. ხდება ისეც, რომ წინამძღოლი სტოვებს ჯოგს და იწყებს განმარტოებულ არსებობას.

ბიზონები ავადდებიან ისეთი ავადმყოფობით, როგორიცაა ჭირი. ეს სენი მათგან ხშირად გადადის შინაურ პირუტყვზე, რომელსაც შოლაგას ტომი საბალახოდ მიდენის ჯუნგლებში. ამიტომ ნუ გაგიკვირდებათ, თუ გედესალის ახლო წააწყდებით თურქულით დაავადებულ ბიზონს, ანდა სვავებს თუ გაჰყვებით და აღმოაჩენთ ამ საშინელი სენით დაღუპულ ცხოველის ლეშს.

დიდი ბიზონი, რომლის შესახებაც მინდა გიამბოთ, გახლდათ დაახლოებით ოცდაათი სულისაგან შემდგარი ჯოგის წინამძღოლი. ხშირად ვხვდებოდი მას დილაადრიან, როცა ცისნამი ჯერ კიდევ ამომავალი მზის სხივებზე ელვარებდა ანსალამოს, დაახლოებით ექვსის ნახევარზე, გზის მახლობლად ოცდაცხრამეტი და ორმოცდაერთი მილის აღმნიშვნელ სასამნე ქვებს შორის. ადვილი საცნობი იყო ძლიერ დეფორმირებული შიგნით შებრუნებული მარცხენა რქით.

შესაძლოა, რომ სწორედ ამ ნაკლს უნდა უმადლოდეს ბებერი ბიზონი თავის დღეგრძელობას: მისი თავი დიდი ღირებულების ნადავლს არ წარმოადგენდა, თუმცა მარჯვენა რქა საუცხოო მოყვანილობისა ჰქონდა. მართალია, ზოგიერთ მონადირეს, ან იშვიათი ნივთების კოლექციონერს შეუძლია შეაფასოს ბებერი ბიზონის თავი როგორც იშვიათი ეგზემპლარი, მაგრამ, როგორც ჩანს, მას ბედი წყალობდა და ამდენხანს არ შეხვედრია უცნაურობათა ასეთ მოყვარულს.

ბრძოლებში დეფორმირებული რქა ფასდაუდებელ იარაღს წარმოადგენდა: მისი პატრონი იმავე უპირატესობით სარგებლობდა, როგორითაც მარტორქა — თუ ეს მითიური ცხოვე-

ლი ოდესმე არსებობდა, — და შეეძლო მოწინააღმდეგის გაფატვრა ან განგმირვა.

ხშირად ბნელ ღამეში კოლეგალიდან გზაზე გავლის დროს თავის გასართობად გზის ხან ერთ ნაპირს ვანათებდი ფარე-ბით, ხან მეორე ნაპირს. ორ-თუ სამგზის შუქი აირეკლებოდა ხოლმე ბიზონის დიდრონ ცისფერ თვალეში. კარგად რომ დავაკვირდებოდი ვცნობდი ბებერ ხარს.

ეს ვეტერანი პირველად ვნახე რამდენიმე წლის წინ, როცა ბილიგირიანგანის დამრეც ფერდობზე დავეხეტებოდი. მთავარი შარაგზიდან დასავლეთით განშტოებული გზა ჩაუვლის გედესალს, გადაკვეთს ნაკადულს, ადის მთაგრეხილის ღრმულზე, სადაც უჩინარდება და მეორე მხრიდან ეშვება ხევში. ბოლოს გზას მივეყვართ ცნობილი მონადირის, მსხვილ ცხოველებსა და ნადირობაზე საინტერესო წერილების ავტორის მორისის ჩინებულ ბუნგალოსკენ.

ღრმულიდან კარგა მოშორებით დგას ლიცენზიის მქონე მოსამსახურეთა და მონადირეთათვის სატყეოს მიერ ასაწყობ კონსტრუქციებისაგან აგებული სახლი. სახლში ინახებოდა ვენახის ლერწმისაგან მოწნული კიბე. ვიდაც კეთილ აღამიანა გაეკეთებინა ეს იმათთვის, ვისაც არ შეეძლო ხეებზე აცოცება და უმისოდ მაჰანში შესვლა.

იმ დილას სახლს ჩავუარე და მთის მწვერვალს ვუახლოვდებოდი, რომ ერთბაშად გავიგონე დარტყმის ხმა, გამძვინვარებული ქშენა, რასაც მოჰყვა მძიმე სხეულთა ზღართან; ეს მოწმობდა იმას, რომ სადღაც მანლობლად ბიზონები ჩხუბობენ. მეც სასწრაფოდ გავეშურე იქით, ვცდილობდი შეუმჩნევლად მივახლოვებოდი.

მალე ქვევით, ხევში, ჩემგან დაახლოებით სამას იარღზე დავინახე ორი გამძვინვარებული ბიზონის სასტიკი ჭიდილი. თავებით ისე მაგრად დასჯახებოდნენ, რომ რქები ერთმანეთში ჰჭონდათ გადახლართული, ცდილობდნენ ერთიმეორე გადაეჩეხათ. ფართოდ გადგმული, დაჭიმული ფეხები მეტყველებდა იმ ძალაზე, რომელსაც თითოეული მათგანი ხარჯავდა მტრის დასათრგუნავად. დროგამოშვებით ხან ერთი და ხან მეორე ცოტა ხნით ითავისუფლებდა თავსა და რქებს და სწრაფად

ურტყამდა მოწინააღმდეგეს. ვიდრე ის სამაგიერო დარტყმით უპასუხებდა, მათი რქები კვლავ გადაიხლართებოდნენ ხოლმე.

აი, მაშინ შევამჩნიე, რომ ერთ ბიზონს საოცარი ფორმის რქა აძლევს უპირატესობას მტერზე.

თავაწყვეტილი ბრძოლა კიდევ ოც წუთს გრძელდებოდა. შემდეგ მოჩხუბრები დაიქანცნენ და შეტევის ტემპი თანდათან შენედა. ქშენა ხროტინით შეიცვალა, ცხოველების ფერდები ოფლითა და სისხლით დაიფარა, რაც ნათლად ჩანდა შორიდანაც. ხარებს პირიდან ქაფი მოდიოდათ და ტანზე ეშხეფებოდათ.

ბიზონების ბრძოლა არასდროს არ მენახა და ძალიან მინდოდა გამეგო, რით დამთავრდებოდა. საბედნიეროდ, ქარი ჩემსკენ ქროდა და მოწინააღმდეგენი ისე იბრძოდნენ, თითქოს მარტონი ყოფილიყვნენ.

ჩანდა, რომ უპირატესობა რქადაბრეცილი ხარის მხარეზე იყო. მისი მტერი სისხლისაგან იცლებოდა და უკან იწევდა.

მართალია, მან თვითონაც მიაყენა რამდენიმე სპასუხი დარტყმა, მაგრამ ცხადი იყო, რომ დეფორმირებული რქა უზრუნველყოფდა მისი მფლობელის უპირატესობას. ათი წუთიც და მძიმედ დაჭრილმა ცხოველმა წაიბოროძია. რამდენჯერმე დაეცა მუხლებზე. მტერი განუწყვეტლივ სცემდა რქას სხეულში. ბოლოს ბიზონმა ველარ გაუძლო და ბარბაცით გაიქცა. მაგრამ გამარჯვებული არ ცხრებოდა. ვხედავდი, როგორ მისდევდა თავის მოწინააღმდეგეს და რქენდა, ვიდრე ორივენი ხევის გარშემო ატეხილ ჯუნგლებში არ მიიმალნენ.

ცნობისმოყვარეობამ მძლია და ბრძოლის ველისაკენ გავექანდი. ჩლიქებისაგან აჩიჩქნილი მიწა დაახლოებით ოცი იარდის მანძილზე სისხლისა და ქაფის ლაქებით იყო დაფარული.

საკმაოდ დიდი დრო გავიდა, სანამ დავინახავდი ჩემს ბიზონს. ეს მოხდა საღამოს ტბორის ახლო, რომელიც მეოთხედ მილზე მდებარეობს ორმოცდაერთი მილის აღმნიშვნელი სამნიდან. ვეფხვს დაეგლიჯა გედესალის ჯოგიდან ორი ცხოველი. გლეხებმა მაცნობეს, რამდენჯერმე დავინახეთ ის საღამოს განაკაფზე ტბორის მახლობლად.

დაახლოებით ხუთის ნახევრიდან დავეხეტებოდი წყალსატევის ნაპირზე. მინდოდა გამეგო, რომელი მხეცები მოდიოდნენ აქ. ნაკვალევის მიხედვით, აქ უნდა ყოფილიყვნენ ცოტახნის წინათ სპილო, ბიზონი, სამბარი, ხალეზიანი ირემი და გარეული ღორები. ჩანდა, რამდენჯერმე ვეფხვიც მოვიდა. უკანასკნელად — სამი დღის წინათ ჩემს მისვლამდე. ბიზონის ნაკვალევი, როგორც ჩანს, ეკუთვნოდა დიდ ხარს, იმდენად მძიმეს, რომ ის თითქმის ერთი ფუტით ჩაფლულიყო ნაპირზე ჭანჭრობში. ნაკვალევი ბევრ ადგილას მოჩანდა — ეტყობა, ბიზონი აქაურობის ხშირი სტუმარი იყო. ამან გამაოცა: იქვე მახლობლად ხომ მდინარე ჩამოდიოდა, სადაც მას შეეძლო წყურვილის მოკვლა.

ჩემ თანხმლებ შოლაგას ვკითხე, ხომ არ იცი რაიმე ამ ცხოველის შესახებ-მეთქი. ვიციო, — მიპასუხა, — მეცა და სოფლის სხვა მცხოვრებლებსაც ბევრჯერ გვინახავს ბიზონი წინ გამოშვერილი წამახული მარცხენა რქითო... მეხსიერებაში უმაღვე წარმომიდგა დაუფიწყარი ბრძოლის სურათი, რომლის მოწმეც მე გახლდით. გავიფიქრე და გადავწყვიტე, რომ ჩემ წინაა მაშინდელი გამარჯვებული ხარის ნაკვალევი, რადგან რქის ასეთი დეფორმაცია ძალზე იშვიათია.

შოლაგამ მითხრა, ბიზონი ხშირად მოდის ტბორთანო. მას თურმე ჯოგი ტბორის მახლობელ დაბლობში დაჰყავს საბალახოდ, სადაც არაჩვეულებრივი ქორთა ბალახი ხარობს. შოლაგამ შემომთავაზა, წავსულიყავი მასთან ერთად ტყეში სახეტიალოდ. თუ ბედმა გავგიღიმა, შესაძლოა მარტო ბიზონს კი არა, ვეფხვსაც შევხვდეთო.

მაშინ მაინტერესებდა არა ბიზონი, არამედ ვეფხვი, და სწორედ ის მქონდა მხედველობაში, რომ დავთანხმდი. თანაც ბიზონთან მიპარვა ძნელია, ამ საქმის წარმატება დამოკიდებულია ქარის მიმართულებაზე, ადგილის რელიეფსა და ბუნებრივ საფარზე.

და აი გავუდექით სამონადირო ბილიკებს და პირუტყვის მიერ გატყეპნილ გზებს განაკაფზე... მახსოვს, ვიწრო ბილიკებზე მივიღიოდით, როცა ჩვენგან ოცდაათ იარღზე გამოჩნდა თავი და მხრები ვეებერთელა ბიზონისა. ის გვათვალიერებდა

დიდსულოვნად, სრულიად უშიშრად. ეს იყო ძველი ნაცნობი რქადაბრეცილი მარტორქის მსგავსი ბიზონი.

იგი უშიშრად იდგა და გვიყურებდა. ჩვენ მიუუახლოვდით კიდევ ათი იარდნით. მხოლოდ მაშინ შებრუნდა, გაიშლიგინა ლელიანში და გაუჩინარდა.

ამის შემდეგ კვლავ რამდენჯერმე შევხვდი დიდ ბიზონს, მაგრამ ჩემი სიმპათია მან ერთი შემთხვევის გამო დაიმსახურა.

უცნობ მონადირე ბრაკონიერს ფური ბიზონი მოეკლა. გონს მოსვლაც ვერ მოესწრო, რომ ბიზონი დატაკებოდა და ფერდობიდან გადაეგდო მისი მანქანა, საბედნიეროდ, ბიზონმა თურმე არ გაიმეორა თავდასხმა, და ბრაკონიერი გადარჩა იმით, რომ მხოლოდ ფეხი დაიშავა და თოფი დაემსხვრა. მანქანაში გვერდით მჯდომმა ერთმა შოლაგამ კარგად დაინახა ცხოველის დეფორმირებული მარცხენა რქა.

ამ შემთხვევის შესახებ რამდენიმე თვის შემდეგ შევიტყვე და კმაყოფილი ვიყავი, რომ ბებერმა ბიზონმა ასე ღირსეულად გამოიჩინა თავი, ცხადია, თავისი ცხოველური ჭკუით დარწმუნებული იყო, რომ რაკი მანქანა გადააგდო, ამით მტერი საბოლოოდ გაანადგურა. ამ ადგილას რომ ფერდობი არ ყოფილიყო, ის ნამდვილად გააგრძელებდა შეტევებს, აღმოაჩენდა მანქანაში ხალხს და ყველას მოსპობდა.

1953 წლის ნოემბერში დიშუმში მივდიოდი და გავიარე გედესალის ახლოს. გზიდან მოშორებით დავინახე მაღალი ფიგურა. ახლოს რომ მივედი, ვიცანი შოლაგა რაჩენი, რომელსაც ჩვეულებრივ ვქირაობდი ხოლმე როცა გედესალის ბუნგალოში ჩამოვდიოდი. მანქანა გავაჩერე და თამილურად მივესალმე, ვკითხე ახალი რა არის-მეთქი.

რაჩენმა მიამბო, რომ გუშინწინ ღამით სოფლის მცხოვრებლებს ვეფხვსა და რომელიღაც ცხოველს შორის ჭუნგლებში მომხდარი საშინელი ბრძოლის ნმები გაეგონათ. მძაფრი და ხანგრძლივი ბრძოლა — ის, როგორც ჩანდა, საათობით გრძელდებოდა — მოწმობდა, რომ ვეფხვის მტერი არ შეიძლებაოდა ყოფილიყო გარეული ტახი — საშუალო ზომის ერთადერთი ცხოველი, რომელიც ბედავს ვეფხვთან ორთაბრძოლაში შეხმას. ვარაუდით ეს უნდა ყოფილიყო სპილო... მაგრამ მა-

შინ უნდა გაეგონათ საყვირისებური ღრიალი, რომელსაც ის ბრძოლისა და გაჭირვების უამს გამოცემს ხოლმე.

გვიან ღამით ბრძოლის ხმები თანდათან მიწყდა, მაგრამ ვეფხვის ხმამალალ ღრიალზე გლეხები მიხედნენ, რომ ის მძიმედ იყო დაჭრილი.

დილით ცნობისმოყვარეობით შეპყრობილი სოფლის მცხოვრებლები წავიდნენ დასაზვერად და საშინელი ბრძოლის სურათს წააწყდნენ. ბუჩქები და წვრილი ხეები ძირფესვიანად იყო მოთხრილი და მიწაში ჩატკეპნილი.

იქვე ეგდო ვეფხვის ლეში, მრავალ ადგილას გაფატრული რქებით და გათელილი ბიზონის ჩლიქებით. გლეხებმა დაუყოვნებლივ გაატყავეს ვეფხვი და წაიღეს სოფელში.

მინდოდა თვითონ მენახა ბრძოლის ადგილი. რაჩენი მანქანაში ჩავისვი. ჯერ შევიარეთ გედესალში. ვეფხვის ტყავი მიწაში ჩასობილ პალოებზე გადაეჭიმათ გასაშრობად. ზედ უხვად ნაცარი მოეყარათ. ამ ერთადერთი საშუალებით ინახავს შოლაგას ტომი ტყავს, რადგან არ გააჩნიათ მარილი.

ვეფხვი საკმაოდ დიდი აღმოჩნდა. ტყავის მიხედვით თუ ვიმსჯელებთ, ბიზონს მისთვის ღრმა ჭრილობები მიეყენებინა. მძლავრი რქებით იგი არა ნაკლებ ხუთ ადგილას იყო გაგლეჯილი. ერთ-ერთ დარტყმას ვეფხვისთვის გული გაეგმირა და ეს საბედისწერო აღმოჩნდა.

მე უფრო მეტად დამაინტერესა „ბრძოლის ველი“. გადმოვედი მანქანიდან და, გლეხებით გარშემორტყმული, გავეშურე ადგილისაკენ. სავალი დიდი არ იყო, ნახევარ მილზე მეტი არ იქნებოდა.

„ბრძოლის ველი“ — ეს ყველაზე შესაფერი გამოთქმაა ამ ადგილის დასახასიათებლად, — თავისი შესახედობით ადასტურებდა, რომ აქ ტიტანები შებმოდნენ ერთმანეთს. გათელილი ბუჩქები და ბალახი დალექვრტებული სისხლით იყო დაფარული. როგორც ჩანდა, ბიზონიც მძიმედ იყო დაჭრილი. და აი, თავში მომივიდა აზრი, გავყოლოდი მის ნაკვალევს, რომ მენახა სადმე ჭუნგლებში მომაკვდავი, ან უკვე მკვდარი. ასეთ მდგომარეობაში ის შორს ვერ წავიდოდა.

ბიზონს ფართო სისხლიანი ზოლი დაეტოვებინა. ამ ზოლზე გაყოლა ადვილად შეეძლო ახალბედა მონადირესაც კი. მაშას-

დამე ის ბორცვიდან დაეშვა, მდინარისაკენ გაემართა და დარწმუნებული ვიყავი, რომ ნაპირზე წავაწყდებოდი მის ლეშს.


გავსწიეთ, თავი არ შეგვიწუხებია სიჩუმის დაცვით. საათნახევარი ვიარეთ ასე, სანამ არ დავინახეთ ბიზონი. ის იდგა წყალმარჩხოვში და, ვეებერთელა ხეს მიყრდნობილი, ისვენებდა. დინების ხმაური ფარავდა ჩვენი ფეხის ხმას, და მოვასწარიით დამალვა, ვიდრე ცხოველი თავს მოაბრუნებდა ჩვენსკენ.

ეს იყო მრუდერქიანი დიდი ბიზონი გედესალიდან. გარკვევით დავინახეთ ვეფხვის კბილებისა და ბრჭყალებისაგან მიყენებული საშინელი ჭრილობები დრუნჩხზე, კისერზე, ფერდებსა და გავაზე. მას მუცელიც კი გაფატრული ჰქონდა და იქედან რაღაც წითელი იყო გადმოკიდებული. ის ჩრდილში იდგა და ვერ გავარჩიე შიგნეულობა იყო ეს თუ უბრალო ტყავის ნაგლეჯი. მისი თვალები თუმცა ტანჯვას გამოხატავდა, ჯაინც არ იყო ამღვრეული და მათში შიშის ნატამალსაც ვერ დაინახავდით.

მინდოდა მომეკლა ბიზონი, რომ გამეთავისუფლებინა ტანჯვისაგან, მაგრამ ხელი ვერ აღვმართე მასზე იმ ბრწყინვალე გამარჯვების შემდეგ, რომელიც ასეთი საშინელი პრძოლით მოიპოვა. მაგრამ, რასაკვირველია, დარწმუნებული ვიყავი, რომ მას ველარ შევხვდებოდი.

სულ ცოტა ხნის წინათ კვლავ ჩავედი გედესალში და წარმოიდგინეთ ჩემი გაოცება და სიხარული, როცა ერთ საღამოს დავინახე დიდი ბიზონი თავისი ჯოგით მის საყვარელ ადგილას, ორმოცდაერთი მილის აღმნიშვნელ სამანის მახლობლად, სადაც ტბორის ირგვლივ მაღალი ქორთა ბალახი ხარობს.

დღეგრძელი იყოს ის, ჯუნგლების სახელოვანი შვილი.



თ ა ვ ი მ ი რ ვ ი

ბრძელზაფრიანი ვეფხვი ჩორღიდან

ეს არის მოთხრობა ძალზე მსხვილ ვეფხვზე, რომელიც თავზარს სცემდა იმ არემარეს, უფრო ზუსტად, იმ ადგილის მცხოვრებთ, სადაც ბინადრობდა. მეტად გაძნელდა მისი კვალის მიგნება და მოკვლა.

სამონადირო მოთხრობის ავტორი ჩვეულებრივ ცდილობს დააინტერესოს მკითხველი სიძნელეთა აღწერით, და ბოლოს ყოველივე ეს დევნილი მხეცის მოკვლით მთავრდება. ვშიშობ. მკითხველი არ გადავლავლო, რადგან ბევრი გაცრუებული იმედის გამო ის დუმს. მაგრამ მარტოოდენ გამარჯვებათა აღწერა ისეთ შთაბეჭდილებას ქმნის, თითქოს კაციჰამიაზე ნადირობა—ვეფხვი იქნება ის, თუ ავაზა—ყოველთვის წარმატებით მთავრდებოდეს, თითქოს სრულიადაც არ იყოს ძნელი და მოითხოვდეს შედარებით მცირე დროს—სულ ცოტა, რამდენიმე დღეს.

სინამდვილეში ეს ასე როდია. წარუმატებლობა ძალიან ხშირაა. მონადირე განუზომელ მორალურ და ფიზიკურ ძალას ხარჯავს, მხეცის დევნა კი ხშირად თვეობით და წლობით გრძელდება. ზოგჯერ მოკვლა მაინც არ ხერხდება.

მინდა გიამბოთ ერთ ნადირობაზე, რომელიც ხუთ ხანგრძლივ და მომქანცველ წელიწადს გრძელდებოდა, თუმცა, რასაკვირველია, ამ ხნის მანძილზე მხეცს ეძებდნენ შიგადაშიგ შესვენებებით. ჩემ გარდა, ამ ცხოველის მიკვლევას ცდილობდნენ სხვა მონადირეებიც ბანგალურიდან და ბომბეიდან, რომ არაფერი ვთქვათ ადგილობრივ ნებროთებზე*. და ამ ხუთი წლის მანძილზე ჩვენი გულმოდგინეობა მუდამ წარუმატებლობით მთავრდებოდა.

ამ ვეფხვს გრძელფაფრიანი შეარქვეს იმიტომ, რომ არაჩვეულებრივი საუცხოო ბალანი წრიულად უფარავდა ყელსა და ქვედა ყბას. მეტად ხშირი ბალნის გამო მისი თავი იმდენად დიდი გეჩვენებოდათ, რომ ვეფხვის მნახველი ადამიანები, როცა სურდათ მისი გამოსახვა, ხელებს განზე შლიდნენ. თუმცა ის ადამიანები, რომლებიც შეხვედროდნენ ვეფხვს და შეეძლოთ რაიმე ეამბათ მის შესახებ, მეტად ცოტანი იყვნენ (კოცნლები).

თავდაპირველად ის, როგორც ჩანს, ბინადრობდა სოფელ ჩორდის მიდამოებში. პირველად იქ ნახეს, სადაც პირველად მოკლა ადამიანი.

ჩორდი პატარა სოფელია ჯუნგლებში, მდებარეობს გზასთან, დაახლოებით ოთხ მილზე დაბლა ქუმსიდან, რომელიც თექვსმეტი მილითაა დაშორებული შიმოგადან, იმავე სახელწოდების ოლქის ცენტრიდან მაისურის შტატში. შიმოგადან ბანგალურამდე ას სამოცდათორმეტი მილია.

ჩორდიდან ცხრა მილის მოშორებით ბანგალურის გზაზე გაშენებულია სოფელი ანანტაპურამი, ხოლო მისგან თერთმეტ მილზე მდებარეობს ქალაქი საგარი. შემდეგ გზა უკან მოიტოვებს სოფელ ტალგუპუს და აღწევს გორსოპის ანუ ჯოგის ცნობილ წყალვარდნილამდე, სადაც მდინარე შირვატი ოთხ ნაკადად ვარდება ცხრაას ორმოცდაათი ფუტის სიმალიდან. ეს დაუევიწყარი სანახაობა აღტაცებისა და მოწიწების გრძნობას იწვევს ყველაზე გულქვა ადამიანებშიც კი.

წყალვარდნილების მწვერვალთან მოგზაურთათვის აგებუ-

* ბიბლიური მამაცი მონადირის სახელია, რომელიც ზოგად სახელად იქცა.

ლია ორი ბუნგალო. ის, რომელიც მდინარე შირავატის ნაპირზეა, შედის მაისურის შტატში და მაისურის სახელწოდებაც მიიღო. მოპირდაპირე ნაპირზე მდებარე მეორე ბუნგალო, რომელიც ბომბეის შტატში შედის, მისივე სახელწოდებით მონათლეს. ეს არის ძველი, განმარტოებული სახლი, სადაც იშვიათად ცხოვრობს ვინმე და სწორედ ამიტომ ვანიჭებ მას უპირატესობას.

ვეფხვის პირველ თავდასხმებს, უთუოდ, უსწრებდა ცხოველის კაციჰამიად გადაქცევის ხელშემწყობი მოვლენები. ჩაკურატებული ჯოგი, რომელიც ბალახობდა შიმოგის დაცული ტყეების ტერიტორიაზე, მიზეზი გახლდათ იმისა, რომ ვეფხვმა თავი დაანება ჯუნგლებში თავის ბუნებრივ ნადავლზე ნადირობას. ძროხები ბევრი იყო, მათთან მიპარვა უფრო ადვილი იყო, ვიდრე გარეულ ცხოველებთან, და ვეფხვი თანდათან გახდა მწყემსების საშიში მტერი ჩორდის მიდამოებში.

თავდასხმები და მკვლელობა ერთიმეორეს მისდევდა, სანამ ბოლოს პირუტყვის პატრონებმა არ გადაწყვიტეს ზომების მიღება. ერთ ყოჩად გლეს ტყეში ნახირი წაესხა საძოვარზე, თან წაეღო ფილთა თოფი, თუმცა სატყეო წესების თანახმად მას ეკრძალებოდა ტყეში ცეცხლმსროლელი იარაღის წაღება, თუკი სპეციალური ლიცენზია არ ჰქონდა ნადირობაზე მიცემული.

თითქოს ჯიბრზე, იმ დღეს გრძელფაფრიანმა ვეფხვმა თავდასასხმელად სწორედ ეს ჯოგი აირჩია, ხეს ამოფარებულმა გლესმა ესროლა თოფი და მსხვილი საფანტით მძიმედ დასჭრა მხეცი მარჯვენა ფერდში. რამდენიმე ხნით ვეფხვი გაჭრა ჩორდის მიდამოებიდან, და პირუტყვის პატრონები მადლობელი იყვნენ გლესისა, რომ მან იხსნა ისინი განსაცდელისაგან.

მაგრამ გრძელფაფრიანი ვეფხვი მალე გამოჩნდა ბუჩქნართან ჯუნგლებში ანანტაპურამის საზღვართან. ფერდში მიყენებული ჭრილობა ხელს არ უშლიდა და კვლავინდებურად ნადირობდა დაცულ ზონაში მობალახე პირუტყვზე.

გლესებმა კვლავ გადაწყვიტეს თავი დაეხსნათ შეუპოვარი მტაცებლისაგან. დაუდარაჯდნენ მაშინ, როცა ის უახლოვდებოდა დღისით მოკლული ძროხის ლეშს და დაჭრეს მეორედ, ამჯერად მარჯვენა წინა თათში.

მეორე ტყვიამ ვეფხვს ძვალი დაუმსხვრია. ის მორჩა, მაგრამ დასახიჩრებული თათი დაუმოკლდა. ვეფხვს უკვე აღარ შეეძლო შეუმჩნევლად და ჩუმად მიპარვოდა ცხოველს, წაეჭყია მიწაზე და გადაემსხვრია მისთვის კისერი, ან შეეჩერებინა დაჭერილი ნადავლი. შინაური ცხოველებიც კი გრძნობდნენ ვეფხვის მიახლოებას და გარბოდნენ. თუ თავს დაესხმოდა პათ, ისინი ძირს ავდებდნენ.

ვეფხვი შეაწუხა შიმშილმა, ფერდები ჩაუვარდა. და დიდი, გრძელფაფრიანი ვეფხვი იძულებული გახდა ვირთხებზე ენადირა, მაგრამ ზოგჯერ ისინიც ცარიელზე ტოვებდნენ მას.

მხოლოდ გუბის ბაყაყები, ჯავშნიანი კიბორჩხალები და ადამიანები ვერ მოძრაობდნენ ისე სწრაფად, რომ თავი დაეღწიათ ვეფხვისაგან. აუტანელმა მდგომარეობამ აიძულა ვეფხვი ეღალატა თავისი ჩვევებისათვის და დაეწყო ადამიანის ხორციით კვება.

ვეფხვის შესახებ ცნობებს თანდათან ვაგროვებდი, მისი ჭრილობის ხასიათი კი გამოვიცანი რამდენიმე წლის შემდეგ, როცა მტაცებელი მოვკალი და ლეში დავათვალიერე.

ერთხელ ანანტაპურამში ავტობუსიდან ჩამოვიდა კაცი და ჯუნგლებზე გავლით გაეშურა პატარა სოფელში, რომელიც ვაჩერებიდან სამ მილზე მდებარეობს. შიმოგაში წასვლის წინ ცოლს უბრძანა—ხვალისთვის დროულად მოამზადე სადილი. რადგან შუადღისას აუცილებლად დავბრუნდებიო. საქმელი მზად იყო, მაგრამ ის არ მოვიდა. ცოლი არ შეწუხებულა, რადგან იცოდა, რომ ინდოეთში, და განსაკუთრებით პატარა ქალაქებში, საქმეებს სწრაფად ვერ აგვარებს კაცი. აღმოსავლეთში ღროს დიდად არ აფასებენ, ან თუ აფასებენ, ძალიან უმნიშვნელოდ.

იგი არ დაბრუნებულა არც საღამოს და არც მეორე დღეს. მესამე დღეს უფროსი შვილი გაემგზავრა შიმოგაში იმის შესატყობად, თუ რამ დააყოვნა მამამისი. გამოირკვა, რომ ის სამი დღის წინათ წამოსულიყო სახლში.

ამ ამბავს კვლავ არავინ შეუშფოთებია. ნათესავებმა გადაწყვიტეს, რომ ოჯახის უფროსი წასულია უფრო დიდ ადმინისტრაციულ ცენტრში, საგარში. მაგრამ გავიდა კიდევ ხუთი დღე. კვლავ არავითარი ცნობები არ იყო, მხოლოდ მაშინ ასტეხა

ოჯახმა განგაში. პოლიციამ დაიწყო ძებნა, და გზისპირას ბუჩქებში იპოვეს ცალი ფეხსაცმელი.

ნათესაებმა იცნეს დაკარგულის ფეხსაცმელი და ამან ექვი აღძრა, რომ მას თავს დაესხნენ ყაჩაღები. პოლიციის უბანში დაკითხეს რამდენიმე საექვო პირს, მაგრამ მათ დაამტკიცეს, რომ არავითარი ბრალი არ მიუძღოდათ ამ საქმეში.

პოლიცია გულმოდგინედ შეუდგა ძებნას. აღმოაჩინეს ტანსაცმლის ნაფლეთები, სისხლის შემხმარი ლაქები ხის ტოტებზე, ბუჩქებზე და ამომშრალი კალაპოტის გასწვრივ ვეფხვის ნაკვალევი. მაგრამ ეს ნაკვალევი ამ არემაჩეში იშვიათი არ იყო და ადამიანის გაჭრობის საიდუმლოება კვლავ საიდუმლოდ დარჩა.

ოთხი დღის წინ — ღამით ქუმსიდან ველოსიპედისტი მიდიოდა. ჩორდიდან ნახევარ მილზე გზას ჰკვეთდა მდინარე, რომელზეც გადებული იყო კირქვისაგან გაკეთებული მოაჯირებიანი ხიდი. ხიდზე გავლისას ველოსიპედისტმა ძირს გადაიხედა და დაინახა ვეფხვი, რომელიც წყალს სვამდა. ის ისეთ მანძილზე იყო ცხოველიდან, რომ საფრთხე არ მოელოდა, ამიტომ დაამუხრატა ველოსიპედი, ფეხით მოაჯირს მიეზვინა და დაუწყო თვალთვალი ვეფხვს.

ვეფხვმა დალია წყალი, შემობრუნდა და დაიწყო ნაპირზე ამოსვლა. კიდევ რამდენიმე წუთი და ის გაუჩინარდებოდა ჯაგნაჩში. მაშინ ველოსიპედისტმა ხუმრობით წამოიყვირა „შუ — შუ“. ვეფხვი შედგა, მიმოიხედა და გაჯავრებულმა დაიღრინა.

ველოსიპედისტმა სწრაფად ჩამოდგა ფეხი მოაჯირიდან და რაც ძალი და ღონე ჰქონდა, მოკურცხლა ჩორდისაკენ. იქ მან აცნობა მეგობრებს, რომ შეხვდა საშინელ ვეფხვს, რომელიც ცდილობდა დასხმოდა თავს, და რომ ის მხოლოდ სასწაულით გადარჩა.

ერთი თვის შემდეგ მომხდარი პირველი მკვლელობა ექვს არ იწვევდა, თუ ვის მიერ იყო ჩადენილი ეს დანაშაული. ერთხელ დილაადრიან ქალმა სოფელ ტუბურიდან, რომელიც ჩორდსა და ანანტაპურამს შორის მდებარეობს, გადაწყვიტა კამეჩის დაბანა და მასთან ერთად ჩავიდა ნაკადულში, რომელიც სოფლის ახლო მიედინებოდა. ნაპირზე ჩამოჯდა და უყურებდა წყალში ყელამდე ჩამდგარ კამეჩს. გვერდით მეორე გლენის

ქალმა წყალი აიღო და სახლისკენ მიმავალი გამოესაუბრა მეზობელს ორიოდ სიტყვით. ასი იარდიც არ ექნებოდა გავლილი, რომ გაიგონა გულგამგმირავი ყვირილი, და, შემობრუნებულმა დაინახა ვეფხვი, რომელსაც პირი ჩაევლო და ისე მიჰყავდა ცოტა ხნის წინათ მისი თანამოსაუბრე ქალი.

ვეფხვი მსხვერპლიანად მიიმალა ჭუნგლებში, ქალმა კი ედრო დააგდო და რაც ძალი და ღონე ჰქონდა, მოკურცხლა სოფლისაკენ.

ამას მოჰყვა ადამიანთა ხშირი მკვლელობები. ბიუროკრატიული მანქანა ნელა მეშაობს, და დაცული ტყის ზონაში დიდხანს არ დაგვრთეს კაციჭამიაზე ნადირობის ნება. მაგრამ ამ შემთხვევის შემდეგ მასში მონაწილეობის მსურველთა რიცხვი განუწყვიტლივ იზრდებოდა. მათ შორის საპატიო ადგილი ეკავა ბომბეის* საპრეზიდენტოს. თუმცა რარიგ არ ეცადნენ, ყველაფერი ამაო გამოდგა. ვეფხვი ახლოს არ ეკარებოდა მისატყუარად გამოყენებულ ძროხებსა და კამეჩებს. ადამიანთა მკვლელობები კი გრძელდებოდა.

ჩემმა მეგობარმა ჯექ ჰოგტონმა, რომელსაც ექვსი ფუტისა და ოთხი დუიმის სიმაღლის გამო „აყლაყუდას“ უწოდებდნენ, გადაწყვიტა, ბედი ეცადა და მთხოვა, თან წაეყოლოდი. თუ არ ვცდები, ეს იყო დაახლოებით ერთი წლის შემდეგ, რაც ვეფხვი გადაიქცა კაციჭამიად.

არ მახსოვს რატომ, პირველ ყოვლისა, ალბათ იმიტომ, რომ მე უკვე ვისარგებლე კუთვნილი შვებულებით და შემეძლო მხოლოდ ერთი კვირით გავყოლოდი ჯექს. 1931 წლის ფორდის მოდელის მანქანით გავუდექით გზას, უკან კი ბანგალურში მატარებლით უნდა დავბრუნებულიყავი, რადგან ჯექი ერთი თვით უნდა დარჩენილიყო ჭუნგლებში.

შიმოგაში შეეჩერდით ნახევარი დღით, რომ ოლქის სატყეო სამმართველოში გამოგვერკვია იმ ადგილების; სახელწოდება, სადაც ადამიანებზე მოხდა თავდასხმები და დაგვედგინა თარიღები. ამ ცნობების დახმარებით ჩვენ ვვარაუდობდით დაგვედგინა ვეფხვის შემდგომი თავდასხმის ადგილი. როგორც ზემოთ

* კოლონიურ ინდოეთში ასე ეწოდებოდა ბენგალის, ბომბეისა და მადრასის სამ მთავარ პროვინციას.

აღნიშნეთ, კაციჭამია ვეფხვი ჩვეულებისამებრ მიჰყვება განსაზღვრულ მარშრუტს.

რუკის შესწავლის შემდეგ ნათელი გახდა, რომ ვეფხვი მოქმედებდა გზიდან რამდენიმე მილის მოშორებით, ქალაქ ქუმისისა და მდინარე შირავატის მოპირდაპირე ნაპირს შორის. სადაც ბომბეის ბუნგალო მდებარეობდა.

ხშირი ტყით დაფარულ ამ რაიონში ბევრი სოფელია, რომლის მცხოვრებლები თითქმის მხოლოდ მეცხოველეობას მისდევენ. მტაცებლები აქ ყოველთვის ხოცავდნენ შინაურ ცხოველებს დიდი რაოდენობით, ამიტომ ძნელი დასადგენი იყო. ნადირობდა თუ არა ჩვენი ვეფხვი შინაურ ცხოველებზე. ჩვენ თითქმის დარწმუნებული ვიყავით, რომ ადამიანთა მკვლელობა ძალიან იშვიათად ხდებოდა, ვეფხვი ვერ იარსებებდა მარტოოდენ ადამიანის ხორციით. თუმცა ადგილობრივი მცხოვრებლები გვარწმუნებდნენ, კაციჭამია შინაურ ცხოველებს არ ეტანებაო.

აყლაყუდა გაჩერდა პატარა ბუნგალოში ტუპურიდან ნახევარი მილის მოშორებით. ეს იყო ლამაზი, კოპწია სახლი ჭუნგლებში, დაახლოებით ორასი იარდის მანძილზე გზიდან. ირგვლივ ატეხილი ტყე სავსე იყო გარეული ცხოველებით, განსაკუთრებით ხალებიანი ირმებით. იმ წელს ზოგიერთ ხარს შესანიშნავი რქები ჰქონდა, ჩვენ ბედმა გაგვიღიმა და შევხვდით რამდენიმე საუცხოო ეგზემპლარს.

აყლაყუდამ იყიდა მისატყუარი ცხოველები: ორი ზაქი და ძალზე ბებერი ხარი. ერთი ზაქი დავაბით მდინარის ახლოს, სადაც ვეფხვი ნახა ველოსიპედისტმა, ბებერი ხარი მივაბით ნაკადულთან, საიდანაც ვეფხვმა გაიტაცა ტუპურელი ქალი. ხოლო მეორე ზაქი წავეყვანეთ ბილიკზე ანანტაპურამის მახლობლად, რომელზეც უნდა გაველო სახლში მიმავალ უკვალოდ დაკარგულ გლეხს.

ამ სამზადისის დამთავრების შემდეგ გავემგზავრეთ მანქანით ჯოჯის წყალვარდნილისაკენ და იქაც შევიძინეთ ორი კამეჩი, ერთი მივაბით დაახლოებით ნახევარ მილზე ბომბეის ბუნგალოდან, მეორე კი მდინარე შირავატის სამხრეთ ნაპირზე მაისურისა და ბომბეის ბუნგალოს შორის, ბორნის გაჩერებას-

თან. მდინარეზე გადასასვლელი დაახლოებით ერთი მილის მოშორებით იყო წყალვარდნილის ზემოთ.

ამგვარად, აყლაყულდამ იყიდა ხუთი მისატყუარი, და მახსოვს, ისინი მამასისხლად დაუჯდა. ჩვენ ვიკრიბებოდით ღამის გასათევად ხან ტუპურისა და ხან ბომბეის ბუნგალოსთან, რომ ყოველ დილას შეგვემოწმებინა სხვა მისატყუარი.

ყველა მკვლელობის თარიღის დადგენით (სულ მსჭვებლი იყო ცხრა), მივედი იმ დასკვნამდე, რომ ვეფხვი უნდა ყოფილიყო საგარსა და ანანტაპურამს შორის. მესამე დღეს მეც შევიძინე კამეჩი და მივაბი ამ ორ სოფელს შორის მდებარე შუა გზაზე, ფარლანგის დაშორებით მთავარი გზიდან.

ამ დღეს ღამე გავათიეთ ჯოგის წყალვარდნილთან, დილაადრიან დავუთვალეერთ მახლობლად მიბმული მისატყუარები და რადგან ორივე ცოცხალი დაგვხვდა, გავემართეთ ტუპურში. გზაში გადავწყვიტეთ გვენახა კამეჩი, რომელიც მე მივაბი წინა დღით. ის ვეფხვს მოეკლა.

რადგანაც ეს მისატყუარი ჩემი იყო, აყლაყულდამ ნამდვილ მონადირესავით დაიყინა, სწორედ შენ უნდა სცადო ვეფხვის მოკვლაო. მე კი ვიცოდი, თუ ნადირობის როგორი მოყვარულია ის, ამიტომ არ დავთანხმდი. ჩვენ შორის ატყდა დავა, რომელიც ბოლოს და ბოლოს მონეტის ზევით აგდებით გადავქვერით. მოიგო აყლაყულდამ.

ის აცოცდა ხეზე და, როგორც იქნა ჩამოჯდა ტოტებზე. მე კი წავედი ტუპურის ბუნგალოში მაჰანისათვის. ეს იყო ბამბუკის უბრალო კვადრატული ჩარჩო, რომლის თითოეული მხარე დაახლოებით ოთხ ფუტამდე იქნებოდა და გამობმული ჰქონდა ფართო ნავარული ლენტი*. მას კუთხეებში მიბმული ჰქონდა მსხვილი თოკისგან გაკეთებული რგოლები, რომლითაც მაჰანს ჰკიდებდნენ ხეზე. ტუპურიდან ჩამოვიყვანე სამი გლეხი, რომ დამხმარებოდნენ ხეზე მაჰანის მიმაგრებაში.

სანამ ისინი მაჰანის გარშემო ფუსფუსებდნენ, აყლაყულდას ჩასთვლიმა მანქანის უკანა საჯდომზე, ოთხ საათზე გავალვიძე და იგი აცოცდა მაჰანში „პაწაწინა ბილით“, როგორც ის სიყვარულით ეძახდა თავის კოხტა რვამილიმეტრიან მაწუხერის

* ფეხზე შემოსახვევი მიხაკისფერი ლენტი.

სისტემის თოფს, რომელიც ნიშანს არ აცდენდა. წარმატება ვესურვე და წავიყვანე გლეხები ტუპურში, მე კი ღამის გასათევად ანანტაპურამში წავედი; იქიდან ახლო იყო მაჰანი, სადაც აყლავდა იჭდა. განთიადზე მივადექი ამ ადგილს და დავიყვირე. ეს იმას ნიშნავდა, რომ ყველაფერი რიგზეა.

გადმოვედი მანქანიდან და გავემართე აყლავდასაკენ, მაგრამ შუა გზაზე შევხვდით ერთმანეთს. მან მაცნობა, რომ მოკლა ვეფხვი, რომელიც დაბნელებისთანავე დაბრუნებულყო.

მე ძალიან გამეხარდა აყლავდას წარმატება, თვითონ ხომ სიხარულისაგან ადგილს ვერ პოულობდა. გავსწიეთ ნადავლის სანახავად. ეს იყო ლამაზი მსხვილი ხვალი, რომლის მშვენიერ ტყავს გარკვევით აჩნდა ზოლები.

უმალვე თვალში მეცა, რომ ეს ჩვეულებრივი ვეფხვია, გრძელი ფაფრის გარეშე, რომელიც მთავრობის ოფიციალური ცნობით, კაციჭამიას განმასხვავებელი ნიშანი იყო. წარმატებით გაბრუნებული აყლავდა ამას ვერ ამჩნევდა. მე კი არ მეყო გამბედაობა, მეტქვა მისთვის სიმართლე.

დიდი გაჭირვებით ჩავდეთ ვეფხვის ლეში მანქანაში. ანანტაპურამზე გავლის დროს აყლავდა შეჩერდა და გამოიტანა თავისი ნადავლი მოქალაქეთა საჩვენებლად და სწორედ აქ უმტყუნა ბედმა.

გაისმა შეძახილები:

— ჰო მაგრამ, ეს ხომ კაციჭამია არაა?

— როგორ თუ არ არის კაციჭამია? — აღშფოთდა აყლავდა. — აბა, ვინაა? ანდა რატომ გგონიათ, რომ კაციჭამია არაა?

— სადა აქვს მას ფაფარი?

— ფაფარი? — თავდაპირველად აყლავდამ ვერაფერი გაიგო, შემდეგ მის თვალეში თითქოს რაღაც აზრმა გაიელვა. მან საყვედურით შემომხედა და თქვა, — ფაფარი სრულებით დამავიწყდა. როგორც ჩანს, სხვა ვეფხვი მომიკლავს: მაგრამ შენ ხომ იცოდი ამის შესახებ?

— დიახ, ვიცოდი აყლავდა. მაგრამ შენ ისე აღფრთოვანებული იყავი, რომ ვერ გაგიცრუე იმედი. პირველ რიგში მე ყურადღება მივაქციე იმას, რომ ამ ვეფხვს არა აქვს ფაფარი, შენ კი, რასაკვირველია, სხვა გზა არ გქონდა, უნდა მოგეკლა.

რომ ჩემს სიტყვებს მეტი დამაჯერებლობა ჰქონოდა, მცის-
ვე დაეუმატე:

— გარდა ამისა, ის სიბნელეში იდგა და ფარნის შუქზე არ
შეგეძლო დაგენახა, ჰქონდა თუ არა ფაფარი. ყოველ შემთხვე-
ვაში ეს არის შესანიშნავი ეგზემპლარი, ასეთი ნადავლით შეი-
ძლება იამაყო. გულს ნუ გაიტეხ მოხუცო.

მაგრამ აყლაყუდას დაწყნარება არც ისე იოლი იყო. ისეთ
სადარდებელში ჩავარდა, რომ როცა ჩავედით ტუბურში.
არავითარი ინტერესი არ გამოუჩენია ვეფხვის გატყავების
დროს. ამაოდ ვცდილობდი მიმექცია აყლაყუდას ყურადღება
ვეებერთელა ეშვებზე, ბრჭყალებსა და მშვენიერ მუქ ტყავზე.
სავარძელში უხალისოდ ჩამჯდარი ერთსა და იმავეს იმეო-
რებდა:

— მცოდნოდა, რომ ეს კაციჭამია არ იყო, არ ვესროდი
საწყალ ცხოველს ტყვიას.

დღე იწურებოდა და საღამოს მოახლოებასთან ერთად უფ-
რო და უფრო დანადვლიანდა. ბოლოს მითხრა, თუ დილაშე
არც ერთი მისატყუარი არ იქნა მოკლული, ბანგალურში დაე-
ბრუნდებო.

მეორე დღეს ოღნავ ინათა თუ არა, ჩვენ უკვე ფეხზე ვიყა-
ვით. ტუბურის გარშემო დაბმული სამივე მისატყუარი ხელუხ-
ლებელი დაგვხვდა, და, შეთანხმების თანახმად, დაეუბრუნეთ
ისინი პატრონებს მეოთხედ ფასად. შემდეგ წავედით ჯოგის
წყალვარდნილზე; იქაც ორივე კამეჩი ცოცხალი დაგვხვდა.
ისინიც დაეუბრუნეთ პატრონებს და დღის ბოლოს უკვე მივქ-
როდით ბანგალურისაკენ.

დიდხანს ვეფხვზე ახალი არაფერი ისმოდა. ერთ წელზე
მეტი გავიდა და გაზეთებში დაიბეჭდა ცნობა, რომ ქალაქ ქუმ-
სის ახლოს, თითქმის გზის განაპირას, ვეფხვს დაეგლიჯა მენა-
ხშირე.

მე ვთხოვე შიმოგის ოლქის ტყისმცველს ტელეგრაფით
ეცნობებინა შემდგომში მკვლელობათა შესახებ.

მაისურის შტატისა და ჩიტურის ოლქის დასავლეთ ნაწი-
ლისაგან განსხვავებით, შიმოგის ოლქში ტყე ენაცვლება მრავალხარისხოვან სოფლებს, რომელთა შორისაც გადაჭიმულია
ძირითადად ბრინჯის ნათესები. იქ ტრანსპორტისა და ქვეითად

მოსიარულეთა უფრო გაცხოველებული მოძრაობაა, რაც ძალიან აძნელებდა ვეფხვის დევნას.

რა გასაოცარიც არ უნდა იყოს, შიმოგის ჯუნგლებში არცხოვრობენ ადგილობრივი ტომები. აქ მუშაობენ მხოლოდ ინდოეთის დასავლეთ სანაპიროდან მოსული კული-მალაიელები და რომლებიც ძალიან გვიან თავის დასავლელ თანამოძმეებს. ლამბანი ქალები ინდოეთის ძირითადი მოსახლეობისაგან გამოირჩევიან უფრო ღია ფერის სახის კანით და საუცხოო ტანსაცმლით. ისინი იცვამენ არა სარის, არამედ ფართო ქვედაკაბას, ორი ნაჭრისაგან შეკერილ ტანზე გამოყვანილ ეაკეტებს და თავსა და მხრებზე წამოსასხამ შალს. ამ მორთულობას ავსებენ ძვლის დიდი სამაჯურები, გულქანდები და ბეჭდები ცხვირზე, ყურებზე, ფეხებსა და ხელებზე.

ლამბანი მამაკაცები ქალებზე უფრო შავგვრემანები არიან, და როგორც ინდოეთის ბევრი სხვა მცხოვრები, ატარებენ დოლბანდს, ბარძაყებზე შემოსახვევს, ან მოკლე შარვლებს პერანგით. მუხლები და წვივები შიშველი აქვთ, ეკლებისაგან დასაცავად ფეხებზე აცვიათ უხეში სანდალიები.

სამხრეთ ინდოეთის ბოშა მამაკაცებსა და ქალებს შორის საერთოდ არავითარი გარეგნული მსგავსება არ არსებობს: უმეტესი ნაწილი ქალებისა ლამაზი და მომხიბვლელი არიან, მამაკაცები კი — უხეშნი და ულამაზონი.

როგორც წესი, ლამბანები მომთაბარენი არიან, არ უყვართ ცხოვრება სოფლებში და ბინადვებიან გაშლილ ადგილას ჩალის მომცრო ფაცხებში.

ლამბანთა შორის ბევრი ლოთობს. ისინი ხდიან არაყს ბაბულის ხის ქერქისაგან, ბრინჯისაგან, ბანანისაგან, პალმის შაქრისა და აგრეთვე ჯამუნის ხის ნაყოფისაგან.

ამ ტომის ხალხი, განსაკუთრებით ქალები, მუშაობენ ყავისა და ფორთოხლების პლანტაციებში მაისურის დასავლეთ ნაწილში. მათ გარდა, აქ ქირობენ მალაიელებს და დასავლეთ სანაპიროდან მოპლებს*, მაგრამ ისინი, როგორც მუშები, უვარგისნი არიან. მჭიდროდ არიან დაკავშირებული თავის

* ასე უწოდებენ კერალის შტატში დასახლებულ მალაიელებს, ადგილობრივ მუსულმანებს.

მშობლიურ სადგომებთან, რომლებიც ქოქოსის პალმებს, ჭაობებსა და მდინარეთა შორის აქვთ აგებული. სამრეწველო საწარმოთა უქონლობა აიძულებს მათ გამოვიდნენ საშოვარზე, მაგრამ დაავაროვებენ თუ არა მცირე თანხას (ლამბანებისაგან განსხვავებით ისინი ძალიან მომჭირნენი არიან), უმაღვე ბრუნდებიან საშობლოში, რომ რამდენიმე თვე უსაქმურობასა და განცხრომაში გაატარონ.

მე ეს მალეღებდა მხოლოდ ერთი მხრით: ხელი რომ მომეკიდა ვეფხვის დევნისათვის, მარტოდენ ჩემი თავის იმედი უნდა მქონოდა. ჯუნგლების ცოდნასა და მხეცის დევნის საკითხში ლამბანის შეღარება არ შეიძლებოდა ისეთ ადგილობრივ მცხოვრებლებთან, როგორიცაა პუჯარები, შოლაგა, კარუმბა და ჩენჩუ.

ერთი თვის შემდეგ შიმოგის ოლქის ტყისმცველისაგან მივიღე პასუხი: ქუმსსა და ჩორდს შორის გზის განაპირას ტექტონის ხის ფოთლების კრეფის დროს ვეფხვს ქალი მოეკლა.

ამ დიდი და გამძლე ფოთლებიდან აკეთებენ ჯამებს, რომლითაც ინდოეთის დუქნებში მოაქვთ საჭმელი, კერძოდ, ბრინჯი. ამისათვის ოთხი-ხუთი ფოთლის ნაპირებს ერთმანეთს აკერებენ ნემსით ან უფრო ხშირად ტყისცოცხას ჩხირით ამაგრებენ. მაისურის შტატის მრავალ სასადილოში ასიათასობით მოთხოვნილებაა ასეთ ჯამებზე და მათი დამზადება საწარმოს თავისებურ ხელოსნურ დარგს წარმოადგენს იქ, სადაც უხვად ხარობს ტექტონის ხეები. სატყეო სამმართველოები ყიდიან მენარდეებზე ფოთლების მოკრეფის უფლებებს, ქირაობენ მკრეფავებს და უპირატესობას ქალებს ანიჭებენ, რადგან მათ უფრო ნაკლებ გასამრჯელოს უხდიან, ვიდრე მამაკაცებს.

და ის უბედური ქალი, რომელიც ვეფხვმა დაგლიჯა, ფოთლების ერთ-ერთი მკრეფავი იყო. იქვე იყვნენ იმავე საქმით გართული მისი მეგობარი ქალები. დაინახეს, რომ ბუჩქებიდან გამოხტა ვეფხვი, დასტაცა ქალს პირი და გაიტაცა, ქალებმა მოკურცხლეს ქუმსისაკენ. შეიკრიბა მაძიებელი პარტია, რომელმაც აღმოაჩინა ნახევრად შეჭმული ქალის ნეშტი. თავისი გრძელი არზის ბოლოს ოლქის მეტყვევ იმედს გამოთქვამდა, რომ მე წავიდოდი ქუმსში და შევეცდებოდი კაციქამიას მოკვლას.

ვეფხვის მოქმედების არე, ისევე როგორც სხვა გარემოებანი, მარწმუნებდა, რომ ამ ეტაპზე ვეფხვის დეჩნა თითქმის შეუძლებელია. თანაც ამისათვის საჭირო იყო რამდენიმე კვირა, თუ თვე არა, მე კი არ შემეძლო მევარაუდა ასეთი გრძელვადიანი შვებულება.

მაშინ გადაწყვიტე მიმეწერა დიპლომატიური პასუხი. ოლქის მეტყვევს გადავუხადე გულითადი მადლობა, და მივახვედრე, რომ ვეფხვზე ნადირობა მოითხოვს ბევრ დროს, რომელიც მე არ გამაჩნია, ვურჩიე, სატყეო სამმართველოს საპოლიციო უბნების საშუალებით გაეფრთხილებინა მცხოვრებლები, მორიდებოდნენ კაციჭამიას. ემოგზაურათ დღისით და ისიც გზებზე, ევლოთ ჯგუფებად და რომ კულებს დროებით შეეწყვიტათ მუშაობა. ადამიანზე ხელახალი თავდასხმის შემთხვევაში, ვურჩევდი მოკლულის ნათესავებს ხელი არ ეხლოთ გვამისათვის და დეპეშით ეცნობებინათ ჩემთვის. გარდა ამისა, სატყეო სამმართველოს წინადადება მივეცი, შეეძინა მისატყუარისათვის რამდენიმე კამეჩი და დაეხა ერთიმეორისაგან მოშორებით ვეფხვის მოქმედების ადგილზე. მე კი აღვუთქვე, რომ ჩავიდოდი დეპეშის მიღებისთანავე, თუკი მაცნობებდნენ ახალი მსხვერპლის შესახებ — ცხოველი იქნებოდა ის თუ ადამიანი, იმ პირობით, თუ არ წაიღებდნენ იმ ადგილიდან, სადაც ის მტაცებელმა დატოვა.

პასუხი მესამე დღეს მივიღე. ოლქის მეტყვევ სინანულს გამოთქვამდა, რომ მე ვერ ჩავდიოდი. ცხადია, ის ვერ იქნებოდა თავდები, რომ ამ ვეებერთელა ტერიტორიაზე მცხოვრები ყველა გლეხი დაიცავდა სიფრთხილეს. გარდა ამისა, ექვობდა, რომ მსხვერპლის ნათესავები დათანხმდებოდნენ, ჯუნგლებში დაეტოვებინათ ახლობელი ადამიანის გვამი. დაბოლოს, იმასაც მაცნობებდა, რომ სატყეო წესდებაში არაა გათვალისწინებული მისატყუარისათვის კამეჩების ყიდვის ხარჯები.

ვიცოდი, რომ ასეთ პასუხს მივიღებდი. პირველი წერილიდან ისეთი შთაბეჭდილება დამრჩა, რომ მის ავტორს წარმოდგენა არა აქვს კაციჭამიაზე ნადირობის სიძნელეებზე და მინდოდა შემეგნებინებინა, რომ ასეთ პირობებში ვეფხვის დევნა იგივეა, რაც თივის ზვინში ჩავარდნილი ნემსის ძებნა.

რამდენიმე კვირა მშვიდად გავიდა, და უცბად კაციჭამიამ კვლავ თავზარი დაგვცა, ამჯერად ორმაგი მკვლელობა ჩაიდინა. ჩორდსა და ტუპურს შორის კარადიბეტის ნაკრძალის სასაზღვრო გზაზე, სადაც ვეფხვეებზე ნადირობა აკრძალულია, ის თავს დაესხა ტყის მჩეხავს შვილთან ერთად, მოხუცი მოკლა. შვილი კი გაიტაცა. ოლქის მეტყევე მთხოვდა, დაუყოვნებლივ ჩავსულიყავი.

დილაადრიან შევაგროვე ჯუნგლებში ათი დღისათვის საჭირო მოწყობილობა—მეტი ხნით დარჩენა არ შემეძლო, და გავედი ბანგალურიდან. გზის დიდი ნაწილის შეკეთება წარმოებდა და ორი საათი მოვანდომე შიმოგამდე მისვლას, სადაც ცოტახნით შევჩერდი, რომ მადლობა გადამეხადა ოლქის მეტყევისათვის, რომელმაც დროულად მაცნობა.

ის ძალიან თავაზიანად შემხვდა და გადმომცა ორი წერილი ქუმსისა და ჩორდის უბნის მეტყევეებისათვის გადასაცემად. ერთში ის ითხოვდა, დამხმარებოდნენ მისატყუარი ცხოველების ყიდვაში, მეორეში კი უბრძანებდა, შევეშვით თოფით კარადიბეტის ნაკრძალში.

ერთხელ კიდევ გადავუხადე მადლობა, და დავძარი მანქანა ჩორდისაკენ. იქაურმა მეტყევემ უმაღვე ბრძანა მოეხმოთ ტყის მჩეხავები, რომლებიც კაციჭამიას უკანასკნელი თავდასხმის მოწმენი იყვნენ.

ისინი მოვიდნენ რამდენიმე წუთის შემდეგ და მიაბეს შემდეგი ისტორია:

შიმოგელ მენარდეს ტყის გაჩეხის ნებართვა ეყიდა ტუპურიდან ერთი მილის მოშორებით, დაეჭირავებინა ისინი და ტყისმჭრელი, რომელსაც ახლდა ჩვიდმეტი წლის ვაჟიშვილი. ყველანი შიმოგაში ცხოვრობდნენ, მაგრამ ტყის გაჩეხვისას გადაწყვიტეს დროებით ჩორდში დაბინავენა.

ორი წლის წინათ ისინი ამდგარან და წასულან სამუშაოზე. გასავლელი ჰქონდათ სამი მილი. კარადიბეტის ნაკრძალთან გავლის დროს, რომელიც მათგან მარჯვნივ მდებარეობდა, ჰბუჟკმა სთხოვა მამას, „პანის“ ღეჭვის ნება დაერთო.

მოთხრობიდან ცოტას გადავუხვევე, რომ აგინხნათ რა არის „პანი“. ეს რის საღეჭი პილპილის, მცოცავი ბუჩქნარის ერთ-ერთი სახეობის, გულის მოყვანილობის გრძელი ფოთოლი,

რომელშიც ახვევენ ცოტა კირს „სუპარის“ — კაკლის სამ-ოთხ ნაჭერთან, ზოგჯერ კი ქოქოსის კაკალს შაქართან ერთად. კირი და „სუპარი“ იწვევს ნერწყვის უხვად გამოყოფას. „პანი“ ძალიან პოპულარულია მოსახლეობის ყველა ფენაში, განსაკუთრებით კი მუშებში. ინდოელები მუშაობის დროს ლეჭავენ ბეტელს, ხშირად აფურთხებენ წითლად შეღებილ ნერწყვს, რომელიც ყველგან „სისხლის“ ლაქებს ტოვებს. მათ დანახვაზე ინდოეთში პირველად ჩასული ევროპელები შეძრწუნებულნი იყვნენ, რადგან ეს ტუბერკულოზით მასობრივი დაავადება ეგონათ.

მაგრამ დავუბრუნდეთ ჩვენს მოთხრობას. მამა შედგა, რომ ბარძაყებზე შემოსახვევის კუთხიდან ამოეღო ფოთოლი. ტყის დანარჩენი მჩეხავები დაწინაურდნენ. უცბად იმით გაიგონეს ღრენა, მოიხედეს და რას ხედავენ — ყმაწვილი მიწაზეა წაქცეული და ზედ ვეფხვი აზის, დაბნეული მამა კი ხელგაშვერილი დგას.

ისინი გმირული ამბის მოწმენი გახდნენ. შვილის გადასარჩენად მამამ თავი გასწირა. ცდილობდა რა ვეფხვის გაგდებას, მოხუცი ხმამალალი ყვირილითა და ხელების ქნევით წინ გაექანა.

ვეფხვმა წამით პირი უშვა ყმაწვილს, ეცა მამას და გაათრებით დაუწყო ყელისა და გულ-მკერდის გლეჯა. სისხლმა შადრევანივით გადმოხეთქა. მაშინ ვეფხვმა მიატოვა მამა და კვლავ დაეტაკა შვილს, რომელიც გაშეშებული მიჩერებოდა მამის დაღუპვას.

ტყის მჩეხავებმა მოკურცხლეს, მთელი გზა ტუპურამდე სულმოუთქმელად ირბინეს, ერთხელაც არ მოუხედავთ უკან, რომ დაენახათ, რა მოუვიდა მათ ამხანაგებს. ტუპურში იარაღი არავის არ აღმოაჩნდა, და გლეხები ახლა შიმოგაში გაიქცნენ, რომ ეცნობებინათ პოლიციისათვის მომხდარი ამბავი.

გზაში ისინი შეხვდნენ ჩორდში ქვიშისათვის მიმავალ საბარგო მანქანას. გლეხებმა გააჩერეს ის და თხოვეს, დაბრუნებულიყო უკან და ჩაეყვანა ისინი შიმოგაში. მძლოლმა, იშვიათმა გამბედავმა ვაჟკაცმა, ანდა ყოველ შემთხვევაში თავის ასეთად გამოჩენის მსურველმა, აღუთქვა გლეხებს, რომ მიიყვანდა მათ „ფანტასტიკური“ შემთხვევის ადგილზე. იქ კი

თვითონვე გადაწყვეტდნენ, თუ როგორ უნდა მოქცეულიყვნენ შემდეგში. ვილაყამ იკითხა:

— მერე ვეფხვი? შენ ხომ ღია მანქანა გაქვს. ძარბა რომ შემოახტეს და მოკლას ვინმე?

— ჩემო ძმაო, — გაბედულად თქვა მძღოლმა, — მე თქვენთან ვარ და ნურავის და ნურაფრის ნუ გეშინიათ. ნუთუ მე გულზე ხელდაკრეფილი დაუფწყებ ლოდინს, სანამ ვეფხვი მანქანას შემოახტებოდეს? მყისვე მისკენ დავძრავ მანქანას.

ამ სიტყვებით გამხნეებული გლეხები ჩასხდნენ მანქანაში და მალე ნაკრძალთან მივიდნენ. მძღოლი, რომელსაც მთელი ეს ისტორია თავიდან ბოლომდე მოგონილი ეგონა, გულწრფელად გაოცდა, როცა დაინახა სისპლში მოსვრილი მკვდარი მოხუცი.

შვილის კვალი კი არ ჩანდა.

მძღოლს თვითდარწმუნებულობა გაუქრა და შეჩერდა, რომ მანქანაში ტყის მჩეხავის გვამი ჩაესვენებინათ. შემდეგ ის მთელი სისწრაფით გაქანა შიმოგაში, სადაც გლეხებმა დაწვრილებით აცნობეს პოლიციას და სატყეო სამმართველოს. ფორმალობისათვის ტყის მჩეხავის გვამი გაკვეთეს და იმავე საღამოს ნათესავებს მისცეს.

მეორე დღეს შემთხვევის ადგილზე მოვიდნენ პოლიციელები ყმაწვილის მოსაძებნად. დამსწრეთა მტკიცებით, ნაკვალევი გარკვევით ჩანდა, მაგრამ პოლიციელთაგან არავინ იცოდა, როგორ მიჰყოლოდა ნაკვალევს. საღამოსვე დაბრუნდნენ შიმოგაში და აცნობეს, რომ მათ ვერ შეძლეს დაზარალებულის ნეშტის აღმოჩენა.

ეს იყო სულ, რაც იცოდნენ ტყის მჩეხავებმა კაციჭამიას უკანასკნელი „გმირობის“ შესახებ.

მეტყევე ყავით გამომასპინძლდა და ყველა ერთად გავეშურეთ ვეფხვის თავდასხმის ადგილისაკენ.

მე ადრეც მიგოია ამ გზით. ეს იყო მეორე შემთხვევა, რომ ჩემ მიერ დევნილმა ვეფხვმა თავი შეაფარა კარადიბეტის ნაკრძალს. პირველად სოფელ გაუჯას მიდამოებში დაქრილმა კაციჭამიამ მიაშურა ნაკრძალს, მაგრამ, საბედნიეროდ, იგი მანამ მოვკალი, სანამ საზღვარს გადალახავდა.

ტყისმცველი უკვე ნამყოფი იყო აქ და მაჩვენა ის ადგილი,

სადაც ვეფხვი თავს დაესხა ტყის მჩეხავს. ამ ადგილას დიდი მოძრაობა იყო და ავტობუსების, საბარგო მანქანებისა და ხარებშებმული ფორნების ბორბლებს სულ წარეხოცათ სისხლის ნაკვალევი.

ნაკრძალი იწყებოდა ტექტონის ჭალიდან რამდენიმე იარდის მოშორებით. თხუთმეტი-ოცი წლის წინათ მწკრივად დარგული ხეები ახლა სიმადლით 20 ფუტს აღწევდა. ნარგავების ხშირი მასივი ნაკრძალის სიღრმეში იჭრებოდა დაახლოებით ორ ფარლანგამდე და შემდეგ მას ცვლიდა ბუნებრივი ჭუნგლები.

თუ მხეცი დაჭრილი არაა და არ ტოვებს შესამჩნევ სისხლიან ნაკვალევს, მისი დევნა ტექტონის ჭალაში შეუძლებელია. ძირს ჩამოცვენილი ხმელი ფოთლები სქელი ნოხივით ფარავს მიწას, რომელზეც ნაკვალევი არ აღიბეჭდება. კაციკამიას მიერ გატაცებულ ყმაწვილს, როგორც ჩანს, არ ჰქონდა ძლიერი სისხლის დენა ჭრილობიდან. გულმოდგინე ძებნის შემდეგ აღმოვაჩინეთ ტექტონის ხეების ფოთლებზე შემხმარი სისხლის მხოლოდ სამი ლაქა.

ვიცოდი, რომ ნაკრძალი გადაჭიმულია ჩრდილოეთისაკენ მდინარემდე და სოფელ გაუჯის ამილიგოლასთან შემაერთებელ სასოფლო შარამდე. აქ ის თავდება, თუმცა ჭუნგლები კვლავ გრძელდება. რადგანაც მივიღე სპეციალური ნებართვა ნაკრძალის ტერიტორიაზე, როგორც გამონაკლისი, კაციკამიას მოკვლის შესახებ, ამიტომ გონივრულად მიმაჩნდა, ოიხი მისატყუარი დამება ნაკრძალის საზღვრებთან; ერთი კი — ცენტრში.

გასული წლების გამოცდილებით ვიცოდი, რომ ამ მხარეში მეტად ძნელია ხუთი სული პირუტყვის ერთბაშად ყიდვა. ამიტომ მეტყევეებს ვთხოვე დამხმარებოდნენ ამ საქმეში. მათ დამამხმედეს, რომ მისატყუარებს ადგილზე მიიყვანდნენ. სანამ ეს საუბარი მიმდინარეობდა, ჩემს თანამგზავრებს აშკარად შევეამჩნიე, რომ ღელავდნენ. უკვე ექვსი საათი იყო და სადამოს ჩრდილები თანდათან მუქდებოდნენ. ფრთხილად, ერთად მივიწვევდით ტექტონის ხეების ხშირ ჭალაში გზაზე დაყენებულ მანქანებისკენ.

მეორე დღისთვის საჭირო ხუთი ცხოველი მხოლოდ

პირველის ნახევარზე მოიყვანეს. ნახევარი დღე დაიკარგა-
ამის გამო მზის ჩასვლამდე მხოლოდ სამი მისატყუარი და-
ვებით, დანარჩენები კი დანიშნულ ადგილებზე მხოლოდ მეო-
რე დღის გარიჟრაჟზე მივრეკეთ.

დაახლოებით ნაშუადღევს სამის ნახევარზე ჩორდის
ახლო ყანაში მომუშავე გლეხებმა მაცნობეს, რომ გასულ
ღამეს მოკლულ იქნა ზაქი, რომელიც ჩვენ მივებით იმ ადგი-
ლის ახლოს, სადაც კაციჭამია თავს დაესხა ტყის მჩენავებს.
გლეხებისათვის ამის შესახებ უცნობებიათ ტყის მცველებს.
მათ არ იცოდნენ, რომელი გზით წამოვედით და ამიტომ თხო-
ვეს ყველა შემხვედრს გადმოეცათ ჩვენთვის ახალი ამ-
ბავი.

გავეშურეთ ჩორდში, იქ რომ მივედით. მეტყვევ უხეშად
ლანძღავდა მცველებს, რომ მათ ღროზე ვერ მოგვძებნეს.
თუმცა ამის გამო მათთვის ბრალის დადება არ შეიძლებოდა.
ჩვენ მთელი დღე გადავდიოდით ერთი ადგილიდან მეორეზე,
და, ჩემი აზრით, ძალზე გონივრულად მოიქცნენ, რომ ჩორდ-
ში დარჩნენ და გვაწვდიდნენ ცნობებს მახლობლად გავლილი
ხალხის მეშვეობით. თუ ვიჩქარებდით, მაჰანის გაკეთებას
მოვასწრებდით.

დაახლოებით ოთხის ნახევარზე ჩემი სტუდენტური უკვე
იდგა გზაზე ტექტონის ჭალის პირდაპირ. სამი წუთი გავიდა.
სანამ დასაყეც ჩარპის ამოვიღებდით მანქანის საბარგედან.
მე ის სულ ცოტა ხნის წინათ გავაკეთე, ჩვეულებრივისგან
განსხვავებით დავამოკლე თითქმის ორჯერ, რის შედეგად მისი
წაღება უფრო გაგვიადვილდა.

ახალ ნარგავებში იყო რამდენიმე ბებერი და მაღალი ტექ-
ტონის ხე და ერთი მათგანის ძირში დაბმული გვყავდა
კამეჩი.

ამ დაწყევლილ ხეზე ძალიან ძნელი იყო ასვლა. შტამპები
სავსებით გლუვი ჰქონდა, პირველი ტოტები თორმეტი ფუტის
სიმაღლეზე ეწყებოდა და მე კი ვერასოდეს ვერ ავდიოდი
ვერტიკალურ ჭოკებზე.

შევადექი ტყისმჭრელს ბეჭებზე, ხოლო დანარჩენი მონ-
დომებით მეხმარებოდნენ, სანამ არ ჩავეჭიდე პირველ ტოტს
და არ ავიტანე ტანი. ტექტონის ხის ფოთლები ისე დიდია.

რომ მაჰანის დათარვა არ იყო ძნელი, და რადგან გარშემო ტექტონის ხეები ხარობდა, ჩვენი შენიღბვა ეხამებოდა მათ კენწეროებს. განშტოება, რომელზეც მაჰანი გავიკეთე, სიმაღლით ოც ფუტზე მეტი იყო.

ვეფხვს უკვე შეეჭამა ნახევარი მოზვერი, ხოლო რაც მორჩენოდა, საკმარისი იყო, რომ დავლოდებოდით ჯალათის განმეორებით მობრძანებას.

დაახლოებით სადამოს ხუთ საათზე ჩემი თანამგზავები წავიდნენ. კიდევ ოცი წუთი დასჭირდებოდათ იმისათვის, რომ მანქანა გვერდზე მიეყენებინათ და ვეფხვისათვის ვა ვაეათავისუფლებინათ. თუ ინებებდა ამ მხრიდან გამოჩენას. თუმცა მოსალოდნელია სრულიადაც არ მოსულიყო.

მაგრამ ვეფხვი მოვიდა. როცა სავსებით დადამდა, ხალეზიანმა ირმებმა გვამცნეს მისი მობრძანება. ეს პოპულარობა--ან, პირიქით, არაპოპულარობა — ტყის მშვიდობიან ბინადართა შორის, ძალიან შემამოფოთებელი უნდა ყოფილიყო მტაცებლისათვის. ამ შემთხვევაში დარწმუნებული ვარ, რომ იგი ამას სრულიად უადგილოდ თვლიდა.

ვეფხვი მოძრაობდა ყოველგვარი სიფრთხილის გარეშე. და შესმოდა მის თათებს ქვეშ ხმელი ფოთლების შრიალი, ჯერ კიდევ მანამ, სანამ ნადავლთან მივიდოდა.

მივმართე მისკენ ფარნის შუქი. მან პირდაპირ სახეში შემომხედა. სამი წამი საკმარისი იყო იმისათვის, რომ კარგად შემემჩნია, მტაცებელს არ ჰქონდა „ფაფარი“, მაგრამ სხვა გზა არ იყო და ვეფხვი დაეცა ტყვიით გულგანვმირული.

შევიცადე თხუთმეტი წუთი დასარწმუნებლად, რომ ის მკვდარია. ვეფხვი არ ინძრეოდა, და ჩამოვედი ხიდან. მიწამდე შეიდი თუ რა. ფუტი იქნებოდა თა რომ ჩამოხზო. მიწაზე მაგრად დავარდნამ ყველაზე არასასიამოვნო მოგონებანი დამიტოვა. ლეშთან მისვლისა და გულდასმით დათვალიერების შემდეგ შევიგინე. როგორც ვვარაუდობდი, ეს არ იყო კაციკამია. მას კისრის გარშემო არ ჰქონდა ბალნის რგოლი. ჯალათი კვლავ ხელიდან გამისხლტა, უდანაშაულო ცხოველი კი ვიმსხვერპლე.

მეორე დღეს, ვეფხვი რომ გავატყავეთ, მეტყვევებმა შეადგინეს ოფიციალური ანგარიში იმის შესახებ, რომ მე მოვკალი

მტაცებელი, რომელსაც არ ჰქონდა ფაფარი, და მაშასადამე, შესაძლებელია, სრულიადაც არ იყო კაციჭამია, მაშინ როდესაც ჩემს ხელთ არსებულ საბუთში ნება მეძლეოდა კარაღბეტის ნაკრძალის ტერიტორიაზე მენადირა მხოლოდ კაციჭამიაზე.

ჩემი შვებულების დამთავრებამდე ვეფხვი არ გაჰყარებია არც ერთ მისატყუარს. შიმოვის ოლქის მეტყევემ ოფიციალური ახსნა-განმარტება მომთხოვა, იმის შესახებ, თუ რატომ მოვკალი ნაკრძალში არაკაციჭამია ვეფხვი.

მთელი სიცოცხლე ინდოეთში გავატარე და ყველა სახელმწიფო მოხელისათვის დამახასიათებელ ასეთ ბიუროკრატიზმს არ გავუოცებოვარ. პასუხად სინანულის წერილი დავწერე, რომ ოლქის ტყისმცველი შეცდომაში შეიყვანეს და ვამტყიცებდი, რომ მოცემული ნებართვის თანახმად ნაკრძალში მოვკალი კაციჭამია.

და რატომაც არა? ყველა კმაყოფილი დარჩა. დეკორუმი დაცულ იქნა, ყველა დაინტერესებულმა მხარემ ზუსტად და მონდომებით შეასრულა თავისი ვალი.

დრო იყო დავებრუნებულიყავი ბანგალურში. მადლობა გადავუხადე მეტყევეებს დახმარებისათვის, დარჩენილი ოთხი მისატყუარი ყოფილ მეპატრონეებს დავუბრუნე მეოთხედზე ნაკლებ ფასად და სახლში გავემგზაურე. გზად შიმოვაში შევჩერდი, რომ მადლობა მეთქვა ოლქის მეტყევისათვის. მან ბოდში მომიხადა იმის გამო, რომ იძულებული გახდა, მოეთხოვა ჩემგან ახსნა-განმარტება და მითხრა, შენს პასუხს ძალიან გონივრულად ვთვლიო.

გავიდა ერთი წელი, მოხუცი ტყის მჩხვავისა და მისი შვილის დაღუპვის შემდეგ ახალი მსხვერპლი არ ყოფილა. ყველამ იფიქრა, რომ გრძელფაფრიანი ვეფხვი ვიდაცის ფანტაზიის ნაყოფი იყო და რომ მე მართლა მოვკალი კაციჭამია. თავადაც ასე ვფიქრობდი, სანამ ეს ილუზიები არ გაქრა.

ვეფხვმა კვლავ მოკლა კაცი ქალაქ საღარის განაპირას, რომელიც, როგორც უკვე ვთქვი, მდობარეობს ჯოჯის წყალვარდნილებამდე ქუშისა და ანანტაპურამს შორის. ორი კვირის შემდეგ მან დაგლიჯა ანანტაპურამის მცხოვრები. ერთი თვის

მერე კი სიცოცხლეს გამოასალმა ტაგარტელი გლეხი და გაუ-
ჯელი გლეხის ქალი. ორივე ეს სოფელი ანანტაპურამიდან ათ
მილზე მდებარეობს. აგვისტოს დასაწყისში მან დღისით გაი-
ტაცა ბიჭი, რომელიც ქუმსის განაპირას გზის ახლოს ნახირს
მწყემსავდა.

კაციჭამია საიდანღაც დაბრუნდა მას მერე, რაც მოხუცი
ტყის მჩხეხვისა და მისი შვილის მოკვლის შემდეგ იყო გადა-
კარგული, და მტკიცედ შეუდგა ადამიანების ხოცვას. თუ ეს
იყო მეორე კაციჭამია, წინამორბედზე უფრო სწრაფადმოქ-
მელი?

ძლივს ავიღე ერთი კვირის შვებულება და წავედი ქუმსში.
შიმოგის ოლქის ახალმა მეტყევემ წარმატება მისურვა. მე
კვიტხე მას, ქუმსში და ჩორღში არიან თუ არა ის მეტყევეები,
რომლებსაც ერთი წლის წინათ ვხვდებოდი-მეთქი. გამეხარდა,
დადებითი პასუხი რომ მივიღე.

ჩვენ შევხვდით ერთმანეთს როგორც ძველი მეგობრები.
მეტყევეები თვლიდნენ, რომ გასულ წელს მე ნამდვილად
მოკალი კაციჭამია, ახლა კი სხვა მტაცებელი მოქმედებდა.
აბა მაშ სად უნდა ყოფილიყო ამდენ ხანს კაციჭამია? ცნობი-
ლია, რომ მტაცებლები არასდროს არ ამბობენ უარს ადამიანის
ხოცვზე. მაშასადამე, სადაც არ უნდა ეხეტიალა ვეფხვს,
მას რამდენიმე კაცი მაინც უნდა დაეგლიჯა და ეს კი ცნობი-
ლი გახდებოდა.

მათი მტკიცება ძალიან გონივრული ჩანდა, და მიუხედავად
იმისა, რომ ეჭვი მეპარებოდა, მაინც დამარწმუნეს.

დავიწყეთ ფიქრი იმაზე, როგორ გვემოქმედა შემდეგში.
ვეფხვი თავს ესხმოდა ხალხს საღარში, ანანტაპურამში, ტა-
გარტში, გაუჯსა და ახლა ქუმსშიაც. ეს იყო იგივე ოლქი,
რომელშიც რამდენიმე წლის წინათ მოქმედებდა გრძელფაფ-
რიანად წოდებული კაციჭამია, თუ საერთოდ ასეთი არსებობ-
და. სად დაგვება მისატყუარები? საიდან დაგვეწყო? ვერ
გადაგვეწყვიტა.

მეორე დღეს ეს კითხვები თავისთავად გადაიჭრა. ვეფხვმა
გაიტაცა პატარა მწყემსი ამლიგოლაში, რომელიც თუ არ დაგ-
ვიწყებიათ, მდებარეობს კარადიბეტის ნაკრძალის ჩრდილოე-
თის საზღვრის აღმოსავლეთ ნაწილში, ე. ი. ნაკრძალის ტერი-

ტორიის მიერ შექმნილ არასწორი მართკუთხედის ჩრდილო-აღმოსავლეთ კუთხეში.

შევიტყვეთ თუ არა ამის შესახებ, მეტყვევებთან ერთად გავემგზავრეთ დღის სამ საათზე ამლიგოლაში. მის ღირსშესანიშნაობას წარმოადგენდა საუცხოო პატარა მდინარე, რომელიც კარადიბეტის ჩრდილოეთ საზღვრად ითვლება და ერთ-ვის დიდ გუბურას დაახლოებით ბუნგალოდან ერთ მილზე. ბიჭი ნახირს აძოვებდა გუბურის ნაპირზე. ვეფხვი მიუახლოვდა პატარა მდინარის კალაპოტიდან და დაახლოებით დღის ცხრა საათზე თავს დაესხა მწყემსს. მოკლა ის და იმავე გზით თავის მსხვერპლიანად ჯუნგლებში გაუჩინარდა.

მაჩვენეს ვეფხვისა და ბიჭის გათრეული ფეხების ნაკვალევი. სისხლის ლაქები თითქმის არ იყო.

ადგილის დათვალიერება რომ დავამთავრეთ, უკვე ძალიან ბნელოდა და აღარ შეიძლებოდა მწყემსის გვამის ძებნა. მწყინდა, რომ ასე გვიან გავიგე მწყემსის მკვლელობის შესახებ და ვწყევლიდი ჩემს უბედობას. ძალიან ვცდილობიდი ჩქარა მიგვეღწია ამლიგოლამდე, მაგრამ სოფლის ცუდი გზა არ გვაძლევდა სწრაფი სიარულის საშუალებას. აი იმ საღამოს რომ მენახა ბიჭის ნეშტი, მაშინ მის მახლობლად დავუდარაჯდებოდი ვეფხვს.

მეტყვევები მოეწყვნენ ბუნგალოს ერთ ოთახში, მე კი — მეორეში.

ნაშუაღამევი გადასული იქნებოდა, რომ გაისმა ვეფხვის ღრიალი. გეგონებოდათ ის ერთი მილის მანძილზე იყო ჩვენგან. მეტყვევებმაც გაიგონეს ღრიალი. ეგონათ, რომ მე მეძინა, და დამიკაკუნეს კარებზე, რომელიც იმათი ოთახიდან ჩემსაში გამოდიოდა.

გავალე გრძელ ვიწრო აივანზე გამავალი კარი. ჯუნგლები მთვარის შუქით იყო განათებული. მხოლოდ ტროპიკებში შეიძლება შეიგრძნოთ ტყეში მთვარიანი ღამის ენით გამოუთქმელი მომხიბვლელობა. სანამ ამ წარმტაცი სანახობით ვტკბებოდი, სრული ამ სიტყვის მნიშვნელობით, ვეფხვა კვლავ დაიღრიალა, ამჯერად გაცილებით უფრო ახლოს. მივხვდი, რომ ცხოველი მოძრაობს პატარა მდინარის გასწვრივ, ბუნ-

გალოდან რამდენიმე იარღის მოშორებით და ერთი-ორი წუთის შემდეგ გაივლის ახლოს. კაციჭამიაა თუ არა ეს?

გადავწყვიტე, მეცადა ბედი.

ორი წუთი დამჭირდა თოფის ლულაზე ფარნის მისამაგრებლად. აბაზანის ოთახის გავლით სახლის უკანა მხრიდან გამოვხტი, გავძვერი ნორჩი ხეების თხელ მესერაში და ფერდობზე დავეშვი პატარა მდინარისაკენ.

ვხედავდი, მთვარის შუქზე როგორ ლივლივებდა წყლის ზედაპირი, თუმცა ხეების ქვეშ, სადაც ვიდექი, ძალიან ბნელოდა. როგორც უკვე ვამბობდი, პატარა მდინარე კარადიბეტის ნაკრძალის ჩრდილოეთ საზღვარს ქმნიდა, და მისი მოპირდაპირე ნაპირი გადიოდა ნაკრძალის ტერიტორიაზე. ვეფხვმა კვლავ დაიღრიალა. ის სწრაფად მიახლოვდებოდა და ამჯერად უკვე მეოთხედ მიღზე იყო ჩემგან დაშორებული. ჩასაფრებას თუ ვაპირებდი, უნდა ავჩქარებულიყავი.

აღვზნებულნი თვალებით ვიყურებოდი აქეთ-იქით, სად დავმალულიყავი. ნაპირიდან დაახლოებით ორი ფუტის მოშორებით, სადაც ვიდექი, წყალში ხარობდა ლერწამი. ვიცოდი, რომ მდინარე ღრმა არ იყო, სწრაფად ჩავირბინე ნაპირი, უხმოდ ჩავედი მდინარეში, ვცდილობდი წყალი არ ამეშხაპუნებინა. ჩავცუცქდი და ლელიანში დავიმალე. ორი თუ სამი წუთი სამარისებური სიჩუმე სუფევდა. ნაპირზე მდგარი ხეებიდან დაშვებულ ვეებერთელა ჩრდილებს იქით ვერაფერს ვხედავდი.

ნაპირზე, სადაც ვიდექი, კვლავ მოისმა ღრიალი — ვეფხვი ახლოს მიდიოდა.

„ერთი, ორი, სამი, ოთხი, ხუთი“ — დავითვალე და ვეფხვს მივეცი გავლის საშუალება, რომ ის ჩემს ზევით არ აღმოჩენილიყო, როცა შუქს მივანათებდი. აი, დავაჭირე თითი ფარნის ღილაკს... მხეცის ზოლებიანი სხეული თხუთმეტოდე იარღით თუ იქნებოდა ჩემგან დაშორებული.

ის შედგა და შემოტრიალდა. ახლა ვეფხვი ჩემკენ იყო მობრუნებული მარჯვენა ფერდით, და იძულებული გაეხდი, მესროლა ბეჭის ქვევით, ის ახტა და გულადმა დაეცა. ვესროლე მეორეჯერ, მესამეჯერაც.

ამ დროს ის მიხვდა, სად ვიმალებოდი, წამოდგა და დაქა-

ნებულ ნაპირზე სრიალით ჩამოცურდა ჩემკენ, ძეოთხე ტყვი-
ით თავის ქალა გავუპე იმ დროს, როცა ჩვენ ხუთი იარდით
თუ ვიქნებოდით ერთმანეთისაგან დაშორებული.

მოგვიანებით, როცა მას ვათვალისწინებდი, გამოცა მისი
კისრის გარშემო წამოზრდილმა ხშირმა ბალანმა, რომელიც
ნამდვილი ფაფრის შთაბეჭდილებას ტოვებდა.

ჯუნგლების ზოგიერთი საიდუმლოება არასდროს არ იქნება
ამოცნობილი, ამასთან ერთად ისიც, თუ რატომ ჰქონდა ამ
ვეფხვს ფაფარი.



თ ა ვ ი მ ე ტ ხ რ ა

კაციჰამია პეგეპალაიაშიდან

ამ თავში საუბარი გვექნება კაციჰამია ვეფხვზე, რომელიც ახლაც, როცა ამ სტრიქონებს ვწერ, შეიძლება ცოცხალია. ოფიციალური მონაცემებით, მან მოკლა თორმეტი კაცი, თუმცა ამბობენ, მის მსხვერპლთა არაოფიციალური სია ოცდაჩვიდმეტ მამაკაცს, ქალსა და ბავშვს ითვლისო. ამათგან დაახლოებით ნახევარი მართლა მოკლა და ნაწილობრივ ან მთლიანად შეჭამა მტაცებელმა. დანარჩენები კი მხოლოდ დაასახიჩრა. ხელისუფლებმა მარტო დაღუპულები აღრიცხეს და ამიტომ ოფიციალურსა და არაოფიციალურ მონაცემებს შორის განსხვავებაა.

ვფიქრობ, ამ თავის გმირი იგივე ცხოველია, რომელიც აღვწერე მეორე წიგნში შეტანილ მოთხრობაში „რაჯნაგარელი ჯალათი“. როცა ამ ვეფხვზე პირველად ვწერდი, მას ბუნაგი კომბატურის ოლქის ჩრდილოეთით მდებარე ბუჩქნარიან ჯუნგლებში ჰქონდა. იქიდან სოფელი რაჯნაგარი ახლოსაა, და რადგან მტაცებლის თავდასხმისაგან პირველად ამ სოფლის მწვემსები დაზარალდნენ, იგი ცნობილ იქნა, როგორც ვეფხვი

რაჯნაგარიდან. მას ახასიათებდა ერთი თავისებურება: გამოხატებოდა თავშესაფრიდან, საშინლად დასახიჩრებდა მწყემსს ბრჭყალებით და აუცილებლად გაიტაცებდა ცხოველს ჯოგიდან. არასდროს არ შეუმჩნევიათ, რომ მას დაეგლიჯოს ვინმე. რდემლსაც კი თავს დასხმია. ერთი თუ ორი კაცი უკვალოდ დაიკარგა და ეგონათ, რომ ისინი ვეფხვმა შეჭამა, მაგრამ ამის დამამტკიცებელი საბუთები არ არსებობდა. ცნობილი იყო მხოლოდ, რომ ვეფხვი გლეჯდა ადამიანებს მარტოოდენ ბრჭყალებით და ეშვებს არ ხშარობდა.

ამან წარმოშვა შეხედულება, თითქოს ვეფხვი ოდესღაც დაჭრილი იყო დრუნჩში ან ყბაში. მაგრამ მწყემსის დასახიჩრების შემდეგ მტაცებელი ენერგიულად შეუდგა მოკლული ცხოველის ჭამას. მაშასადამე, მას მშვენიერად შეეძლო კბენაცა და ღრღნაც. არაჩვეულებრივი მოვლენა მაინც ვერ ახსნეს, თუმცა წამოყენებული იყო მრავალი მახვილგონივრული ვარაუდი.

მე.გამბეთ, თუ როგორ ვცდილობდი ამ ვეფხვის მოკვლას და როგორი წარუმატებლობა მხვდა წილად. მისი მოკვლა ყოველად შეუძლებელი იყო. ბოლოს და ბოლოს დავბრუნდი შინ ბანგალურში. რაჯნაგარელმა ჯალათმა ჩვენი შეხვედრების პირველი რაუნდი გამარჯვებით დაამთავრა. მაგრამ იმედს არ ვკარგავდი, რომ მომეცემოდა საშუალება მეორე რაუნდის დაწყებისა, რომელიც ჩემი წარმატებით დამთავრდებოდა.

მრავალი წერილი მივიღე დაინტერესებულ მეგობართა და კეთილმსურველთაგან იმის გამო, გავაგრძელებდი თუ არა მოთხრობას. ერთმა ნაცნობმა ჯო კირნეიმ ტელეგრამაც კი გამომიგზავნა ლოს-ანჯელოსიდან. მაცნობებდა, რომ ელოდა ამ ვეფხვთან დაკავშირებული შემდგომი თავგადასავლის აღწერას.

მაგრამ არ შემეძლო დამეკმაყოფილებინა მათი ცნობის-მოყვარეობა, რადგან რაჯნაგარელმა ჯალათმა შეწყვიტა ხალხის დასახიჩრება და მალე გუჩინარდა. თავს ვარწმუნებდით, რომ მან ხასიათი შეიცვალა ანდა გადაწყვიტა, მომავალ წელს ახლებურად დაეწყოს ცხოვრება. შესაძლოა, გადაიკარგა ჯუნგლებს დაშორებულ რაიონებში ან დაიღუპა კიდევც... გავიდა ხანი და რაჯნაგარელმა მწყემსებმა კვლავ დაიწყეს მათი სოფ-

ლის გარშემო მდებარე ჩირგვანარში ნახირის გაღენა. საღამოს დაღლილი, მაგრამ უვნებელი ბრუნდებოდნენ.

გავიდა დაახლოებით ცხრა თვე, ყველგან სრული სიწყინარე სუფევდა. ერთ საღამოს, როცა მზე ბილიგირიჩანგანის მთა-გრეხილს მიეფარა და პეგეპალაიაპის მთის აღმოსავლეთით, დიმბუმიდან კოლეგალში მიმავალ გზიდან ორი მილის მოშორებით ჯუნგლებს შორის გაწმენდილ ნაჭკვეთზე მდებარე სოფელ პეგეპალაიაში ქოხების კედლების გრძელი ჩრდილები დაეშვა, ტყის ბილიკზე გამოჩნდა ჯოგი. მას მწყემსი და მისი დამხმარე მოყვებოდა.

ადგილი დაღარული იყო ხშირი ტყით დაფარული ხეებით. წვიმების დროს ამ ხევში წყლის ნაკადები მოჩხრიალებდა, მაგრამ დამათრობელი სუნით გაქლენილ იმ საღამოს ხევი სრულიად ამომშრალი იყო. ფრთოსანთა უღურტული და ფრთების ფათქუნი მშვიდობისა და სიწყინარის განწყობილებას ქმნიდა.

ჯოგი ერთ-ერთ ასეთ ხევზე გადიოდა. მწყემსი უკვე ხევის ფსკერზე იყო, როცა ფიქრებში წასულმა დამხმარე მწყემსმა ფერდობზე ჩასვლა იწყო, გზაში მას უნდა გაეელო ახლად ამოყრილი ბამბუკის რაყა; ხეები ირგვლივ მაღალ ბალახში იყო ჩაფლული. ნახირმა გვერდი აუარა ამ დაბრკოლებას.

უეტრად უკნიდან მოესმა ყრუ ხმაური. მას მოჰყვა მძიმე ამოსუნთქვის ხმა. მწყემსმა მოიხედა, მაგრამ გზაზე, რომელიც ბამბუკის ხეებს გარს უვლიდა, არავინ ჩანდა. მან განაგრძო გზა. ექვი არ ეპარებოდა, რომ ბიჭი დაეწეოდა.

აი გამოჩნდა პეგეპალაიაშიც. მწყემსმა ერთხელ კიდევ მოიხედა უკან, მაგრამ კვლავ ვერ დაინახა ბიჭი. „ვენკატ, ვენკატ“, — მოუხმო მან. არავინ უპასუხა. მწყემსმა კვლავ დაუძახა, და ისევ არავინ გამოეხმაურა. ნახირი ზანტად მიიზღაზნებოდა სოფლისაკენ, მწყემსს არ უნდოდა მათი უყურადღებოდ მიტოვება და უკან მიჰყვა.

უამრავ მიზეზს შეეძლო ბიჭუნას შეფერხება. და თავდაპირველად არავინ არ შეუწუხებია მის არყოფნას, მაგრამ რომ გავიდა ერთი საათი, ორი, ის კი არ ჩანდა. მაშინ მწყემსს გაახსენდა, რომ პირველად იგი მოისაკლისა გზაზე ბამბუკის ხეების მახლობლად, ხმამაღალი სუნთქვა რომ გაიგონა. იქნებ

ბიჭს გველმა უკბინა? არც უფიქრია, რომ ის შეიძლებოდა კაციჭამიას მსხვერპლი გამხდარიყო. პეგეპალაიამის მიდამოებში აქამდე არ სმენიათ ასეთი საშიშროების შესახებ.

მწყემსი გაეშურა ბამბუკის ხეებისაკენ. მათ რომ ჩაუარა, დაინახა გამხმარ მიწაზე თავისი ფეხისა და პირუტყვის ჩლიქების კვალის ზემოდან ვეფხვის თათების ანაბეჭდი, ხანმოკლე შეჭახებისა და ბიჭუნას ნათრევი სხეულის ნაკვალევი.

ასე გაჩნდა კაციჭამია პეგეპალაიამიდან.

ამის შემდეგ ყოველი მხრიდან მოდიოდა ცნობები ადამიანებზე თავდასხმის შესახებ; სამხრეთ-დასავლეთიდან, პეგეპალაიამიდან ოცდაათ მილზე მდებარე ტალვადიდან და ტალაი-მალაიდან; აღმოსავლეთით — კავერის ნაპირზე მდებარე ალამბადიდან; ჩრდილოეთით კოლეგალიდან ექვსი მილის მანძილზე მდებარე სოფლიდან. უკანასკნელი თავდასხმა გამოიჩინებოდა განსაკუთრებული თავხედობით: დაახლოებით დილის თერთმეტის ნახევარზე, როცა მზე მაგრად აცხუნებდა, ვეფხვმა ყანიდან გაიტაცა თხუთმეტი წლის ბიჭი.

საინტერესო ამბები ცნობილი გახდა მას შემდეგ, როცა კაციჭამია ახლად დაესხა თავს დაახლოებით სამ მილზე იმ ხევიდან, საიდანაც პეგეპალაიამელი მწყემსის დაჰხმარე ბიჭი გაიტაცა.

სამი გლეხი მიდიოდა სოფლის შარაზე, რომლითაც მანამდე ტყიდან ბამბუკს ეზიდებოდნენ. კაციჭამიას შიშით ბამბუკის გაკაფვა მთლიანად შეწყდა. ხალხი ჯგუფ-ჯგუფად დადიოდა ჯუნგლებში, ისიც მხოლოდ აუცილებელი საჭიროების შემთხვევაში და ყოველთვის დღისით. ამ სამს გადაუღებელი საქმე ჰქონდა. გამოვიდნენ ისინი ნასადილევს შინიდან და ოთხის ნახევარზე ვარაუდობდნენ უკანვე დაბრუნებას. მათ თითქმის საქმე მოათავეს, რომ მოულოდნელად გზაზე გამოხტა ვეფხვი. ისინი თავზარდაცემულნი შედგნენ. ვეფხვი, უკანა თათებზე შემდგარი, ეცა პირველ გლეხს და წინა თათების ბრჭყალებით სახეში ჩააფრინდა. მისი თანამგზავრები გაიქცნენ მახლობელ ხისაკენ და აცოცდნენ ზედ. გლეხმა, რომელსაც თავს დაესხა მტაცებელი, იშვიათი გულადობა გამოიჩინა და ალაღბედად დაარტყა ვეფხვს დრუნჩზე დანა, რომელსაც ყველა შოლოვა თან ატარებს ჯაგნარში გზის გასაკაფად.

მხეცი არ ელოდა დარტყმას და ტკივილისაგან დაიღრიალა მაგრამ, როგორც ჩანს, ყველა კაციჭამიას დამახასიათებელი სიმხდალის გამო, თავი მიაწება მსხვერპლს და ბუჩქნარში მიიმალა.

ამ ხნის განმავლობაში გლეხებმა მოასწრეს და ხის ზედა ტოტებზე ავიდნენ. იქიდან შეძრწუნებულნი თვალს ადევნებდნენ ძირს მომხდარ სცენას. დასახიჩრებულს სისხლი თქრიალით გადმოდრიოდა ღრმა ჭრილობებიდან და სახესა და გულზე ეღვრებოდა. ის მიწაზე იჯდა, როგორც ჩანს, გარინდებულ მდგომარეობაში.

— ძმაო, — მოუხმობდნენ მას გლეხები, — ამოდი მალე ხეზე. დაბლა დარჩენა საშიშია. კაციჭამია შეიძლება დაბრუნდეს.

დაჭრილმა დაუჯერა მათ, ძლივს წამოდგა, მოიხსნა დოღბანდი და დაიწყო სისხლის მოწმენდა. გლეხებმა კვლავ მოუხმეს, და ის უკვე მობრუნდა, რომ ხისკენ წასულიყო, მაგრამ ბედმა სხვაგვარად განსაჯა — დღენი მისი დათვლილი იყო. ვეფხვს წუთიერი სიმხდალე შეეცვალა მძვინვარებით, რომელიც, შესაძლოა, მიყენებული ჭრილობის ტკივილით იყო გამოწვეული. ერთი ნახტომით ის გაჩნდა ამ უბედურის ახლო და ამჯერად წინა თათების მძლავრი დარტყმით კისერი გადაუმტვრია. როგორც კი წაიქცა, ვეფხვმა დასტაცა პირი და გლეხების თვალწინ ნადავლი ჯუნგლებში გაიტაცა.

ამ შემთხვევის შემდეგ მალე ჩავედი პეგეპალაიამში და ვესაუბრე ამ ამბის ორთავე მხილველს, მათ იგივე მიაბნეს სიტყვა-სიტყვით. ისინი ამტკიცებდნენ, რომ ვეფხვი ძირითადად მოქმედებდა ბრჭყალებით და არა ეშვებით. გამახსენდა მოუხელთებელი რაჯნაგარელი ჯალათი. შეიძლება დროთა ვითარებაში ის უფრო გულადი გახდა, მიეჩვია ადამიანის ხორცს და სახელი გაითქვა, როგორც პეგეპალაიამელმა კაციჭამიამ? რასაც გლეხები მიაშობდნენ, ადასტურებდა ასეთ შესაძლებლობას.

ბევრი ჯაფა დამჭირდა, რომ მომეკრიბა ცნობები ვეფხვზე, არა მარტო პეგეპალაიამში, არამედ მახლობელ სოფლებშიც, სადაც მტაცებელი თავს ესხმოდა ადამიანებს.

მისი მსხვერპლის რამდენიმე გვამი აღმოაჩინეს მანამ,

სანამ ვეფხვი მოასწრებდა მთლიანად მათ შუქმას. გვამზე შერჩენილი იყო ბრჭყალებისა და კბილების ნაკვალევი. იმის საბოლოო დამამტკიცებელი საბუთი, რომ ეს ვეფხვი კლავდა მხოლოდ ბრჭყალებით, არ არსებობდა.

პირველად პეგეპალაიაში დაყავი ერთი კვირა, ამ ხნის განმავლობაში კაციჭამია არ მიკარებია ჩემ მიერ მიბმულ არც ერთ მისატყუარს. ვერაფერი ახალი ვერ გავიგე მასზე. სამსახური მელოდა, შვეებულების გასაგრძელებლად არავითარი მიზეზი არ მქონდა და ბანგალურში დავბრუნდი.

მალე ჩემი წასვლის შემდეგ კაციჭამიამ კვლავ იმსხვერპლა ადამიანი — დღისით გაშლილ მინდორში კოლეგალიდან ექვსი მილის დაშორებით თავს დაესხა ბიჭს. ამჭერად, დაიმედებულმა, რომ ჩემზე მეტად გაუღიმებდა ბედი, ვეფხვის დევნა თავს იღო ჩემმა შვილმა დონალდმა.

ორთავეს ძალიან გვსურდა გაგვეგო, ხომ არ იყო კაციჭამია ის რაჯნაგარელი ჯალათი, რომელზეც ზემოთ ვიამბეთ. ამ კითხვაზე პასუხის გაცემა, როგორც ჩანს, შეუძლებელია, გარდა იმისა, თუ დონალდი შეძლებს ვეფხვის საოცარი ჩვევის, უპირატესად ბრჭყალებით მოქმედების მიზეზის გარკვევას. თუ დონალდს ბედმა გაუღიმა, ის უთუოდ ამოხსნის ჯუნგლების ერთ-ერთ მეტად საინტერესო საიდუმლოებას.

საკმარისია გავიხსენო ის, რომ ველარ დავინახო ჩემ წინ დაწყობილი ფურცლები, ჩემ წარმოსახვაში აგიზგიზდება ბანაკში დანთებული კოცონის ალი, ვხედავ წყვილიადში გაფანტული ნაპერწკლების კორიანტელს, კვამლის რგოლებს, წვრილ ხვეულებად მალლა, მალლა რომ მიიმართებიან.

ღამე ნათელი და კაშკაშაა, ცა მოქედილია აურაცხელი ვარსკვლავებით.

ანთებული კოცონის მოციმციმე შუქი დაახლოებით თხუთმეტი იარდის რადიუსზე ანათებს სივრცეს. მის მიღმა კვლავ წყვილიაღია, — დაძაბული, უკუნი, მღუმარე—ჯუნგლების ღამის წყვილიაღი.

ტკბილად ვწევ ჩიბუხს და ვუშვებ კვამლის რგოლებს, — ის ერწყმის კოცონის კვამლს და ქრება ალის მოციმციმე სინათლეში, ალისა, რომელიც აფრქვევს სასიამოვნო, თუმცა ოდნავ მცხუნვარე სიტბოს.

მხოლოდ ცეცხლში შეკეთებული ხმელი ტოტების ტკაცა-ტკუცი არღვევს ირგვლივ ჩამოდვარულ სიჩუმეს.

და სადღაც შორს, ბორცვებს იქით გაისმის: „უუნ-უუნ! აუნგხ! აუნგხ!“ ეს ვეფხვი ღმუის.

ეს წინადაც ხშირად მსმენია, მაგრამ ყოველთვის უფრო და უფრო მეტი მღელვარებით ვუგდებ ყურს ამ საშინელ და მასთან ერთად მელოდიურ ხმებს.


„უგხა-უგხ! უგხ! აუნგხ-ხ! აუუნგხ! უუნ—უუნ!“ ვეფხვი სულ უფრო და უფრო გვიახლოვდება.

და მე მსურს კვლავ ვიფიქრო, რომ ეს პეგეპალაიამელი კაციჟამიას ხმაა.

302 3M62030



60000 303030



ტაძრის ვეფხვი

I

ის, ვისაც არასდროს არ უცხოვრია ჰიმალაებში, ვერ წარმოიდგენს, თუ რა დიდ გავლენას ახდენს ცრუმორწმუნეობა ამ მცირედ დასახლებული რაიონის მოსახლეობაზე. მაგრამ სხვადასხვა სარწმუნოება, რომლებსაც ბარისა და მთისწინეთის განათლებული მკვიდრნი აღიარებენ, ოდნავ თუ განსხვავდება უბრალო უბირი მთიელების ცრუმორწმუნეობისაგან.

არსებითად განსხვავება: იმდენად მცირეა, რომ ძნელი გადასაწყვეტია, სად თავდება რწმენა და სად იწყება ცრუმორწმუნეობა. ამიტომ მკითხველს ვთხოვ, თუ მას აღეძრება სურვილი დასცინოს ამ ამბის მონაწილეთა გულუბრყვილობას, რომელზეც მსურს გაამბოთ, მოთმინება იქონიოს და სცადოს დაადგინოს, განსხვავდება თუ არა რითიმე ჩემ მიერ აღწერილი ცრუმორწმუნეობა იმ რელიგიის დოგმებისაგან, რომელზეც იგი აღიზარდა.

მაშ ასე, პირველი მსოფლიო ომის შემდეგ მე და რობერტ ბელეარსი კუმაონის * შიდა რაიონებში ვნადირობდით,

* კუმაონი — ჩრდილო-დასავლეთ ინდოეთში მთიანი ოლქი (უთარ პრადეშის შტატი) — (აქ და შემდეგაც შენიშვნები რედაქტორისაა).



სექტემბრის საღამოს ბანაკი ტრისულის * ძირას გავშალეთ, სწორედ იმ ადგილას, სადაც, როგორც გვაცნობეს, ყოველ წელს ამ მთის სულს მსხვერპლად სწირავენ რვაას თხას. ჩვენ თან გვახლდა თხუთმეტი მთიელი. წინათ არასდროს არ მქონია საქმე ასეთ ხალისიან და თავისი მოვალეობის გულმოდგინედ შემსრულებელ ხალხთან. ერთ მათგანს, გარხვალელ ბალა სინგხს, უკვე რამდენიმე წელია ვიცნობდი, იგი თან მახლდა ბევრ ექსპედიციასში. განსაკუთრებით ამაყობდა იმით, რომ ნადირობის დროს ჩემი ბარგიდან ყველაზე მძიმე ფუთა მიჰქონდა, წინ მიაბიჯებდა და სიმღერით ამხნევებდა დანარჩენთ. საღამოთი შესვენებისას, ვიდრე დასაძინებლად გაიკრიფებოდა, ჩვენი ხალხი მუდამ კოცონთან მღეროდა. იმ პირველ საღამოს ტრისულის მთის ძირას ისინი ჩვეულებრივზე მეტ ხანს ისხდნენ. ჩვენამდე აღწევდა სიმღერა, ტაში, ყვირილი და კონსერვის ცარიელ ქილებზე ბრახაბრუხი.

წინასწარ გადავწყვიტეთ ამ ადგილზე გავჩერებულიყავით და გარეულ თხებზე წაგვენადირა, ამიტომ ძალიან გავოცდით, როცა დილას სასაუზმოდ დავსხედით, დავინახეთ, რომ ჩვენი ხალხი კარვის ასაღებად ემზადებოდა. შეკითხვაზე, რა ამბავია-მეთქი, გვიპასუხეს, ეს ნაკვეთი უვარგისია ბანაკისათვის, ნესტიანია, სასმელი წყალი არ ვარგა, სათბობი ძნელი საშოვარია და, ბოლოს, აქედან ორ მილზე უკეთესი ადგილიაო.

წინააღმდეგობით ჩემი ბარგი ექვს გარხვალელს მოჰქონდა. თვალში მეცა, რომ ნივთები ხუთ ნაჭრად შეეკრათ, ხოლო ბალა სინგხს მხრებსა და თავზე საბანი წამოეხურა და კოცონთან განმარტოებით იჯდა. საუზმის შემდეგ მასთან მივედი. დანარჩენებმა მუშაობა შეწყვიტეს და დაძაბული ყურადღებით გვადევნებდნენ თვალს. ბალა სინგხმა დაინახა, რომ მისკენ მივდიოდი, მაგრამ არც კი ცდილა მომსალმებოდა (რაც მას არ სჩვეოდა) და ჩემს ყველა კითხვაზე მხოლოდ მპასუხობდა. ავად ვარო. იმ დღეს ორი მილი ისე გავიარეთ, რომ კრინტი არ დაგვიძრავს. ბალა სინგხი უკან მოგვდევდა, მთვარე-

* მთა (7239 მეტრი ზღვის დონიდან) 110 კილომეტრზე ჩრდილოეთით კუმანის დედაქალაქ ნაინი ტალიდან.

ულივით მოძრაობდა და ნარკოტიკით გაბრუებულ ადამიანს ჰგავდა.

ბალა სინგხის მდგომარეობამ დანადვლიანა დანარჩენი თოთხმეტი კაცი: ისინი აღარ მუშაობდნენ ჩვეული აღფრთოვანებით, სახეებზე დაძაბულობა და შიში აღბეჭდოდათ. სანამ კარავს ვდგამდით, რომელშიც მე და რობერტი ვცხოვრობდით, გვერდზე გაეხიმე ჩემი მსახური მოტი სინგხი — მას უკვე 25 წელიწადია ვიცნობდი — და მოვთხოვე, მიაშბე, რა დაემართა ბალა სინგხს-მეთქი. მოტი დიდხანს არიდებდა თავს პასუხის მოცემას. რაღაცას მიედ-მოედებოდა, მაგრამ ბოლოს ძლივს გამოვტეხე:

— გუშინ საღამოს, როცა კოცონთან ვისხედით და ვმღეროდით, — თქვა მოტი სინგხმა, — ტრისულის სული ჩაუძვრა პირში ბალა სინგხს და გადაყლაპა. ყველამ ყვირილი ატეხა და დასცხო თუნუქებს, რომ სული განგვედევნა, მაგრამ ვერ მოვახერხეთ და ახლა უკვე არაფრის ვაკეთება აღარ შეიძლება.

ბალა სინგხი გვერდით იჯდა, თავზე ისევ საბანი ეხურა. მას არ გაუგონია ჩემი ლაპარაკი მოტი სინგხთან, ამიტომ მივედი მასთან და ვთხოვე, მიაშბე, გუშინ საღამოს რა დაგემართა-მეთქი. ბალა სინგხი ერთ წუთს სასოწარკვეთილი თვალებით მომაჩერდა, შემდეგ უიმედოდ თქვა:

— ზედმეტია, საიბ, იმაზე ლაპარაკი, თუ რა მოხდა გუშინ საღამოს, არ დამიჯერებთ.

— განა ოდესმე არ მჯეროდა თქვენი? — ვკითხე მე.

— არა. — მიპასუხა მან, — თქვენ ყოველთვის გჯეროდათ ჩემი, მაგრამ ამას ვერ გამიგებთ.

— გაგიგებთ თუ არა, სულ ერთია, მინდა, რომ მიაშბო, რა მოხდა.

ხანგრძლივი დუმილის შემდეგ ბალა სინგხმა მიპასუხა:

— კარგი, საიბ, გეტყვი. თქვენ იცით, რომ ჩვენებურ მთიულურ სიმღერებს ჩვეულებრივ ერთი კაცი იწყებს, ხოლო ყველა დანარჩენი სიმღერას აიტაცებს და გუნდად მღერის. და აი გუშინ საღამოს, როცა სიმღერა დავიწყე, ტრისულის სული პირში ჩამიხტა და, თუმცა ბევრს ვეცადე უკან ამომეგდო, მაგრამ ყელიდან კუჭში ჩაძვრა. კოცონი გიზგიზებდა

და ყველამ დაინახა. თუ როგორ ვებრძოდი სულს; დანარჩენე-
ბიც ცდილობდნენ გამოედევნათ იგი, ყვიროდნენ და თუნუ-
ქის ჭურჭელს სცემდნენ, მაგრამ სულმა არ მოისურვა წასვლა.

— ახლა სად არის სული? — ვკითხე მე.

სინგხმა ხელი მუცელზე დაიდო და დარწმუნებით თქვა:

— აქ, საიბ, ვგრძნობ, როგორ ტრიალებს იგი.

რობერტმა მთელი დღე ბანაკის დასავლეთ მხარეზე მდებარე ადგილის დათვალიერებას მოანდომა და ერთი თხარი * მოკლა. ნასადილევს გვიან ღამემდე ვისხედით და მდგომარეობაზე ვმსჯელობდით. მრავალი თვის განმავლობაში ვადგენდით გეგმებს და ამ ნადირობაზე ოცნებით ვსულდგმულობდით. რობერტი შვიდ, მე კი ათ დღეს მივდიოდით ფეხით ცუდი გზებით სანადირო ადგილისაკენ და აქ მოსვლის პირველ საღამოსვე ბალა სინგხმა გადაყლაპა ტრისულის სული. მნიშვნელობა ჰქონდა არა იმას, თუ რას ვფიქრობდით მე და რობერტი ამის თაობაზე, არამედ მნიშვნელოვანი იყო სხვა რამ. ჩვენს თანამგზავრებს სწამდათ, სული ნამდვილად ბალა სინგხის კუჭშიაო, ამიტომ ისინი გაუბრბოდნენ მას. ცხადია, ასეთ პირობებში ნადირობა შეუძლებელი იყო. ამიტომ რობერტი, მართალია მეტად უხალისოდ, დათანხმდა, რომ ბალა სინგხთან ერთად დავბრუნებულიყავი ნაინი ტალში. მეორე დილას ჩავალაგე ბარგი, რობერტთან ერთად ვისაუზმე და ნაინი ტალში დავბრუნდი. წინ ათი დღის სავალი გზა გვედო.

ვიდრე ნაინი ტალს დატოვებდა, ოცდაათი წლის ბალა სინგხი ხალისიანი, ჯანღონით სავსე კაცი იყო. ახლა უკან ბრუნდებოდა მღუმარე, თვალეზჩაშქრალი და მისი შესახედობა მეტყველებდა, რომ სრულიად დაეკარგა სიცოცხლის ინტერესი. ჩემი დები — ერთი მათგანი სამედიცინო დახმარების მისიის თანამშრომელი იყო — მისთვის აკეთებდნენ ყველაფერს. რაც შეეძლოთ. ბალა სინგხს ნახულობდნენ შორიდან მოსული და მახლობლად მცხოვრები მეგობრები, მაგრამ იგი გულგრილად იჯდა თავისი სახლის კართან და მხოლოდ მაშინ ლაპარაკობდა, როცა პირადად მიმართავდნენ. ჩემი თხოვნით ის ნახა ნაინი ტალის ოლქის ექიმმა პოლკოვნიკმა

* თ ხ ა რ ი — მთის თხა.

კუჭმა, დიდად გამოცდილმა და ჩვენი ოჯახის კარგმა მეგობარ-
მა. გულდასმით და ხანგრძლივი გასინჯვის შემდეგ მან განა-
ცხადა, ბალა სინგხი ფიზიკურად სრულიად ჯანმრთელია, მისი
ასეთი აშკარა დეპრესიის მიზეზის დადგენა კი არ შემოი-
ძლია.

რამდენიმე დღის შემდეგ ასეთი აზრი დამეზადა. იმ დროს
ნაინი ტალში იმყოფებოდა ცნობილი ინდოელი ექიმი. გავი-
ფიქრე, თუ დავიყოლიე იგი ბალა სინგხი გასინჯოს, მხოლოდ
მერე ვუამბობ, რაც მოხდა, ვთხოვ შთააგონოს „ავადმყოფს“,
რომ კუჭში არავითარი სული არ ჩასძრომია-მეთქი. ამით
ექიმი გაჭირვებაში დაგვეხმარებოდა. ეს მით უფრო შესა-
ძლებლად მიმაჩნდა, რომ ექიმს არა მარტო სწამდა ინდუიზ-
მი, არამედ თვითონაც მთიელი იყო. ჩემი ვარაუდი არ გამარ-
თლდა. როგორც კი „ავადმყოფი“ ექიმმა დაინახა, უმაღვე
რადაც არასასიკეთომ დააეჭვა. ხოლო როცა თავისი მაცდური
კითხვები მისცა ბალა სინგხს და შეიტყო, კუჭში ტრისულის
სული ჰყოლიაო, სწრაფად უკან დაიხია, მომიბრუნდა და
მითხრა:

— ძალიან ვნანობ, რომ კაცი გამომიგზავნეთ. მე არაფრის
გაკეთება არ შემოიძლია.

ნაინი ტალში მაშინ ორი კაცი იყო იმ სოფლიდან, სადაც
ბალა სინგხი ცხოვრობდა. მეორე დღესვე კაცი გავუგზავნე.
მათ იცოდნენ მომხდარი ამბის შესახებ, რადგან რამდენჯერმე
ინახულებს ბალა სინგხი. მათ ჩემი თხოვნა შეისმინეს და და-
თანხმდნენ შინ წაეყვანათ იგი. მივეცი საკმაო ფული და მეო-
რე დღეს სამივე რვა დღის სავალ გზას დაადგნენ. სამი კვირის
შემდეგ, ბალა სინგხის თანამემამულენი დაბრუნდნენ და მიამ-
ბეს, რაც მოხდა.

ბალა სინგხი სოფელში მშვიდობით ჩავიდა. იმავე საღამოს
მის სახლში ნათესავ-მეგობრები შეიკრიბნენ; მან განუცხადა,
სულს განთავისუფლება და ტრისულში დაბრუნება სურსო.
ამიტომ მე, ბალა სინგხს, ისლა დამრჩენია, რომ მოვკვდეთ.

— და აი, ბალა სინგხი დაწვა და მოკვდა. მეორე დღეს
იგი დავწვით, — დაასრულეს მათ თავისი თხრობა.

დარწმუნებული ვარ, რომ ცრუმორწმუნეობა სულიერი
ავადმყოფობაა, რომელიც ავალებს ერთს ან რამდენიმე

ადამიანს, ხოლო დანარჩენთ ხელუხლებლად ტოვებს. ამიტომ ჩემ დამსახურებად არ მიმაჩნია, მაღლა ჰიმალაებში ცხოვრების დროს რომ არ „გადამედო“ ცრუმორწმუნოების ის საშიში ნაირსახეობა, რომლის მსხვერპლიც ბალა სინგხი გახდა. ვამბობ. ცრუმორწმუნე არა ვარ-მეთქი, მაგრამ მაინც არ შემიძლია ავხსნა, თუ რატომ განვიციდიდი მარცხს ვეფხვეზე ჩემთვის მეტად საინტერესო და ჰუმანიტარული სიამოვნების მომგვრელი ნადირობის დროს, რომლის მოყოლაზეც ახლა გადავიდვარ.

2

ძნელი დასაჯერებელია. რომ ვინც დაბიდხურში ყოფილა. დაავიწყდეს „რესტ-ჰაუზის“* მოედნიდან გაშლილი საუცხოო ხელი. ამ პატარა სამოთახიანი სახლის აივნიდან, რომელიც მთის მწვერვალთან, ალბათ, ბუნების მოტრფიალე ადამიანს აუშენებია, ფერდობი დამრეცად ეშვება მდინარე პანარის ხეობისაკენ. ხეობის იქით შორს ზემოთ უზარმაზარი მთაგრეხილები აზიდულან, მათი კონტურები მარადიულ თოვლში იკარგება, რომელიც თვითმფრინავის გამოჩენამდე გადაულახავი ზღუდე იყო ინდოეთსა და მის ჩრდილოეთელ მეზობლებს შორის.

კუმაონის ადმინისტრაციულ ცენტრ ნაინი ტალიდან ლობხარგბატში აღმოსავლეთის საზღვარზე ამ რაიონის შორეულ ადგილში საჩალავდრო გზა მიდის. იგი დაბიდხურზე გადის, მისი განშტოება კი დაბიდხურს ალმორათან** აკავშირებს. როცა ამ მეორე გზის მახლობლად ვნადირობდი პანარის კაციქამია ჯიქზე, რის შესახებაც ქვემოთ ვიამბობთ, — ალმორაში მიმავალმა გზების ზედამხედველმა მითხრა, დაბიდხურში ვეფხმა კაცი მოკლაო. მეც იქ გავემგზავრე.

დასავლეთიდან დაბიდხურისაკენ მიმავალი გზის მონაკვეთი ყველაზე უფრო ციცაბოა კუმაონში. ეტყობა, ადამიანმა.

* „რესტ-ჰაუზი“ — სახლი ჩამოსულთათვის.

** ალმორა — მთიანი რაიონი ინდოეთის შტატ უთარ პრადეში.

რომელიც მას გეგმავდა. მიზნად დაისახა ისეთი საშუალება გამოენახა, რომ მოკლე გზით მისულიყო მწვერვალამდე, და კიდევ მიაღწია ამას: გზა რვა ათასი ფუტის * სიმაღლეზეა, არსად არ უხვევს, პირდაპირ მთის ფერდობზე გადის. აპრილის ცხელი შუადღე იყო. მას შემდეგ, რაც გაჭირვებით გავიარე ეს გზა, „რესტ-ჰაუზის“ აივანზე ვიჯექი, ჩაის ესვამდი და თვალწარმტაცი ხედებით ვტკებობდი. ჩემთან მოვიდა მღვდელი დაბიღბურიდან. მე და ეს ჩია მოხუცი ორი წლის წინათ დაემეგობრდით, როცა ჩამპავატის კაციჰამია ვეფხვზე ვნადირობდი. უზარმაზარი კლდის უბეში მიმაღულმა პატარა ტაძარმა, — მე ვერ ვხედავ რაიმე აზრი გამოვთქვა იმის შესახებ, თუ როგორ გაჩნდა ეს ტაძარი ასეთ უჩვეულო ადგილას, — სადაც იგი ღვთისმსახურებას ასრულებდა, დაბიღბური სამლოცველო ადგილად აქცია. დილას, ტაძარს რომ ჩავუარე, ტრადიციული შესაწირავი მივართვი; მოხუცმა მღვდელმა თავის დაქნევით გადამიხადა მადლობა. როცა ღვთისმსახურება დასრულდა, მან „რესტ-ჰაუზიდან“ ტაძრისაკენ მიმავალი გზა გადაჭრა, ჩემ მიერ შეთავაზებული სიგარეტი აიღო და, კედელს მიყრდნობილმა, იატაკზე მოიკალათა. მღვდელი ჩინებული მოსაუბრე იყო, ბევრი თავისუფალი დრო ჰქონდა, და რადგან იმ დღის საქმე უკვე მოვათავე, გვიან სალამომდე შევრჩით საუბარს.

მისგან შევიტყვე, რომ გზების ზედამხედველმა შეცდომაში შემიყვანა, როცა მითხრა, წუხელ დაბიღბურში ჯიქმა კაცი მოკლაო. მწყემსი თურმე აღმორიდან დაბიღბურის სამხრეთით მდებარე სოფელში მიდიოდა და იმ ღამეს მღვდელთან შეჩერებულიყო, ნავაზშმევს, მასპინძლის რჩევის მიუხედავად, ტაძრის ახლოს მოედანზე დაძინება მოესურვებინა. დაახლოებით შუალამისას, როცა კლდის ჩრდილი ტაძარზე ჩამოწვა, მწყემსს მიეპარა კაციჰამია, ბარძაყში სტაცა პირი და სცადა მოედნიდან ჩამოეთრია. მწყემსმა გაიღვიძა, ყვირილით დაავლო ხელი ჩამქრალი ცეცხლიდან მუგუზალს და ჯიქი გააგდო. მწყემსის ყვირილზე მოიჭრენ მღვდელი და კიდევ რამდანიმე კაცი. შეერთებული ძალით მათ გააგდეს მხეცი. ჭრი-

* * * ფუტი უღრის 30,5 სმ.

ლობები საშიში არ აღმოჩნდა, და მას შემდეგ, რაც ბანიამ*, რომელსაც დუქანი ტაძრის გვერდით ჰქონდა, ჭრილობები შეუხვია, მწყემსმა გზა განაგრძო.

მღვდლის რჩევით გადავწყვიტე დაბიღურში დავრჩენილიყავი. ტაძარსა და ბანიას დუქანში ყოველდღე მოდის ხალხი ახლო სოფლებიდან. ისინი, ცხადია, ხმას გაავრცელებენ ჩემი ჩამოსვლის შესახებ, და რადგან ეცოდინებათ, სად შეიძლება ჩემი ნახვა, უმაღვე გავიგებ კაციჭამიას ყოველი ახალი მსხვერპლის შესახებ ამ რაიონში. როცა მღვდელი წასასვლელად მოემზადა, ვკითხე, შემიძლია თუ არა ვინადირო ამ ადგილებში, რადგან ჩემ ხალხს კარგა ხანია ხორცი არ უჭამია, დაბიღურში კი ვერსად ვიყიდი-მეთქი.

— რა თქმა უნდა, მომიგო მან, — აქ არის ტაძრის ვეფხვი.

ჩემს შენიშვნაზე, რომ ამ ვეფხვის მოკვლის მცირედი სურვილიც კი არა მაქვს, მან სიცილით მიპასუხა:

— მე წინააღმდეგი არ ვიქნები, საიბ, თუ ეცდებით მოკლათ იგი, მაგრამ ვერც თქვენ და ვერც სხვა ვინმე ვერასოდეს ვერ მოახერხებს ამას.

ასე შევიტყვე დაბიღურის ტაძრის ვეფხის შესახებ, რომელთანაც დაკავშირებულია ერთ-ერთი ყველაზე მღელვარე განცდები ჩემს სამონადირო პრაქტიკაში.

3

დაბიღურში ჩასვლის შემდეგ მეორე დღეს დილაადრიან დავეშვი ლოპარგხატის გზაზე, იმედი მქონდა, ვიპოვიდი კაციჭამიას კვალს ან გავიგებდი რამეს მის შესახებ გზის მახლობლად განლაგებულ სოფლებში, რადგან ვარაუდობდნენ, მწყემსზე თავდასხმის შემდეგ იგი ლოპარგხატისაკენ წავიდაო. „რესტ-ჰაუზში“ საუზმეზე დაგვიანებით მივედი. დავინახე, ვილაც კაცი ჩემს მსახურს ესაუბრებოდა. ამ კაცმა თქვა, მღვდლისაგან გავიგე, რომ თქვენ გსურთ ინადიროთ, და მე შემიძლია გიჩვენოთ ჭარაო — ვეებერთელა რქიანი სამბხა-

* მოვაქრე ჩრდილოეთ ინდოეთში გავრცელებული ინდუსების კასტიდან,

რის * ადგილობრივი სახელწოდება. მთის სამბხარს ზოგჯერ მართლაც მშვენიერი რქები აქვს. ამას წინათ ერთი სამბხარი მოკლეს კუმაონში, მისი რქები 47 ლუიმს** აღწევდა. რადგან ასეთი დიდი ცხოველის ხორცი ეყოფოდა არა მარტო ჩემს ხალხს, არამედ დაბიდხურის მთელ მკვიდრთაც, ვუპასუხე, საუზმის შემდეგ მზად ვარ შენთან წამოვიდე-მეთქი.

რამდენიმე თვის წინათ ცოტა ხნით კალკუტაში გავემგზავრე და ერთ დილას მენტონის იარალის მალაზიაში შევედი. ვიტრინაში მინის ქვეშ, კართან ახლოს, შაშხანა იღო. მას რომ ვათვალიერებდი, მომიახლოვდა მმართველი, ჩემი ძველი მეგობარი, და მითხრა, ეს 275-ყალიბიანი შაშხანა, უესტლი რიჩარდსი, ახალი მოდელია მთაში ნადირობისათვის განკუთვნილი, და მის დამამზადებელთ ერთი სული აქვთ, ვიდრე ინდოეთის ბაზარზე გაიტანნო. შაშხანა საუცხოო იყო და მმართველმა ადვილად დამიყოლია შემეძინა იმ პირობით, რომ, თუ არ გამომადგებოდა, შემეძლო უკან დამებრუნებინა. ამგვარად, იმ საღამოს სოფელს მეგობართან ერთად სანადიროდ გავეშურე „მუხის ტოტებისმაგვარ რქებიან“ ჯარაოზე და თან ჩემი ახალი შაშხანა წავიდე.

დაბიდხურიდან სამხრეთით მთა უფრო ციცაბოა. ამ მიმართულებით მუხებისა და ბუჩქნარის შამბნარში დაახლოებით ორი მილი*** გავიარეთ და ბალახით დაფარულ ზეგანზე გავედით, საიდანაც ხეობის მშვენიერი ხედი იშლებოდა. ჩემმა მეგზურმა ხეობის მარცხენა მხარეს ჯუნგლებით გარშემოჭყმულ ხშირი ბალახით დაფარულ პატარა ნაკვეთზე მიმითითა და მითხრა, დილა-საღამოს ჯარაო აქ მოდის საძოვრადო. ჩემი ახალი შაშხანა ნიშანში ხვდებოდა ხუთასი იარდის**** მანძილზე. რადგან ბილიკიდან მინდვრამდე, სადაც ჩვეულებრივ ცხოველები ბალახობდნენ, სულ ბევრი სამასი იარდი იქნებოდა, გადავწყვიტე ბილიკზე ჩავსულიყავი და იქ მელოდნა. სანამ გასროლის საშუალება მომეცემოდა.

საუბრის დროს შევნიშნე, რომ მარცხნივ თავს დაგვეტრია-

* სამბხარი — მთის დიდი ირემი.

** ლუიმი უდრის 2,54 სმ:

*** ინგლისური მილი უდრის 1,61 კილომეტრს

**** იარდი უდრის 0,91 მეტრს.

ლებენ სვაეები. როცა ჩემს თანამგზავრს დავანახე ისინი, მან მიპასუხა, ბორცეს იქითა მხარეს პატარა სოფელი მდებარეობს და, ჩემი ვარაუდით, სვაეებს რომელიღაც შინაური ცხოველის ლეში აინტერესებთო.

— მალე შევიტყობთ, რამ მიიზიდა ფრინველები, — თქვა მან, — ჩვენი გზა ამ სოფელზე გადის.

„სოფელი“ სულ ლერწმის ერთი ქოხისა და საქონლის გომურისაგან შედგებოდა. ტერასებად განლაგებული ერთი აკრი * ყანებიდან მოსავალი ახალი აღებული იყო. ქოხისა და გომურიდან ათი ფუტი სიგანის წვიმის წყლის არხით გამოყოფილ ერთ ყანაში სვაეები ხორცის უკანასკნელ ნაფლეთებს აგლეჯდნენ რომელიღაც მსხვილი ცხოველის ჩონჩხს. როცა მივუახლოვდით, ქოხიდან გამოვიდა კაცი, მოგვესალმა და მკითხა, საიდან ხარ და როდის ჩამოხვედიო. მე ვუპასუხე, გუშინ ჩამოვედი დაბიღბურში ნაინი ტალადან კაციჭამია ჩიქის მოსაკლავად-მეთქი. მან სინანული გამოთქვა, რომ აღრე არ იცოდა ჩემი ჩამოსვლის შესახებ: „მაშინ თქვენ მოკლავდით ვეფხვს, რომელმაც ძროხა დამიგლიჯა“. შემდეგ მაცნობა, იმ ადგილას, სადაც ახლა ჩონჩხს სვაეები ესევიან, გუშინ სადამოს დავაბი თხუთმეტი სულისაგან შემდგარი ჯოგი ყანის გასანოყიერებლად, მაგრამ ღამით ვეფხვი მოვარდა და ერთ-ერთი ძროხა მომიკლათ. გლესხ იარაღი არ ჰქონდა, მახლობლადაც არავინ იყო, რომ მიემართა მოეკლა ვეფხვი, და ამიტომ იგი წავიდა იმ კაცთან. რომელიც ტყავის დამზადებას აწარმოებდა მათ რაიონში. ჩვენს მისვლამდე ორი საათით აღრე მენარდემ გაატყავა ძროხა და ახლა სვაეები შესდგომოდნენ თავის საქმეს. როცა გლესხ ვკითხე, იცოდი თუ არა, რომ ამ მიდამოებში ვეფხვი ბინადრობდა, და თუ იცოდი, რატომ დააბი პირუტყვი ყანაში-მეთქი, მისმა პასუხმა გამოაცა: თურმე დაბიღბურის მთაში მუდამ ბინადრობდა ვეფხვი, მაგრამ წუხანდლამდე არასოდეს დაუგლეჯია შინაური ცხოველები.

წასასვლელად რომ მოვემზადე, გლესმა მკითხა, საით მიეშურებო. მე ავუხსენი, მინდა ჯარაოზე ვინადირო ხეობის

* აკრი უდრის 0,41 ჰექტარს.

ბოლოში-მეთქი. მან ხვეწნა დამიწყო ჯარაოზე ნადირობა გა-
დამედო და ვეფხვი მომეკლა.

— მე ცოტა მიწა მაქვს და ისიც, როგორც ხედავთ, ცუ-
დია, — თქვა მან, — თუ ვეფხვი ძროხებს დამივლევს, რაღა
გვასაზრდოებს, ოჯახი შიმშილით ამომიწყდება.

ჩვენს ლაპარაკში სახლს მოუახლოვდა ქალი, თავზე წყლის
კოკა ედგა, მას კვალდაკვალ მოჰყვა ორი ბავშვი: გოგონას
ნორჩი ბალახი ამოეჩარა იღლიაში, ბიჭუნა კი ერთ კონა
ფიჩხს მიათრევდა. ეს ოთხნი ცხოვრობდნენ ერთი აკრი მწირი
მიწის მოსავლითა და რამდენიმე პინტა* რძით — მთებში
ძროხები ცოტა რძეს იძლევიან — რომელსაც ისინი დაბიღ-
ხურში ბანიაზე ყიდდნენ. დასაკვირველი არაა, გლახს რომ
ასე უნდოდა ვეფხვი მომეკლა.

სვაგებმა თითქმის შესანსლეს ძროხის ლეში, მაგრამ ამას
არ ჰქონდა მნიშვნელობა. ყანის ახლოს არ იყო დასამალავი
ადგილი, სადაც შეიძლებოდა ვეფხვი ჩაწოლილიყო, მაშ
საიდან გაიგებდა, სვაგებმა რა უყვეს მის ნადავლს. და რად-
გან გუშინ ღამ ყანაში არავინ შეუშალა ხელი, უნდა გვევა-
რაუდა, რომ იგი თავის მსხვერპლს დაუბრუნდებოდა. ჩემს
გამყოლს, ისევე როგორც გლახს, გულით სწადადა ჯერ ვეფხვი
მომეკლა. ორივეს ვთხოვე წყნარად დამსხდარიყვნენ და ვცადე
გამომერკვია, რა მიმართულებით წავიდა ვეფხვი. რადგან ყანის
ახლო არ აღმოჩნდა ჩასასაფრებლად გამოსადეგი ხე, განვიზრა-
ხე უკან ხუტორთან დაბრუნებისას გზაში გამომეჭირა მხეცა.
პირუტყვის მიერ გატყეპნილი ბილიკები ბორცვს გარდიგარდ-
მო გასდევდნენ. მაგრამ მიწა ძალიან გამაგრებული იყო და
ვეფხვის ნაკვალევი არ ემჩნეოდა, ამიტომ ორჯერ შემოვუარე
ხუტორს და სარუეს დათვალიერება დავიწყე. აქ რბილ ნეს-
ტიან ნიადაგზე დიდი ხვადი ვეფხვის თათების ანაბეჭდები
აღმოვაჩინე. ნაკვალევი ადასტურებდა, რომ, როცა წყურვილი
მოიკლა, იგი ზევით გაჰყვა სარუეს. ყველა საფუძველი გვექონ-
და გვევარაუდნა, რომ ის ამავე გზით დაბრუნდებოდა. ხოლო
სარუეს მეორე მხარეზე, სადაც ქოხი იყო, მისგან ოცდაათი
იარდის მოშორებით იდგა ველური მცოცავი ვარდით შემოხ-

* პინტა უდრის 0,57 ლიტრს.

ვეული მრუდი და დაბალი მუხა. შაშხანა მიწაზე დავდე, სარუ-
ეს ნაპირიდან გადმოხრილ ხეზე ავედი და დავრწმუნდი, რომ
შემძლო კარგად მოვწყობილიყავი მის კენწეროზე.

ქობთან დაბრუნებისას მომლოდინე მამაკაცებს ვუთხარი,
„რესტ-ჰაუზში“ 500-ყალიბიანი სწრაფმსროლი მძიმე ორლუ-
ლიანი თოფის მოსატანად წავალ-მეთქი. ჩემმა გამყოლმა
უმალვე მიხსნა ამ გაჭირვებისაგან. მას საჭირო მითითებები
მივეცი და თავად იქვე გლეხის გვერდით ქობის ზღურბლზე
ჩამოვჯექი, რომ მომესმინა ამბავი ღარიბი, მაგრამ უშიშარი
ადამიანის ბრძოლისა ბუნებასა და გარეულ მხეცებთან. მან
მიაშბო, რაოდენ ძნელია თავზე ჩალის სახურავის შენარჩუნე-
ბაც კი. როცა ვკითხე, რატომ არ ტოვებ ამ მიგდებულ კუთ-
ხეს და სხვა ადგილას არ მოეწყობი-მეთქი, მან უბრალოდ მი-
პასუხა: „ჩემი სახლი აქ არის“.

მზე ჩადიოდა, როცა ბორცვიდან ქობისაკენ მომავალი ორი
კაცი დავინახე. არც ერთ მათგანს არ ჰქონდა ორლულიანი
თოფი. ბალა სინგხს — გარხვალის ერთ-ერთ საუკეთესო ადა-
მიანს, რომლის ტრაგიკულ სიკვდილზე ზემოთ გიამბეთ —
ხელში მხოლოდ ფარანი ეჭირა. ჩვენთან რომ მოვიდა, მითხრა
ორლულიანი თოფი ვერ მოვიტანე, რადგან ვახნები შენს ჩე-
მოდანში იყო ჩაკეტილი, გასაღები კი არ გავიტანებიაო. რა გა-
ეწყობა, ვეფხვი ახალი შაშხანით უნდა მომეკლა — ამისთანა
დროს მის მოსანათლავად ვერც იფიქრებდა კაცი.

ვიდრე საფარში მოვეწყობოდი, ქობის პატრონი გავა-
ფრთხილე, ნადირობა წარმატებით მხოლოდ იმ შემთხვევაში
ჩაივლის, თუ შენი შვილები — რვა წლის გოგონა და ექვსი
წლის ბიჭი — არ იცელქებენ, ცოლი კი ვახშამის გაკეთებას
არ შეუდგება მანამდე, სანამ ან ვეფხვს არ მოგვკლავ, ან არ
დავრწმუნდები, რომ ამაოა მისი ლოდინი. ბალა სინგხს თვალ-
ყური უნდა დაეჭირა, რომ ქობის ბინადართ არ ეხმაურათ,
როცა დავუსტვენდი, ფარანი აენტო და ჩემს შემდგომ განკარ-
გულებებს დალოდებოდა.

მთებს იქით ჩაქრა ჩამავალი მზის ნათება, ხეობაში მიწყდა
ფრინველთა საღამოს გალობა. ბინდი ჩამოწვა. ჩემ ზევით
ბორცვზე რქოსანმა ბუმ დაიყრანტალა. ჩვეულებრივ მთვარის
ამოსვლამდე რამდენიმე ხანს საკმაოდ ბნელა. ახლაც სწორედ

ასეთი ღრო დადგა. ქოხში ისეთი სიჩუმე ჩამოწვა, თითქოს იქ ყველა ამოწყვეტილაო. ხელს ვუჭერდი შამხანას და დაძაბული გავყურებდი ხის ქვეშ სიბნელეს, ვეფხვმა გვერდით ჩამიარა. გავიგონე, როგორ გაბრაზდა, როცა ნადავლთან მივიდა და დაინახა სვავებს არაფერი დაეტოვებინათ. იგი ყრუ ღმუილით სწყველიდა სვავებს. თუმცა ისინი რამდენიმე საათის წინათ გაფრინდნენ, მაგრამ მათ მიერ წაბილწულ მიწას მუშკის სუნი ასდიოდა. ორ, სამ, შესაძლოა, ოთხ წუთს ღმუილი იგი, მერე კი სიჩუმე ჩამოვარდა. განათდა. კიდეც რამდენიმე წუთი გავიდა, ბორცვის ფხაზე მთვარე შემოჯდა და შემოგარენს ნათელი მოჰვინა. მთვარის სინათლეზე თეთრად ქათქათებდა სვავების მიერ შემოღრღნილი ძვლები, მაგრამ ვეფხვი არსად ჩანდა. მღელვარებისაგან გამშრალ ტუჩებზე ენა მოვისვი და ნელა დავუსტვინე. ბალა სინგხი მზად იყო და გავიგონე, როგორ სთხოვა ქოხის პატრონს კერიდან ცეცხლი მიეწოდებინა. ლერწმის კედლის ჭუჭრუტანიდან სუსტმა შუქმა გამონათა, რომელიც უფრო აკაშკაშდა, როცა ფარანი აანთეს. შემდეგ სინათლემ გადაინაცვლა და ბალა სინგხმა კარი გააღო, ზღურბლზე შეჩერდა და ჩემს განკარგულებას უცადა. გარდა ხმადაბალი სტვენისა, კრინტიც არ დამიძრავს, არ გამიკეთებია არავითარი მოძრაობა იმ მომენტიდან, რაც ხეზე ავედი, და როცა ძირს გადავიხედე, ვეფხვი დავინახე. იგი მთვარის კაშკაშა სინათლეზე ჩემ ქვემოთ იდგა და მარჯვენა მხრიდან მისჩერებოდა ბალა სინგხს. თოფის ლულიდან ვეფხვის თავამდე სულ ბევრი ხუთი ფუტი იყო და ვიფიქრე, სროლით ბალანს შევეტრუსავ-მეთქი. თოფის ნიშანი სწორედ ცხოველის გულის დონეზე მქონდა დაყენებული — ვიცოდი, რომ მას უმაღლვე სიკვდილი ელოდა, — და მსუბუქად დავაჭირე სასხლეტს. ჩახმახი დაეშვა, მაგრამ გასროლა არ მოჰყოლია.

ღმერთო დიდებულო, რა დაუღვევრობაა ჩემი მხრივ! ძალიან კარგად მახსოვდა, რომ, როცა ხეზე მოვეწყვე, ვაზნების კოლოფში ხუთვაზნიანი მჭიდვე ჩავდე, მაგრამ, როგორც ჩანს, საკეტმა ვაზნა სავაზნეში არ მიიტანა, მე კი ეს მხედველობიდან გამომრჩა. შამხანა ძველი და ნახმარი რომ ყოფილიყო, შესაძლოა, თავად გამოესწორებინა შეცდომა, მაგრამ შამხანა ახალი იყო. როცა საკეტი უკან დავწიე, ლითონის მძაფრი

ტყაცანი გაისმა. ვეფხვი ერთი ნახტომით აღმოჩნდა თხრილის ნაპირას და თვალს მიეფარა. შემოვბრუნდი, რომ შემეხედა, თუ როგორ იმოქმედა ამან ბალა სინგზზე, და დავინახე — მან უკან დაიხია, ქოხში შევიდა და კარი მიიხურა.

რალა საჭირო იყო სიჩუმის დაცვა. მოვიხმე ბალა სინგზი, იგი ხიდან ჩამოსვლაში დამეხმარა. საკეტი დავწიე, რომ შაშხანა დამეცალა, და დავინახე: ვაზნის გამომგდები საკეტის ბოლოზე ვაზნას აკავებს. მაშასადამე, შაშხანა გატენილი იყო, დამცავი კი მოხსნილი. მაშ რატომ არ გავარდა, როცა სასხლეტი მოეწიე? მიზეზი მოგვიანებით შევიტყვე. როცა მმართველი მენტონთან შაშხანას მიჩვენებდა, მან განსაკუთრებით გაუსვა ხაზი, რომ თოფს ორმაგი სასხლეტი ჰქონდა. წინათ არასოდეს მქონია საქმე ამგვარ ეგრეთწოდებულ გაუმჯობესებულ შაშხანასთან, და არ ვიცოდი, რომ მსხლეტ კავზე პირველი დაჭერის შემდეგ, როცა საკეტი აიწივა, საჭიროა მეორედ დაჭერა, რათა დამრტყმელი გაათავისუფლო. როცა ბალა სინგზს ჩემი მარცხის მიზეზი ავუხსენი, მან თავის გამტყუნება დაიწყო. „მე რომ თქვენი ორლულიანი თოფი და ჩემოდანი მომეტანა, — ეს არ მოხდებოდაო“. იმ მომენტში მეც ასე მეგონა, მაგრამ რაც დრო გადიოდა, მით უფრო ნაკლებად მჯეროდა. რომ იმ ღამეს მოკვლავდი ვეფხვს თუნდაც ორლულიანი თოფით.

4

მეორე დილას კვლავ წავედი კაციჭამიაზე ახალი ამბების შესატყობად. „რესტ-ჰაუზში“ რომ დავბრუნდი, ვიდაც აღელვებული კაცი შემხვდა და მაცნობა, ვეფხვმა ეს-ეს არის ჩემი ძროხა მოკლაო. ეს კაცი პირუტყვს იმავე ხეობის მეორე ბოლოში აძოვებდა, სადაც წუხელ საფარში ვიჯექი. უეცრად გამოჩნდა ვეფხვი და მოკლა წაბლა ძროხა, რომელსაც სულ რამდენიმე დღის წინათ მოეგო ხბო.

— ახლა, — თქვა მან, ხბო დაილუპება, რადგან არც ერთი ჩემი ძროხა არ იწველის.

გუშინ სალამოს ვეფხვს ბედი ეწია, მაგრამ შეუძლებელია, რომ მას ბუდამ სწყალობდეს ბედი. ძროხის მოკვლა მას საკუ-

თარ სიცოცხლედ უნდა დაუჯდეს, რადგან მთაში პირუტყვი მცირეა და მეწველი ძროხის დაღუპვა დიდი უბედურებაა ღარიბი კაცისათვის. გლენს თავისი მცირე ჯოგის ღარდი არ ჰქონდა, რომელიც დამფრთხალიყო და სოფელში გაქცეულიყო, ამიტომ დაზარალებული ხალისით დათანხმდა დაეცადა, სანამ ვისადილებდი. დღის პირველ საათზე გზას გავუღექით, ის წინ მიდიოდა, მე უკან მივდევი, კიდევ ორი კაცი მოგვყვებოდა, რომლებსაც მოჰქონდათ ყველაფერი, რაც მაჰანის* ასაგებად იყო საჭირო.

გაშლილი ნაკვეთიდან ბორცვის ფერდობზე გლენმა დაჰანახვა ადგილი, სადაც ეს ამბავი მოხდა. მისი პირუტყვი თურმე ბალახით დაფარულ პატარა მინდორზე ძოვდა, ბორცვის წვერიდან მეოთხედი მილის მანძილზე. როცა ხეობის მხრიდან ვეფხვი გამოჩნდა და ძროხას ეცა, დანარჩენი ცხოველები დაფრთხნენ და გაიქცნენ სოფლისაკენ, რომელიც ბორცვის მეორე მხარეს მდებარეობდა. ჩვენი უმოკლესი გზა ხევზე გადიოდა, შემდეგ ზევით, ფერდობებზე, მიიმართებოდა. მაგრამ, ვეფხვი რომ არ დაგვეფრთხო, ხევს ზემოდან მოვუარეთ და იმ ადგილს მივუახლოვდით, სადაც მოკლული ძროხა ედგო. ბორცვის თხემსა და იმ ნაკვეთს შორის, სადაც პირუტყვი ძოვდა, საკმაოდ მეჩხერი ტყე იყო. გაქცეული ცხოველების ნაკვალევი ღრმად აღბეჭდილიყო რბილ თიხნარ ნიადაგზე. და ამით ადვილად შეიძლებოდა გვეპოვა მკვლელობის ადგილი. დავინახეთ დატბორილი სისხლი: აქედან იწყებოდა ნათრევი ლეშის ნაკვალევი. ნაკვალევი გასდევდა ფერდობს ორასი იარღის მანძილზე ხშირი ტყით დაფარულ ხრამამდე, რომელშიც პატარა ნაკადული მიედინებოდა. სწორედ ამ ხრამის ზევით გაიტაცა ვეფხვი თავისი მსხვერპლი.

ვეფხვი მოკლა ძროხა დილის ათ საათზე გაშლილ ადგილას და, ბუნებრივია, მისი პირველი საზრუნავი იყო დამალა მსხვერპლი ცნობისმოყვარეთა თვალისაგან. მან იცოდა მყუდრო ადგილი ხრამში და ძროხა იქ წაიღო. ნადავლი რომ დამალა, როგორც თათების ანაბეჭდი გვიჩვენებდა, ვეფხვი იმავე ხრამით

* ხევზე მოწყობილი საფარი, საიდანაც მონადირეები ესვრიან მისატყუართან მისულ მხეცს.

ხევში დაეშვა. იმ ადგილებში, სადაც ხალხი ან პირუტყვი და-
დის, ვერ განსაზღვრავ, სად ჩაწეება ვეფხვი, რადგან ჩქამიკ
საკმარისია, რომ მან ადგილი გადაინაცვლოს. ამიტომ, მიუხე-
დავად იმისა, რომ ვეფხვის ნაკვალევი ქვემოთ ხრამისაკენ
მიდიოდა, ჩვენ ძალიან ფრთხილად მივიწვედით წინ ზევით
ათრეული ლეშის ნაკვალევზე.

ძირს, თხემიდან ორას იარღზე, წვიმის წყლებს დიდი
ორმო ამოეთხარათ. აქ ხევი იწყებოდა. ორმო მრავალი წლის
წინათ გაჩნდა და თითქმის დაიფარა ათი-თორმეტი ფუტი
სიმაღლის ახალგაზრდა მუხებითა და კოპიტით. თხემის ახლო
ნაპირი თხუთმეტი ფუტი სიღრმის ხრამს წარმოადგენდა.
ძროხას მივაგენით მოტიტვლებულ პატარა ნაკვეთზე, ხრამსა
და ახალგაზრდა ხეებს შორის. კარგად გავიგე პატრონის
მწუხარება, როცა თვალცრემლიანმა მითხრა, ეს მშვენიერი
ცხოველი ჩემი მარჩენალი იყო და განსაკუთრებით მიყვარ-
დაო. ვეფხვს პირი არ დაეკარებინა ნადავლისათვის და აქ
მოიტანა, როგორც ჩანს, იმისათვის, რომ მოგვიანებით მშვი-
დად შეეჭამა.

ახლა ჩასასაფრებელი ადგილი უნდა შემერჩია. ხევის ორი-
ვე ნაპირზე რამდენიმე დიდი მუხა იდგა. მაგრამ ვერც ერთი-
დან ვერ დავინახავდი ძროხას, ამ ხეებზე ასვლაც შეუძლებე-
ლი იყო. ქვემოთ, ხრამის მარცხენა ნაპირზე, მოკლული
ცხოველიდან ოცდაათ იარღზე, მაგარი პატარა ეკლიანი ჭყორი
იდგა, რომელსაც ტოტები შტამპისაკენ სწორკუთხედად
წაზრდოდა. მიწიდან ექვსი ფუტის სიმაღლეზე საკმაოდ მაგა-
რი ორი როკი იყო, შეიძლებოდა ერთზე დავმჯდარიყავი,
მეორეზე კი ფეხები მიმებჯინა, სამივე თანამგზავრი ენერგიულ
პროტესტს აცხადებდნენ იმის წინააღმდეგ, რომ მიწიდან ასე
ახლო დამეკავებინა ადგილი, მაგრამ გარშემო არსად იყო შე-
საფერი ხე და ამაზე შევჩერდი. ხალხი გავგზავნე იმ ქოხში,
სადაც გუშინ ვიყავი, და ვუთხარი, დამლოდებოდნენ, ვიდრე
არ დავუძახებდი ან თვითონ არ მივიდოდი მათთან. ხევიდან
ქოხამდე ნახევარი მილი იყო. იქიდან ისინი ვერ შეძლებდნენ
ვერც ჩემი და ვერც იმ ადგილის დანახვას, სადაც ძროხა ეგ-
დო, მე კი ჭყორიდან ვხედავდი ქოხს.

ჩემი თანამგზავრები აღის ოთხ საათზე წავიდნენ. ხეზე

მოვეწყვე და ხანგრძლივი ლოდინისათვის მოვემზადე. ჩე ბორცვის დასავლეთ ფერდობზე იდგა, ხოლო ვეფხვი მზის ჩასვლამდე არ გამოვიდოდა თავისი საფარიდან. მარცხნივ, ფოთლებში, ორმოცდაათი იარღის მანჩილზე, კარგად ჩანდა დაქანებული ხევი, ზედ დავეყურებდი მის შიდა ნაწილს, რომლის სიღრმე ათ, განი კი თორმეტ ფუტს უდრიდა. ზემოთ ბორცვის უტყეო, მთის ქანებიანი ფერდობი ჩანდა. მარჯვნივ, თხემამდე, იშლებოდა შემოგარენი, მაგრამ მოკლულ ცხოველს ხშირი ხეები ფარავდა. უკან, თითქმის ჩემს ხემდე, ახალგაზრდა ბამბუკის—რინგალის—ხშირი ამონაყარი მოსდებოდა, რომელიც კიდევ უფრო ფარავდა ძროხას. ნადავლი რომ დაძაღა ორმოში, ვეფხვი ხევში ქვევით დაეშვა. ვვარაუდობდი, იგი იმავე გზით დაბრუნდება-მეთქი, ამიტომ მთელი ყურადღება ხრამს მივაპყარი: ვეფხვისათვის იმ მომენტში უნდა მესროლა, როცა ჩემ მიმართ აღმოჩნდებოდა მართი კუთხით. ეჭვი არ მეპარებოდა, რომ ასეთ მოკლე მანძილზე პირველივე გასროლით მოვკლავდი, მაგრამ ყოველ შემთხვევისათვის, — შესაძლოა, მეორედ სროლა დამჭირვებოდა — ორივე ჩახმახი შევაყენე.

ჯუნგლების იმ ადგილებში ბინადრობდნენ სამბხარები, კარკერები*, ლანგურები**, მრავალი ხოხობი, კაჭკაჭი, შაში და ჩხიკვი. ყველა ისინი განგაშს ატეხენ ხოლმე კატისებრთა ოჯახის წარმომადგენლის დანახვაზე. ამიტომ ვფიქრობდი, ვეფხვის გამოჩენის დროს აუცილებლად მრავალ გაფრთხილებას მივიღებ-მეთქი, მაგრამ შევცდი. ერთი საგანგაშო ყვირილიც არ გამიგონია, თუმცა უცებ მომესმა, ვეფხვი ძროხას უახლოვდებოდა. როგორც ჩანს, როცა ხრამში წყურვილის მოსაკლავად დაეშვა, მან რინგალის შამბნარს შემოუარა, და ისე მიადგა ნადავლს, რომ ჩემ ახლოს არ გაუვლია. ამას მაინცდამაინც არ შევეუფოთებოვარ, რადგან დღისით ნადავლთან ვეფხვი ვერ გრძნობს თავს მშვიდად და დარწმუნებული ვიყავი, რომ ადრე თუ გვიან იგი ღია ადგილას გამოჩნდებოდა.

ვეფხვი გლეჯდა ხორცის დიდ ნაჭრებს და ჭამდა. დაახლო-

* კ ა რ კ ე რ ი — ირმის სახეობა.

** ლ ა ნ გ უ რ ი — ჰიმალაის მთების ძირში ბინადარი მაიმუნი.

ებით თხუთმეტი წუთი გავიდა, როცა ჰიმალაის ვეებერთელა შავი დათვი შევნიშნე. ის გამოჩნდა მარცხნივ ბორცვის თხემზე და ისე მედიდურად მოაბიჯებდა, თითქოს მისთვის არავითარი მნიშვნელობა არ ჰქონდა, რამდენი დრო დასჭირდებოდა ერთი ადგილიდან მეორემდე მისვლას. უცებ დათვი შედგა, ბორცვის ფერდობს გადახედა და მიწაზე გაგორდა. ერთი-ორი წუთის შემდეგ თავი ასწია, ჰაერი შეისუნთქა და კვლავ გაგორდა. მთაში ქარი ღღისით ყოველთვის ფერდობის აღმა ქრის და დათვმა ვეფხვის სუნთან შერეული ხორცისა და სისხლის სუნი იყნოსა. ჩემი იქ ყოფნა მას არ უგვრძნია, რადგან მოკლული ცხოველის მარჯვნივ ვიმყოფებოდი. მალე იგი მოხრილ თათებზე შედგა. მიწას გაეკრა და ვეფხვთან მიპარვა დაიწყო.

არაერთხელ მინახავს, როგორ ეპარებიან ცხოველები მსხვერპლს, მაგრამ ამ დათვის ფერდობზე დაშვება ჩემთვის ნამდვილი აღმოჩენა იყო. მას ორასი იარღი უნდა გაეელო, და თუმცა იგი არ იყო გაჩენილი იმისათვის, რომ ვეფხვის ან ჯიქის მსგავსად ფეხაკრეფით ემოძრაედა, ეს მანძილი გველივით უხმაუროდ გაიარა. რაც უფრო უახლოვდებოდა, მით უფრო ფრთხილობდა. ორმოში ჩასვლამდე რამდენიმე ფუტი — მე მხოლოდ ორმოს ზედა ნაპირს ვხედავდი — იგი მუცლით გახოხდა. იხელთა დრო, როცა ვეფხვი მეტისმეტად გაერთო ჭამაში, ორმოს პირთან ნელა ასწია თავი, ჩაიხედა შიგ და მერე ნელა დასწია თავი. ძალიან ავლელდი, მთლად ვცახცახებდი და პირი გამიშრა.

ორჯერ ვნახე, როგორ მიჰქონდათ ჰიმალაის დათვებს ვეფხვის მიერ მოკლული ცხოველები. ორივე შემთხვევაში ვეფხვები ახლოს არსად ჩანდნენ. ორჯერ ვნახე, როგორ მიდიოდნენ ნადავლის ჭამის დროს ჯიქებთან დათვები, გააგდებდნენ მათ და იტაცებდნენ ნადავლს. მაგრამ ამ შემთხვევაში მსხვილი ხვადი ვეფხვი თავისი მსხვერპლის გვერდით იყო, ის არ ეკუთვნოდა იმ მხეცთა რიცხვს, რომელთა გაგდება იოლად შეიძლებოდა. ნუთუ ეს დათვი იმდენად სულელი იქნებოდა, რომ შეეცდებოდა ნადავლი წაერთმია ჯუნგლების მეფისათვის. დათვი კი სწორედ ამას აპირებდა. შესაფერისი მომენტიც მიეცა, როცა ვეფხვმა ძვალს დაუწყო ღრღნა. არ ვიცი, უცდიდა თუ არა დათვი სწორედ ამ წუთს, მაგრამ მაშინ, როცა ვეფხვი ძვალს ღრღნიდა, დათვი ორმოს ნაპირისაკენ გადაიზნიქა, თათები

აიკრიფა და ღრიალით დაეშვა ქვევით. მას, როგორც ჩანს, სურდა ვეფხვის დაფრთხობა, მაგრამ შედეგი სხვანაირი აღმოჩნდა. ვეფხვი გაბრაზდა და უფრო ძლიერი ღმუილით უპასუხა.

ორი სხვადასხვა ჯიშის მხეცის შებმა, როცა ბრძოლის მიზანი დამარცხებულის სიცოცხლე კი არ არის, არამედ თვითონ ბრძოლაა, ფრიალ იშვიათი მოვლენაა. ეს ჩემთვის ცნობილი მეორე შემთხვევა იყო. ბრძოლა არ დამინახავს, მაგრამ ყველაფერი გავიგონე. ორმოში შემადრწუნებელი ბრძოლის ხმაური იღგა, და ბედს მადლობას ვწირავდი, რომ ბრძოლა წარმოებდა ორ თანაბარუნარიან მოწინააღმდეგეს შორის, რომელთაც შეუძლიათ თავის დაცვა, და არა სამს შორის, რომელთაგან ერთ-ერთი შეიძლება მე ვყოფილიყავი. დრო შეჩერდება ხოლმე, როცა გული ბუდიდან ამოვარდნას ლამობს და სისხლი დუღს. შეჯახება სამ წუთს გრძელდებოდა, შეიძლება მეტსაც. ბოლოს ვეფხვმა ბრძოლა შეწყვიტა და ღია ადგილისაკენ მოკურცხლა, მას ფეხდაფეხ მისდევდა ღრიალით დათვი. სწორედ მაშინ, როცა ვეფხვს მარცხენა ბეჭში ვუმჩინებდი, იგი მკვეთრად მობრუნდა მარცხნივ, გადაევიდა ოცფუტეიან ხრამს და მიწაზე ჩემს ფეხებს ქვემოთ დაეშვა. ვეფხვი ჯერ კიდევ ჰაერში იყო, რომ შაშხანის ლულა დავუშვი და ვესროლე მას, როგორც მომეჩვენა, პირდაპირ ზურგში. ჩემს გასროლას ვეფხვი უკან ტაფობში რინგალის მტკრევეითა და გაბრაზებული ღრენით გამოეხმაურა, რომელიც კიდევ რამდენიმე წამს მესმოდა. შემდეგ სიჩუმე ჩამოვარდა. ალბათ, ტყვია გულში მოხვდა და ვეფხვი წაიქცა, გადაეწყვიტე მე.

500-ყალიბიანი გაუმჯობესებული და მძიმე ტყვიის მსროლელი შაშხანა ყოველთვის დიდ ხმაურს გამოსცემს, აქ ხევში კი ზარბაზანივით დაიგრიალა. თუმცა ამ გრიალს არავითარი შთაბეჭდილება არ მოუხდენია გაოგნებულ დათვზე. იგი კვალდაკვალ მოსდევდა ვეფხვს და ხევს კი არ გადაახტა, არამედ ქარიშხალივით ჩაეშვა ხევში და პირდაპირ ჩემ წინ ამოხტა. მე არ მინდოდა მომეკლა ცხოველი, რომელმაც იმდენი ვაუჟაცობა გამოიჩინა, რომ ვეფხვს გამოგლიჯა ნადავლი, მაგრამ სიგიჟე იქნებოდა, ახლოს მომეშვა ეს გამძვინვარებული მხეცი. ამიტომ, როცა დათვი ჩემგან რამდენიმე ფუტის მანძილზე აღმოჩნდა, მარცხენა ლულიდან დავახალე ტყვია ფართო შუბლში.

მან დაიწყო ნელ-ნელა ხობვა მუცელზე, სანამ უკანა თათებით არ მიებჯინა ხევის მოპირდაპირე ნაპირს.

ჯერ კიდევ ერთი წუთის წინ ჯუნგლები გააფრთხულა ბრძოლისა და შაშხანის გრილისაგან ზანზარებდნენ, ახლა კი სიჩუმე ჩამოვარდა. როცა გული საგულეს ჩამიდგა, მომაგონდა, რომ ამ დროს სიგარეტი დამაწყნარებლად მოქმედებს ადამიანზე. შაშხანა მუხლებზე დავიდე და ორივე ხელი ჯიბეებში ჩავიყავი პორტსიგარსა და ასანთის ამოსადებად. ამ დროს ჩემგან მარჯვნივ რალაც მოძრაობა შევნიშნე. თავი მივიბრუნე და დავინახე, რომ ვეფხვი აუჩქარებლად კვეთს იმ ღია ადგილს, რომელზეც ორი წუთის წინ დაოთხილი მიქროდა. მას თვალი მოკლული მტრისაკენ ეჭირა.

ვიცი, რომ ამ ამბის წაკითხვის შემდეგ მონადირენი ბრალს დამდებენ, სროლა არ სცოდნია და მეტისმეტად დაუდევარი ყოფილაო. ხელმოცარული სროლის გამო არაფერი მეტქმის თავის გასამართლებლად, მაგრამ თავს არ ვცნობ დამნაშავედ დაუდევრობაში. როცა ვეფხვს ვესროლე, ჩემი ვარაუდით ზურგში, დარწმუნებული ვიყავი, სასიკვდილოდ დავჭერი-მეთქი: გაბრაზებული ღმუილი, გააფრთხელებული ნახტომი ტაფობში და ამასთანავე მოულოდნელი სიჩუმე მხეცის დაღუპვის საკმაო დამამტკიცებელი საბუთი გახლდათ. მეორე სროლით სული გავაფრთხობინე დათვს. ამიტომ სანამ ხეზე ვიჯექი, არ იყო საჭირო შაშხანაში ვაზნები ჩამეწყყო, ვიდრე მას მუხლებზე დავიდებდი.

ცოცხალი და უვნებელი ვეფხვის გამოჩენამ გამოაცა და ერთი-ორი წამი დამაკარგვინა, მაგრამ შემდეგ სწრაფად ვმოქმედებდი. მართალია, შაშხანას ჩაკეტილი ჩახმახი ჰქონდა, რომელიც ორი მომჭერით დამაგრებული იყო დამცველზე, რაც აყოვნებდა ხელახლა გატენას. გარდა ამისა, სათადარიგო ვაზნები შარვლის ჯიბეში მქონდა, საიდანაც მათი ამოღება ადვილია, როცა ფეხზე დგახარ, და არც ისე იოლია ამის გაკეთება, როცა წვრილ ტოტზე ხარ ჩამომჯდარი. გრძნობდა ვეფხვი, რომ დათვი მკვდარი იყო, თუ მხოლოდ იმიტომ არ აშორებდა თვალს, რომ უნდოდა აეცდინა გვერდიდან თავდასხმა, არ ვიცი. ყოველ შემთხვევაში ის განაგრძობდა სირბილს ციცაბო ფერდობზე მშვიდი ნაპარდით. სანამ ის დიდი კლდის მახლობლად

ჩემგან ორმოცი იარღის მოშორებით გარბოდა, მხოლოდ ერთი ლულის გატენა მოვასწარი, შაშხანა ავწიე და ვესროლე. ვეფხვი უკანა თათებზე შედგა, შეირხა და მძიმედ დაეცა გვერდზე, მერე წამოხტა, აიშვირა კუდი და გაქრა ბორცვის შვერილის უკან. ნიკელის გარსში მოქცეული ტყვია რბილი თავითა და ფოლადის გულით მოხვდა კლდეს ვეფხვის თავიდან რამდენიმე დიუმის მანძილზე, რამაც მას წონასწორობა დააკარგვინა, მაგრამ მხეცისათვის არავითარი ზიანი არ მიუყენებია.

მშვიდად მოვწიე სიგარეტი, ჭყორიდან ჩამოვედი და დავის სანახავად წავედი; ის უფრო დიდი აღმოჩნდა, ვიდრე მეგონა. ხუმრობა საქმე ხომ არ იყო ბრძოლა, რომელიც მან თავს მოახვია მოწინააღმდეგეს. მრავალი ღრმა ჭრილობიდან კისერზე და ხშირი ბალნის ქვეშ სისხლი წვეთავდა, თავზე კი რამდენიმე ადგილას ძვლამდე კანი ჰქონდა გაგლეჯილი. ეს ჭრილობები თავისთავად არაფერს წარმოადგენდა ისეთი ღონიერი მხეცისათვის, როგორც დათვია, მაგრამ ცხვირში მოხვედრამ ის საშინლად გაამძვინვარა. ყველა ხვადს გააცოფებდა ასეთი დარტყმა. დათვს არათუ დაარტყეს ამ სათუთ ადგილას, არამედ კიდევაც შეურაცხყვეს იგი: ვეფხვმა მას შუაზე გაუგლიჯა დრუნჩი, რაც სრულიად საკმაო საფუძველი იყო, რომ არ მიეჭტია ყურადღება მძიმე შაშხანის სროლის ხმისათვის, სიძულვილით ანთებულ იყო და მტერს დასდევნებოდა.

დაღამებამდე ცოტა დრო რჩებოდა, ამიტომ აღარ დამიძახია ხალხისათვის, რომ დათვი გაეტყავებინათ. გადავწყვიტე თვითონ წავსულიყავი მათთან. ვიდრე დაბნელდებოდა, „რესტ-ჰაუზში“ უნდა მომესწრო მისვლა: ამ ადგილებში ხომ კაცი-ჭამია ბინადრობდა. ქოხის ახლო, გარდა ჩემი მხლებლებისა, ათიოდე გლეხიც იყო. ყველა ისინი დაძაბული გამოჰყურებდნენ ხეობას და როცა მათ შორის გამოვჩნდი, გაოცებისაგან ენა ჩაუვარდათ.

პირველმა ენა ამოიდგა ბალა სინგხმა. მას რომ მოვეუსმინე, მივხვდი, რატომ მიყურებდნენ შეკრებილნი ისე, თითქოს საიჭიოდან დაებრუნებულყავი.

— ჩვენ გირჩევდით არ ჩამომჯდარიყავით ტოტზე ასე ახლოს მიწიდან, — თქვა ბალა სინგხმა, — როცა თქვენი პირვე-

ლი ყვირილი, შემდეგ კი ვეფხვის ღრიალი გავიგონეთ, ვიფიქრეთ, მხეცმა ხიდან ჩამოგათრიათ და მას სამკვდრო-სასიცოცხლოდ ებრძოდით. მალე ვეფხვი გაჩუმდა, თქვენ კი ყვირილს განაგრძობდით, ჩვენ გვეგონა, ის მიგათრევდა. მოგვიანებით ორჯერ გავიგონეთ თქვენი თოფის ხმა, შემდეგ კიდევ ერთხელ მოგვესმა გასროლა და ვერასგზით ვერ მივხვედრილიყავით, როგორ ახერხებდა სროლას კაცი, რომელსაც ვეფხვი მიათრევდა. დავიწყეთ მსჯელობა, როგორ მოვქცეულიყავით. და აი უეცრად თქვენ გამოჩნდით. ისე დავიბენით, რომ კრინტი ველარ დავძარი. თუ ხალხი ყურს უგდებს იქიდან მომავალ ხმებს, სადაც მონადირეა ჩასაფრებული ვეფხვის მოლოდინში, ნერვული დაძაბულობის გამო, ადვილი შესაძლებელია, დათვის ღმუილი ადამიანის ყვირილად მოეჩვენოთ, რადგანაც ეს ხმები ძალიან ჰგვანან ერთმანეთს, დიდ მანძილზე კი საერთოდ ვერც გაარჩევს კაცი.

სანამ შეკრებილთ ვუამბობდი იმ ბრძოლაზე, რომლის ხმაც მათ გაიგონეს, და მოკლულ დათვზე, ამასობაში ბალა სინგხმა ჩაი მომიმზადა.

დათვის ქონი ძვირი ღირს, როგორც რევმატიზმის წამალი, და ძალიან გავახარე ჩემი მსმენელები, როცა ვუთხარი, ქონი არ მინდა და შეგიძლიათ გაინაწილოთ-მეთქი. მეორე დილას დათვის გასატყავებლად წავედი. თან ბლომად მახლდა ხალხი. მათ ერთი სული ჰქონდათ თავისი წილი ქონი მიეღოთ და ენახათ მხეცი, რომელიც ვეფხვს შეება. არასოდეს არ მქონია შემთხვევა გამეზომოს ან ამეწონოს დათვები, თუმცა ისინი ხშირად შემხვედრიან, მაგრამ ეს უეჭველად ყველაზე დიდი და მსუქანი იყო ჰიმალაის იმ დათვებს შორის, რომლებიც ოდესმე მინახავს. როცა ქონი და, რაც მთავარია, ხორცის ნაჭრები გავანაწილეთ, ბედნიერი ხალხი დაბიდხურში გაეშურა. მათ შორის ყველაზე ბედნიერი მაინც ბალა სინგხი იყო, ყველას შურდა, რომ მას ზურგზე მოეგდო ჩემგან მიღებული დათვის ტყავი.

ვეფხვი არ დაბრუნებულა დარჩენილი ნადავლის მისართმევად და სალამოსათვის სვავებმა პირწმინდად მოასუფთავეს ძროხისა და დათვის ძვლები.

მსუქანი დათვის გატყავება ძალიან ბინძური სამუშაოა. ამ საქმეს რომ მოვრჩი, ძლივს მივათრევდი ფეხებს „რესტ-ჰაუზი-

საკენ“, — ცხელი აბაზანა უნდა მიმეღო და დავნაყრებულებიყავი. გზაზე აღელვებული მეტყევე შემხვდა. წინა ღამეს ის შორს მდებარე ნაკვეთს ათვალეირებდა და ღღეს დილით დაბიძხურში დაბრუნებისას, ბანიას ღუქანში შეეტყო, რომ მე დათვი მოვკალი. მეტყევეს აუცილებლად ჭირდებოდა დათვის ქონი რევმატიზმით დაავადებული მამისათვის. ის ჩქარობდა, ცოტა მაინც ეშოვნა ეს უებარი წამალი, და ამ დროს დაინახა დამფრთხალი ნახირი, მენახირეს ეთქვა ვეფხვმა შენი ერთ-ერთი ძროხა მოკლაო. მეტყევემ დაახლოებით იცოდა, სად ძოვდა ეს ნახირი, როცა მას თავს დაესხა ვეფხვი, ამიტომ (მაშინ როცა ბალა სინგხი და დანარჩენები გზას განაგრძობდნენ დაბიძხურისკენ) ჩვენ მოკლული ძროხის საძებრად გავეშურეთ. გორაკების ფერდობებზე ორ მილზე მეტი გავიარეთ და პატარა ხეობაში გამოვედით. მეტყევე ვარაუდობდა, რომ მოკლული ძროხა სწორედ ამ ადგილას იქნებოდა.

რამდენიმე დღის წინ აღმორში წარმოებდა გურკხების ჯარების კონტინგენტთა ჩამოწერილი ტანსაცმლის გაყიდვა. ჩემმა თანამგზავრმა იქ ერთი წყვილი სამხედრო ფეხსაცმელი შეიძინა, რომელიც მას ძალიან დიდი მოუვიდა; ამიტომ სიარული უჭირდა და ძძიმედ მიაბიჯებდა, სანამ ხეობას არ მივადექით. იქ ფეხსაცმელი გავახდევინე და რომ დავინახე, რამდგომარეობაში ჰქონდა ფეხები, გამაყრუოლა. წარმოუდგენელია, როგორ შეიძლება, კაცმა, რომელმაც მთელი ცხოვრება ფეხშიშველმა გაატარა, მხოლოდ თავმომწონების გულსათვის თავი ასეთ სატანჯველში ჩაიგდოს.

— დიდი ფეხსაცმელები იმიტომ ვიყიდე, — განმიმარტა მან, — რომ, ვფიქრობდი დროთა განმავლობაში დაპატარავდებოდა.

ნავის მსგავსი ხუთიოდე აკრი სიდიდის ხეობა შორი-შორ დარგულ ვეებერთელა მუხების მშვენიერ პარკს მაგონებდა. ფერდობი, საიდანაც ხეობას მივადექით, დაქანებული იყო დაზედ მხოლოდ ბალახი იზრდებოდა. მოპირდაპირე მხრიდან თხელი ბუჩქნარით დაფარული ბორცვი საკმაოდ ციცაბო-

გ უ რ კ ხ ე ბ ი — კოლონიური არმიის ჯარისკაცები, ძირითადად ნეპალის მთის რაიონებში შეკრებილი.

გახლდათ. რამდენიმე წუთს ვიდრე, ყურადღებით ვსწავლობდი მხედველობის არეში მოქცეულ მიწის თითოეულ მტკაველს და, რადგან საეჭვო ვერაფერი აღმოვაჩინე, ხეობაში ჩავედი. ჩუმად მომყვებოდა ფეხშიშველი მეთყვევე. ხეობის ფსკერზე საკმაოდ დიდ ფართობზე მოქუჩებული ჩამოცვენილი ფოთლებისა და ფიჩხის ვეებერთელა გროვა დავინახე. თუმცა ძროხის ლეში არ ჩანდა, მაგრამ ვიცოდი, რომ ამ გროვის ქვეშ დამალავდა ვეფხვი თავის მსხვერპლს. მე ძალიან წინდაუხედავად მოვიქეცი, რომ ამის შესახებ არ გავაფრთხილე მეთყვევე, რომელმაც, როგორც მოგვიანებით გამოტყდა, არ იცოდა, რომ ვეფხვს ჩვეულება აქვს ნადავლი დამალოს. თუ ვეფხვი მალავს მოკლულ ცხოველს, ეს ნიშნავს, რომ იგი მსხვერპლის მახლობლად ჩაწევა, მაგრამ დაუდევრობა იქნებოდა გვეფიქრა, თითქოს იგი ყოველთვის ასე იქცევა. ამიტომ თუმცა გულდასმით დავათვალიერე მიწა, მაგრამ, ვიდრე ხეობაში ჩავიდოდი, შევდექი და კიდევ ერთხელ მივიხედ-მოვიხედე.

ფოთლებისა და ტოტების გროვის მახლობლად ორმოცდახუთგრადუსიანი კუთხით ბორცვი ამალღებულყო, ორმოცი იარდის ზევით ფერდობებზე კი რამდენიმე ბუჩქი ხარობდა. როცა თვალი მოვაგლე ამ ბუჩქებს, ვეფხვი დავინახე, იგი ჩემკენ ზურგით შემობრუნდა. მე ვხედავდი მისი თავისა და სხეულის ნაწილს ფერდამდე. თავში სროლაზე ფიქრიც ზედმეტი იყო, სხვა ადგილას დაჭრა კი სასურველ შედეგს არ მომცემდა. ჩემს განკარგულებაში იყო ნახევარი დღე და მთელი საღამო, ამიტომ გადაწყვიტე დავმჯდარიყავი და მომეცადა, ვიდრე სასროლად მოხერხებული მომენტი დადგებოდა. ადრე თუ გვიან ვეფხვი ხომ უნდა ამდგარიყო. როგორც კი ეს გადაწყვეტილება მივიღე, მარცხნივ ოდნავ შესამჩნევ მოძრაობას მოვკარი თვალი, მივბრუნე თავი და ძუ დათვი დავინახე. იგი ფეხაკრეფით ეპარებოდა ძროხას; თან ახლდა ორი მოზრდილი ბელი. დათვმა, ცხადია, იცოდა, რომ ვეფხვმა მოკლა ძროხა, და მისცა დრო დაწინაურებულიყო, — რაც მე თვითონაც არა ერთხელ გამიკეთებია, — ახლა დასაზვერად მიდიოდა. სხვანაირად შეუძლებელი იყო: განსაკუთრებული მიზეზების გარეშე ძუ დათვი დღისით არ დასეირნობს. მოკლული

ცხოველიდან რამდენიმე ნაბიჯზე რომ არ ვმდგარიყავი, ან ხეობის განაპირას ვყოფილიყავი, მეტად საინტერესო სანახაობის მოწმე გავხდებოდი. ნახავდა თუ არა ძროხას, რაც დათვისათვის ძნელი არ იყო,—მათ შესანიშნავი ყნოსვა აქვთ,—ბელებთან ერთად დათვი დაიწყებდა დაფარებული ფოთლები-სა და ტოტების გაქექვას. ეს გამოალვიძებდა ვეფხვს და უბრძოლველად არ დაუთმობდა თავის ნადავლს. მართლაც რომ ღირდა ასეთი ბრძოლის ყურება.

ამ ხნის განმავლობაში მეტყევე წყნარად იდგა ჩემ უკან და ვერაფერს ხედავდა. ხოლო როცა დათვები შეამჩნია, იყვირა:

— შეხედეთ, საიბ, დათვები!

ვეფხვი იმწამსვე წამოხტა და მოკურცხლა. დაახლოებით ოცი იარდი მას ღია ადგილზე უნდა გაერბინა. დავუმიზნე და თითი სასხლეტს დავაჭირე; მეტყევემ იფიქრა, რომ ვუმიზნებდი არა იქ, სადაც საჭირო იყო, ხელი მაჯაში მტაცა და ტყვია მოხვდა ხეს რამდენიმე იარღზე იმ ადგილიდან, სადაც ვიდექი. გულისწყრომას სიკეთე არასოდეს არ მოჰყოლია და მით უფრო ჯუნგლებში. მეტყევემ არ იცოდა, რა იმალებოდა ფოთლების გროვაში, ვეფხვი არ დაუნახავს და ეგონა, მიაპყრობდა რა ჩემს ყურადღებას საშინელ დათვებზე, სიკვდილს გადამარჩენდა, ამიტომ აღარაფერი მითქვამს მისთვის. სროლით დამფრთხალი დათვები გაშორდნენ იქაურობას, ხოლო ჩემი ადელვებული თანამგზავრი ჩამაცივდა: „ესროლეთ, ესროლეთ“.

დაბიღებურში დაბრუნებისას მეტყევე თავჩაქინდრული მომჩანჩალებდა უკან. მისი გუნება რომ შემეცვალა, ვკითხე, ხომ არ იცი, სად შეიძლება გხორალის * მოკვლა, ჩემ მხლებლებს ხორცი ჯერ კიდევ ვერ ვუშოვე-მეთქი. მან არათუ იცოდა ასეთი ადგილი, რამედ, თავისი კოპებისა და განცდების მიუხედავად, იჯისრა მივეცილებინე იქამდე. ჩაის შემდეგ ორი კაცის თანხლებით, რომლებიც, როგორც მეტყევემ თქვა, „ნადავლის“ საზიდად დამჭირდებოდნენ, გხორალზე სანადიროდ გავემგზავრეთ.

„რესტ-ჰაუზის“ ვერანდიდან ბორცვი მკვეთრად ეშვება ქვემოთ. მეტყევეს მივყავდით მასზე რამდენიმე ასეული ჩარ-

* გ ხ ო რ ა ლ ი — მთის გარეული თხის ერთ-ერთი სახესხვაობა.

დის მანძილზე, სანამ არ გავედით გბორალების მიერ გატყეპნილ ბილიკზე. მერე მე დავეწინაურდი, მარჯვნივ გავუხვიე და დაახლოებით ნახევარი მილის გავლის შემდეგ ღრმა ხევის ნაპირას აღმოვჩნდი. გავხედე მის მოპირდაპირე მხარეს, დავინახე გბორალი. ის კლდის შვერილზე იდგა და გასცქეროდა სივრცეს, როგორც ამას ჩვეულებრივ აკეთებს ყველა გარეული თხა, ქვის თხის მარკორისა და თხარის ჩათვლით. ცხოველის თეთრად დაწიწკნული კისერის მიხედვით დავასკენი, რომ ის ვაცი იყო. მანძილი ორას იარღზე მეტი იყო. ბოლოს მომეცა შემთხვევა არათუ ხორცი მეშოვნა ჩემი ხალხისათვის, არამედ ახალი შაშხანის ნიშანში მოხვედრის სიზუსტეც გამომეცადა. მიწაზე დავექეი, სამიზნე ორას იარღზე დავაყენე, კარგად დავუმიზნე და ვესროლე. გბორალი აღგიღზევე დაეცა. ეს იყო არაჩვეულებრივი წარმატება იმიტომ, რომ პირდაპირ მის ქვემოთ ხრამი იწყებოდა. მალე კვლავ ერთი გბორალი გამოჩნდა ციკნით, რომელიც მანამდე არ დამინახავს. ერთ ხახს შედგა, რამდენჯერმე ჩვენკენ გამოიხედა და ბორცვს უკან მიიძალა.

სანამ მე და მეტყევე თამბაქოს ვწევდით, ჩემი ორი მხლებელი მოკლული გბორალისაკენ გაეშურა. მეტყევე ძალიან დანადვლიანდა, დათვის ქონი რომ ვერ იშოვა, მაგრამ როცა თხის ხორცის ნაჭერსა და ტყავს დავპირდი, სიხარულით ცას ეწია, და გადაწყვიტა ტყავი გადაეკრა სკამზე, რომელზეც იჯდა ზოლმე მისი რევმატიზმებით დაავადებული მოხუცი მამა და მზეზე თბებოდა.

5

მეორე დღეს დილაადრიან კვლავ ხეობაში ჩავედი და დავრწმუნდი, რომ ჩემი ვარაუდი სწორი იყო: ვეფხვი თავის ნადავლს არ დაბრუნებია, დათვები კი ისევ მოსულიყვნენ. ძროხისგან ძვლებიდა დაეტოვებინათ, და მე რომ მივედი, მარტოხელა სვავი მათი ჯიჯგნით იყო გართული.

ჯერ კიდევ ადრე იყო, ამიტომ ბორცვის ფერღობზე ავედი იმ მიმართულებით, საითაც წინაღღეს წავიდა ვეფხვი, მწვერვალი გადავლახე, ლოპარგხატის გზაზე დავეშვი და კაციჭამია ჯიქის ნაკვალევი დავზვერე. დღისით „რესტ-ჰაუზში“ დაბრუნებისას შევიტყვე, რომ ვეფხვს კიდევ ერთი ძროხა დაეგლიჯა.

ეს ამბავი მაცნობა ერთმა საზრიანმა ახალგაზრდა კაცმა, რომელიც ალმორს მიემგზავრებოდა სასამართლოში და ამიტომ ვერ მიმიყვანდა იმ ადგილამდე, სადაც ვეფხვს ძროხა მოეკლა. მან მხოლოდ ნახშირით მომიხაზა აივნის იატაკზე ადგილმდებარეობის გეგმა. ნაჩქარევად ვჭამე პირველი და მეორე საუზმე და მოკლული ძროხის საძებნელად გავწიე. თუ ახალგაზრდა კაცის ნახაზი სწორი იყო, ძროხა ხუთი მილის მოშორებით უნდა ყოფილიყო იმ ადგილიდან, სადაც წინა დღეს ვეფხვს ვესროლე. იქ გავარკვიე, რომ ვეფხვი თავს დასხმოდა პატარა ნახირს, რომელიც ხეობაში გამდინარე ნაკადულის ახლო ბალახობდა, და, თუ რბილ ნიადაგზე აღბეჭდილი ნაკვალევის მიხედვით ვიმსჯელებდით, მხეცი გაჭირვებით მოერია შერჩეულ მსხვერპლს. ექვსას-შვიდასი გირვანქა ღონიერი ცხოველის მოკვლა იოლი საქმე როდია, და ასეთი მკვლევლობის შემდეგ ვეფხვი ჩვეულებისამებრ ისვენებს. ამჯერად კი, როგორც სისხლის კვალი მოწმობდა, მხეცმა დაუყოვნებლივ წაათრია ძროხა ნაკადულის ნაპირიდან ბორცვის ძირას ხშირ ჯუნგლებში.

წინა დღით ვეფხვმა თავისი მსხვერპლი იქ დამალა, სადაც მოკლა, დღეს კი აშკარად ცდილობდა ნადავლი რაც შეიძლება შორს წაეღო. ორი მილი კვალდაკვალ გავყევი ზევით ციცაბო ფერდობზე ხშირ ტყეში. მთის მწვერვალიდან რამდენიმე ასეული იარდის მოშორებით ძროხის უკანა ფეხი ორი ახალგაზრდა მუხის ტოტებში გაჩხერილიყო. ვეფხვმა ძროხა ალბათ მთელი ძალით მოქაჩა, მოაგლიჯა ფეხი, დატოვა იგი და ნადავლი გაიტაცა. ადგილი, სადაც ვეფხვს ძროხა მიეთრია, სწორი იყო, ზედ იდგა ერთი-ორი ფუტის სიმსხო ახალგაზრდა მუხები. ხეებს ქვეშ არ იყო არც ბუჩქები და არც სხვა რაიმე მცენარეულობა, და ვეფხვმა ნადავლი ისე დააგდო, რომ არც უცდია მისი დამალვა.

ანათრევის ნაკვალევს ნელა მივყვებოდი, მხოლოდ შაშხანა და რამდენიმე ვაზნა მიმქონდა, მაგრამ, როცა მწვერვალზე ავედი, პერანგი მაინც გამიოფლიანდა და პირი გამიშრა. ამიტომ წარმოვიდგინე, რა აუტანელ წყურვილს განიცდიდა ვეფხვი და როგორ ილტვოდა წყალი დაელია. წყურვილი რომ მომეკლა, წყაროს მოსაძებნად გავეშურე, იქ, შესაძლოა, ვეფხვიც მენახა. მარჯვნივ ნახევარი მილის მანძილზე იყო ხევი, სადაც

დათვი მოკვალი, იქ ნაკადული მოჩუხჩუხებდა. მარცხნივ უფრო ახლო მეორე ხევი იყო და გადაწყვიტე ჯერ იქ ჩავსულიყავი.

ხევში ერთი მილი გავიარე და იმ ადგილზე მივედი, სადაც მისი ციცაბო, თიხნარი ნაპირები თითქმის ერთდებოდა. დიდ კლდეს შემოვუარე და პირდაპირ ჩემ წინ ოცი იარღის მანძილზე ვეფხვი დავინახე. მას ეძინა სილის ვიწრო ზოლზე, რომელიც პატარა გუბურასა და ხევის მაჯვენა მხარეს შორის მდებარეობდა. აქედან ხევი მკვეთრად უხვევდა მარჯვნივ, ამიტომ არ შემეძლო ვეფხვის მთელი სხეული დამენახა. ის იწვა მარცხენა მხარეზე, ზურგით გუბისაკენ, და მხოლოდ მის კუდსა და უკანა თათების ნაწილს ვხედავდი. ჩემსა და ვეფხვს შორის კამეჩების საკვებად გამზმარი რტოების ვებერთელა გროვა იყო, რომელიც ცოტა ხნის წინათ ხევის ნაპირზე გადმოწეული ხეებიდან მოესხიპათ. ამ დაბრკოლებას ისევე ვერ გავივლიდი უხმაუროდ, როგორც ხრამში ჩამოშვავებულ ნაპირებს. ისლა დამრჩენოდა დავმჯდარიყავი და მელოდა, სანამ ვეფხვი თვითონ მომცემდა სროლის შესაძლებლობას.

უდიდესი დაძაბულობის შემდეგ, წყურვილი რომ მოიკლა, ვეფხვს მაგრად ჩაეძინა და ნახევარი საათის განმავლობაში უძრავად იწვა. მერე მარჯვენა გვერდზე გადაბრუნდა და კვლავ გამოაჩინა თათების ნაწილი. რამდენიმე წუთს ასეთ მდგომარეობაში იყო, შემდეგ ადგა და ხევის მოსახვევში გაუჩინარდა. სასხლეტისათვის თითი არ მომიცილებია, ველოდებოდი, როდის გამოჩნდებოდა იგი, — ნადავლი ჩემ უკან ბორცვზე ჰქონდა დაგდებული. დრო გადიოდა. სადღაც ბორცვს ქვემოთ ისტერიული კივილით ჩაიქროლა კარკერმა, ცოტა ხნის შემდეგ სამბხარმა დაიყვირა. ვეფხვი მაინც არ მოდიოდა. ვერ მივხვდი რატომ. დღეს მან ხომ საკმაოდ იშრომა; ჩემს სუნს ვერ იკრავდა, — ვეფხვებს ყნოსვის უნარი არ გააჩნიათ. მაგრამ ეს არ მადარდებდა. ვეფხვი აუცილებლად დაუბრუნდებოდა თავის ნადავლს, რომელსაც ასეთი შეუპოვრობით მიათრევდა ბორცვის მწვერვალზე. წყალი გუბურაში, საიდანაც ვეფხვმა დალია, ყინულივით ცივი აღმოჩნდა. წყურვილის მოკვლის შემდეგ, ბოლოს, შემეძლო სიამოვნებით გამებოლებინა თამბაქო.

ცოდი, რომ მოვიდა, რადგან მთელი ჩემი არსებით ვიგრძენი მისი იქ ყოფნა. იქნებ თავის მსხვერპლის მახლობლად იყო მიმალული და ბორცვის განაპირას ოდნავ თავწამოწეული ზითვალთვალეობდა? არა, ეს შეუძლებელი იყო, იმიტომ, რომ იმ დროიდან, რაც ხეზე მოვეწყვე, თითქოს მის ნაწილად გადავიქეცი, ვეფხვები კი აქეთ-იქით არ დადიან ჯუნგლებში და არ ათვალაიერებენ თითოეულ ხეს. მიუხედავად ამისა, ვეფხვი აქ იყო და მომჩერებოდა.

საკმაოდ ინათა. შემეძლო ყველაფერი კარგად დამენახა და ჩემ წინ მდებარე ადგილის ყურადღებით თვალაიერება დავიწყე. შემდეგ თავი მარჯვნივ მივიბრუნე, რომ უკან გამეხედა, და ვეფხვი დავინახე. იგი უკანა თათებზე იჯდა მთვარის სხივებით მოფენილ მინდორზე. წინ ნადავლი ედო, თავი ზევით აეწია და მომჩერებოდა. როცა დაინახა, რომ შევამჩნიე, ყურები გალურსა, მაგრამ მე არ გავნძრეულვარ და მისი ყურები პირვანდელ მდგომარეობას დაუბრუნდნენ. ვეფხვი თითქოს ამბობდა: „აი, ხომ დამინახე, რას აპირებ გააკეთო? მე კი თითქმის არაფრის გაკეთება არ შემეძლო. რომ მესროლა, უნდა შემოვბრუნებულიყავი, ეს კი ვეფხვს დააფრთხოზდა, რომელიც თხუთმეტი ფუტის მანძილიდან მითვალთვალობდა. ისლა დამრჩენოდა მარცხენა ბეჭიდან მესროლა,“ კარი ^{წას} ვცადე. შაშხანა მუხლებზე მედო ლულით მარცხნივ ^{წავიღე} ავიღე თოფი და მარჯვნივ შემობრუნება დავიწყე, ვეფხვმა თავი დახარა და კვლავ ყურები გალურსა. ასეთ მდგომარეობაში ის მანამდე დარჩა, სანამ გაუნძრევლად ვიყავი, მაგრამ როგორც კი შაშხანა ოდნავ მალლა აეწიე, მხეცი წამოხტა და ჩრდილში გაუჩინარდა.

რა გეწყობა, ვეფხვმა მეორე რაუნდშიც გადამწყვეტი გამარჯვება მოიპოვა. სანამ ხეზე ვიჯექი, იგი არ დაბრუნდებოდა, მაგრამ თუ წავიდოდი, იქნებ დაბრუნებულიყო და ნადავლი სხვაგან წაეღო. რადგან მთლიანად ვერ შეჭამდა ძროხას შესაძლებლობა მომეცემოდა მეორე დღეს ჩავსაფრებოდი.

ღრო იყო მეფიქრა იმაზე, თუ სად გამეთია დამე. ღღის განმავლობაში ოცი მილი გავიარე და „რესტ-ჰაუზამდე“ კიდევ რვა მილის გავლა, და ისიც ტყეში, კარგს არაფერს მიქადდა. სხვა ადგილას ორას-სამას იარღზე დავტოვებდი მოკლულ

ცხოველს და მშვიდად დავიძინებდი მიწაზე. მაგრამ აქ ღამლამობით კაცობისა ჩიქის საბრძანებელი გახლდათ. ჯერ კიდევ საღამოს, ხეზე რომ ვიჯექი, შორიდან მომესმა ზანზალაკების წკარუნნი. ეს ხმა რომელიდაც სოფლიდან ან პირუტყვის ბაიდან აღწევდა. მაშინვე ზუსტად განვსაზღვრე მისი მიმართულება და იქით გავეშურე. ჰიმალაებში პირუტყვს ბაგაზე კი არ აბამენ, არამედ მათთვის ჯუნგლებში საძოვრების ახლოს აწყობენ საზოგადოებრივ ბაქებს. ხმამ, რომელიც პირველად მომესმა, ერთ-ერთ ბაქთან მიმიყვანა. იგი მაგარი მესერით შემოღობილ ფარდულს წარმოადგენდა, სადაც ეტეოდა დაახლოებით ასი სული პირუტყვი. ბაქი ჯუნგლების სიღრმეში მდებარეობდა და დაუცავი იყო, რაც ადასტურებდა მთიელთა პატიოსნებას და იმასაც, რომ დაბიდხურის რაიონში ვეფხვეები წინათ არ ეტანებოდნენ შინაურ პირუტყვს.

ღამე ჯუნგლებში ყველა ცხოველი განსაკუთრებით დაძაბულ მდგომარეობაშია. და, თუ მსურდა ღამე ამ ბაქის ბინადართა ჰერქვეშ გამეთენებინა, საჭირო იყო სრულიად გამეფანტა მათი ბუნებრივი ეჭვი. სოფელ კალაღუნგის ბინადართ, სადაც ვცხოვრობ, ცხრაასამდე ძროხა და კამეჩი ჰყავთ. ბავშვობიდან მიხდებოდა საქმე მქონოდა პირუტყვთან. ამიტომ ვიცოდი, როგორ უნდა მოვპყრობოდი მათ. ძალიან ნელა მივიწევდი, ცხოველებს ვუალერსებდი და ამასობაში მივეუახლოვდი ფარდულს, ჩამოვჯექი, ზურგით ღობეს მივეყრდნე და გავაბოლე. ჩემ ახლოს რამდენიმე ძროხა იდგა; ერთი მათგანი ღობეს მოადგა, თავი მესერაში გამოყო და სველი ენით კეფაზე ლოკვა დამიწყო—ეს ქცევა მეგობრული იყო, მაგრამ არცთუ ისე სასიამოვნო, რადგან რვა ათასი ფუტის სიმაღლეზე ცივი ღამეები იცის. სიგარა მოვწიე, თოფი გამოვცალე, ჩალა დავაფარე და მესერაზე გადავძვეარი.

როცა პირუტყვის ბაქში ათევ ღამეს, გულმოდგინედ უნდა შეარჩიო დასაწოლი ადგილი, რადგან, თუ განგაში ატყდა და დაფეთებული ცხოველები აქეთ-იქით მიაწყდნენ, მიწაზე წოლა სახიფათოა. ფარდულის თითქმის შუაგულში ერთ-ერთ ძირითად ბოძთან, — რომელზეც უკიდურეს შემთხვევაში შემეძლო ავცოცებულიყავი, — თავისუფალი პატარა ადგილი აღმოჩნდა. დაწოლილ ცხოველებს გადავაბიჯე, ფეხზე მდგომთ თა-

ვები მივუბრუნე, რომ გამეგო, მივალწიე თუ არა შერჩეულ ადგილს, და ორ მძინარე ძროხას შორის მოვეწყვე. ლამემ მშვიდად ჩაიარა და ბოძზე აცოცება არ დამჭირვებია. ძროხების სითბო მეც გადმომეცა, ჯანსაღი ცხოველების თაფლოვანი სურნელება ისეთი სასიამოვნო იყო, რომ სულ მალე ძილმა მომიტაცა და ყველაფერს შევეურიგდი კაციჟამია ჯიქის ჩათვლით.

მეორე დილით, მზე ის-ის იყო იწვერებოდა, როცა ხმები მომესმა, თვალები გავახილე და დავინახე სამი კაცი, მათ საწველელები ეჭირათ და მესერის ჭუჭრუტანიდან მათვალიერებდნენ. როცა გაცოცებულნი გონს მოვიდნენ, თბილი რძით გამიმასპინძლდნენ. ეს სწორედ მისწრება იყო, რადგან გუშინდელს აქეთ არაფერი მეჭამა, მხოლოდ წყალი მოვსვი იმ გუბურიდან, რომლიდანაც ვეფხვმა დალია. მე უარი ვუთხარი მათთან ერთად სოფელში წასვლაზე, მადლობა გადავუხადე გამასპინძლებისა და თავშესაფარისათვის და, სანამ დასაბანად და დასაწყობლად „რესტ-ჰაუზში“ დავბრუნდებოდი, წავედი მენახა. სად წაიღო ვეფხვმა თავისი ნადავლი. გამიკვირდა — ნადავლი იქვე დამხვდა. სვავებისა და არწივებისაგან რომ გადაამერჩინა, ნადავლს ხის რტოები დავაფარე და მხოლოდ ამის შემდეგ წავედი „რესტ-ჰაუზში“.

ჩემი აზრით, ქვეყნად არ მოიძებნებიან მსახურნი, რომლებიც ისეთი მოთმინებით იტანენ თავიანთი ბატონების ახირებულ ხასიათს, როგორც ინდოეთში. როცა ოცდაოთხი საათის შემდეგ „რესტ-ჰაუზში“ დავბრუნდი, არავის გამოუხატავს გაკვირება და ერთი შეკითხვაც არ მოუციათ. იქ ცხელი აბაზანა და სუფთა საცვლები მელოდა. ცოტა ხნის შემდეგ უკვე შვრიის ფაფას, ერბოკვერცხს, ცხელ ჩაპატს *, მოხუცი მღვდლის მორთმეულ თაფლსა და ჩაის შევექცეოდი. ნასაუზმევს აივნის ახლოს მოლზე დავჯექი, რომ მშვენიერი ხედის მზერით დავმტკბარიყავი და მომავალი მოქმედების გეგმებზე მეფიქრა. საკუთარი სახლი ნაინი ტალში ერთადერთი მიზნით დავტოვე — მომეკლა პანარის კაციჟამია ჯიქი. მაგრამ იმ ღამის შემდეგ, რაც ამ მტაცებელმა სცადა ტაძრის ახლო მოედნიდან მწყემსი ჩამოეთრია, მის შესახებ აღარაფერი ისმოდა. მღვდელი, ბანია

და ახლო და შორი სოფლების მკვიდრნი, რომელთაც კაციჟამისა შესახებ გამოვკითხე, ამბობდნენ, დროდადრო იგ. დიდი ხნით გადაიკარგება ხოლმე, თითქოს მიწამ უყო პირიო. ყველა იმ აზრისა იყო, რომ დადგა ერთი ასეთი პერიოდთაგანი, მაგრამ ვერაინ მითხრა, დიდხანს გაგრძელდებოდა თუ არა იგი. კაციჟამია უზარმაზარ ტერიტორიაზე მოქმედებდა, სადაც, ალბათ, ორი ათეული ჯიქიც ბინადრობდა. ამ არემარეში მოძებნო და მოსპო მხეცი, რომელმაც დროებით შესწყვიტა აღამიანის მოკვლა, ჩემთვის უიმედო წამოწყება იყო.

კაციჟამისა მოკვლა ვერ მოვახერხე და შემდგომი ჩემი დარჩენა დაბიდხურში უაზრო იყო. მართალია, გადარჩა ტაძრის ვეფხვი, მაგრამ თავი ვალდებულად არ მიძანდა გამენადგურებინა ეს ვეფხვი და ღრმად ვიყავი დარწმუნებული, ასე დაქინებით რომ არ ჩავდგომოდი კვალში, იგი გაცილებით ნაკლებ საქონელს დახოცავდა. ძნელი სათქმელია, რატომ დაიწყე შენაური პირუტყვის ხოცვა ხვადმა ვეფხვმა დაბიდხურში ჩემი ჩამოსვლის დღეს. შეწყვიტდა თუ არა იგი ჩემი წასვლის შემდეგ, დრო გვიჩვენებდა. ყოველ შემთხვევაში მე ყოველი ღონე ვიხმარე იმისათვის, მომეკლა კაციჟამია და, რამდენადაც ჩემი ქისა საშუალებას მაძლევდა, ავანაზღაურე ის ზარალი, რაც მან ხალხს მიაყენა. მის გამო მრავალი მღელვარე წუთი განვიცადე. ნადირობა ძალიან საინტერესო გახლდათ. ამიტომ გული არ დამწყვეტია, რომ იგი გამარჯვებული გამოვიდა იმ მიმზიდველი ბრძოლიდან, რომელსაც ბოლო ოთხ დღეს ვეწეოდით. ამ ოთხმა დღემ შეიწირა მთელი ჩემი ძალ-ღონე და ახლა გადაწყვეტიტე მანამდე დამესვენა, სანამ ხვალ დილაადრიანად უკან ნაინი ტალში გავემგზავრებოდი. ის-ის იყო მივიღე ეს გადაწყვეტილება, რომ ჩემ უკან ვილაცამ თქვა:

— გამარჯობათ, საიბ. მოვედი გითხრათ, რომ ვეფხვმა ძროხა მომიკლა.

ამგვარად, კიდევ ერთი შესაძლებლობა მომეცა ვეფხვის მოკვლა მეცადა, მაგრამ ბოლოს მოვუღებდი თუ არა მას, ჩემი გეგმა — წავსულიყავი მეორე დღეს — უცვლელი დარჩა.

ხალხისა და დათვების ჩარევით გაღიზიანებულმა ვეფხვმა სხვა ადგილას გადაინაცვლა და უკანასკნელი მსხვერპლი დაბიდხურის მთის აღმოსავლეთ ფერდობზე მოკლა, რამდენიმე

მილის მოშორებით იქიდან, სადაც წუხელ ჩავუსაფრდი მას. თხელი ბუჩქნარითა და განმარტოებული ხეებით დაფარული ეს ბორცვებიანი ადგილი იდეალურია მთის კაკბებისათვის, ვეფხვის აღმოჩენა კი ყველაზე ნაკლებ სავარაუდო იყო აქ.

მთის ფერდობს ირიბად კვეთავდა პატარა ღარტაფი, რომელშიც ხშირი წვრილიანი ნაკვეთები ცვლიდნენ დაბალი ბალახით დაფარულ მდელოებს. ვეფხვმა ძროხა ერთ-ერთი ასეთი მდელოს პირას დაგლიჯა, შემდეგ რამდენიმე იარღზე გაათრია ბუჩქების მიმართულებით და ღია ადგილას დააგდო. მდელოს მეორე მხარეს ქვევით ფერდობზე დიდი მუხა იდგა. ეს იყო ერთადერთი ხე ასი იარღის რადიუსზე. გადაწყვიტე ამ მუხაზე ჩავსაფრებოდი ვეფხვს.

სანამ ჩემი ხალხი წყალს მიღულებდა, ვცადე გამომერკვია, შეიძლებოდა თუ არა ვეფხვის მოკვლა ხეზე აუსვლელად. დარწმუნებული ვიყავი, რომ იგი სადღაც ღარტაფში იწვა. მაგრამ, მიუხედავად გულმოდგინე ძებნისა, მისი იქ ყოფნის ვერავითარი ნიშანი ვერ აღმოვაჩინე.

ხე, რომელზეც მოწყობას ვაპირებდი, მდელოს მხარეზე იხრებოდა. მას ტოტებს ხშირად აჭრიდნენ, ამიტომ მრავალი ახალი ყლორტი ჰქონდა, და მათზე ადვილად შეიძლებოდა ასვლა, მაგრამ ამავე დროს ისინი ხელს მიშლიდნენ ზემოდან შტამბი დამენახა. მიწიდან ოცი ფუტის სიმაღლეზე ხეს ჰქონდა მდელოზე გადმოწოლილი ერთადერთი დიდი როკი, რომელიც ჩასასაფრებლად ხელსაყრელი იყო, მაგრამ ადვილად ვერ მივალწევდი მას და არც დასაჯდომად გახლდათ მოსახერხებელი. თუმცა იქამდე მისვლა მეტად ძნელი იყო. დღის ოთხ საათზე ხალხი ბორცვის ზემოთ მდებარე სოფელში გავვზავენე და ვუბრძანე იქ მოეცადათ ჩემთვის, რადგან მზის ჩასვლის შემდეგ აღარ ვაპირებდი საფარში დარჩენას.

როგორც აღვნიშნე, მოკლული ცხოველი ღია ადგილას, ხიდან ათი იარღის, ხოლო ხშირი ბუჩქნარიდან ერთი იარღის მოშორებით ეგდო. უკვე ერთ საათს ვიჯექი ხეზე და ჩემ მარჯვენავ ჟოლის ბუჩქზე კენკვით გართულ წითელთავა ბულბულებს ვაკვირდებოდი. ძროხისაკენ გავიხედე და დავინახე, ბუჩქიდან ვეფხვს გამოეყო თავი. როგორც ჩანს, იგი იწვა, რადგან თავი თითქმის მიწაზე ედო, მე მომჩერებოდა. მალე ვეფხვმა

ჯერ წინა თათი გამოსწია, შემდეგ მეორე, და ძალიან ზანტად, ისე რომ მიწიდან მუცელი არ მოუცილებია, ნადავლს მისწვდა. რამდენიმე წუთს გაუნძრევლად იწვა და კვლავ არ მაშორებდა თვალს, ლაშები ძროხის კუდს შეახო, მოკენიტა, გვერდზე გადადო და ჭამას შეუდგა. მას შემდეგ, რაც სამი დღის წინათ დათეს შეება, არაფერი ეჭამა. ძალიან მშვიერი იყო და ახლა ხარბად გლეჯდა ძროხის უკანა ფეხის რბილ ნაჭრებს. იგი მაგონებდა კაცს, რომელიც მადიანად ჭამს გაუფცქენელ ვაშლს.

შაშხანა მუხლებზე მედო ლულით იმ მხარისაკენ, სადაც ვეფხვი იმყოფებოდა. საჭირო იყო მხოლოდ მხარზე მიმედო იგი. ამის გაკეთება კი იმ შემთხვევაში შემეძლო, თუ ვეფხვი ერთ წუთს მაინც მომაშორებდა თვალს. მაგრამ იგი გრძნობდა საფრთხეს და თვალს არ მაშორებდა, თან ნელა, მაგრამ შეუჩერებლად განაგრძობდა ჭამას. როცა მან თხუთმეტი-ოცი გირვანქა ხორცი შეჭამა, ბულბულებმა ყოლოს ბუჩქი მიატოვეს და ახლადმოფრენილ ორ შავკისერა ჩხიკეთან ერთად ვეფხვის უკან ტოტებზე არაჩვეულებრივი ხმაური ატეხეს, გადაეწყვიტე, მოქმედების დრო დადგა-მეთქი. შაშხანა ძალიან ნელა რომ ამეწია, შესაძლოა ვეფხვი ვერ შეამჩნევდა ამას, მაგრამ ვერ მოვასწარი ექვს დღეზე აწევა, რომ ვეფხვი, თითქოს მძლავრ ზამბარას დაეთრიოს, ბუჩქებში გაქრა. შაშხანა მხარზე წქონდა მიდებული და, იდაყვებით მუხლებზე დაყრდნობილი, ველოდი, როდის გამოყოფდა მხეცი კვლავ თავს, რადგან ეჭვი არ მეპარებოდა, რომ ეს მალე მოხდებოდა. გავიდა ცოტა ხანი და ვეფხვის ხმა გავიგონე. მან ბუჩქებს შემოუარა, ხეს უკანიდან მიუახლოვდა, იქ, სადაც მოზარდი ყლორტების ხშირი ამონაყარი არ მაძლევდა მისი დანახვის საშუალებას, შტამბს დაუწყო ფხაქნა. კმაყოფილი წყნარად ბრდღვინავდა და რამდენჯერმე ძლიერად გაჰკრა კლანჭები ხეს. მე ტოტზე ვიჯექი და სიცილით ვიგულებოდი.

ვიცოდი, რომ ყვავებსა და მაიმუნებს იუმორის გრძნობა ახასიათებთ, მაგრამ ამ დღემდე არ მიფიქრია, თუ იგი ვეფხვებსაც ჰქონდათ. მართლაც, არ მეგონა, რომ ზოგჯერ შეიძლება მხეცსაც სწყალობდეს ბედი, და ასეთ თავხედობას გამოიჩინდა, როგორც ეს გააკეთა თავის გვარში ამ ერთადერთმა ვეფხვმა.

ხუთი დღის განმავლობაში ხუთი ძროხა მოკლა, თანაც ოთხი მათგანი — დღისით-მზისით. ამ ხუთ დღეში რვაჯერ დავინახე იგი და ოთხჯერ ვესროლე. და ახლა, როცა ნახევარი საათის განმავლობაში გაძლა ჩემი იძულებითი უმოქმედობის გამო, ის ფხაჭნადა ხეს, რომელზედაც ვიჯექი, და კმაყოფილი ბრღვენივით გამოხატავდა ჩემდამი ზიზღს.

როცა ვეფხვზე ჩამოვარდა სიტყვა, მოხუცმა მღვდელმა მიიხრა:

— საიბ, მე წინააღმდეგი არა ვარ სცადოთ ამ ვეფხვის მოკვლა, მაგრამ არც თქვენ და არც სხვა ვინმეს არ ძალუძს ამის გაკეთება.

და აი, ვეფხვმაც თავისებურად დაადასტურა მღვდლის სიტყვები. რა გაეწყობა, ამ ამადლევებელ თამაშში, რომელსაც ორივენი ვეწოდით ისე, რომ ერთმანეთისათვის ზიანი არ მიგვიყენებია უკანასკნელი სვლა ეკუთვნის მას. მაგრამ მე აღარ ვაპირებდი კვლავ სიამოვნება მიმენიჭებინა მისთვის, რომ მას ბოლოს ეცინა. შაშხანა დავუშვი, ხელისგულები რუპორად მივიდე პირზე, და როცა ვეფხვმა თავი გაანება ხის ჭიჯგნას, რაც ძალი და ღონე მქონდა ვიყვირე. ყვირილმა ექოდ გადიგრიალა ბორცვებზე და ვეფხვმა ქვევით ფერდობზე მოკურცხლა, ჩემი ხალხი კი სირბილით მოვარდა სოფლიდან.

— დავინახეთ, ვეფხვმა როგორ ასწია კუდი და გაიქცა, — მითხრეს მათ. შეხედეთ, რა უქნა ხეს.

მეორე დილას დავემშვიდობე დაბიდხურელ მეგობრებს და დავბირდი, დავბრუნდები, როგორც კი კაციჭამია კვლავ გამოჩნდება-მეთქი.

უკანასკნელ წლებში კაციჭამიებზე ნადირობისას არაერთგზის ვყოფილვარ დაბიდხურში, მაგრამ არ გამიგონია ვინმეს მოეკლას ტაძრის ვეფხვი. ალბათ ამ ძველმა მებრძოლმა, როგორც ვალმოხდილმა ჯარისკაცმა, როცა უამი დაუდგა, მშვიდად დაასრულა თავისი სიცოცხლე.



კაციჰამია გუკტესარიღან

ნაინი ტალიდან ჩრდილო-აღმოსავლეთით თვრამეტი მილის მანძილზე არის მთა, რომელიც აღმოსავლეთიდან დასავლეთისაკენ თორმეტ-თხუთმეტ მილზეა გადაჭიმული. მისი სიმაღლე რვა ათასი ფუტია. დასავლეთით ამ მთის კიდური ფრიალოდაა აღმართული. მის ძირში მუკტესარის სამეცნიერო-კვლევითი ვეტერინარული ინსტიტუტი მდებარეობს, სადაც ამზადებენ ვაჭყინებსა და სხვადასხვა პრეპარატს ინდოეთში შინაური პირუტყვის დაავადების წინააღმდეგ საბრძოლველად. ლაბორატორიები და საცხოვრებელი ბინები ინსტიტუტის თანამშრომლებისათვის მოთავსებულია მთის ჩრდილოეთ მხარეზე, საიდანაც ჰიმალაების თოვლიანი მთაგრეხილის ერთ-ერთი ულამაზესი სანახაობა იშლება. ეს მთები, ისევე როგორც ინდოეთის ვაკობ ნაწილს შორის მდებარე ბორცვები, აღმოსავლეთიდან დასავლეთისაკენ მიემართება. აქედან კარ-

გად მოჩანს არა მარტო ჩრდილოეთით აზიდული თოვლიანი მწვერვალები, არამედ აღმოსავლეთითა და დასავლეთით მდებარე ბორცვები და ხეობები. ადამიანები, რომლებსაც მუქტესარში უცხოვრიათ, ამტკიცებენ, ეს ერთ-ერთი ულამაზესი ადგილია კუჰანში და ჰავის მხრივ ეს კუთხე უბადლოაო.

ძუ ვეფხვი მუქტესარის ღირსებებს ისევე დიდად აფასებდა, როგორც ადაშიანები, და ინსტიტუტის პატარა დასახლების მისადგომებთან მდებარე ვრცელ ტყეში დაიღო ბინა. აქ ის ბედნიერად ცხოვრობდა და სამზარეულოზე, კარკერებსა და გარეულ ღორებზე ნადირობდა, ვიდრე საბედისწეროდ მაჩვზღარბს არ წააწყდა. მოხდა შეტაკება, რის გამოც დაკარგა თვალი, ცხრა დღუმის სიგრძის ორმოცდაათამდე ეკალი შეერქო წინამხარსა და მარჯვენა წინა თათის ბალიშში. რამდენიმე ეკალი ძვალს მოხვდა, ლათინური ასო v-ს მსგავსად მოიხარა. თანაც წვერო და გადატეხილი ბოლოები თითქმის დაემთხვა ერთმანეთს. იქ, სადაც ძუ ვეფხვი კბილებით ეკლების ამოღებას ცდილობდა, ჩირქგროვები წარმოექმნა. ერთხელ, როცა იგი ხშირ ბალახში იწვა და ჭრილობებს ილოკავდა, ვილაც ქალი მოვიდა ამ ნაკვეთზე, რომ პირუტყვის საკვებად ბალახი მოეთიბა. თავდაპირველად ძუ ვეფხვი მას ყურადღებას არ აქცევდა, მაგრამ როცა მის გვერდით აღმოჩნდა, მხეცმა თავზე დაჰკრა თათი და ქალა დაუმსხვრია. ქალი მშშინვე გარდაიცვალა; მეორე დღეს გვამი იპოვეს და ნახეს, რომ მას ჭერ კიდევ ცალ ხელში ნამგალი ჩაებლუჯა, მეორეში კი ერთი კონა ბალახი ეჭირა. ძუ ვეფხვი ისე გაშორდა, რომ გვამისათვის პირი არ დაუკარებია. კოჭლობით გაიარა დაახლოებით ერთი მილი და წაქცეულ ხესთან ორმოში დაიმალა. ორი დღის შემდეგ აქ მოვიდა კაცი, რომ ეს ხე შეშად დაეჩეხა. ვეფხვმა ისიც მოკლა, ამასთან კლანჭებით ზურგი გაუფატრა. შიშველ ტანზე სისხლი თქრიალით გადმოდრიოდა. ალბათ, მხეცს პირველად ინსტინქტმა უკარნახა, რომ მის წინაშე ისეთი რაღაც იყო, რითაც შეეძლო შიმშილი მოეკლა. ყოველ შემთხვევაში, სანამ წავიდოდა, ძუ ვეფხვმა მოკლულის ზურგის პატარა ნაჭერი შეჭამა. ერთი დღის შემდეგ მან განზრახ მოკლა მესამე კაცი, თუმცა ამ უკანასკნელს ამის საბაზი არ მიუცია. ამ დროიდან იგი ნამდვილი კაციჭამია გახდა.

მე ძუ ვეფხვის შესახებ შევიტყვე მალე მის შემდეგ, რაც მან ადამიანების ხოცვა დაიწყო, მაგრამ მუქტესარში იყვნენ მონადირეები, რომელთაც სწყუროდათ თვითონ მოესპოთ ძუ ვეფხვი,—იგი მათ ცხვირწინ მოქმედებდა,—ამიტომ ვიფიქრე, გარეშესათვის უხერხულია მათ საქმეში ჩარევა-მეთქი. მაგრამ როცა მხეცმა ოცდაოთხი ადამიანი იმსხვერპლა და დაბებისა და მეზობელი სოფლების მკვიდრნი საშიშროების წინაშე აღმოჩნდნენ, ხოლო ინსტიტუტში მუშაობა შეფერხდა, ინსტიტუტის დირექტორმა მიმართა ხელისუფალთ, დასახმარებლად მოვეწვიე.

ჩემ წინაშე ძნელი ამოცანა იდგა. კაციჭამიებთან ბრძოლის ძალიან იცირე გამოცდილება მქონდა, გარდა ამისა, ჰრულიად არ ვიცნობდი იმ ტერიტორიას, რომელზედაც ძუ ვეფხვი დათარეშობდა, და ვერ წარმომედგინა, სად უნდა მეძებნა იგი.

ნაინი ტალიდან შუადღის ხანს გამოვედი მსახურისა და ორი კაცის თანხლებით, რომლებსაც საწოლი და ჩემოდანი მოჰქონდათ. რამგარხის საფოსტო ბუნგალომდე ათი მილი გავიარე, იქ ღამის გასათევად შევიჩერდი. ამ ბუნგალოს კხანსამა (მზარეული, ჭურჭლის მრეცხავი და მსახური) ჩემი ძველი მეგობარი იყო. როცა შეიტყო, თუ რატომ მივდიოდი მუქტესარში, მან გამაფრთხილა, გზის ორი უკანასკნელი მილი განსაკუთრებით საშიშია, რადგან ამ მონაკვეთზე ძუ ვეფხვა ცოტა ხნის წინათ რამდენიმე კაცი მოკლავ.

მეორე დილას ჩემს მხლებლებს ვუბრძანე ბარგი შეეკრათ და გამომყოლოდნენ, თავად კი 500-ყალიბიანი მძიმე ტყვიების სასროლი ორლულიანი თოფით შევიაარადი და ბუნგალოდან წავედი. ჰერ კიდევ ძალიან ადრე იყო და როცა გზაჯვარედინს მივალწიე,—ერთი მათგანი ნაინი ტალსა და აღმორისაკენ მიემართებოდა, ხოლო მეორე მუქტესარში. ოდნავ ინათა. აქედან კაციჭამიას ჭაბრძანებელი იწყებოდა. ამიტომ ძალიან ფრთხილად უნდა გვევლო. დასაწყისში გზა ნარინჯისფერი შროშანებით დაფარულ ვაკეზე გადიოდა (შროშანას თესლი მრგვალი და მაგარია, ლულიდან გასატენ თოფებში შეიძლება საფანტის ნაცვლად გამოიყენოს კაცმა), შემდეგ ზევით, ციცაბო ფერდობზე, მიიკლავებოდა. ამ ბორცვზე პირველად ავდიოდი, და ძალიან დამაინტერესა გამოქვაბულებმა, რო-

მელნიც გზაზე აზიდულ კლდეებში ქვიშაქვისაგან წარმოიშ-
ვნენ. წარმოვიდგინე, რა უჩვეულო და მრავალნაირი ხმები
გაისმის, ალბათ, ამ გამოქვაბულში ქარიშხლის დროს, ეს
გამოქვაბულები ხომ სხვადასხვა სიდიდისაა: ზოგი სულ პატა-
რაა, ზოგი, როგორც ჩანს, ქანის სიღრმეშია შეჭრილი.

იმ ადგილას, სადაც გზა ბორცვზე გადის, პატარა სწორი
ჰოედანია; მის ბოლოში მოთავსებულია მუქტესარის საფოს-
ტო კანტორა და პატარა ბაზარი. ამ დილაადრიან ფოსტა ჯერ
კიდევ დაკეტილი იყო, მაგრამ ერთ-ერთი დუქანი უკვე ვაჭ-
რობდა. მედუქნემ ხალისით ამიხსნა, როგორ მომეძებნა
საფოსტო ბუნგალო, რომელიც, მისი სიტყვით ბორცვის ჩრდი-
ლოეთ მხარეზე დაახლოებით ნახევარი მილის მანძილზე მდე-
ბარეობდა. მუქტესარში ორი საფოსტო ბუნგალოა — ერთი
მთავრობის მოხელეთათვის, მეორე — ყველა დანარჩენთათვის.
ეს მე არ ვიცოდი, კეთილისმოსურნე მედუქნემ კი, შესაძლოა,
ჩემი დიდი ქუდის გამო თანამდებობის პირად მიმიჩნია, და
მთავრობის მოხელეთა ბუნგალოში გამგზავნა. ამის შედეგად
ქხანსამამ და მე იქ მყოფ მოხელეთა უკმაყოფილება დავემსა-
ხურეთ: ქხანსამამ იმით, რომ საუზმე მომართვა, მე კი იმით,
რომ ვჭამე. იმ მომენტში მე აინუნშიაც არ ჩამიგდია ეს,
მოგვიანებით კი ვიზრუნე იმისათვის, რომ ქხანსამა არავითარ
შემთხვევაში არ დაეჩაგრათ ჩემი შეცდომის გამო.

ვიდრე საუზმის მოლოდინში საუცხოო თოვლიანი მწვერვა-
ლების ხილვით ვტკბებოდი, ჩემ ახლოს ჩაიარა საომარი
შაშხანებით შეიარაღებულმა, თორმეტი ევროპელისაგან შემ-
დგარმა ჯგუფმა. რამდენიმე წუთის შემდეგ მათ მიჰყვა
სერჟანტი და ორი ჯარისკაცი დროშებითა და სასროლო
სამიზნეებით. გულკეთილმა სერჟანტმა მაცნობა, ახლახან
ჩავლილი ხალხი პოლიგონზე მიეშურება და ჯგუფად იმიტომ
მიღის რომ კაციჭამია ჭიჭისა ეშინიათო. მისგან შევიტყვე,
რომ წინა დღით ინსტიტუტის მეთაურს მიეღო მთავრობის
დებეშა მუქტესარში ჩემი გამომგზავრების შესახებ. სერჟანტ-
მა იმედი გამოთქვა, თქვენ შეძლებთ კაციჭამიას მოკვლასო, და
დასძინა, მდგომარეობა დაბაში აუტანელი გახდა. დღისითაც კი
ვერავინ ბედავს მარტო გამოვიდეს ქუჩაში, ხოლო დაბინდების
შემდეგ ხალხი იძულებულია კარჩაკეტილში იჯდესო. ძუ ვეფხ-

ვის მოკვლის მრავალი ცდა უშედეგო აღმოჩნდა. ის ერთხელაც არ დაბრუნებულა თავის მსხვერპლთან, რომლის მახლობლად უსაფრდებოდნენ.

ჩინებული საუზმის შემდეგ კხანსამას ვთხოვე, როცა ჩემი მხლებლები მოვიდოდნენ, ეცნობებინა მათთვის, რომ მე კაცი-ქამიაზე ცნობების შესაგროვებლად წავედი, და არ ვიცოდი, როდის დავბრუნდებოდი. თან წავილე შაშხანა; ჯერ ფოსტაში შევიარე დედისთვის დეპეშის გასაგზავნად მუქტესარში მშვიდობით ჩამოსვლის შესახებ.

ხეობებით, ხშირი ბუჩქნარითა და გაფანტული ხეებით დაფარული მუქტესარის ბორცვის სამხრეთი ფერდობი ფოსტის წინ მოედანსა და ბაზართან ციცაბოდ ეშვება ძირს. ამ მოედნის პირას ვიდექი, დავყურებდი ხეობასა და მის იქით გადაშლილ რამგარხის ბორცვების ტყიან ფერდობებს, როცა ჩემთან ფოსტის უფროსი და რამდენიმე მედუქნე მოვიდა. რადგან გუშინ მიღებულმა მთავრობის დეპეშამ ფოსტის უფროსის ხელში გაიარა, ჩემი ხელმოწერა რომ ნახა ბლანკზე, რომელიც ის-ის იყო გადავეცი, მან დაასკვნა, რომ მე ვარ ის პიროვნება, რომელზეც ლაპარაკი იყო დეპეშაში. ამიტომ იგი მეგობრებთან ერთად მოვიდა, რათა დახმარება შემოეთავაზებინა. ამან ძალზე გამახარა: მათ ყველაზე მეტი შესაძლებლობა ჰქონდათ ენახათ და ესაუბრათ ყველასთან, ვინც მუქტესარში ჩამოდიოდა, და რადგან კაციქამია ყოველგვარი საუბრის მთავარი თემა იყო, თუნდაც ორი კაცის შეხვედრის დროს, მათ შეეძლოთ ძალიან ძვირფასი ინფორმაცია მოეწოდებინათ ჩემთვის. ინდოეთში ზოფელ ადგილას მცხოვრებთათვის ფოსტასა და ბანიას დუქანს ისეთივე მნიშვნელობა აქვს, როგორც ქალაქელთათვის სამიკიტნობსა და კლუბებს. მაშასადამე, თუ რამე ცნობები სჭირდება, სწორედ აქ უნდა მივიდეს კაცი.

ბორცვის ნაოჭში, დაახლოებით ორი მილის მანძილზე მარცხნივ და ათასი ფუტით ძირს ფერდობებზე, დამუშავებული მიწის ნაკვეთი დავინახე. როგორც მოთხრეს, ეს ბადრი საპის ვაშლის ბაღი იყო. რამდენიმე თვის წინათ ჩემი ძველი მეგობრის შვილი, ბადრი, ნაინი ტალში მეწვია და შემომთავაზა გავჩერებულიყავი ჩამოსულთათვის განკუთვნილ მის სახლში, ამასთან დამპირდა, კაციქამიას მოკვლაში დაგეხმარებო. მა-

შან, ზემოაღნიშნული მიზეზის გამო, უარი ვთქვი მის წინადადებაზე. ახლა კი, როცა მუქტესარში ხელისუფალთა თხოვნით ჩამოვედი, გადავწყვიტე მესარგებლა ბადრის წინადადებით, მით უფრო, რომ, როგორც ჩემმა თანამოსაუბრეებმა მაცნობეს, უკანასკნელი კაცი ძუ ვეფხვმა მისი ბაღის ქვემოთ მდებარე ხეობაში მოკლა.

ფოსტის უფროსსა და მედუქენეს მადლობა გადავუხადე, ვუთხარი, შემდგომაც ვიმედოვნებ კაციჭამიას შესახებ თქვენგან ცნობების მიღებას-მეთქი, და დხარიის გზას დავეუყევი. დღე მხოლოდ იწყებოდა, და ვიდრე ბადრის ვინახულებდით, კიდევ მოვასწრებდი აღმოსავლეთით ბორცვის ფერდობზე განლაგებული რამდენიმე სოფლის შემოვლას. როცა, ჩემი ანგარიშით, დაახლოებით ექვსი შილი გავიარე, — აქ საგზაო ბოძები არ იყო, — ორი სოფელი მოვიარე, უკან გამოვბრუნდი და შუაგზაზე დავეწიე შავ ხართან უმწეოდ მებრძოლ რვა წლის გოგონას. ხარი მუქტესარის მიმართულებით უნდა წაეყვანა, ის კი მოპირდაპირე მხარეს იწევდა. მე იმ დროს მივედი, როცა მათ შორის სრული უთანხმოება სუფევდა: არც ერთს არ სურდა დაეთმო. მაგრამ ხარი ბებერი, წყნარი პირუტყვი აღმოჩნდა, და როცა გოგონა კისერზე მობმული თოკით წინ გაუძღვა, მე კი უქნიდან მივერეკებოდი, იგი არავითარ წინააღმდეგობას აღარ გვიწევდა. ცოტა რომ გავიარეთ, გოგონას ვკითხე:

— ჩვენ ხომ სხვისი კალვა არ მიგყავს?

მე გავიგონე, რომ იგი ცხოველს ამ სახელს ეძახდა.

— აა-რა, — მიპასუხა მან აღშფოთებით, და თაფლისფერი დიდრონი თვალებით შემომხედა.

— მაშ ვისია? — განვაგრძობდი მე.

— მამაჩემის, — მომიგო მან.

— მერე სად მიგყავს?

— ბიძასთან.

— რად უნდა ბიძაშენს კალვა?

— მინდვრის მოსახნავად.

— კალვა მარტო ხომ ვერ მოხნავს მინდორს?

— რა თქმა უნდა, ვერა, — მიპასუხა მან.

— ბიძაშენს მარტო ერთი ხარი ჰყავს? -- არ ვეშვებო-
ლი მე.

— ჰო, — მითხრა მან, — ახლა ერთი ხარი ჰყავს, მაგრამ
ჰყავდა ორი.

— მეორე რაღა იქნა? — ვკითხე მე და ვივარაუდე, იგი,
აღბათ, ვალებში გაყიდეს-მეთქი.

— ის გუშინ მოკლა ვეფხვმა, — მიპასუხა გოგონამ.

ეს კი ცხელ-ცხელი ამბავია! სანამ მის სიტყვებს ვუფიქრ-
დებოდი, გზას განვაგრძობდით ჩუმად. გოგონა წარამარა
შემობრუნდებოდა და შემომხედავდა ხოლმე. გამბედაობა
მოიკრიბა და მკითხა:

— თქვენ ვეფხვის მოსაკლავად ჩამოხვედით?

— დიახ, — ვუთხარი მე, — ჩამოვედი, რომ ვეფხვის მოკ-
ვლა ვცადო.

— მაშ რატომღა მიდიხართ იმ ადგილიდან, სადაც ხარი
გღია?

— იმიტომ, რომ კალვა ბიძაშენს უნდა მივუყვანოთ.

პასუხმა, ეტყობა, დააკმაყოფილა გოგონა, და განვაგრძეთ
გზა. ძალიან მნიშვნელოვანი ცნობები მივიღე, მაგრამ
მინდოდა უფრო მეტი მცოდნოდა, და მალე ახალი კითხვა
მივეცი:

— ნუთუ შენ არ იცი, რომ ეს ვეფხვი კაციჭამიაა?

— რა თქმა უნდა, ვიცი. მან შეჭამა კუნტხის მამა, ბიშონ
სინგხის დედა და სხვა მრავალი ადამიანი.

— მაშ რატომ თვითონ მამაშენი არ წამოვიდა და შენ
გამოგზავნა კალვასთან?

— მას ციება აქვს.

— ძმები არა გყავს?

— არა. მყავდა ერთი ძმა, მაგრამ იგი დიდი ხანია მოკვდა.

— დედა?

— დედა მყავს. ის სადილს ამზადებს.

— და?

— და არა მყავს.

ასე ხვდა წილად ამ პატარა გოგონას მეტისმეტად საშიში
ამოცანა — ხარი ბიძასთან წაეყვანა იმ გზით, რომელზეც
მოზრდილნიც კი მხოლოდ დიდ ჯგუფებად ბედავდნენ სია-

რულს, და სადაც, ამ გოგონას გარდა, ოთხი საათის განმავლობაში ერთი ცოცხალი არსებაც არ გაქაჭანებულა.

მივალწიეთ ბილიკს და გოგონამ გადაუხვია მასზე, ხარი გაჰყვა გოგონას, მე კი მათ. მალე გამოჩნდა ყანა, რომლის ნაპირას პატარა სახლი იდგა. რზცა სახლს მივუახლოვდით, გოგონამ დაიძახა, კალვა მოვიყვანეთ.

— კარგი, პუტლი*, — უპასუხა სახლიდან მამაკაცმა, — პომზე მიაბი და შინ შემოდი. მე საქმელს ვჭამ.

კალვა ბომზე დავაბით და კვლავ გზაზე გავედით. როცა ჩამოშორდა კალვას, ასე ვთქვათ, ჩვენს დამაკავშირებელ რგოლს, პუტლიმ დაიმორცხვა და არაფრის გულისათვის არ სურდა ჩემ გვერდით ევლო. ამიტომ მომიხდა დავწეოდი და მისი სიარულისათვის ნაპიჯი ამეწყო. რამდენიმე ხანს ჩუმად მივდიოდით, შემდეგ ვთქვი:

— მე მინდა ის ვეფხვი მოკლა, რომელმაც ბიძაშენის ხარი დაგლიჯა, მაგრამ არ ვიცი, რა ადგილასაა ეს ხარი. შეგიძლია მაჩვენო.

— დიახ. რა თქმა უნდა, — თქვა მან ალტაცებით.

— შენ ნახე მოკლული ხარი?

— არა, მაგრამ ძიას ნამბობიდან ვიცი, სადა გდია იგი.

— ახლოა გზიდან?

— არ ვიცი.

— ხარი მარტო იყო, როცა მას დაესხა ვეფხვი?

— არა, სოფლის ნახირთან ერთად.

— ვეფხვმა იგი დილას მოკლა თუ საღამოს?

— დილას, როცა ნახირი საბალახოდ მიდიოდა.

გოგონას ველაპარაკებოდი და თან ფხიზლად ვადევნებდი თვალს ვიწრო გზის ორივე მხარეს: მარცხნივ მას ზოლად გასდევდა ხშირი ტყე, მარჯვნივ — არანაკლებად ხშირი ბუჩქნარი. დაახლოებით ერთი მილი გავიარეთ, როცა დავინახეთ პირუტყვის მიერ გატყეპნილი ბილიკი, რომელიც ჭუნგლებში მიდიოდა. გოგონა შედგა და თქვა, ხარი, ბიძაჩემის სიტყვით, ვეფხვმა სწორედ ამ ბილიკზე მოკლაო. ახლა ვიცოდი ყველაფერი, რაც აუცილებელი იყო, რომ მოკლული ცხოველი

* პუტლი — დედოფალი.

მეპოვა. გოგონა სახლამდე მივაცილე, და ბილიკზე დავბრუნ-
დი. ის ჰკვეთდა ხეობას; დაახლოებით მილის მეოთხედი რომ
გავიარე, აღმოვაჩინე ადგილი, საიდანაც დამფრთხალი ნახირი
გაიქცა. გადავედი ბილიკიდან და მის პარალელურად ჯუნ-
გლებში წავედი. ძალიან მალე წავაწყდი ნათრევის კვალს,
რომელიც ხეობაში მიდიოდა. რამდენიმე ასეული იარდის
შემდეგ ვიპოვნე ხარი. ის ღრმა ხევის დასაწყისიდან ორმოცი
ფუტის მანძილზე ევდო. ძუ ვეფხვს მხოლოდ მისი უკანა
ფეხის ნაწილი შეეჭამა. ხარსა და ხევს შორის იდგა ველური
ვარდით შემოხვეული გამხმარი ხე. ეს გახლდათ ერთადერთი
ჩასასაფრებლად ვარგისი ხე. მოსალოდნელი იყო უმთვარო
ღამე, და თუ ძუ ვეფხვი დაბნელების შემდეგ მოვიდოდა,—
რაშიც ეჭვი არ მეპარებოდა,— რაც უფრო ახლოს აღმოვ-
ჩნდები ნადავლთან, მხეცის მოკვლის მით უფრო მეტი შანსი
მექნებოდა.

ნაშუადღევს ორი საათი შესრულდა — სწორედ კარგი
დრო იყო ბადრისთან შემეგლო და მეთხოვნა ჭიქა ჩაი, რაც
ძალიან მინდოდა ხანგრძლივი სიარულის შემდეგ: რამგარბი
ხომ დილის ოთხ საათზე დავტოვე. გზა ბადრის ბაღისაკენ იქ
იწყებოდა, სადაც პირუტყვის მიერ გატყეპნილი ბილიკი
ღხარის გზას უერთდებოდა და ერთი მილის მანძილზე,
ბორცვის ციკაბო ფერდობის გასწვრივ, ხშირ ბუჩქნარში
გადიოდა. ბადრი ჩამოსულთათვის განკუთვნილ თავისი სახ-
ლის მახლობლად ვნახე; ის დაზიანებული ვაშლის ხეს უვლიდა.
ჩემი მისვლის მიზანი რომ შეიტყო, სახლში მიმიწვია, რომე-
ლიც ბაღის ზემოთ პატარა ბორცვზე ედგა. აივანზე დავსხე-
დით და სანამ მსახური ჩაისა და საჭმელს მიმზადებდა, ბადრის
ეუამბე მუკტესარში ჩემი ჩამოსვლის მიზნისა და იმ მოკლულ
ხარის შესახებ, რომლის პოვნაში გოგონა დამეხმარა. როცა
ბადრის ვკითხე, რატომ არ აცნობეს მონადირეებს მუკტესარ-
ში ამ მსხვერპლის შესახებ-მეთქი, მან მიპასუხა, რადგან ამ
მონადირეების ვეფხვის მოკვლის ყოველი ცდა მარცხით
მთავრდებოდა, გლეხებს მათი აღარ სჯერათ და ახალი
მსხვერპლის შესახებაც არავის არაფერს აცნობებენო. მონა-
დირეთა მარცხი ბადრემ ჩასაფრებისათვის გულმოდგინე
მზადებით ახსნა: მოკლული ცხოველის მახლობლად კაფავ-

დნენ ჩირგვნარსა და დაბალ ხეებს, შემდეგ აგებდნენ ვეებერთელა მაჰანს და შიგ ერთად რამდენიმე კაცი სხდებოდა. ამიტომ გასაკვირი როდია, რომ ვეფხვი თავის ნადავლს აღარ უბრუნდებოდა.

ბადრი ამტკიცებდა, მუქტესარის რაიონში მხოლოდ ერთი ვეფხვი ბინადრობს და იგი წინა მარჯვენა თათით კოჭლობსო. მხოლოდ არ იცოდა კოჭლობის მიზეზი და არც ის, ხვადი იყო იგი თუ ძუ.

ავიანზე ჩვენს ახლოს იწვა ერდელ-ტერიერი. მან უცბად გადაიხედა ბაღში და დაიღრინა. გადავიხედეთ ჩვენც და დიდი ლანგური დავინახეთ; იგი მიწაზე იჯდა, ვაშლის ტოტი მოეწია და მკვახე ნაყოფს ჭამდა. ბადრიმ ხელი სტაცა აივნის მოაჯირზე მიყუდებულ ფილთა თოფს, მეოთხე ნომერი საფანტით გატენა და ესროლა. მხეცამდე ძალიან დიდი მანძილი იყო და საფანტი კიდევაც რომ მოხვედროდა ლანგურს, ზიანს ვერ მიაყენებდა, მაგრამ სროლამ აიძულა ის ზევით ფერდობისაკენ მოეკურცხლა; ძალღი უკან დაედევნა. ვშიშობდი რაიმე ხიფათს არ გადაყროდა ძალღი, და ბადრის ვთხოვე დაებრუნებინა უკან, მაგრამ მან მიპასუხა, საშიში არაფერია, იგი მუდამ ასე დასდევს ამ ლანგურს, რომელიც ახალგაზრდა ხეხილს აფუჭებსო. ძალღი თითქმის დაეწია ლანგურს; როცა მათ შორის სულ რამდენიმე იარდი დარჩა, ლანგური სწრაფად შემობრუნდა. ტერიერს ყურში ჩააფრინდა და თავზე კანის ნაჭერი მოაგლიჯა. ჭრილობა სერიოზული აღმოჩნდა. სანამ ძალღს ვუვლიდით, ამასობაში ჩაი და პური* მომიტანეს.

მე ვუამბე ბადრის, რომელი ხე ავირჩიე ჩასასაფრებლად, და როცა წასვლა დავაპირე, მან დაყინებით მოითხოვა, რომ გამაცილებდა ორი კაცის თანხლებით, რომლებიც წამოიღებდნენ ყველაფერს, რაც საჭიროა პატარა მაჰანის მოსაწყობად. ერთ წელიწადზე მეტ ხანს ცხოვრობდნენ ისინი კაციჭამიას ეშვებისა და თათების სასიკვდილო მუქარის ქვეშ და მის მიმართ არავითარი ილუზიები არ ჰქონდათ, ამიტომ, როცა დაინახეს, მოკლული ხარის ახლოს შესაფერი ხე არ იდგა.

* პური — ზეთში შემწვარი უფუარი პური.

დაეინებით მირჩიეს უარი მეთქვა იმ ღამეს ჩასაფრებაზე, მარწმუნებდნენ, ვეფხვი თავის ნადავლს სხვა ადგილას გადაათრევს და შემდეგ ღამეს შეგიძლია უფრო საიმედოდ მოეწყოო. ასეც მოვიქცეოდი, რომ ვეფხვი კაციჭამია არ ყოფილიყო. მაგრამ ის კაციჭამია იყო და არ მსურდა, თუნდაც ეს ჩემთვის საბედისწეროდ დამთავრებულიყო, ხელიდან გამეშვა შემთხვევა, რომელიც მეორე დღეს, შესაძლოა, აღარ მქონოდა. ამ ტყეში დათვები ბინადრობდნენ, ჰიმალაის დათვები კი უპატივცემულოდ ეპყრობიან ვეფხვებს და უყოყმანოდ ითვისებენ მათს ნადავლს. ამიტომ თუ ერთი მათგანიც კი ხარის სუნს იკრავდა, უნდა გამოვთხოვებოდი კაციჭამიას მოკვლის იმედს. ველური ვარდით შემოხვეულ ხეზე ასევე გმირობაა. როცა ზედ იმდენად მოხერხებულად მოვეწყვე, რამდენადაც ამის საშუალებას მაძლევდა ეკლები, შაშხანა მომაწოდეს, ბადრი თავისი კაცებით წავიდა და დამპირდა, მეორე დღეს დილაადრიანად დავბრუნდებო.

პირით ბორცვისაკენ მოვეწყვე, ზურგით კი ხევისაკენ. ყოველი ცხოველი, რომელიც ფერღობზე დაეშვებოდა, აშკარად დამინახავდა, მაგრამ ვვარაუდობდი, ვეფხვი ქვევიდან გამოჩნდება და, სანამ ნადავლთან არ მივა, ვერ შემაძჩინევს-მეთქი. თეთრი ხარი ეგდო მარჯვენა გვერდზე ფეხებით ჩემკენ, დაახლოებით თხუთმეტი ფუტის მანძილზე. ხეზე დღის ოთხ საათზე ავცოცდი, ერთი საათის შემდეგ ხევის პირას, ორასი იარღის მოშორებით. ქვევით კარკერმა დაიყვირა; ვეფხვი გამოჩნდა, კარკერმა შეამჩნია იგი და აურზაური ატეხა. კარკერის ყვირილი კარგად ისმოდა, შემდეგ თანდათან მინელდა, ბოლოს ბორცვის შვერილის იქით სავსებით მიწყდა. ეს ნიშნავდა, რომ ვეფხვი ჩაწვა, როცა თავისი ნადავლი დაინახა. ბადრიმ რომ მიამბო მსხვერპლის ახლოს ვეფხვის მოკვლის ხელმოცარული ცდების შესახებ, მე გავითვალისწინე, რაც მოხდებოდა. ვეფხვი დაწვება, სმენად გადაიქცევა, ოთხ თვალს გამოისხამს, სანამ არ დარწმუნდება, რომ მის ნადავლთან არ არის ადამიანი, და მხოლოდ ამის შემდეგ მივა მასთან. დრო გადიოდა, ბინდი ჩამოწვა; საგნების მოხაზულობა გაბუნდოვანდა, შემდეგ კი სრულიად გაქრა. თეთრი ხარი ჯერ კიდევ მოჩანდა, რომ სადღაც ხევში გაიტკაცუნა ტოტმა და

ვიგრძენი — ფეხაკრებით ვეფხვი მიახლოვდებოდა. ნაბიჯების ხმა ჩემ ახლოს მიწყდა, ერთ-ორ წუთს სამარისებური სიჩუმე ჩამოვარდა, შემდეგ გავიგონე, როგორ დაწვა ვეფხვი ხმელ ნეშოზე ჩემი ხის ძირას.

მზის ჩასვლისას ღრუბლები ჩამოწვა და ახლა ვარსკვლავები დაფარა. ირგვლივ კუბრივით შავი ღამე ჩამოდგა. როცა ვეფხვი ბოლოს ადგა და ნადავლისაკენ გაემართა, რაც შემედლო დავძაბე მხედველობა, მაგრამ ვერც თეთრი ხარი, მით უმეტეს ვერც ვეფხვი ვერ დავინახე. ვეფხვი ნადავლთან მივიდა და მას სულის ბერვა დაუწყო. ჰიმალაებში, განსაკუთრებით ზაფხულობით, ცხოველების ლეშს უამრავი კრაზანა ესევა, რომელთა უმეტესი ნაწილი დაბნელებისთანავე უკან მიფრინავს, ზოგი კი ისეა დაბერილი ხარბად შესმული სისხლით, რომ ფრენა აღარ შეუძლია და ადგილზე რჩება. შესაძლოა, ვეფხვის მწარე გამოცდილება ჰქონდა და ახლა, ვიდრე ჭამას შეუდგებოდა, შებერვით აცილებდა ლეშს მიკრულ მწერებს. ჩემთვის აზრი არ ჰქონდა აჩქარებით სროლას: რა ახლოსაც უნდა ყოფილიყო ვეფხვი, ის ვერ დამინახავდა, თუ მის ყურადღებას რაიმე მოძრაობით ან ხმაურით არ მივიპყრობდი. უმთვარო ღამეში საკმაოდ კარგად ვხედავ ვარსკვლავების სინათლეზე, მაგრამ იმ ღამეს არც ვარსკვლავები ციმციმებდნენ, არც ელავედა. თუმცა ვიცოდი, ვეფხვი ჩემკენ გვერდით იწვა ნადავლის მარჯვენა მხარეზე, რადგან მას არ გაუნძრევია ლეში, სანამ ჭამას დაიწყებდა.

რადგანაც უკვე არა ერთხელ სცადეს ვეფხვის მოკვლა, პრველოდი, რომ იგი დაღამებამდე მოვიდოდა. გადავწყვიტე მესარგებლა ვარსკვლავების სინათლით, დამემიზნებინა, სადაც შესაძლებელი იქნებოდა, მერე შაშხანის ლულა ისე გადამეწია, რომ ტყვიას ხარიდან ერთი ან ორი ფუტით მარჯვნივ გაევლო. მაგრამ ვარსკვლავები ღრუბლებმა დაფარეს, ვერაფერს ვხედავდი და მხოლოდ ჩემი ყურების იმედზე უნდა ვყოფილიყავი — იმ ღროს საუცხოო სმენა მქონდა. შაშხანა ავწიე და მუხლებზე იდაყვებით დაყრდნობილმა გულმოდგინედ დავუმიზნე ხმის მიმართულებით, რომელსაც ვეფხვი გამოსცემდა, და ვცადე შაშხანა არ შემეგრხია, ისე მოვაბრუნე

თოფი ხმის მიმართულებით. დავუმიზნე ცოტა უფრო ზევით, ვიდრე საჭირო იყო, ამიტომ შაშხანა ოდნავ დაეუშვი; თავი კვლავ მივიბრუნე და სმენად ვიქეცი. ეს რამდენჯერმე გავიმეორე და როცა დავრწმუნდი, რომ ზუსტად ხმის მიმართულებით ვუმიზნებდი, შაშხანის ლულა ოდნავ მარჯვნივ მივწიე და სასხლეტი მოვწიე. ვეფხვი ორი ნახტომით მივარდა ოცფუტიანი ხევის კიდესთან, სადაც პატარა სწორი ნაკვეთი იყო, მის უკან ციცაბო აღმართი იწყებოდა. მესმოდა როგორ აშრიალებდა ვეფხვი გამხმარ ფოთლებს ამ ნაკვეთზე, შემდეგ ყველაფერი მიწყნარდა. შესაძლოა, ჩამოვარდნილი სიჩუმე იმასაც ნიშნავდა, რომ ვეფხვი მოკვდა, და იმასაც, რომ იგი არც დაჭრილია. სამ-ოთხ წუთს თოფი მხარზე მქონდა მიღებული და დაძაბული ვუსმენდი. ჩქამიც არსაიდან ისმოდა და შაშხანა დაეუშვი. ამ მოძრაობაზე ხრამის მალალი ნაპირიდან ღმუილი მოისმა — მაშასადამე, ვეფხვი უვნებელი იყო და მხედავდა.

ტოტი, რომელზეც დავჯექი, მიწიდან ათი ფუტის სიმაღლეზე იყო, მაგრამ ჩემი ტანის სიმაღლით ძირს დაიწია და მანძილი მიწამდე რვა ფუტამდე შემცირდა; ფეხები კი კიდევ უფრო დაბლა მქონდა ჩამოშვებული და ეს მაშინ, როცა ჩემგან სულ რაღაც ოცი იარღის მოშორებით ზევით ფერდობზე მრისხანედ ღმუოდა კაციჭამია ვეფხვი.

ვეფხვის სიახლოვე დღისითაც, თუ ის არ გხედავს, გულს აგიფანცქალებს, ხოლო ღამით და ისიც ბნელში, როცა ჩვეულებრივი ვეფხვი კი არა — კაციჭამია გითვალთვალებს, გული ბუდიდან ღამობს ამოვარდნას. დარწმუნებული ვარ, რომ თუ ვეფხვს არ გააღიზიანებენ, იგი მხოლოდ იმიტომ დაგესხმის თავს, რომ შიმშილი მოიკლას. ვეფხვი, რომელსაც მე ვუთვალთვალებდი, საკმლით ორი-სამი დღე იყო უზრუნველყოფილი, მაშასადამე, მას არ უნდა დავეგლიჯე. მიუხედავად ამისა ვშიშობდი, ეს ვეფხვი, შესაძლოა, გამონაკლისი იყოს-მეთქი. თუმცა ვღელავდი, მაგრამ ვიცოდი, ვიდრე ხეზე ვიჯდებოდი, საფრთხე არ მემუქრებოდა, მაგრამ თუ დავიძინებდი, დავკარგავდი წონასწორობას და ძირს ჩამოვვარდებოდი. არაფერი მაბრკოლებდა, რომ გულიანად მომეწია სიგარეტი, და პორტსიგარი ამოვიღე. როგორც კი გავკარი ასანთი, ვეფხ-

ვი ხევის ნაპირიდან გადახტა, მაგრამ მალე დაბრუნდა და კვლავ დაიღრიალა. სამი სიგარეტი მოვწიე, ის კი მაინც არ მიდიოდა, ამასობაში წვიმა წამოვიდა. ჯერ რამდენიმე მსხვილი წვეთი ჩამოვარდა, შემდეგ ძლიერი თავსხმა დაიწყო. დილით რამგარხიდან გამოსვლისას შილიფად ჩავიცვი. ჩემ ზევით ხეზე ერთი ფოთოლიც არ იყო. ამიტომ რამდენიმე წუთის შემდეგ მთლად გავილუმბე. წვიმის დაწყებიდანვე ვეფხვი სწრაფად დაიძალა სადღაც ხის ან კლდის ქვეშ. წვიმა ღამის თერთმეტ საათზე დაიწყო, გადაიღო ოთხ საათზე და ცა მოიწმინდა. ჩემდა საუბედუროდ, ქარი ამოვარდა, და თუ აღრე მხოლოდ მციოდა, ახლა პირდაპირ ვიყინებოდი. როცა რევმატიზმის შეტევა მეწყება ხოლმე, ბევრ ამის მსგავს ღამეს ვივინებ და მიხარია, რომ ასე იოლად გადავრჩი.

როგორც კი მზე ამოიწვერა, მოვიდა ბადრი, ჩემი კეთილი მეგობარი, ერთი კაცის თანხლებით. ამ უკანასკნელს მოჰქონდა ქეთლი ცხელი ჩაით; მათ გამომართვეს შაშხანა, შემდეგ ხელი შემაშველეს. როცა ხიდან ჩამოვცოცდი, ფეხები დაბუყებული მქონდა. ამიტომ მიწაზე დავწეკი და ჩაის სმა დავიწყე, ისინი კი ფეხებს მიზელდნენ, რომ სისხლის მიმოქცევა აღედგინათ. როცა ფეხზე აღვამა შევძელი, ბადრიმ გაგზავნა კაცი სახლში ცეცხლის დასანთებად.

მანამდე არასოდეს არ მქონია შემთხვევა სმენის მიხედვით დამემიზნებინა, და გამეხარდა, რომ ტყვია სულ რამდენიმე დუიმიტ ასცდა ვეფხვის თავს, დამიზნების კუთხე მართი იყო, მაგრამ შაშხანის ლულა საკმაოდ არ გადავწიე მარჯვნივ, ამიტომ ტყვია მოხვდა ხარს ექვს დუიმიზე იმ ადგილიდან, სადაც ვეფხვის თავი იყო.

ცხელმა ჩაიმ და ჩქარმა სიარულმა კარგ გუნებაზე დამაყენა და ბადრის ბალისაკენ სიარულში მხოლოდ სველი ტანსაცმელი და ცარიელი კუჭი მიშლიდა ხელს. გზა წითელ თიხნარზე მიდიოდა, წვიმის შემდეგ ძალიან გალიბული იყო და სამი წყვილი ნაკვალევი აჩნდა: ბადრისა და მისი თანამგზავრის — გზის ზემოთ და ერთი კაცის ნაკვალევი სააქეთო მიმართულებით. ორმოცდაათი იარღის მანძილზე სველ თიხნარზე მხოლოდ სამი წყვილი ნაკვალევი მოჩანდა, ხოლო გზის მოსახვევთან ზემოდან გადმოხტა ძუ ვეფხვი და კვალდაკვალ გაჰყვა ბადრის

მსახურს. მისი ნაკვალევი და ძუ ვეფხვის თათების ანაბეჭდი გვიჩვენებდნენ, რომ ორივე სწრაფად მიდიოდნენ. არც ბადრის და არც მე იმ მომენტში არავითარი ღონისძიების მიღება არ შეგვეძლო. კაცი ჩვენზე ოცი წუთით ადრე წავიდა, და თუ მან ვერ მოასწრო ბოლომდე მშვიდობით მისვლა, არავითარი დახმარება მას აღარ დასჭირდებოდა. შავ ფიჭვებში წასულებმა ნაბიჯს ავუჩქარეთ, რამდენადაც ამის საშუალებას მოლიპული გზა გვაძლევდა, და შვებით მხოლოდ მაშინ ამოვისუნთქეთ, როცა ბილიკს მივალწიეთ, საიდანაც დავინახეთ ბაღი და შიგ მომუშავე ხალხი. ამ ადგილს აღმოვაჩინეთ, რომ ძუ ვეფხვი ქვევით გზაზე დაშვებულყო, კაცს კი ბალისკენ გაეხვია, მოგვიანებით გამოიჩვენა, რომ მან არც იცოდა, თუ ვეფხვი ასე ახლოს იყო მისგან.

სანამ ჩემი ტანსაცმელი გაჩაღებული კერის წინ შრებოდა, ბადრის იმ ჯუნგლების შესახებ გამოვიკითხე, სადაც ძუ ვეფხვი მიიმალა. მან მიაშბო, ბილიკი, რომლითაც კაციჭამია წავიდა, ტყით დაფარულ ღრმა ხევში მიემართება. ეს ხევი კი ძალიან ციცაბო ბორცვის ფერდობზე ერთი-ორი ძილის მანძილზეა გადაჭიმული; მარჯვნივ ამ ხევს ეკვრის მეორე. იქ, სადაც ისინი ერთდებიან, ნაკადული მიედინება, მის ახლოს კი გაშლილი მოედანია, საიდანაც კარგად მოჩანს გამოსასვლელი ორივე ხევიდანო. ბადრის აზრით, ძუ ვეფხვი ერთ დღეს მაინც იწვეებოდა ხევში, ეს ადგილი ყოველმხრივ იდეალურია მოსამწყვდევად, ამიტომ გადავწყვიტეთ გვეცადა ამ ხევის გამოყენება ძუ ვეფხვთან ანგარიშის გასასწორებლად, თუ მოვახერხებდით საკმაო ოდენობით ხალხის თავმოყრას. ბადრიმ მოუხმო თავის უფროს მებაღეს გოვინდ სინგხს და მას ჩვენი გეგმა გავაცანით. გოვინდ სინგხმა გვთხოვა შუადღემდე მაცალეთ, რომ ოცდაათი კაცი მარეკებად გამოეყო, ჯერ კი უნდა შევასრულო ბატონის განკარგულება ხუთი მაუნდი (410 გირვანქა) მუხუდოს ადების შესახებო. ვაშლის ბაღს გარდა, ბადრის ჰქონდა დიდი ბოსტანი. წინა საღამოს ჩიილო დეპეშა, ერთი გირვანქა ხარისხიანი მუხუდოს ფასმა ნაინი ტალის ბაზარზე ოთხ ანამდე* აიწიაო. ბადრის არსურდა ხელიდან გაეშვა საქონლის კარგ ფასში გაყიდვის შესაძლებ-

* ახ — ინდოეთის წვრილი ფული, უდრის რუპიის 1/16.

ლობა, ამიტომ მთელი ხალხი მუხუდოს აღებაზე იყო დაკავებული, რომ სადამოს პონით მუხუდო ნაინი ტალის დილის ბაზარზე გაეგზავნა.

შაშხანა გაეწმინდე, ბაღში გავისეირნე, შემდეგ ბადრისთან ერთად ვისაუზმე — განზრახულ ალყასთან დაკავშირებით საუზმე ერთი საათით ადრე მოგვიტანეს — შუადღის ხანს კი გოვინდმა დაპირებული ხალხი მოიყვანა. რადგან ბადრის თვალყური უნდა ედევნებინა მუხუდოს ამლებთათვის, გადაწყვიტა დარჩენილიყო, გოვინდი კი მე გამომაყოლა. გოვინდი და დანარჩენი ოცდაათი კაცი ადგილობრივი მცხოვრებნი იყვნენ და კარგად ესმოდათ, თუ რაოდენ საშიში იყო კაციქამია ვეფხვი. მიუხედავად ამისა, როცა ავუხსენი, რა უნდა გაეკეთებინათ, მათ ერთსულოვნად განაცხადეს, შენს ყველა მითითებას შევასრულებთო. შევთანხმდით, რომ მე ჯერ დავათვალიერებდი ხევს და შევეცდებოდი მომენახა ძუ ვეფხვი; თუ ვერ მოვახერხებდი მის მოკვლას, ნაკადულის ახლოს ღია მოედანზე მოვეწყობოდი. ამისათვის ერთი საათი მჭირდებოდა. ამასობაში გოვინდს ხალხი ორ ჯგუფად უნდა გაეყო, ერთს თვითონ უხელმძღვანელებდა, მეორისათვის საიმედო კაცს შეარჩევდა. ერთი საათის შემდეგ ბადრი გაისროდა. ამ ნიშანზე ორივე ჯგუფი ყვირილით, ტაშის ცემით და ქვების სროლით ხევის მოპირდაპირე მხარეებიდან დაიძვროდა. თითქოს ყველაფერი ასე უბრალოდ მოეწყო. მაგრამ სავსებით არ ვიყავი დარწმუნებული, რომ ეს საქმე წარმატებით დაგვირგვინდებოდა, რადგან არა ერთხელ მიწახავს მხეცების მორეკის ცდას წარმატება არ მოჰყოლია.

მცირე მანძილი გავიარე იმ გზაზე, რომლითაც დილით ძუ ვეფხვი გაემართა, და აღმოვაჩინე, რომ ბილიკი ხშირი ბუჩქნარის უსიერ სივრცეში იკარგებოდა. ძლივს გავაღწიე რამდენიმე იარღი სიღრმეში და დავინახე, ბორცვის ფერდობი ღრმა ხრამებით იყო დასერილი. როცა ერთ-ერთი მათგანის ნაპირზე ჩავედი, მეგონა ეს სწორედ იმ ხევის მარჯვენა მხარეა, სადაც ვეფხვი უნდა მოაგდონ-მეთქი, და გავედი მეორე ხრამთან, რომლის ძირში რამდენიმე ხრამი ერთდებოდა და ნაკადული მიედინებოდა. სანამ თვალით ვეძებდი ქვევით ღია ნაკვეთს. სადაც ვეფხვის მოგდების დროს უნდა ვყოფილიყავი, ჩემი

ყურადღება სადღაც ახლოს ბუზების ბზუილმა მიიპყრო. ყური მივეხედე, საიდან მოდიოდა ხმა, და ძროხის ლეშ-დავინახე. ერთი კვირის წინათ მოკლული ცხოველის ყელზე ნიშანი იმას მოწმობდა, რომ იგი ვეფხვმა მოკლა. მას თითქმის მთლიანად შეეჭამა ძროხა, მხოლოდ წინა ფეხების, კისრისა და თავის ნაწილი დაარჩენოდა. ძროხის ჩონჩხი ხრამის ნაპირთან მივათრიე და ქვევით გადავაგდე. ის ჩავორდა ას იარღზე და პატარა ღრმულში წყაროს მახლობლად ჩავარდა. თხემის მარცხნივ ამ ღრმულიდან სამას იარღზე დავინახე ღია მოედანი. ადგილი სრულიადაც არ იყო ისეთი, როგორც მე წარმომედგინა. არსაიდან არ შეიძლებოდა იმ ბორცვის ფერ-ღობზე თვალყურის დევნება, რომელიც ძუ ვეფხვის მოსაგ-ღებად იყო გათვალისწინებული, და შესაძლოა, ძუ ვეფხვი მოულოდნელად გამოჩენილიყო. მაგრამ რაიმეს შეცვლა გვიან იყო, რადგან ბადრიმ უკვე გაისროლა, მაშასადამე, მოგდება დაიწყო. მალე შორიდან ხალხის ყვირილი მოისმა, ერთ ხანს მომეჩვენა, თითქოს ისინი მიახლოვდებოდნენ, მაგრამ ყვირილი თანდათან შესუსტდა და ბოლოს მთლად მიწყდა სადღაც სხვა მხარეს. ერთი საათის შემდეგ კვლავ გავიგონე მარეკების ხმა: ისინი ჩამოდიოდნენ ბორცვიდან ჩემ მარჯვნივ. როცა ერთ სიმაღლეზე აღმოვჩნდით, დავუძახე, მოგდება შეწყვიტეთ და თავი მოიყარეთ-მეთქი. ალყის ჩაშლისათვის ბრალს ვერავის დავდებდი. ადგილმდებარეობის შეუსწავლელად, წინასწარი მომზადების გარეშე და ამ საქმის უცოდინარი ერთი მუჟა ხალხით ვცდილობდით ხშირი შამბნა-რით დაფარულ თვალუწვდენ სივრცეში გაღწევას, — ასეთი ამოცანა ასი გამოცდილი მარეკისათვისაც კი ძნელი შესასრუ-ლებელი იქნებოდა.

მარეკები ბუჩქნარში გასვლის დროს ძალიან გაწვალდნენ, ახლა ისინი ჯგუფებად ისხდნენ მიწაზე, წევდნენ ჩემ მიერ მიწოდებულ სიგარებს და ფეხებიდან ეკლებს იძრობდნენ. მე და გოვინდი ერთად ვიდექით და ვმსჯელობდით მის წინა-დადებაზე მუტეტსარის და გარშემო მდებარე სოფლებია მცხოვრები ყველა მამაკაცის მონაწილეობით ხეალ კიდევ ერთი მორეკვა განგვეხორციელებინა. გოვინდს უეცრად სიტყვა გაუწყდა და დაღუბდა. ჩემ უკან რაღაცამ მიიპყრო

მისი ყურადღება: თვალეზი დაუვიწროვდა, სახეზე მეტისმეტი გაცეზა აღებუქდა. სწრაფად შემოვბრუნდი და დავინახე, ნაკადულის გაღმა ბორცვის ფერდობთან მიტოვებულ ყანაში მშვიდად მოდიოდა ძუ ვეფხვი. იგი ჩვენკენ მოდიოდა, მანძილი ჩვენ შორის ოთხასი იარღი იქნებოდა.

თუ ფიქრობთ ტყეში ვეფხვი მოკლათ ან ფოტოსურათი გადაუღოთ მას, იმ მომენტში, როცა ცხოველი უკვე გიახლოვდებათ, აუცილებლად შიში შეგიაპყრობთ — რაიმემ არ შემიშალოს ხელიო. ერთხელ ბორცვის ფერდობზე ვიჭექი და ვეფხვის მოლოდინში ნადირთა ბილიკს ვადევნებდი თვალს. ბილიკი მიდიოდა წმინდა სამლოცველოსკენ, რომელსაც ბარამ-კა-თხანი* ეწოდება. ბარამი ჯუნგლების ღმერთია. იგი იცავს ხალხს და თავის სამყოფელში არავის არ აძლევს ცხოველების მოკვლის უფლებას. ტყე, რომლის შუაგულშია სამლოცველო, ძალიან მდიდარია ნადირით და ახლომახლო მცხოვრები ბრაკონერების საყვარელ სანადირო ადგილს წარმოადგენს. აქ იყრიან თავს სპორტსმენი მონადირეები ინდოეთის ყველა კუთხიდან, თუმცა არასოდეს მსმენია, რომ სამლოცველოს ახლოს რაიმე ცხოველი მოეკლათ. ამიტომ როცა განვიზრახე იმ დღეს ვეფხვის მოკვლა, რომელიც კამეჩების სახით ამ ღაიონის სოფლებიდან „ხარკს კრებდა“, ღმერთი ბარამის სამლოცველოდან ერთი მილის მოშორებით შევარჩიე ბუჩქი. დღის ოთხ საათზე ბუჩქის უკან მოვეწყვე, ერთი საათის შემდეგ გაისმა სამბხარის ხმა იმ მიმართულებით, საიდანაც ვეფხვს ველოდი. მალე ჩემ ახლოს დაიყვირა კრაკერმა — ვეფხვი იმ ბილიკზე მოდიოდა, სადაც ჩასაფრებელი ვიყავი. ამ ადგილას მეჩხერი ჯუნგლებია, უპირატესად ორი-სამი ფუტის სიმსხო ახალგაზრდა ხეები ხარობს. მსხვილი ხვადი ვეფხვი ჯერ კიდევ ორასი იარღის მანძილზე შევნიშნე. იგი აუჩქარებლად მოდიოდა როცა ჩვენ შორის მანძილი ას იარღამდე შემცირდა, რაღაც სტვენისმაგვარი ხმა გაისმა. ავიხედე მალლა და დავინახე, ერთმა ხემ, რომლის ტოტები გადახლართვოდა გვერდით მდგარი ხის ტოტებს, ძალიან ნელა

* თ ხ ა ნ ი — ადგილი, ტაძარი, სამლოცველო.

ძირს იწყო დახრა, ვიდრე ვარჯით არ წამოედო იმავე ჯიშისა და სიმალლის ხეს. რამდენიმე წუთით მეორე ხემ შეაჩერა პირველი, შემდეგ ორივე ოცდაათ გრადუსამდე დაიხარა და უფრო დაბალ მესამე ხეს მოედო. ერთ-ორ წამს ხეები ამ მდგომარეობაში იდგა, შემდეგ სამივე წაიქცა. მიეჩერებოდი ხეებს, რომლებიც ჩემგან სულ რამდენიმე იარღზე იყვნენ, და თვალს არ ვაშორებდი ვეფხვსაც. როგორც კი ფოთლების არაჩვეულებრივი შრიალი გაისმა ვეფხვი შედგა, ხეების ხმაურით წაქცევას კი სულაც არ შეუშფოთებია იგი: გაბრუნდა და იმ მიმართულებით წავიდა, საიდანაც მოვიდა. მთელ ამ ამბავს რალაც ფანტასტიკური ელფერი დაჰკრავდა: წაიქცა ახალგაზრდა, მაგარი ხეები; წვიმები, რომლებსაც შეეძლო გამოეთხარა მათთვის ფესვები, ბოლო ხანებში არ მოსულა. ტყეში სიოც კი არ იძვროდა; ბოლოს, ხეები დაეცა სამლოცველოსაკენ მიმავალი ბილიკის გარდიგარდმო და სწორედ იმ დროს, როცა ვეფხვს გასავლელი ჰქონდა სულ რამდენიმე იარღი, და სიცოცხლეს გამოესალმებოდა.

კიდევ უფრო ადვილად დაკარგავ სროლის შესაძლებლობას, თუ ცხოველი, რომელზეც ნადირობ, ბინადრობს დასახლებულ ადგილას, სადაც ხალხი ერთი სოფლიდან მეორეში დადის, მიდის ბაზარზე ან ბრუნდება უკან, ვაშლის ბაღებიდან თოფის სროლით აფრთხობს ლანგუურებს და ა. შ.

ძუ ვეფხვს წყარომდე კიდევ სამასი იარღი უნდა გაევილო, აქედან — ორასი ღია ადგილზე, სადაც ერთი ხე ან ბუჩქიც არ იყო. მისი გზა მიემართებოდა კუთხით ჩვენკენ, და მას შეეძლო ყოველი ჩვენი მოძრაობა შეემჩნია, ამიტომ გატრუნულნი თვალს ვადევნებდით მას. არც ერთი ძუ ვეფხვი არ მოძრაობდა ასე ნელა. მუქტესარის მკვიდრნი მას კოჭლს უწოდებდნენ. მაგრამ მე ვერ შევნიშნე კოჭლობის რაიმე ნიშანი. ვუყურებდი მას და გადავწყვიტე დამეცადა მანამდე, სანამ ბუჩქნარს შეეჩერდა, შემდეგ წინ გავქცეულიყავი და მისი მოკვლა მეცადა ან ნაკადულზე გადასვლამდე, ან ამის შემდეგ. ჩემსა და იმ ადგილს შორის, სადაც ძუ ვეფხვი მიდიოდა, საკმარის მცენარეულობა რომ ყოფილიყო, დაუყოვნებლივ გავსწევდი მის შესახვედრად და შევეცდებოდი მომესპო ღია ადგილას,

ხოლო მარცხის შემთხვევაში — ნაკადულთან მაინც. მაგრამ, სამწუხაროდ, ადგილი შეუმჩნევლად მოძრაობის საშუალებას არ იძლეოდა და იძულებული ვიყავი დავლოდებოდი. როგორც კი ძუ ვეფხვი თვალს მიეფარა, ხალხს ვუბრძანე ჩემ დაბრუნებად ჩუმად ყოფილიყვნენ და არ ემოძრავათ და ბორცვის ფერდობისაკენ გავიქეცი. ბორცვი ძალიან ციცაბო იყო; ბორცვის ჰორიზონტალურად გადარბენისას ზემოთ და ქვემოთ გაბარდულ ვეებერთელა ვარდის ბუჩქს წავაწყდი. ბუჩქის შუაში იყო რაღაც გვირაბის მაგვარი; როცა დავიღუნე, რომ შიგ შემძვრალიყავი, ქუდი გადამივარდა, ხოლო გვირაბის ბოლოში უცებ წელში რომ გავიმართე, თავში ეკლები შემერტო და კინაღამ დავეცი. ველურ ვარდს მოღუნული და ძალიან მაგარი ეკლები აქვს, და რადგან ერთბაშად შეჩერება ვერ შევძელი, რამდენიმე ეკალი გადატყდა და თავში ჩამრჩა, — როცა შინ მოვედი, ჩემმა დამ. მეგიმ თავის კანი ძვლამდე გამიჭრა და დიდი გაჭირვებით ამომიღო ისინი. სისხლი ღვარად ჩამომდიოდა სახეზე, მაგრამ სირბილს განვაგრძობდი, სანამ ის ღარტაფი არ გამოჩნდა, რომელშიც ძროხის ლეშის ნარჩენები ჩავყარე. ღარტაფი სიგრძით დაახლოებით ორმოცი, სიგანით ოცდაათი იარდი იქნებოდა. მისი შედარებით მაღალი ნაწილი, სადაც ძროხის ლეში ეგდო, აგრეთვე შორი ნაპირი და ზევით ბორცვის ფერდობი ხშირ ბუჩქნარს დაეფარა; ტაფობის ქვედა ნაწილსა და ნაპირზე, სადაც მე ჩავსაფრდი, მცენარეულობა ხარობდა. ტაფობის ნაპირზე დავინახე და გავიგონე ძვლების ხრამუნნი: ძუ ვეფხვი იქ ჩემზე ადრე ჩასულიყო და, ძველი ნადავლი რომ ნახა, ცდილობდა წუხანდელი დანაკარგი აენახლაურებინა. თუ ძუ ვეფხვი ძროხის ლეშს მცირეოდენი ნარჩენების შექმნის შემდეგ ღია ადგილზე გამოვიდოდა, შემედლო მესროლა მისთვის, მაგრამ თუ ზევით ბორცვისა და ტაფობის შორი ნაპირისაკენ გაეშურებოდა, ვეღარ დავინახავდი. ხშირ შამბნარში, სადაც ის იმყოფებოდა, ჩემკენ და ჩემგან მარცხნივ ერთ იარღზე საცალფეხო ბილიკი გადიოდა; მის უკან, აგრეთვე ერთი იარღის მანძილზე ნაკადულისაკენ, ორმოცი ფუტი სიღრმე ხრამი იწყებოდა. ვიფიქრე, ბორცვზე მოდებულ ბუჩქნარში ქვას ვისვრი და ვეფხვს ვაიძულებ იქიდან ღია ნაკვეთზე გამოვიდეს-მეთქი, რომ შრიალი მომესმა. შემოვბრუ-

ნდი და დავინახე გოვინდი ჩემი ქუდით ხელში. იმ დროს ინდოეთში არც ერთი ევროპელი არ დადიოდა თავშიშველი; გოვინდს ჩემი ქუდი ვარდის ბუჩქის ქვეშ ეპოვა და მოპიტანა. ბორცვის ფერდობის მახლობლად პატარა ნაპრალი იყო. თითო ტუჩებთან მივიტანე, ვანიშნე ხმა არ ამოელო, და გოვინდი ნაპრალში შევაგდე. ჩაცუცქული, მუხლებზე ნიკადაყრდნობილი, ქუდით ხელში, იგი მეტად საცოდავად გამოიყურებოდა, ვინაიდან მისგან სულ რაღაც რამდენიმე იარდის მოშორებით ძუ ვეფხვი ძვლებს ახრამუნებდა. როცა ტაფობის ნაპირთან დავბრუნდი, ვეფხვმა ჭამა შეწყვიტა — ან შემამჩნია, ან, შესაძლოა, ლეში უგემური ეჩვენა. ერთ წუთს ტაფობიდან ჩქამიც არ ისმოდა. შემდეგ დავინახე ძუ ვეფხვი, ის ტაფობის მოპირდაპირე მხარეზე მდებარე ბორცვისაკენ მიემართებოდა. იქ, სადაც იგი მიდიოდა, ექვს-ექვსი ღუიმის სიმსხო ალვის ხეები იდგა. მათ იქით ძუ ვეფხვი თითქმის არ ჩანდა. იმ იმედით, რომ ჩემი ტყვია ასცდებოდა ხეს და თვითონ მონახავდა ძუ ვეფხვს, გადმოვიღე შაშხანა და ალალებელზე ვისროლე. ძუ ვეფხვი მკვეთრად შემობრუნდა, ტაფობის ნაპირიდან გადმოსტა და ბილიკით ჩემკენ ჩქიქურ წამოვიდა. მაშინ არ ვიცოდი, რომ ტყვია მოხვდა ხეს მისი თავის ახლოს და რომ ვეფხვი ცალთვალა იყო, ამიტომ დაფეთებული მხეცის სწრაფვა განრიდებოდა საშიშროებას — მას არ შეეძლო განესაზღვრა, საიდან გაისმა თოფის ხმა, — ჩემზე თავდასხმის განზრახვად მივიჩნიე. მეგონა, დაჭრილი და გამძვინვარებული ძუ ვეფხვი პირდაპირ ჩემკენ მოექანებოდა. იგი ორი იარდის მანძილზე მოვუშვი, წინ გადვიხარე და უნასკენელი ვაზნა დავახალე. ტყვია ძუ ვეფხვს ბეჭსა და კისერს შუა მოხვდა. ეს იყო უდიდესი წარმატება: 500-ყალიბიანი მძიმე შაშხანით გასროლილმა ტყვიამ არ მისცა ძუ ვეფხვს საუშალებად არტყმა მოეყენებინა ჩემთვის, მძაფრი ნახტომის ინერციის ძალამ იგი ორმოცდაათი ფუტის სიღრმის ხრამში გადაისროლა, საიდანაც ნაკადულში ჩავარდა. ნაბიჯი ხრამისაკენ გადავდგი და ძირს გადავიხედე: ძუ ვეფხვი მთელი ტანით წყალში ჩაიძირა, თათები კი პაერში ჰქონდა აშვერილი; ნაკადული სწრაფად წითლდებოდა.

გოვინდი კვლავ თავშესაფარში იჯდა. ვანიშნე ჩემთან

მოსულიყო. ძუ ვეფხვი რომ დაინახა, გადასძახა ხალხს, რომელიც თხემზე მელოდა:

— ვეფხვი მოკლულია! ვეფხვი მოკლულია!

პაერი ჩვენი მარეკების ყვირილმა შესძრა. შეძახილები რომ გაიგონა, ბადრიმ ხელი სტაცა საფანტიან თოფს და ათჯერ ზედიზედ ისროლა. სროლის ხმამ მუკტესარს და მის ირგვლივ მდებარე სოფლებს მიადწია. მალე ნაკადულთან ყოველი მხრიდან ხალხმა იწყო დენა. ვილაცამ ძუ ვეფხვი სწრაფად ამოათრია ნაკადულიდან, მას კოჭებზე მოაბეს თოკი და ზეიმიტ წაიღეს ბადრის ბალისაკენ. აქ მიწაზე გაშლილ ჩალაზე დადეს, რომ ყველას დაენახა; მე სახლში ჩაის დასალევად წავედი. ერთი საათის შემდეგ ფარნების შუქზე თავმოყრილი ხალხის თანდასწრებით, რომელთა შორის რამდენიმე მუკტესარელი მონადირეც იყო, ძუ ვეფხვი გავატყავე და სწორედ აქ აღმოვაჩინე, რომ იგი ცალთვალა იყო: წინა ბეჭსა და მარჯვენა წინა თათის ბალიშში მაჩვზღარბის ორმოცამდე ეკალი შერჭობოდა. სადამოს ათი საათისათვის ბადრიმ თავაზიანად მთხოვა მასთან გამეთია ღამე. მადლობა გადავუხადე და შინ წამსვლელ ხალხთან და ორ ჩემ დამხმარესთან ერთად, რომელთაც ტყავი მიჰქონდათ, მუკტესარისკენ გავწიე. ფოსტის წინ მოედანზე. გავშალეთ ტყავი, რომ ფოსტის უფროსი მეგობრებითურთ დამტკბარიყო მისი ხილვით. შუალამისას მდაბიოთათვის განკუთვნილ საფოსტო ბუნგალოში მივედი, რომ რამდენიმე საათს მაინც დამეძინა. ოთხი საათის შემდეგ კვლავ ფეხზე ვიდექი, ხოლო შუადღის ხანს, სამი დღის არყოფნის შემდეგ ჩემ სახლში — ნაინი ტალში დავბრუნდი.

კაციკამიას მოსპობამ უღრმესი კმაყოფილების გრძობა მომანიჭა, კმაყოფილება იმის გამო, რომ აუცილებელი საქმე გაკეთდა, რომ დამარცხებულია ღირსეული მოწინააღმდეგე და ისიც მის მშობლიურ სტიქიაში. მაგრამ ყველაზე დიდი სიხარულით ამავსო იმის შეგნებამ, რომ ახლა პატარა მამაც გოგონას შეეძლო მშვიდად ევლო თავისი მშობლიური მიწის პატარა ნაკვეთზე.



პანარის კაციჭამია

1

კაციჭამია ჯიქზე, რომელიც შიშის ზარს სცემდა ალმორის ოლქის აღმოსავლეთ ნაწილში მდებარე სოფლების მცხოვრებთ, გავიგე 1907 წელს, როცა ჩამპავატის ვეფხვზე ვნადირობდი. ჯიქს რამდენიმე სახელი ერქვა, მას მიაწერდნენ ოთხასი ადამიანის მოკვლას, მის შესახებ შეკითხვები შედიოდა თემთა პალატაში. იგი პანარის კაციჭამიას სახელით იყო ცნობილი და მეც ასევე ვუწოდებ მას ჩემს მოთხრობაში.

1905 წლამდე მთავრობის ანგარიშებში არაავითარი ცნობები არ მოიპოვება კაციჭამიებზე, ამიტომ შეიძლება ვივარაუდოთ, რომ ჩამპავატის ვეფხვსა და პანარის ჯიქამდე კუმაონში კაციჭამიები არ ყოფილან. ამ ორი კაციჭამიას გამოჩენამ, რომლებმაც პროვინციის ტერიტორიაზე 836 კაცი იმსხვერპლეს, ხელისუფალნი მძიმე მდგომარეობაში ჩააყენა. მათ არ გააჩნდათ მტაცებლებთან ბრძოლის არაავითარი საშუალება და ამიტომ იძულებული გახდნენ დასახმარებლად მონადირე სპორტსმენებისათვის მიემართათ. სამწუხაროდ, იმხანად ძალიან ცოტანი მისდევდნენ ნადირობას კუმაონში ვეფხვებსა და ჯიქებზე, რაც — სამართლიანად თუ უსამართლოდ — ისევე

საშიშად მიაჩნდათ, როგორც რამდენიმე წლის წინათ ვილსონის მიერ ევერესტის დაპყრობის ცდა. მაშინ კაციჭამიებზე მე ისევე ცოტა რამ ვიცოდით, როგორც ვილსონმა ევერესტზე, და ის ამბავი, რომ ჩემი წამოწყება წარმატებით დამთავრდა, ვილსონმა კი მარცხი განიცადა, წმინდა შემთხვევითობაა.

როცა ჩამპავატის ვეფხვის მოკვლის შემდეგ ნაინი ტალში დავბრუნდი, მთავრობამ მომმართა თხოვნით — მომესპო პანარის ჯიქი. რადგან ძალიან ბევრი სამუშაო მქონდა, რამდენიმე კვირა გავიდა, სანამ თავისუფალ დროს მოვიხელთებდი, რომ კლავ წავსულიყავი სანადიროდ. როცა წასასვლელად ვემზადებოდი ალმორის ოლქის შორეულ რაიონში, სადაც ჯიქი მძვინვარებდა, გადმომცეს ნაინი ტალის კომისრის ბერტაუდის დაჟინებითი თხოვნა — დავხმარებოდი კაციჭამია ჯიქის მიერ შეძრწუნებულ მუკტესარის მცხოვრებთ. კაციჭამია ვეფხვის მოკვლის შემდეგ, რაზეც ზემოთ გიამბეთ, პანარის ჯიქზე სანადიროდ გავემგზავრე.

წინათ არასოდეს ვყოფილვარ ამ ვრცელ მხარეში, სადაც ჯიქი მბრძანებლობდა, ამიტომ გავეშურე ალმორზე გავლით, იმ იმედით, რომ კომისარ სტიფისაგან რაც შეიძლება მეტ ცნობებს მივიღებდი მის შესახებ. სტიფმა თავაზიანად მიმიპატიჟა საუზმეზე, მომამარაგა რუკებით და გამოთხოვებისას ცოტა არ იყოს შემაცბუნა მისმა შეკითხვამ: იცით თუ არა, რა საფრთხეში იგდებთ თავს და დაწერილი გავქთ თუ არა ანდერძი.

რუკების მიხედვით, ჩემთვის საჭირო ადგილამდე შემეძლო მისვლა პანვანაულადან პიტხორაგარხზე გავლით და ლამგარიდან დაბიღხურისკენ მიმავალი გზით. მე უკანასკნელი ავირჩიე მეორე საუზმის შემდეგ, მიუხედავად ანდერძის შეხსენებისა, კარგ გუნებაზე დავდექი და ერთი მსახურისა და ოთხი მებარგულის თანხლებით გზას გავუდექი. მე და ჩემმა თანამგზავრებმა იმ დღეს გავაკეთეთ მძიმე თოთხმეტმილიანი გადასვლა ზაირნიდან, მაგრამ ახალგაზრდები, ლონიერნი და გამოწრთობილნი ვიყავით და შეგვეძლო დაღამებამდე კიდევ ამდენივე გაგვევლო.

მთვარე ამოდის, როცა პატარა განცალკევებულად მდგარ შენობას მივალწიეთ. კედლებზე ნაჯღაბნები და ირგვლივ

მოფანტული ქალაღდის ნაგლეჯები იმას ადასტურებდა, რომ ეს სკოლის შენობა იყო. სკოლის კარები დაკეტილი აღმოჩნდა და გადავწყვიტეთ ღამე ეზოში გაგვეთია. ეს იყო სრულიად უსა-
შიშო, ვინაიდან კაციჰამიას საბრძანებლიდან ჯერ შორს ვიმყოფებოდით. პატარა ეზო გზას ეკვროდა: სამი მხრიდან ორი ფუტის სიმაღლის კედელი ჰქონდა შემოვლებული, მეოთხედან კი სკოლის შენობა.

სკოლის უკან ჯუნგლებში საკმაოდ იშოვებოდა სათბობი, და მალე ჩემმა მეზარგულეებმა ეზოს კუთხეში კოცონი აანთეს, მსახური კი სადილის მომზადებას შეუდგა. დაკეტილ კარს ზურგით მივეყრდენი და თამბაქო გავაბოლე. მსახურმა ცხვრის ფეხი დაღო დაბალ კედელზე, რომლის იქით გზა გადიოდა, და ცეცხლის შესაკეთებლად შემობრუნდა. უეცრად კედელზე, ცხვრის ფეხის გვერდით, ჯიქის თავი გამოჩნდა, მე მოჯადოე-
ბულივით ვიჭექი და თვალს ვადევნებდი — ჯიქი ჩემ პირდაპირ იყო. როგორც კი მსახური გვერდზე გადგა, ჯიქმა დასტაცა პირი ხორცს, გზას გადაევილო და ჯუნგლებში მიიშალა. ხორცი ქალაღდის დიდ ფურცელზე იღო: ჩემმა მსახურმა ქალაღდის შრიალი რომ გაიგონა, იფიქრა: ხორცი ძალღმა მოიტაცაო, და ყვირილით დაედევნა; მაგრამ შემდეგ მოისაზრა, რომ საქმე ჰქონდა არა ძალღთან, არამედ ჯიქთან, სწრაფად შემობრუნდა და კიდევ უფრო სწრაფად გამოიქცა უკან. აღმოსავლეთში ყველა ევროპელი სავსებით ნორმალურად არ მიაჩნიათ, არა მარტო იმ მიზეზის გამო, რომ ისინი დადიან პაპანაქება სიცხე-
ში, და, ვშიშობ, ჩემმა კეთილმა მსახურმა, როცა დამინახა ვიციინოდი, უმალვე გაიფიქრა, ეს უფრო არანორმალური ყოფილა, ვიდრე მისი რასის დანარჩენი ხალხიო, — და ძალზე დამწუხრებულმა თქვა:

— ჯიქმა ჩვენი სადილი გაიტაცა და მე მეტი აღარაფერი მაქვს.

თუმცა, მის სასახელოდ უნდა ითქვას, რომ მან მალე ისეთი სუფრა გაშალა, რომელსაც ისე მაღიანად შევექეცი, როგორც ალბათ, მშიერი ჯიქი საუცხოო ცხვრის ბარკალს.

მეორე დღეს ადრიანად გავუდექი გზას, საუზმისათვის ლამგარში შეეჩერდით, ხოლო საღამოს დოლის საფოსტო ბუნგალოს მივალწიეთ, საიდანაც კაციჰამიას საბრძანებელი

იწყებოდა. მეორე დღეს ჩემი თანამგზავრები ბუნგალოში დავტოვე და ჯიქის შესახებ ცნობების შესაკრებად წავედი. რამდენიმე სოფელი შემოვიარე, ყურადღებით ვათვალიერებდი ყოველ ბილიკს, რომ ჯიქის ნაკვალევი მეპოვნა, და გვიან საღამოს ერთ განმარტოებულ ფერმასთან გავედი. ფერმა წარმოადგენდა შიფერით დახურულ ქვის შენობას, რომელსაც რამდენიმე აკრი დამუშავებული მიწა ერტყა, ფერმას გარშემო ხშირი ბარდნარი ჰქონდა შემოვლებული. სახლისავე მიმავალ ბილიკზე დიდი ხვალი ჯიქის თათების ნაკვალევი აღმოვაჩინე.

სახლს რომ მივუახლოვედი, ვიწრო აივანზე კაცი გამოჩნდა. იგი ხისსაფეხურებიან კიბეზე დაეშვა და ჩემ შესახვედრად გამოემართა. ეს იყო ოცდაორი წლის ახალგაზრდა; სახეზე დიდი მწუხარების კვალი აჩნდა. თურმე წუხელ როცა მას და მის ცოლს ეძინათ იატაკზე ერთადერთ ოთახში, რომლის კარი ღია დაეტოვებინათ, — აპრილი იდგა და ძალიან ცხელოდა, — აივანზე კაციჭამია აცოცდა, ქალს ყელში სწვდა და წაათრია. მან ყრუდ წამოიყვირა და ქმარს ჩასჭიდა ხელი. ახალგაზრდა კაცი უმალვე მიხვდა, რაც მოხდა, ერთი ხელით მეუღლის ხელი დაიჭირა, მეორეთი კარის ამყოლს მიაწვა, გამოგლიჯა ცოლი ჯიქს და კარი მიხურა. დარჩენილი დამე მათ შიშის კანკალით გაატარეს ოთახის კუთხეში, და ყურს უგდებდნენ, როგორ ცდილობდა ჯიქი კარი ჩამოეგლიჯა. სიცხისა და შეხუთული ჰაერის გამო ქალს ჭრილობები დაუჩირქდა და დილით ტანჯვისა და შიშისაგან გონება დაკარგა.

მთელი დღე ახალგაზრდა კაცმა ცოლის ახლოს მჯდომარემ გაატარა: ეშინოდა მისი მართოდ დატოვება, — ხომ შეიძლებოდა ჯიქი დაბრუნებულიყო და მოეტაცა, თავადაც ისე იყო შემინებული, ვერ აიძულა თავისი თავი ჯუნგლებში ერთი მილი გაევიღო და მეზობელთან მისულიყო. უკვე საღამოვდებოდა. უბედურს კიდევ ერთი სანინელი დამე მოელოდა, როცა დაინახა, თუ როგორ მივაშურე მის სახლს. მისი ნაამბობი რომ მოვისმინე, აღარ გამკვირვებია, რომ ის თვალცრემლიანი გამოვარდა გარეთ ჩემ შესახვედრად.

უხერხულ მდგომარეობაში ჩავვარდი. მანამდე მე არ მიმამართავს მთავრობისთვის შუამდგომლობით — უზრუნველყო ხალხი პირველი დახმარების საშუალებებით იმ რაიონებში,

სადაც კაცობამია თარეშობდა. აღმორზე ახლოს არავითარი მედიკამენტების შოვნა არ შეიძლებოდა, აღმორამდე კი ოცდახუთი მილი იყო. ქალისათვის რომ დახმარება აღმოეჩინათ, თვითონ უნდა წავსულიყავი ქალაქში, ეს კი მისი ქმრის გაგიჟებას ნიშნავდა: მან იმდენი გადაიტანა, რამდენის ატანაც შეუძლია ადამიანს, და კიდევ ერთი ღამე დარჩენა ამ ოთახში, სადაც, შესაძლოა, ჯიქს შეღწევა კვლავ ეცადა, ამ კაცს უეჭველად ჭკუაზე შემოიღდა.

ახალგაზრდა კაცის ცოლი — იგი თვრამეტი წლისა იქნებოდა — გულაღმა იწვა, როცა ჯიქი ყელში სწვდა. იმ მომენტში, როცა ქმარმა მიიზიდა იგი თავისკენ, ჯიქმა, რათა შეენარჩუნებინა ნადავლი, წინა თათის ბრჭყალები მკერდში ჩაასო. ამის შედეგად ქალს მკერდზე ოთხი ღრმა ჭრილობა აღმოაჩნდა. დახუთულ, უფანჯრო პატარა ოთახში, სადაც ბუზების გუნდი ირეოდა, ქალს ყელსა და მკერდზე ჭრილობები ძალიან დაუჩირქდა, და თითქმის აღარ გეჭონდა მისი გადარჩენის იმედი, მიუხედავად იმისა, აღმოუჩენდნენ თუ არ აღმოუჩენდნენ სამედიცინო დახმარებას. ამიტომ გადავწყვიტე არსად წავსულიყავი და ღამე მასთან გამეტარებინა. იმედი მაქვს, რომ ამ მოთხრობის არც ერთი მკითხველი არასოდეს არ იხილავს ტანჯვას ცოცხალი არსებისა — ადამიანი იქნება ის თუ ცხოველი, — რომელიც უბედური შემთხვევის გამო ვეფხვის ან ჯიქის კლანჭებში მოხვედრილა და თანაც ისე, რომ არ ჰქონდეს სხვა საშუალება, გარდა ტყვიისა ამ უბედურს შეუშუსუბუქოს ან სრულიად შეუწყვიტოს ტანჯვა.

თხუთმეტი ფუტი სიგრძისა და ოთხი ფუტი სიგანის აივანი მთელ სახლს გასდევდა, ორივე ბოლო გადაღობილი ჰქონდა და იქიდან ეზოში ჩადიოდა კიბე, რომლის პირდაპირ სახლში შესასვლელი ერთადერთი კარი იყო დატანებული, აივნის ქვეშ კი შეშვანი იწებოდა.

ახალგაზრდა კაცმა მთხოვა დავრჩენილიყავი ოთახში მათთან ერთად, მაგრამ უარი ვუთხარი. გადავალაგეთ შეშა და აივნის ქვეშ გავათავისუფლეთ ადგილი, სადაც ზურგით კედელზე მიყუდებულს შემეძლო ჯდომა. ახლოვდებოდა ღამე. იქვე წყაროზე ხელ-პირი დავიბანე, დავლიე წყალი და მოვეწყვე ჩემს კუთხეში, ყმაწვილკაცს კი ვურჩიე ცოლთან

წასულიყო და ოთახის კარი ღია დაეტოვებინა. კიბეზე ასვლისას მან მითხრა:

— ჯიქმა რომ მოგკლათ, საიბ, მაშინ რაღა ვქნა?

— დახურეთ კარი და დილამდის მოითმინეთ, — მიუვ-
გე მე.

მთვარის გავსება ორი ღამის წინ დასრულდა. ახლა მთვარის ამოსვლამდე სიბნელის მოკლე პერიოდი დგებოდა. დროის ეს შუალედი მაწუხებდა. თუ ჯიქი კარს გათენებამდე ფხაჭნიდა, როგორც ახალგაზრდა კაცი ამბობდა, მაშასადამე, ის შორს არ იქნებოდა წასული, შესაძლოა, ახლა სადმე ბუჩქებში იმალებოდა და მითვალთვალებდა. გავიდა დაახლოებით ნახევარი საათი. ვიჯექი და დაძაბული ჩავჩერებოდი სიბნელეს, მოუთმენლად ველოდებოდი აღმოსავლეთით ბორცვების თავზე მთვარის გამოჩენას. უცბად შეშფოთებულმა ტურამ დაიჩხავლა, ის მთელი ძალით ჩხაოდა და მისი ხმა შორს სწვდებოდა. ტურა არ დაცხრება მანამდე, სანამ საშიშროება არ გაივლის. როცა ჯიქი ნადირობს ან გადამა-
ლულ ნადავლს ეპარება, იგი ძალიან ნელა მოძრაობს. მაშასადამე, გარკვეული დრო უნდა გასულიყო, სანამ იგი — თუ ეს ის კაციქამია იყო — ჩვენ შორის არსებულ მანძილს გაივლიდა. მთვარეს კიდევაც რომ დაეგვიანა, სულ ერთია საკმაო სინათლე იქნებოდა და შევძლებდი მესროლა. ცოტა დაემშვიდდი და თავისუფლად ამოვისუნთქე.

ნელა გადიოდა წუთები. ტურა გაჩუმდა. მთვარე ამოვიდა და ჩემ წინ გადაშლილ სივრცეს კაშკაშა შუქი მოჰფინა. ისეთი სიჩუმე იდგა, რომ მესმოდა, როგორ თავგანწირვით იბრძოდა საწყალი ქალი ჰაერის ჩასუნთქვისათვის; გეგონებოდათ, მთელ ქვეყანაზე მხოლოდ ეს ხმა ისმისო. წუთები საათებად იქცნენ, მთვარე დასავლეთისკენ გადაიხარა და სახლის ჩრდილი მიწის იმ ზოლს დეცა, რომელსაც მე ვუთვალთვალებდი. დადგა დროის მეორე საშიში შუალედი, ვინაიდან, ჯიქს რომ დავენახე, იგი, ამ ცხოველებისათვის დამახასიათებელი მოთმინებით, დამელოდებოდა, ვიდრე გრძელი და ხშირი ჩრდილები არ დაეხმარებოდნენ შეუმჩნევლად წამომპარებოდა. მაგრამ არაფერი არ მომხდარა. მზემ ბოლოს გააშუქა ცის ის ნაწილი, სადაც თორმეტი საათის

წინათ მთვარე ამოდინდა, გათავდა ერთ-ერთი უგრძესი ღამეთაგანი, რომელიც საფარში ჩამომჯდარმა უჩილოდ გავატარე.

სახლის პატრონს მაგრად ეძინა წინა უძილო ღამის შემდეგ და მხოლოდ მაშინ ადგა, როცა ჩემი კუთხე დავტოვე და დაბუყებულ სხეულს ვიწვლდი: მხოლოდ იმან, ვისაც საათები მაგარ მიწაზე დამჯდარს უძრავად გაუტარებია, იცის, თუ შემდეგ როგორ გტკივა ძვლები. ოცდაოთხი საათის განმავლობაში არაფერი მიქვამა, გარდა ტყის ქოლოს რამდენიმე ნაყოფისა, და რადგან შემდგომ ჩემი ფერმაში დარჩენა უმიზნო იყო, დავემშვიდობე პატრონს და ფერმიდან რვა მილის მანძილზე მდებარე დოღში გავემგზავრე. ვვარაუდობდი, რომ იქ ჩემ მსახურებს მიუუსწრებ და ერთ-ერთ მათგანს ახალგაზრდა ქალის დასახმარებლად გავგზავნი-მეთქი. სულ რამდენიმე მილი გავიარე, და მათ შევხდი. ჩემი ხანგრძლივი არყოფნით შეწუხებულებს ბარგი შეეკრათ, ანგარიში გაესწორებინათ საფოსტო ბუნგალოს პატრონისათვის და ჩემს საძებნელად წამოსულიყვნენ. სანამ ჩვენ ვსაუბრობდით, ღონიერ ტიბეტურ ცხენზე ამხედრებული მოვიდა გზათა ზედამხედველი, რომელიც მოხსენიებული მყავს მოთხრობაში „ტაძრის ვეფხვი“. იგი აღმორში მიდიოდა და სიამოვნებით იკისრა სტიფისთვის ჩემი წერილი გადაეცა. წერილის მიღებისთანავე სტიფმა გაგზავნა ფერმაში ფერშალი, მაგრამ ქალს იგი აღარ ესაჭიროებოდა.

გზათა ზედამხედველმა მაცნობა, ჯიქმა კაცი მოკლავ. ღან მაიძულა დაბიღხურში წავსულიყავი, სადაც წილად გზადა ნადირობასთან დაკავშირებული ერთ-ერთი ყველაზე საინტერესო და ამაღელვებელი განცდა. შემდეგ, როცა დაბიღხურის ტაძრის მოხუც მღვდელს ვკითხე, ხომ არ სარგებლობს კაციჭამია თქვენი ტაძრის ისეთივე საიმედო მფარველობით, როგორც ვეფხვი, რომლის მოკვლა მე ვერ შეეძელი-მეთქი, მან მიპასუხა:

— არა, არა, საიბ. ამ ეშმაკმა ბევრი ხალხი დახოცა-ისინი ჩემ ტაძარში დადიოდნენ, და, როცა მის მოსაკლავად დაბრუნდებით, როგორც შემპირდებით, დღე და ღამე თქვენი წარმატებისათვის ვილოცებ.

როგორი ბედნიერიც უნდა იყოს ჩვენი ცხოვრება, მასში ყოველთვის არის პერიოდები, რომლებსაც განსაკუთრებული სიამოვნებით ვიგონებთ. ჩემთვის ასეთი იყო 1910 წელი. იმ წელიწადს მოკვალი ორი კაციჭამია — მუქტესარის ვეფხვი და პანარის ჯიქი — და ჩემთვის ამ ორ უდიდეს მოვლენათა შუალედში მე და ჩემმა ხალხმა მოკამეხ გხატში უმაგალითო რეკორდი დავამყარეთ, — ერთ სამუშაო დღეში ხელით დავტვირთეთ 55 ტონა ბარგი.

პანარის ჯიქის მოკვლა პირველად ვცადე 1910 წლის აპრილში და მხოლოდ იმავე წლის სექტემბერში მომეცა საშუალება გამომენახა დრო მეორე ცდისათვის. არ ვიცი, რამდენი ადამიანის სიცოცხლე დაღუპა მტაცებელმა აპრილიდან სექტემბრამდე, რადგან ამის შესახებ მთავრობა ცნობებს არ აქვეყნებდა, ინდოეთის პრესაში კი, რამდენადაც ჩემთვის ცნობილია, დაბეჭდილი იყო მხოლოდ ამასთან დაკავშირებით გაკეთებული შეკითხვები თემთა პალატაში. ამბობდნენ, პანარის ჯიქმა ოთხასი კაცი გაანადგურაო, მაგრამ მასზე უფრო ცოტა რამ იყო ცნობილი, ვიდრე რუდრაპრაიაგის ჯიქზე, რომელმაც სულ ას ოცდახუთი კაცი მოკლა და მიუხედავად ამისა ინდოეთის ყველა გაზეთის სათაურებში იხსენიებოდა. ეს მხოლოდ იმიტომ შეიძლება აეხსნათ, რომ პანარის კაციჭამია მიყრუებულ, ხალხმრავალი გზების ადგილებიდან მოშორებით დათარეშობდა, რუდრაპრაიაგის ჯიქი კი მბრძანებლობდა ტერიტორიაზე, რომელზეც ყოველწლიურად სხვადასხვა წოდების სამოცი ათასი მოკვლი მიმოდოდა, და თითოეული მათგანის სიცოცხლე საფრთხე ემუქრებოდა. მლოცველებმა და მთავრობის მიერ გამოშვებულმა ყოველდღიურმა ბიულეტენებმა რუდრაპრაიაგის ჯიქი უფრო ცნობილი გახადეს, თუმცა მან ხალხს ნაკლები უბედურება მიაყენა, ვიდრე პანარის კაციჭამიამ.

10 სექტემბერს მსახურისა და ოთხი მეზარგულის თანხლებით გავედი ნაინი ტალიდან, რომ მეორედ მეცადა პანარის ჯიქის მოკვლა. როცა დილის ოთხ საათზე სახლიდან გამოვედით, ცა ღრუბლებით იყო დაფარული. ძლივს მოვასწარით რამდენიმე კილომეტრის გავლა, რომ კოკისპირული

წვიმა დაიწყო. მთელი დღე გადაუღებელივ წვიმდა, ოცდარვა მილი გავიარეთ და ალმორში გალუმპულეები ჩავედით, ღამე სტიფთან უნდა გამეთია, მაგრამ ბარგში არც ერთი ნივთი არ აღმოჩნდა მშრალი და არაფრის გამოცვლა არ შეიძლებოდა; ბოდიში მოვიხადე და საფოსტო ბუნგალოში დავრჩი.

ჩვენ გარდა, სხვა მოგზაურები იქ არ დაგვხვდნენ, და ბუნგალოს უფროსმა თავაზიანად დამითმო ორი ოთახი ბუხრით. დილამდე ნივთები გაშრა და შეგვეძლო გზა განგვეგრძო.

განზრახული მქონდა ალმორიდან იმავე გზით წავსულიყავი, რომლითაც აპრილში დავიწყე ჯიქზე ნადირობა იმ სახლიდან, სადაც ჭრილობებისაგან ახალგაზრდა ქალი გარდაიცვალა. მაგრამ სანამ ვსაუზმობდი, გამოცხადდა კალატოზი, სახელად პანვა, რომელიც ჩემთვის ნაინი ტალში რაღაც წვრილმან სამუშაოებს ასრულებდა. სახლი პანარის დაბლობში ედგა. როცა ჩემი მხლებლებისაგან გაიგო, რომ იქ კაციქამიაზე სანადიროდ მივემგზავრებოდი, მთხოვა თქვენთან ერთად წამოვალ, რადგან სახლში დაბრუნება მინდა და მარტო მგზავრობისა მეშინიაო. პანვა ადგილმდებარეობას იცნობდა და მისი რჩევით მარშრუტი შეეცვალა: სკოლის ახლოს მიმავალ დაბიღხურის გზის ნაცვლად, სადაც ჯიქმა ჩემი სადილი მიირთვა, პითხორაგარხისაკენ მიმავალი გზით გავეშურეთ. პანვა ნაულის საფოსტო ბუნგალოში ღამე გავათიეთ, დილაადრიაანად გავემგზავრეთ და პითხორაგარხის გზაზე კიდევ რამდენიმე მილის გავლის შემდეგ მარჯვნივ გადავუხვიეთ. ახლა იმ ტერიტორიაზე ვიმყოფებოდით, სადაც კაციქამია მბრძანებობდა, სოფლებს შორის კი სხვა გზა არ იყო გარდა საცალფეო ბილიკებისა.

წინ ნელა მივიწევდით, რადგან სოფლები შორი-შორს იყვნენ გაფანტულნი ასობით კვადრატული მილის სივრცეზე და თითოეულ მათგანში უნდა შეგვევლო, ვინაიდან არ ვიცოდით ჯიქის ზუსტი ადგილსამყოფელი. სალანისა და რანგოტის რაიონების გამოკვლევის შემდეგ, მეოთხე დღეს გვიან სალამოს, ჩაკატში ჩავედი, სადაც მამასახლისმა მაცნობა, რამდენიმე დღის წინათ სოფელ სანოულში, მდინარე პანარის გაღმა ნაპირზე, ჯიქმა კაცი მოკლაო. მდინარე პანარი წვიმების შემდეგ ადიდდა და მამასახლისი მირჩევდა ღამე სოფელში

გამეთია, შემპირდა მეორე დღეს მეგზურის თანხლებას, რომელიც მიჩვენებდა ერთადერთ უსაფრთხო გადასასვლელ ადგილს: მდინარეზე ხიდები არ იყო.

ჩვენი საუბარი მამასახლისთან ორსართულიანი სახლების მშენებლობის გრძელი რიგის მახლობლად მიმდინარეობდა. როცა, მისი რჩევით, გადავწყვიტე ღამის გასათევად სოფელში დავრჩენილიყავი, მან მითხრა, შენთვის და შენი ადამიანებისათვის ზედა სართულში ორ ოთახს გავათავისუფლებო. მაგრამ შევნიშნე, რომ ქვედა სართულის განაპირა ოთახი არ იყო დაკავებული, და ვთხოვე იგი ჩემთვის დაეთმო, ჩემი მხლებლები კი ერთ-ერთ ზედა ოთახში მოეთავსებინა. ბინას, რომელიც ჩემთვის ავირჩიე, კარი არ ჰქონდა, მაგრამ ეს არ იყო არსებითი, იმიტომ რომ უკანასკნელი მკვლელობა მოხდა გაღმა ნაპირზე, და ვიცოდი, კაციჭამია ვერ გაბედავდა ადიდებულ მდინარეზე გადმოსვლას.

ოთახში არ იყო არავითარი ავეჯი. ჩემმა თანამგზავრებმა იქიდან ჩალა და ძონძები გამოხვეტეს, ამასთან ჩიოდნენ, ამ ოთახის უკანასკნელი მდგმური, ეტყობა, ძალიან ბინძური კაცი ყოფილაო. მათ სოხანეზე ქვეშაგები გაშალეს და საწოლი მომიმზადეს. ვკვამე მსახურის მომზადებული სადილი და მალე დავიძინე, რადგან იმ დღეს თორმეტსაათიანი გრძელი გზა მქონდა გავლილი. მეორე დილას, როგორც კი მზე ამოვიდა და ოთახი სინათლით აავსო, რაღაც ჩუმმა ხმამ გამაღვიძა. თვალი გავახილე და დავინახე ჩემ საწოლთან ორმოცდაათი წლის კეთროვანი კაცი იჯდა. როცა შემამჩნია, რომ გავიღვიძე, უბედურმა მითხრა, იმედია კარგად გეძინათო. შემდეგ მან მიაშბო, ორი დღით მეზობელ სოფელში მეგობრების სანახავად ვიყავი წასული; როცა დაებრუნდი და განახე ჩემს ოთახში გეძინა, გიცდიდი, როდის გაიღვიძებდიო.

კეთრი ყველაზე საშინელი გადამდები სენია აღმოსავლეთში, ძალიან გავრცელებულია კუმაონსა და განსაკუთრებით აღმორის ოლქში, აქ ფატალისტი ხალხია და ეს დაავადება ღვთის მიერ მოვლენილ სასჯელად მიაჩნიათ. ამიტომ კეთროვანებს განცალკევებულ სადგომებში არ ათავსებენ და არც ზომებს იღებენ გადადების წინააღმდეგ. ამიტომ მამასახლისმა საჭიროდ არ მიიჩნია გავეფრთხილებინე, რომ ჩემ

მიერ შერჩეულ ოთახში მთელი რიგი წლების მანძილზე კეთ-
როვანი ცხოვრობდა. იმ დილას სწრაფად ჩავიციე და, რო-
გორც კი ჩვენი მეგზური გამოჩნდა, სოფელი დაეტოვეთ.

მე ხშირად მიხდებოდა კუმაონში ყოფნა და ყოველთვის
შეშინოდა კეთრით დაავადებისა, მაგრამ არასოდეს არ გან-
მიცდია ისეთი შიში ამ სენის გამო, როგორც ამ უბედურის
ოთახში ღამის გათევის შემდეგ. ვუბრძანე წყაროსთან შეჩე-
რებულიყვნენ. მსახურმა მომიშადა საუზმე, ჩემი ხალხი და-
ნაყრდა. შემდეგ მათ ვთხოვე ქვეშაგები გაერეცხათ და მზეზე
ლოგინი გაეფინათ, მე კი კარბოლის საპონი ამოვიღე და მაღა-
ლი კლდეებით შემორტყმულ წყალსატევისაკენ დავეშვი. ტან-
საცმელი გავიხადე, გავრეცხე და ქვებზე გადავფინე. დარჩე-
ნილი საპნით ისე გულმოდგინედ დავიბანე ტანი, როგორც
მანამდე არასოდეს დამიბანია. ორი საათის შემდეგ მგლის
მადა გამეხსნა და ბინაში დავბრუნდი. „მკაცრი“ დამუშავე-
ბის შემდეგ ტანსაცმელი დაიკმუჭნა, სამაგიეროდ თავს
კვლავ სუფთად ვგრძნობდი.

ჩვენი გამყოლი დაბალი კაცი იყო (დაახლოებით ოთხი
ფუტი და ექვსი დუიმი), დიდ თავზე ზვინივით თმა ედგა და
მოკლეფეხებიანი ტანი კასრს მოგაგონებდათ. მეტად სიტყვა-
ძვირი გახლდათ. ჩემს შეკითხვაზე, წინ კიდევ ძნელი აღმარ-
თია თუ არა-მეთქი? მან მოკლედ მომიჭრა — „არა“ და წაგ-
ვიყვანა ქვევით ძალიან ციცაბო ბორცვისაკენ. იმის ნაცვლად,
რომ როგორც ვიმედოვნებდი, ხეობიდან გავსულიყავით მდი-
ნარესთან. მას არაფერი უთქვამს და უკან არც მოუხედავს, ისე
გადასჭრა გაშლილი სივრცე და ხეობის მოპირდაპირე მხარე-
ზე ამართულ ბორცვს მიაშურა. ეს ბორცვი ციცაბოა და
ხშირი ეკლიანი ბუჩქნარითაა მოდებული, ამასთან დაფარუ-
ლია ფხვიერი ხრეშით, რაც კიდევ უფრო აძნელებდა ას-
ვლას. მზე უკვე თავზე გვადგა და უმოწყალოდ გვაცხუნებდა.
ამიტომ, მწვერვალს რომ მივალწიეთ, ოფლი წურწურით
ჩამოგვდიოდა. ჩვენს გამყოლს, ფეხები, როგორც ჩანს,
მთებზე ასასვლელად ჰქონდა გამობმული, და ოდნავი დაღ-
ლილობაც არ ემჩნეოდა.

მწვერვალიდან კიდევ ორი მაღალი ბორცვი დავინახეთ,
რომლებიც, გამყოლის სიტყვით, უნდა გადაგველახა, სანამ

მდინარეს მივალწევდით. ოჯახისათვის წამოღებული საჩუქრების ფუთა და მძიმე მუქი ფერის პალტო პანვამ გამყოლს გადასცა და უთხრა, რადგან გვაიძულებ კუმაონის ყველა ბორცვზე ავიდეთ, ამიერიდან ეს ტვირთი შენვე ატარეო. გამყოლმა თხის მატყლისაგან დაგრეხილ ბაწარს, რომელიც ტანზე ჰქონდა შემოხვეული, მოვლიჯა ნაწყვეტი, პალტო დაკეცა და ზურგზე მოიკიდა. ორჯერ ჩავეშვით და ავედით ბორცვებზე, სანამ, დაბოლოს, შორს ღრმა ხეობაში არ დავინახეთ მდინარე. აქამდე უგზოუკვლო ადგილებში მივდიოდით, ერთი სოფელიც არ შეგვხვედრია, და ახლა ვიწრო ბილიკზე გამოვედით. რაც უფრო ვუახლოვდებოდით მდინარეს, მით უფრო მეტად ვლელავდი. ბილიკი ჩვენსა და მოპირდაპირე ნაპირზე მოწმობდა, რომ აქ იყო ფონი, მაგრამ მდინარე აღიღდა და მისი გადალახვა მეტად საშიში იყო. მაგრამ გამყოლმა დაგვარწმუნა, საშიში არაფერიაო, გავიხადეთ ფეხსაცმელები და წინდები და პანვასთან ხელიხელჩაკიდებული ჩავედით წყალში. მდინარეს ორმოც იარღამდე განი ჰქონდა და როცა მის ძლიერ მოციმციმე ზედაპირს დავჩერებოდი, გავიფიქრე, ქვიანი ფსკერი ექნება-მეთქი. ჩემი ვარაუდი დადასტურდა, როცა ფეხის თითები რამდენჯერმე მწარედ ვიტკინე ქვაზე. ფრთხილად მივაბიჯებდით, რომ დინებას არ გავეტაცეთ, და ასე გავედით გაღმა ნაპირზე.

ჩვენი გამყოლი მდინარეში ჩავიდა და კვალდაკვალ მოგვეყვა. მოვიხედე და დავინახე, რომ იგი გასაჭირში იყო. წყალი მუხლს ზევით გვწვდებოდა, მას კი — წელამდე. როცა ყველაზე მშფოთვარე ადგილს მიაღწია, არ შებრუნდა ზურგით დინებისაკენ, რომ ცხრაფეხასავით გვერდით ემოძრავა. ამის შედეგად დინებამ წააქცია და წყალში ჩაყურყუმალავდა. მე ფეხშიშველი ვიყავი და არ შემეძლო წვეტიან ქვებზე ფეხის დადგმა, მაგრამ პანვამ — მისთვის წვეტიანი ქვა არავითარ დაბრკოლებას არ წარმოადგენდა — თავისი ფუთა გადაავლო და თავქუდმოგლეჯილი დაეშვა ნაპირზე იმ ადგილისაკენ, სადაც ორმოცდაათი იარღით დინების ქვევით მდინარეში შეჭრილი დიდი კლდის შვერილის ახლოს შმაგი ჩქერი იწყებოდა. პანვამ მიიჩინა სველსა და მოლიპულ კლდესთან, დაწვა ზედ

და, როცა გამყოლი მის ახლოს წყალმა ჩამოატარა, ხელი სტა-
ცა გრძელ თმაში და დიდი ვაივაგლახით აათრია კლდეზე.
ისინი მოვიდნენ ჩემთან — გამყოლი გალუმპულ ვირთხას
ჰგავდა, — და მე შევაქე პანვა კეთილშობილური და მამაცური
საქციელისათვის: მან სიცოცხლე გასწირა, რათა ეს დაგვა-
ჯული გადაერჩინა. განცვიფრებულმა პანვამ გადმომხედა და
მითხრა:

— მე მაგის გადარჩენა კი არ მინდოდა, არამედ ჩემი
ახალი პალტოსი, რომელიც ზურგზე ჰქონდა მიბმული.

ტრაგედია თავიდან ავიცილეთ, მას შემდეგ, რაც დანარ-
ჩენნი ხელიხელჩაკიდებულნი მშვიდობით გადმოვიდნენ მდი-
ნარეზე, გადავწყვიტე იმ დღეს გზა აღარ განგვეგრძო და აქვე.
ნაპირზე გაგვეთია ღამე. პანვას სოფელი აქედან ხუთი მილის
მანძილზე, მდინარის აღმა მდებარეობდა, ის წავიდა და თან
წაიყვანა გამყოლი, რომელმაც ვეღარ გაბედა მდინარეზე მეო-
რეჯერ გადასულიყო.

§

3

მეორე დილას სანოულის საძებნელად გავეშურეთ, სადაც
ჯიქმა თავისი უკანასკნელი მსხვერპლი მოკლა. იმავე დღეს,
გვიან საღამოს, ფართოდ გაშლილ ხეობას მივადექით, და
რადგან მახლობლად არსად ჩანდა სადგომი, გადავწყვიტეთ
ღია ცის ქვეშ გაგვეთია ღამე. ჩვენ ვიმყოფებოდით კაციჭა-
მიას სამფლობელოს შუაგულში და ღამე მოუსვენრად გავა-
ტარეთ ცივსა და ტენიან მიწაზე. მეორე დღეს შუადღის ხანს
სანოულს მივადწიეთ. ამ პატარა სოფლის მცხოვრებლებს
ძალიან გაეხარდათ ჩვენი მისვლა და ხალისით მისცეს ჩემ-
ხალხს ოთახი, ხოლო მე — ლერწმით დახურული შეუღობავი
ფიცარნავი.

სოფელი ბორცვის ფერდობზე იყო გაშენებული. მის
ქვემოთ ხეობაში ტერასებად განლაგებული ყანებიდან ცოტა-
ხნის წინათ აეღოთ ბრინჯი. ხეობის მოპირდაპირე ბოლოში
ამართული იყო მეორე ბორცვი, რომლის დაქანებული ფერ-
დობის ძირას, ყანებიდან ასი იარდის მოშორებით, ოცი აკრის
ფართობზე ხშირი ბუჩქნარი ხარობდა. ბუჩქნარის ზემოთ,

თითქმის მთის მწვერვალზე, მდებარეობდა სოფელი, მარჯვნივ შვერილზე მეორე სოფელი იყო, მარცხნივ, სადაც ყანები თავდებოდა, ხეობას ბალახით დაფარული ციცაბო ბორცვი კეტავდა, ამრიგად, ბუჩქნარს სამი მხრიდან ეკვროდა ყანები, ერთ მხარეზე კი — ღია ნაკვეთი.

ვიღრე საუზმეს ამზადებდნენ, გლეხებს ვესაუბრებოდი. მარტის მეორე და აპრილის პირველი ნახევრის მანძილზე კაციჭამიამ ამ რაიონში ოთხი კაცი მოკლა. პირველი მკვლელობა ბორცვის შვერილზე მდებარე სოფელში მოხდა, მეორე და მესამე — მის მწვერვალთან გაშენებულ სოფელში, უკანასკნელი კი სანოულში. ჯიქმა ოთხივე მოკლა ღამით და გაიტაცა ხუთას იარღზე ბუჩქნარის სიღრმეში, სადაც მშვიდად და აუჩქარებლად შეჭამა: ამ სოფლის მცხოვრებლებს არ ჰქონდათ იარაღი და დაღუპულთა გვამები უიშით ვერ წამოეღოთ. უკანასკნელი მკვლელობა ექვსი დღის წინათ მოხდა და ჩემ თანამოსაუბრეებს ეჭვი არ ეპარებოდათ, რომ კაციჭამია კვლავ ბუჩქნარში იმყოფებოდა.

იმ დღეს ორი ციკანი ვიყიდე იმ სოფელში, რომელიც დილაადრიან გამოვიარეთ, და ერთი მათგანი საღამოს ბუჩქნარის პირას დავაბი, რათა შეგვემოწმებინა, მართალნი იყვნენ თუ არა გლეხები, რომლებიც ამტკიცებდნენ, ჯიქი ჯერ კიდევ იქ არისო. ციკნის ახლოს საფარი არ იმოვაწყვე, რადგან ახლომახლო შესაფერი ხე ვერ ვიპოვე; გარდა ამისა, ცა ღრუბლებმა დაფარა და მოსალოდნელი იყო წვიმა. ჩემს განკარგულებაში არსებული ფიცარნაგი ყოველი მხრიდან ღია იყო, ამიტომ მის ახლოს დავაბი მეორე ციკანი იმ იმედით, რომ, თუ ჯიქი ღამით სოფელს ეწვია, ციკნის ნაზ ხორცს ადამიანის მაგარ ხორცს ამჯობინებს-მეთქი. გვიან ღამემდის ყურს ვუგდებდი, თუ როგორ ეხმიანებოდნენ ერთმანეთს ციკნები და დავრწმუნდი, ახლომახლო ჯიქი არსად იყო, თუმცა შეიძლებოდა დაბრუნებულიყო. მიუხედავად ამისა, უკეთესი შედეგის მოლოდინით დაიმედებულმა დავიძინე.

ღამით ოდნავ წამოწვიმა, და როცა მოწმენდილ ცაზე მზე ამოვიდა, ფოთლებსა და ბალახზე ცვარის წვეთები აციმციმდა, ხოლო ფრინველები მხიარული გალობით მიესალმნენ ახალ დღეს. ფიცარნაგთან მიბმული ციკანი კმაყოფილი გამომეტ-

ყველებით წიწკნიდა ფოთლებს, ბუჩქს და დროდადრო კიკინებდა. ხეობის გაღმა მყოფი ციკანი კი დუმდა. მსახურს დავეძახე, საუზმე არ გამიცვიდეს-მეთქი, და იმ ადგილისაკენ გავეშურე, სადაც პატარა ციკანი მივაბი. იქ აღმოვაჩინე, რომ ჯერ კიდევ მანამდე, სანამ წვიმა დაიწყებოდა, ჯიქს მოეკლა იგი, მოეგლიჯა თოკი და წაეთრია. ანათრევის ნაკვალევი წვიმას ჩაერეცხა, მაგრამ ამას მნიშვნელობა არ ჰქონდა, რადგან მსხვერპლის წაღება ჯიქს მხოლოდ ბუჩქნარში შეეძლო.

ნადავლის ახლო მყოფ ვეფხვთან ან ჯიქთან მიპარვა უაღრესად საინტერესოა, მაგრამ ამის გაკეთება შეუძლებელია მხოლოდ მაშინ, თუ გარემოებანი გიწყობს ხელს და წარმატების იმედი გაქვს. მე კი ძალიან ხშირი შამბნარი ხელს მიშლიდა ჩუმად მივახლოვებოდი ჯიქს. სოფელში დაბრუნებისას ვისაუზმე და მოვიწვიე გლეხები, რომ დაწვრილებით გამომეკითხა გარშემო მდებარე მიდამოების შესახებ. უნდა მენახა მოკლული ციკანი და გადამეწყვიტა ღირდა, თუ არა საფარის მოწყობა; ამის გაკეთება ჯიქის ჩუმად შეუძლებელი იყო. გლეხების მეოხებით მიხდოდა გამეგო, იყო თუ არა მახლობლად სხვა სამალავი, სადაც მას შეეძლო თავი შეეფარებინა, როცა დავაფრთხობდი. მიპასუხეს, უახლოესი დასამალი ადგილი ორი მილის მანძილზეა და ჯიქს იქ მოხვედრა მხოლოდ დახნულ ფართო ყანაზე გავლის შემდეგ შეუძლიაო.

დღისით კვლავ ბუჩქნარისაკენ გავეშურე და ას იარღზე იმ ადგილიდან, სადაც დაბმული იყო ციკანი, მხოლოდ ნარჩენები ვიპოვე: ჩლიქები, რქები და კუჭის ნაწილი. მე არ ვშიშობდი, რომ ჯიქი დღისით წავა თავშესაფარიდან ორ მილზე ჯუნგლებში და ორი საათის განმავლობაში ვცდილობდი მივპაროდი მას. ბუღბუღები, დრონგოები,* შაშვეები და ბებლერები** მეხმარებოდნენ ამ საქმეში და მაცნობებდნენ მხეცის თითოეულ მოძრაობას. ყოველ შემთხვევაში თუ ვინმეს წინაშე წამოიჭრება კითხვა, რატომ არ შეეკრიბე სამი სოფლის გლეხები, არ გამოვდენე ჯიქი ღია ადგილას, სადაც შეეძლო

* დ რ ო ნ გ ო — ჩენი ყვავის მსგავსი მწერიკამია ფრინველი.

** ბ ე ბ ლ ე რ ი — მწერიკამია წვრილი ფრინველი.

მისი მოკვლა, ვიტყვი, რომ ამით მომრეკების სიცოცხლეს საფრთხეში ჩავაგდებდი. როგორც კი ჯიქი მიხვდებოდა, რომ მას ღია ადგილას ერეკებიან, ის გაექანებოდა უკან და პირველსავე შემხვედრს დაესხმოდა თავს.

ჯიქის მოკვლის უშედეგო ცდის შემდეგ სოფელში დაბრუნებისთანავე ხელი დამრია სასტიკმა ციებ-ცხელებამ და მთელი დღე-ღამის განმავლობაში უგრძობლად ვიწექი ფარდულში. მეორე საღამოს შეტევა გამინელდა და შეეძელი ნადირობის გაგრძელება. წინა ღამეს ჩემმა თანამგზავრებმა საკუთარი ინიციატივით მიაბეს მეორე ციკანი იქ, სადაც მოკლულ იქნა პირველი, მაგრამ ჯიქს მისთვის პირი არ დაუკარებია. ეს კარგი ნიშანი იყო: მამასადაამე, ახლა მხეცი მშიერია. საღამოს იმედით აღსავსე წავედი სანადიროდ.

ბუჩქნარის მახლობლად ას იარღზე იმ ადგილიდან, სადაც ორი ღამის წინ ჯიქმა ციკანი მოკლა, ბებერი მუხა შევნიშნე. ის იდგა მალლობზე ტერასებად განლაგებულ ორ ყანას შორის და რამდენადმე დახრილიყო კუთხით ბორცვის ფერდობისკენ, რაც საშუალებას მაძლევდა ზედ კაუჩუკის ლანჩებიანი ფეხსაცმლით ავცოცებულიყავი. მიწიდან თხუთმეტი ფუტის დაშორებით, ყანის თავში დიდი და საკმაოდ მსხვილი ტოტი გადმოშვერილიყო. ფულუროიანი და დამპალი ტოტი ჩასასაფრებლად მოუხერხებელიც და საშიშიც იყო. მაგრამ მაინც გადავწყვიტე გამებედა და მესარგებლა მით, რადგან უფრო შესაფერ ტოტს მუხაზე ვერ ვხედავდი, ხოლო სხვა ხეები ირგვლივ რამდენიმე ას იარღზე არ ჩანდა.

ბუჩქნარში აღმოჩენილი თათების ანაბეჭდებისა და იმ თათების ანაბეჭდების მსგავსების მიხედვით, რომლებიც აპრილში ვნახე ფერმისკენ მიმავალ ბილიკზე, სადაც ჯიქმა ახალგაზრდა ქალი იმსხვერპლა, უნდა მეფიქრა, რომ საქმე პანარიის კაციჭამიასთან მქონდა. ჩემს ხალხს ვუბრძანე კვრინჩხის გრძელი რტოები მოეჭრათ და როცა ხეზე მოვეწყე, შტამბს ზურგით მივეყრდენი და ტოტების გასწვრივ ფეხები გავშალე, ვთხოვე კონებად შეეკრათ რტოები და მაგარი თოკით მიებათ შტამბზე. დარწმუნებული ვარ, რომ სიცოცხლეს იმათ უნდა ვუმაღლოდე, ვინც ეს პატარა დავალება ასე მოხერხებულად და კეთილსინდისიერად შეასრულა.

ათიდან იაც ფუტამდე სიგრძის რამდენიმე რტო შტამბის ორივე მხარეზე იყო გამოშვერილი, და რადგან არ მქონდა რაიმე ხელისმოსაკიდი, რომ წონასწორობა დამეცვა, ისინი ჩემკენ მოვწიე და მაგრად ამოვიდე ილღიებში. ხუთი საათისათვის მთელი სამზადისი დამთავრდა; ტოტზე ვიჯექი, ყელს მალლა აწეული ქურთუკის საყელო მიფარავდა, ხოლო რბილი ქუდი კეფაზე მქონდა ჩამოფხატული, რათა კისერი დამეცვა. ციკანი ჩემგან ოცდაათი იარღის მოშორებით მიწაში ჩარჭობილ პალოზე მიაბეს, ჩემი მხლებლები ყანაში ისხდნენ, პაპიროსს ეწეოდნენ და ხმამალლა მასალათობდნენ.

ამ მომენტამდე ბუჩქნარში სიჩუმე სუფევდა, შემდეგ ბებლერმა ყურთასმენის წამლებად იყვირა, ერთი-ორი წუთის შემდეგ რამდენიმე თეთრგულა შაშვის აღელვებული ჭახჭახი გაისმა. ეს ორი სახეობის ფრინველი ყველაზე საიმედო მაცნეა მთიან ადგილებში, ამიტომ, გავიგონე თუ არა მათი ხმა, ჩემ ხალხს სოფელში დაბრუნების ნიშანი მივეცი. მათ ძალიან გაეხარდათ და სწრაფად გაშორდნენ იქაურობას, თან განაგრძობდნენ ხმამალლა ლაპარაკს. მალე მათი წასვლის შემდეგ ციკანმა დაიკიინა, მაგრამ შემდეგ ნახევარი საათის განმავლობაში ყველაფერი მიწყნარდა. მზე ბორცვის მწვერვალს ეფარებოდა, როცა ჩემ ზევით ხეზე შემომოჭდარი ორი დრონგო აფრინდა და მორთო ჭახჭახი, რათა რომელიღაც ცხოველის ყურადღება მიეპყრო. ციკანი, რომელიც აქამდე კიკინებდა და სოფლისკენ იყურებოდა, ახლა ჩემკენ შემობრუნდა და დადუმდა. როგორც ჩანს, იგი დაინტერესდა რომელიღაც ცხოველის მოძრაობით. ეს ცხოველი მხოლოდ ჭიქი შეიძლება იყო.

მთვარე მესამე ფაზაში შევიდა და მის ამოსვლამდე რამდენიმე საათს სიბნელეში უნდა ვყოფილიყავი. ვითვალისწინებდი, რომ ჭიქი დაბნელების შემდეგ გამოჩნდებოდა და მსხვილი ფინთიხის 12-ყალიბიანი ორლულიანი თოფით აღვიჭურვე: მეტი შანსებია მოარტყა ცხოველს, სავაზნე კოლოფში თუ რვა ასეთი ვაზნა გაქვს, ვიდრე ერთი ტყვია. იმხანად, რომლის შესახებაც ვწერ, ინდოეთში ღამე სანადიროდ არ იყენებდნენ ისეთ დამხმარე საშუალებებს, როგორიცაა ელექტრონის ფარები და გადასატანი ლამპები. ერთადერთი, რისი გამოყენე-

ბაც შეიძლებოდა სამიზნო ორიენტირად, — ეს იყო ორლუ-
ლიანი თოფის ლულაზე შემოხვეული თეთრი ქსოვილის
ნაქერი.

დრო გადიოდა და ყველაფერი უცვლელი რჩებოდა. უცებ
ვიგრძენი, უკან ვილაცამ ნელა მოსწია ტოტი, რომელიც კვლა-
ვინდებურად ილღიაში მქონდა ამოჩრილი. მე ვლოცავდი ჩემს
წინდახედულებას, იმიტომ რომ სულ ერთია, მაინც ვერ შევ-
ძლებდი შემობრუნებას და თავის დაცვას, ხოლო საყელო და
ქუდი აბა რას მიშველიდა. აღარ ვეჭვობდი, რომ საქმე მქონდა
კაციჭამიასთან, და თანაც ძალიან გაბედულთან. როცა პირვე-
ლი ცდის შემდეგ, დარწმუნდა, კვრინჩხის ტოტებით შეკრულ
ხეზე ასვლა შეუძლებელიაო, ჯიქი კბილებით ჩააფრინდა
კვრინჩხის ტოტების მსხვილ ბოლოებს და დაუწყო გამმაგე-
ბით გამოძრობა. ცაში სინათლის უკანასკნელი შუქი ჩაქრა, და
ლამის წყვდიადში ადამიანებზე თავდამსხმელ ჯიქს სანატრელი
დრო დაუდგა, მე კი მეტად არახელსაყრელ მდგომარეობაში
აღმოვჩნდი, რადგან სიბნელეში ადამიანი ყველაზე უსუსური
არსებაა და ვაჟკაცობა თოვლივით დნება, — ლამით ოთხასი
კაცის მკვლელ ჯიქს სრულიად არ ეშინოდა ჩემი. ის გლეჯდა
რტოებს და თან ისე ღმუოდა, რომ მისი ხმა სოფლამდე აღ-
წევდა, სადაც ხალხი, როგორც მოგვიანებით შევიტყვე; შეძრ-
წუნებული უგდებდა ყურს. მისი ღმუილი, როგორც შემდეგ
მიაბგეს, შიშის ზარს სცემდა მათ, მე კი ასე თუ ისე კარგ
გუნებაზე მაყენებდა, რადგან საშუალებას მაძლევდა განმესა-
ზღვრა, სად იყო ჯიქი და რას აკეთებდა. მისი ღმუილი კი
თავზარს მცემდა, რადგან არ ვიცოდი, რა მოხდებოდა შემდეგ
წუთს. რამდენჯერმე კინალამ ჩამოვვარდი, იმის გამო, რომ
ჯიქი ხან გამმაგებით აწყდებოდა და ხან მოულოდნელად უშ-
ვებდა ეშვებს ტოტებს. საკმარისი იყო ამომხტარიყო და შემ-
ხებოდა, რომ მიწაზე ჩამოვვარდებოდი, — მე ხომ ფაქტიურად
არავითარი საყრდენი არ გამაჩნდა.

ერთი ასეთი ნერვების მომშლელი მყუდროების შემდეგ
ჯიქი ციკანს დააცხრა. იმ იმედით, რომ მტაცებელი სრულ
დაბნელებამდე გამოჩნდებოდა და კიდევ შევძლებდი მესრო-
ლა; ციკანი ხიდან ოცდაათ იარღზე მივაბი, რათა ჯიქი მომე-

კლა მანამ, სანამ მისატყუარს მიაღწევდა. მაგრამ სიბნელეში არ შემეძლო ციკნის გადარჩენა: მიუხედავად მისი თეთრი ბალნის ფერისა, ბუნდოვანი ლაქის გარდა ვერაფერს ვხედავდი. იძულებული ვიყავი მომეცადა, ვიდრე წინააღმდეგობას შეწყვეტდა. შემდეგ დავუმიზნე იქ, სადაც, ჩემი ვარაუდით, ჩიქი იმყოფებოდა, და სასხლეტი მოვწიე. გასროლის პასუხად მრისხანე ღმუილი გაისმა. ბნელში ნათელმა წერტილმა იელვა და ჩიქი სადღაც ყანის ქვემოთ ტერასებში გაქრა. ათთხუთმეტ წუთს მოუსვენრად ვუგდებდი ყურს, მაინტერესებდა, წავიდა თუ არა კაციჭამია. შემდეგ გაისმა ჩემი ხალხის ხმები: მეკითხებოდნენ, შეგვიძლია თუ არა შენთან მოსვლაო. ახლა ამის გაკეთება მათ თავისუფლად შეეძლოთ, თუ ზემოთ მდებარე ყანებს გამოჰყვებოდნენ. მე დავუძახე ფიჭვის ჩირაღდნები აენტოთ და ჩემი მითითებები შეესრულებინათ. ეს ფიჭვის ფისიანი კვარის ჩირაღდნები, სიგრძით თორმეტიდან თვრამეტ ღიუმამდე, კაშკაშა შუქით იწვიან და განათების ერთადერთ იმ სახეს წარმოადგენენ, რომელიც იციან კუმაონის მიყრუებულ სოფლებში.

არაჩვეულებრივი ხმაურისა და აურზაურის შემდეგ ოცამდე კაცი ჩირაღდნებით ხელში სოფლიდან გამოვიდა. ჩემი მითითების მიხედვით, მათ ზედა ყანებს შემოუარეს და ჩემს ხეს უკნიდან მოუახლოვდნენ. ჩიქმა ისე მაგრად დაჭიმა კვრინჩხის ტოტებზე შემოკრული თოკის ნასკვი, რომ საჭირო გახდა მისი გაქრა. როცა კვრინჩხის კონები მომაშორეს, სოფლებები ხეზე ამოცოცდნენ და ძირს ჩამოსვლაში დამეხმარნენ, რადგან უხერხული ჯდომისაგან ფეხები დამეკრუნჩხა.

ოცი ჩირაღდნის ალმა გაანათა ყანა, სადაც მოკლული ციკანი ეგდო, ხოლო მის იქით ყველაფერი წყვილიადით იყო მოცული. კაცებს სიგარეტები ჩამოვურიგე და ვუთხარი, ჩიქი დავჭერი, მაგრამ მძიმედაა დაჭრილი თუ არა, არ ვიცი, მის ძებნას ხვალ შეუდგები, ახლა კი ყველანი სოფელში დაბრუნდით-მეთქი. ოსინი იმედგაცრუებულნი დარჩნენ.

— თუ თქვენ ჩიქი დასჭერთ, ის უკვე მკვდარი იქნება.

— ჩვენ ბევრნი ვართ, თქვენ კი შეიარაღებული, ამიტომ საშიშიც არაფერია.

— მოდი მინდვრის ბოლომდე მაინც გავიდეთ და ვნახოთ, ჩიქს სისხლიანი კვალი ხომ არ დაუტოვებია.

მას შემდეგ, რაც ჯიქის დაუყოვნებლივ მოძებნის მომხრეთა და მოწინააღმდეგეთა ყველა მოსაზრება ამოწურულ იქნა, ჩემი მოსაზრების წინააღმდეგ, დავეთანხმე ტერასის ნაპირამდე და ქვემოთ მდებარე მინდვრის დასათვალიერებლად გავყოლოდი.

ერთი პირობით დავუთმე მათ: ჩემ უკან გაშლით წამოასულიყვნენ, ჩირალდნები მალა დაეჭირათ და, თუ ჯიქი თავს დამესხმოდა, არ გაქცეულიყვნენ და სიბნელეში არ მივეტოვებინე. ისინი ხალისით დამპირდნენ ამას, და, როცა ახალი კვარებით ჩირალდნები ააკაშკაშეს, წინ გავწიეთ: მე გავუძეხი, ისინი კი ხუთი იარდის მოშორებით მომდევდნენ უკან.

ოცდაათი იარდი იყო ციკნამდე და კიდევ ოცი — ყანის ბოლომდე. ჩვენ ძალიან ნელა, ჩუმად მივდიოდით წინ. როცა ციკნამდე მივედით — სისხლიანი ნაკვალევის ძებნა აღარ იყო საჭირო — ქვემოთ მინდვრის შორეული ნაპირი დავინახეთ, რომელიც სულ მეტად იშლებოდა ჩვენ თვალწინ, აი, გაუნათებელი დარჩა მხოლოდ ვიწრო ზოლი. უეცრად ჯიქმა მრისხანედ დაიღმუილა, სიბნელიდან გამოსტა და ჩვენ წინ აღიმართა.

არის რაღაც მეტისმეტად შემზარავი თავდამსხმელ ჯიქის ღმუილში. მე შემთხვევა მქონდა მენახა, თუ როგორ შეუდრეკლად იდგა ვეფხვის წინაშე სპილოების მწკრივი, ჯიქის დანახვაზე კი პანიკურად მოკურცხლეს მათ. ამიტომ არ გამკვირვებია, როცა ჩემმა უიარაღო თანაშემწეებმა ერთბაშად იბრუნეს პირი და კისრისტეხით გაიქცნენ. საბედნიეროდ, თავზარდაცემული ხალხი გაქცევისას ერთმანეთს ეჯახებოდა და ჩირალდნებიდან, რომლებიც მათ მაგრად არ ეკავათ ხელში, ნაპერწკლები ცვიოდა, ზოგი მათგანი ციმციმს განაგრძობდა მიწაზე. და შევძელი ჯიქისათვის დამეხალა მკერდში ერთი ფინდიხი.

სროლის ხმა რომ გაიგონეს, ადამიანები შედგნენ და ჩემამდე მოაღწია ერთი მათგანის სიტყვებმა:

— არა, ის არ გავგიჯავრდება, მან იცის, რომ ამ ეშმაკის კერძმა წაგვართვა ვაჟკაცობა.

ღიახ, მე ვიცოდი, რომ კაციჭამიას შიში კაცს ართმევს ვაჟკაცობას, თვითონ მე ხომ განვიცადე ეს, როცა ხეზე ვიჯექი. მათ ადგილას რომ ვყოფილიყავი, პირველი მე გავიქ-

ცეოდი. მაშასადამე, გულმოსასვლელი არაფერი მქონდა. სანამ განგებ ვათვალისწინებდი ჯიქს, რომ მათთვის მიმეცა დრო სირცხვილნაჭამნი გონს მოსულიყვნენ, თითო-თითოდ იწყეს მოსვლა. ბოლოს ყველა შეიკრიბა, და თავი არ ამიწევია, ისე ვკითხე:

— ბამბუკის ჭოკები და თოკი წამოიღეთ, რომ ჯიქი სოფელში მივიტანოთ?

— დიახ, ერთხმად მიპასუხეს მათ, — ხესთან დავტოვეთ.

— მოიტანეთ, — ვუთხარი მე, — მინდა სოფელში დაბრუნდე და ცხელი ჩაი დავლიო.

ჩრდილოეთიდან ამოვარდნილმა ცივმა ქარმა ციებ-ციხელების შეტევები განმიახლა და ვიგრძენი, რომ უდიდესი მღელვარების შემდეგ ფეხზე ძლივს ვიდექი.

იმ ღამიდან მოყოლებული სანოულის მცხოვრებლებს მშვიდად ეძინათ.



კაციჭამია ჩუკადან

1

ჩუკა, რომლიდანაც წარმოდგა სახელწოდება კაციჭამია ვეფხვისა ლადხის ხეობიდან, — მდინარე სარდასა და ლადხიას შესართავის ახლომდებარე ათკომლიანი პატარა სოფელია.

სოფლის ჩრდილო-დასავლეთით იწყება ბილიკი, მეოთხედი მილის მანძილზე. იგი გადამწვარი ტყის გასწვრივ გადის, შემდეგ ორად იყოფა: ერთი პირდაპირ მთის თხემისკენ მიდის, სოფელ თხაკში, მეორე — ირიბად ფერდობზე და შემდეგ, ბორცვზე გავლით, სოფელ კატეკინდრისაკენ მიემართება.

1936 წლის ზამთარში ამ ბილიკზე კაცი ორ ხარს მიერეკებოდა. როცა ჩუკას მიუახლოვდა, გადამწვარი ტყის ახლოს მოულოდნელად ვეფხვი გამოჩნდა. ვაჟკაცურად ჩადგა გლეხი ვეფხვსა და ხარებს შუა; ყვირილითა და ჯოხის ქნევით იგი ცდილობდა მხეცის გაგდებას. აღამიანის ჩარევით ისარგებლეს

ხარებმა და სოფლისაკენ მოკუ⁴ცხლეს, ხოლო პირში ჩალა-
გამოვლებულმა ვეფხვმა ყურადღება აღამიანზე გადაიტანა.
მხეცის მრისხანე გამომეტყველებით შეშინებულმა კაცმა გაქ-
ცევა დააპირა, მაგრამ, როგორც კი მიბრუნდა, ვეფხვი ზედ
შეახტა. კაცს მხარზე ხის კავი გაედო, ზურგზე კი ჩანთა
სურსათ-სანოვაგით. სანამ ვეფხვი კლანჭებით გლეჯდა და
ღრღნიდა კავსა და ჩანთას, კაცმა დაავდო ბარგი და ყვირი-
ლით, თავქუდმოგლეჯილი სოფელში გაიქცა. ყვირილი რომ
გაიგონეს, ნათესავები და მეგობრები სწრაფად გაეშურნენ
დაზარალებულის გადასარჩენად. ვეფხვმა კლანჭებით გაუფა-
ტრა მთელი მკლავი მხრიდან მაჯამდე.

რამდენიმე კვირის შემდეგ ორი კაცი ტანაკპურის ბაზრო-
ბიდან ბრუნდებოდა. კოტეკინდრისაკენ ციცაბო აღმართს
რომ შეუდგნენ, მათ დაინახეს: ზევით ორმოცდაათ იარღზე
ბილიკი გადაჭრა ვეფხვმა. რამდენიმე წუთს შეიცადეს, რომ
მხეცი იქაურობას გასცლოდა, და ყვირილით გაიქცნენ სოფ-
ლისკენ. მაგრამ ვეფხვი არ წასულა და როცა გაქცეული წინა
კაცი გაუსწორდა მას, ვეფხვი შეახტა. ამ კაცს თავზე ერთი
ტომარა გური* ედო, ისე რომ ტომარის ნახევარი ზურგზე ეკი-
და: ვეფხვი კბილებით ჩააფრინდა ტომარას და ქვევით ბორ-
ცვის ფერდობზე ჩაათრია, კაცისათვის კი არავითარი ზიანი არ
მიუყენებია. გაურკვეველია, რას ფიქრობდა ვეფხვი მიტაცე-
ბულ ნადავლზე — კავსა და ტომარა გურაზე, მაგრამ, როგორც
ჩანს, არ ეპიტნავა, და ამის შემდეგ თავდასხმა ისეთ აღამიან-
ებზე დაიწყო, რომლებსაც არც კავი ჰქონდათ და არც ტომ-
რები ეკიდათ.

ჩუკის ზევით სამი ათასი ფუტის სიმაღლეზე მდებარე
სოფელ თხაკში მთის სოფლის კვალობაზე საკმაოდ ბევრი
მცხოვრებია. ჩანდის რაჯებმა, რომლებიც კუმაონს გურკახების
შემოსევამდე მართავდნენ, ერთგულებისათვის ჯილდოდ თხა-
კის მიწები მის ახლანდელ მეპატრონეთა წინაპრებს უბოძეს
და ისინი შთამომავლობით პურნაგირის ტაძრების მცველად
დანიშნეს. ნაყოფიერმა მიწებმა და მნიშვნელოვანმა შემოსა-

* გური — შქრის ლერწმიდან დამზადებული ინდური შაქარი.

ვალმა ტაძრებიდან თხაკის მცხოვრებლებს საშუალება მისცეს კარგი სახლები აეგოთ და პირუტყვის დიდი ჯოგები გაეჩინათ.

ერთხელ, 1937 წლის ივნისის დამდეგს, შვიდი კაცი და ორი თოთხმეტი წლის ბიჭი პირუტყვს აძოვებდა თხაკის დასავლეთით ორას იარღზე. დილის ათ საათზე რამდენიმე ცხოველი ჩამორჩა ჯოგს და ჯუნგლებში შევიდა. ერთ-ერთი ბიჭი გაგზავნეს მათ მოსარეკად. ექვსი საათის შემდეგ კაცები, რომლებმაც დღის მცხუნვარე ნაწილი ძილში გაატარეს, გააღვიძა კარკერის ყვირილმა, რომელიც ჯუნგლების ნაპირიდან ისმოდა, სადაც მთელი ჯოგი შესულიყო. კაცებმა მეორე ბიჭიც ცხოველების მოსარეკად გაგზავნეს. შევიდა თუ არა ის ჯუნგლებში, იქიდან დამფრთხალი პირუტყვი გამოიქცა, და ვიდრე ცხოველები სოფლისაკენ მიმავალ გზაზე ხევს გადაჭრიდნენ, შვიდი კაცის თვალწინ ვეფხვი ერთ-ერთ ძროხას შეახტა და მოკლა. პირუტყვის ბლავილმა და ხალხის ყვირილმა სოფლის მცხოვრებთა ყურადღება მიიპყრო და მალე ხევის თავზე გლეხებმა მოიყარეს თავი. მათ შორის იყო მეორე ბიჭის დედა, ქვრივი. მან გაიგონა, რომ გლეხები მის შვილს ეძახდნენ, და მაშინვე მათთან მიიღბინა ამბის გასაგებად. როცა შეიტყო, ჯუნგლებში პირუტყვის მოსარეკად წასული ბიჭი უკან არ დაბრუნებულაო, მის საძებნელად გაიქცა, მოვიდნენ პირველი ბიჭის მშობლებიც და ისიც იკითხეს. მხოლოდ მაშინ გაახსენდა შვიდივეს, რომ იგი დილის ათი საათიდან აღარ ენახათ.

ამასობაში ხევში მოკლული ძროხის ახლო შეკრებილი მრავალი ადამიანის თანხლებით უბედურებისაგან გაგიყებული დედა ჯუნგლებში გაიქცა და თავისი შვილი იმ ადგილას ნახა, სადაც იგი ვეფხვს მოეკლა. მეზობელი ბუჩქის ძირას პირველი ბიჭის მშობლებმა შვილის დაგლეჯილი სხეული იპოვეს. მის გვერდით მკვდარი ხბო ეგდო. სოფლის მცხოვრებთა ნალაპარაკებიდან ამ დღეს მომხდარი ტრაგიკული ამბების შესახებ დაეასკენი, რომ ვეფხვი ჯუნგლებში იყო და ხედავდა მინდორზე მობალახე ჯოგს. როცა ყველას შეუმჩნევლად ხბო ტევრში შეეხეტა, ვეფხვმა მოკლა იგი, ვიდრე მის გათრევას მოასწრებდა. გამოჩნდა ბიჭი, რომელიც ცნობისმოყვარეობით თუ შემთხვევით ხბოს მიუახლოვდა. ვეფხვმა ისიც მოკლა.

შემდეგ ბუჩქებში გაიტაცა და იქ შეჭამა თავისი ნადავლის ნაწილი. დღის ოთხ საათამდე ვეფხვი, როგორც ჩანს, თავისი მსხვერპლის ახლოს იწვა, ვიდრე კარკერმა არ შეამჩნია ან არ იგრძნო მისი სუნი, როცა განაკათის პირას პატარა წყალსატევთან მიდიოდა. კარკერის ყვირილმა გააღვიძა ხალხი როცა გაიგეს, ჯოგი ჯუნგლებში წავიდაო, მის მოსარეკად მეორე ბიჭი გაგზავნეს. თავისდა საუბედუროდ, მან პირდაპირ იმ ადგილს მიაშურა, სადაც ვეფხვი მოკალათებულიყო.

მეორე ბიჭზე თავდასხმა, ალბათ, მთელი ჯოგის თვალწინ მოხდა და ბიჭს ცხოველები მიეშველნენ. მე მინახავს, რომ ასე მოქცეულან ძროხები და ფურკამეჩები. ვეფხვი გააგდეს ბიჭის გვაშიდან და სოფელს მიაშურეს. მხეცი, გახლებული, რომ ნადავლი გააგდებინეს და ამასთან, შესაძლოა, უხეშადაც მოექცნენ, გაქცეულ ჯოგს დაედევნა და ჯავრი იყარა მის კლანჭებში ჩაეარდნის პირველ ცხოველზე. ჯოგს რომ პირდაპირ სოფლისაკენ არ ექნა პირი, იგი მხოლოდ ამ მკვლელობით არ დაკმაყოფილდებოდა. ერთხელ მე გახლდით მოწმე, რომ ასეთივე გარემოებაში გახლებულმა ვეფხვმა გაანადგურა მის წინააღმდეგ თავგანწირვით მებრძოლი ხუთი კამეჩისაგან შემდგარი ჯოგი. ვეფხვმა ჯერ ერთი კამეჩი მოკლა, მაშინ ოთხი კეთილშობილი ცხოველი ეკვეთა მტერს და იბრძოლეს მანამდე, სანამ ყველა არ დაიხოცა. როგორც ჩანს, ვეფხვი მძიმედ დაშავდა. ბრძოლის ველიდან რომ გამოვიდა, მან სისხლიანი ნაკვალევი დატოვა.

ერთ დღეს ორი ადამიანისა და ორი ცხოველის მკვლელობა, რაც ერთი შეხედვით, უაზრობად მოეჩვენება კაცს, დარწმუნებული ვარ, გამოიწვია იმან, რომ ვეფხვს ხელი შეუშალეს შეეჭამა პირველი მსხვერპლი. ამ ამბავმა დიდად შეაშფოთა ნაინი ტალისა და ალმორის ოლქებში მცხოვრებნი. ყოველგვარი ღონისძიება მიიღეს. რათა ვეფხვი გაენადგურებინათ. რამდენჯერმე ჩაუსაფრდნენ მას მოკლული ცხოველების მანკობლად და ხალხს მთელი დამეების განმავლობაში არ ეძინა, ისხდნენ მაჰანებში, ორჯერ მოახერხეს ვეფხვის დაჭრა, სამწუხაროდ, საფანტით, და იგი ხალხის განადგურებას განაგრძობდა. კაციჰამიამ იმსხვერპლა კიდევ ერთი, ისევ იმ უბედურ სოფელ თხაკის მცხოვრები.

მალა ფერდობზე, სოფელ თხაკიდან ორას იარღზე, იყო ნაყანევი და ორი ბიჭი, ათი და თორმეტი წლის ობოლი ძმები, ნაწვერალზე რამდენიმე ძროხას აძოვებდა. ბავშვები შუა ყანაში ისხდნენ: ასე უფრო ნაკლები საფრთხე ელოდათ. ყანის შორი ნაპირი მეჩხერი ბუჩქნარით იყო შემორტყმული, იქიდან ათას ფუტზე ციცაბოდ აწვდილიყო ბორცვის ფერდობი, საიდანაც ბიჭები ყველა მხრიდან კარგად ჩანდნენ. შუადღეს ერთი ძროხა ბუჩქებისკენ წავიდა. ორივე ძმა გაჰყვა მას, რომ ყანაში დაებრუნებინათ. უფროსი ოდნავ წინ მიდიოდა; როცა იგი ბუჩქნარს გაუსწორდა, ნადავლის მოლოდინში იქ მიმალული ვეფხვი ეცა და წაათრია. უმცროსი გაიქცა სოფელში, მიიბრინა შეჯგუფულ კაცებთან და ტირილით დაეცა მათ ფეხთით. ბოლოს, როცა შეძლო ენა მოებრუნებინა, თქვა, დიდმა უღალმა ცხოველმა — მას მანამდე არასოდეს ენახა ვეფხვი — მოიტაცა ჩემი ძმაო. ხალხი მალე შეიკრიბა და საძებნელად გაემართა. მათ გამოიჩინეს დიდი ვაჟკაცობა: სოფლის აღმოსავლეთით სუვარ გადხის ხევში სისხლიან ნაკვალევზე ხშირ ტყეში ერთი მილი გაიარეს. ღამდებოდა და ისინი სოფელში დაბრუნდნენ. მთელ მეორე დღეს მახლობელი სოფლების გლეხების დახმარებით განაგრძობდნენ ძებნას, მაგრამ წითელი ქუდისა და დაგლეჯილი სისხლიანი ტანსაცმლის გარდა ვერაფერი ნახეს. ეს იყო ჩუკის კაციჭამიას უკანასკნელი მსხვერპლი.

მე ვფიქრობ, რომ ადამიანის ვაჟკაცობის ჯეროვნად შეფასება შეიძლება მხოლოდ საშიშროებების უამს, რადგან მხოლოდ მაშინ გამოვლინდება ხოლმე იგი ნამდვილად. მათ, ვისაც არასოდეს უცხოვრიათ იმ ადგილებში, სადაც კაციჭამია ბინადრობს, შეუძლიათ იფიქრონ, რომ არაფერია ვაჟკაცური არც იმ დედის ქცევაში, რომელიც შვილის საძებნელად მიდის ხშირ ჯუნგლებში, თუმცა იცის, რომ იქ გააფთრებული ვეფხვია, არც ორი პატარა მწყემსის ქცევაში, ერთმანეთს რომ შიშით ჩაჰკვრიან, არც იმ ადამიანების საქციელში, რომლებიც უიარაღოდ მიდიან კაციჭამიას სისხლიან კვალზე დაკარგული ბავშვის საძებრად. მაგრამ ყველამ, ვინც მსგავს რაიონებში ყოფილა, იცის, რომ ასეთი ქცევისათვის საჭიროა უბადლო ვაჟკაცობა და იგი უდიდეს აღტაცებას იმსახურებს.

ჩუკის კაციჭამიამ მოშალა ცხოვრება ლადხიის ხეობაში, ამიტომ, მალე მას შემდეგ, რაც იბოტსონი ნაინი ტალის, აღმორისა და გარხვალის ოლქების კომისრის თანაშემწედ დანიშნეს, ჩვენ მთელი ძალები გავაერთიანეთ იმისათვის, რომ ეს რაიონი საშინელი უბედურებისაგან ვკეხსნა.

1937 წლის ცხელი აპრილის შუადღის ხანს იბოტსონი, მისი ცოლი ჯინი და მე ავტობუსიდან ბარამდოს ზევით მდებარე ბუშში ჩავედით. ნაინი ტალიდან დილაადრიან გამოვედით, გამოვიარეთ ქალღვანი, ტანაკპური და ბუშში მოძალებული სიცხის უამს მივედით თავიდან. ფეხებამდე მტვერში ამოგანგლულები და მთლად დალურჯებულნი. ჩაი დავლიეთ მდინარე სარდას ნაპირას რბილ სილაზე დასვენების დროს და კვლავ კარგ გუნებაზე დავდექით. ცოტა ხანს ვისეირნეთ მდინარის გასწვრივ, შემდეგ გავეშურეთ თხული გადხში, სადაც ჩვენთვის კარვები მოემზადებინათ.

მეორე დილით ნასაუზმევს კალადხუნგისაკენ დავიძარით. მანძილი თხული გადხიდან კალადხუნგამდე — თუ პირდაპირ მდინარე სარდას ხეობით წახვალთ — რვა მილია, პურნაგირიდან — თოთხმეტი. მე და იბოტსონები წავედით ხეობით, ხოლო ჩვენი მსახურები და მეზარგულები — პურნაგირის გზით. ხეობა გაჭიმულია ოთხ მილზე; ადრე აქ გადიოდა ვიწროლიანდაგიანი რკინიგზა, რომელიც კლდეებში ჯ. ვ. კოლიერმა გაიყვანა მილიონი კუბური ფუტი სალის* გადასატანად. ეს ხეტყე ნეპალის დარბარმა** ინდოეთის მთავრობას აჩუქა მეორე მსოფლიო ომის შემდეგ. ვიწროლიანდაგიანი რკინიგზა დიდა ხანია გაანადგურა მეწყერმა და წყალდიდობამ და ამ ოთხი მილის სავალ გზაზე ცოცვა კლდეებზე გვიხდებოდა, მშვიდობიანად გავიარეთ ხეობა და იმ ადგილას, სადაც ვიწროლიანდაგიანი რკინიგზა მდინარის პირას აზიდულ დიდ კლდესთან ტყეს უდგებოდა, ორი თევზი დავიჭირეთ.

* სალი — ხის ჯიში, რომლის მერქანი სიმაგრით ლითონს არ ჩამოუვარდება.

** დარბარი — მეფის კარი.

ამ რაიონის ყველა პატვარისა* და მეტყვევს ნაბრძანები ჰქონდა კალადხუნგზე შეგებვდროდნენ და ეცნობებინათ ახალი ამბები ვეფხვის შესახებ. ბუნგალოში გვიციდდა ოთხი კაცი სასიამოვნო ცნობებით: ამ უკანასკნელ რამდენიმე დღეში ადამიანის მსხვერპლი არ ყოფილა, ვარაუდობდნენ, რომ ვეფხვი სოფელ თხაკის მიდამოებში იმყოფებოდა, სადაც სამი დღის წინათ ხბო მოკლა.

კალადხუნგი დამრეცი, კონუსისმაგვარი ფორმის ნახევარკუნძულია, სიგრძით დაახლოებით ოთხი და საგანით ერთი მილი, სამი მხრიდან მას გარს უვლის მდინარე სარდა, მეოთხე მხრიდან შემორტყმულია ხუთასი ფუტის სიმაღლის მთაგრეხილით. ბუნგალო, სამოთახიანი სახლი დიდი აივნით, ღვას მალლა ნახევარკუნძულის ჩრდილოეთ ნაწილში და აღმოსავლეთისკენაა მიმართული. როცა შორეული ბორცვების თავზე აპოდის მზე და ნისლი იფანტება, აივნიდან იშლება არაჩვეულებრივად მომხიბლავი ხედი. წინ, მდინარის გაღმა, ნეპალში, ღრმად შეჭრილი ფართო ხეობაა, რომელშიც მიიკლავნება მდინარე ზურმუხტოვანი ნაპირებით, ხეობის ორივე მხარეს გადაჭიმულია ზშირი ტყით დაფარული ბორცვები. გარშემო არსად ჩანს საცხოვრებელი ბინები, ბუნგალომდე აღწევს ვეფხვის ბრდღვინვა და სხვა ცხოველების ყვირილი, რაც იმას მოწმობს, რომ ხეობაში ბლომადაა ნადირი. სწორედ ამ ხეობაში მოჭრა კოლიერმა მილიონი კუბური ფუტი ტყე.

მთელი დღე კალადხუნგში გავატარეთ. ვიდრე ჩვენი ხალხი ბანაკს აწყობდა ჩუკაში, იბოტსონები თევზაობდნენ. მე კი, გაწამებული წინაღამით ციების შეტევის შემდეგ, ნაპირზე ვიჯექი და თვალყურს ვადევნებდი მათ. იბოტსონები ოსტატები არიან ანკესით თევზის ჭერაში, მათ დუმიანი ნემსკავეებით მოჩხრიკეს მდინარე, მოყოლებული ბუნგალოს ქვემოთ ჩქერიდან ნახევარკუნძულის ბოლო წერტილამდე, ესე იგი ხუთას იარღზე, მაგრამ ერთი თევზიც ვერ დაიჭირეს. ხეობაში

* პ ა ტ ვ ა რ ი — მოხელე — პატის სათავეში მდგომი, პ ა ტ ი — რამდენიმე სოფლის გამაერთიანებელი ადმინისტრაციული ერთეული. პატვარის მოვალეობაში შედის აგრეთვე შხამიანი გველების და კაციკამია ვეფხვების მსხვერპლთა აღრიცხვა.

ნებალის მხარეზე მიედინება პატარა მდინარე, რომელიც მდინარე სარდას სწორედ ნახევარკუნძულის ბოლო წერტილს პირდაპირ ერთვის. ამ ადგილას სარდა ფართოვდება, იკლებს და შემდეგ ორასი იარღის მანძილზე, თითქმის დიდ წყალსატევამდე, ქვიან კალაპოტში მიედინება. ზემოთ მდინარის ამ ნაწილის ბოლოში, ნაპირიდან კარგა მოშორებით, იბიმ პირველი თევზი დაიჭირა, რვა გირვანქა იქნებოდა. იბის დიდი ჯაფა დასჭირდა, ვიდრე წყლიდან ფრთხილად ამოიღებდა თავის მსუბუქ სათევზაო ხელსაწყოს.

ყველა გატაცებული მეთევზე სიამოვნებას გრძნობს, როცა თვალს ადევნებს მეორე მეთევზეს. თევზაობა ხომ სპორტის ერთ-ერთი საუკეთესო სახეობაა. რაც შემეხება მე, ვამჯობინებ ვუყურო სხვას, ვიდრე თვითონ ვითევზაო, განსაკუთრებით, თუ თევზი კარგად ეგება ანკესზე, მეთევზეს კი ფეხქვეშ მტკიცე დასაყრდენი არა აქვს როგორც, მაგალითად, ამ შემთხვევაში, და თუ დინება საკმაოდ სწრაფია. მალე მას შემდეგ, რაც იბიმ თევზი დაიჭირა, ჯინის ანკესზეც თევზი წამოეგო. ქალი თევზაობდა ჩქერში, ნაპირიდან ოცდაათი იარღის მოშორებით. ჯინის კოკზე სულ ასი იარღი ანკესის მკედი ჰქონდა, და შიშობდა, თევზს წყალსატევისაკენ არ გაეწია და არ გაეწყვიტა იგი, ამიტომ ჯინი უკან-უკან წამოვიდა და თევზს ნაპირისაკენ ეწეოდა. მაგრამ ფეხი მოუცურდა და ერთ წუთს წყლის ზედაპირზე მხოლოდ მისი ფეხის თითები და ანკესის ბოლო მოჩანდა. ბუნებრივია, ფიქრობთ, რომ დამავიწყდა ციების შეტევა და გადავბტი წყალში მის გადასარჩენად! სრულიადაც არა! ნაპირზე ვიჯექი და ვიცინოდი, იმიტომ, რომ ასეთ შემთხვევაში იბოტსონებისათვის დახმარების აღმოჩენა ისეთივე ფუჭი შრომა იყო, როგორც წყლიდან წავის ამოყვანა იმის შიშით, რომ იგი არ დაიღრჩოს. დიდხანს მედგარი ბრძოლის შემდეგ ჯინი ფეხზე დადგა, გამოვიდა ნაპირზე და ის-ის იყო მოკლა თავისი ექვსგირვანქიანი თევზი, რომ მდინარეში ანკესთან ერთად იბიც გაუჩინარდა. იგი ცდილობდა შორს ესროლა ანკესი, წონასწორობა დაკარგა და წყალში ჩავარდა.

წყალსატევის გაღმა, ქვემოთ მდინარე მარჯვნივ უხვევს. ნებალის მხარეზე ამ მოსახვევთან წინათ უზარმაზარი ხე იდგა. მის ზედა ტოტებზე წლიდან წლობამდე ბუდეს იკეთებდნენ

წყვილი თევზიჭერია ფრინველები. ხე მათთვის იდეალური სახლი იყო. მისი კენწეროდან მდინარე შორს მოჩანდა, ხოლო სწორკუთხედად გაზრდილი ვეებერთელა ტოტები თავისებურა მაგიდის მაგივრობას უწევდა, რომელზეც ფრინველებს შეეძლოთ თავისი სრიალა ნავლი ეჭამათ. მაგრამ შარშან მუსონების დროს წყალდიდობამ ნაპირი ჩარეცხა და ბებერი ხე გაქრა, ხოლო თევზიჭერიას ოჯახმა ახალი ბუდე ნაპირიდან ასი იარდის მოშორებით, ტყის პირას მდგარ მაღალ ხეზე გაიკეთა.

მდინარის ეს ნაწილი, როგორც ჩანს, ფრინველებისათვის თევზაობის საყვარელი ადგილი იყო, და ვიდრე დედალი ბუდეში იჯდა, მამალი განუწყვეტლივ იბოტსიანებს დასტრიალებდა თავს. ბოლოს ეს უსარგებლო ფრენა მობეზრდა და წყალდაღმა დინებას გაჰყვა, სადაც წყლიდან ამოშვერილი პატარა კლდეები მდინარიდან გამოყოფდნენ მომცრო ფშანს. როგორც ჩანს, შიგ თევზი ცურავდა: ფრინველი კეცავდა ფრთებს. მკვეთრად ბრუნდებოდა და ბარე ათჯერ მაინც ქვესავით დაეშვა ძირს. ზედ წყლის ზედაპირზე შლიდა ფრთებს, იქნევედა ბოლოს, რომ ხელახლა აედო სიმაღლე შემდეგი იერიშისათვის, ბოლოს, მოთმინება დაუფასდა. წინდაუხედავი თევზი წყლის ზედაპირზე ამოცურდა, ფრინველმა ელვის სისწრაფით ჩაიქროლა მათ შორის არსებული მანძილი — ასი იარდი — და ღრმად ჩაყვინთა. თევზიჭერიამ ნემსებივით მახვილი და ფოლადივით მაგარი ბრჭყალები სტაცა ნადავლს, მაგრამ, ეტყობა, იგი უფრო მძიმე აღმოჩნდა, ვიდრე ვარაუდობდა. გაათვრებით აფართხუნებდა ფრთებს და ცდილობდა თევზიანად ჰაერში აჭრილიყო, მაგრამ წყალში ვარდებოდა. ვფიქრობ, თევზიჭერია ბოლოსდაბოლოს გააგდებდა თავის ნადავლს, რომ ამ კრიტიკულ მომენტში მას ქარი არ დახმარებოდა. როგორც კი თევზიჭერიამ იგრძნო ჰაერის მძლავრი ნაკადის დენა, უკანასკნელი ძალდონე მოიკრიბა და თევზი წყლიდან ამოათრია. ჰაერის დინებამ ის ბუდის მოპირდაპირე მხარეს გაიტაცა და, რადგან ქარის წინააღმდეგ საფრენად თევზიჭერიას ძალა არ ყოფნიდა, ნაპირთან ამართული დიდი, ბრტყელი კლდისკენ წავიდა.

მაგრამ თურმე მარტო მე როდი ვადევნებდი თვალს თევზიჭერიას. ის იყო კლდეზე დაეშვა, რომ მდინარეში ნეპალის

მხარეზე თეთრეულის მრეცხავმა ქალმა რაღაც დაიყვირა და იმწამსვე მაღალ ნაპირზე ბიჭი გამოჩნდა. მან ბილიკი აირბინა. მოუსმინა ქალს და სანაპიროზე მოფანტულ ლოდებზე კისრის ტეხით გაიქცა. თევზიჭერიას არც უცდია ნადავლის წაღება. ჰაერში ასული, ის მხოლოდ დასტრიალებდა თავზე ბიჭს, რომელსაც თევზი ეჭირა და ქალს აჩვენებდა; თევზი ოთხი გირვანქა იქნებოდა.

შემდეგ თევზიჭერია თვალს მოეფარა. უკვე საუზმე მოვათავეთ, რომ იგი კვლავ გამოჩნდა. საკმაოდ დიდხანს ერთსა და იმავე სიმაღლეზე ფრინავდა. შემდეგ მობრუნდა ორმოცდაათ ფუტზე დაეშვა, კიდევ ერთხელ შემობრუნდა და ჩაყვინთა წყალში. ამჯერად მისი ნადავლი თევზი, ალბათ, ორა გირვანქა იქნებოდა. მსუბუქად ასწია მან იგი წყლიდან, ტორპედისებურად დაიჭირა ბრჭყალებში, რომ ჰაერის წინააღმდეგობა შეემციკრებინა, და ბუღისაკენ გაუხვია. მაგრამ თევზიჭერიას იმ დღეს ბედი არ სწყყლობდა. ნახევარი გზის გავლაც ვერ მოასწრო, რომ უკან გამოჩნდა არწივი, რომელიც წონითა და სიდიდით ორჯერ აღემატებოდა მას. შეამჩნია თუ არა არწივი, თევზიჭერიამ გეზი ოღნავ მარჯვნივ აიღო და ტყისაკენ გაფრინდა იმ განზრახვით, რომ თავი დაეღწია მდევენელისაგან. მაგრამ არწივი ეშმაკობას მიუხვდა, გულისწყრომით დაჰყვილა და კიდევ უფრო სწრაფად გაფრინდა. სულ რაღაც ოცი იარდილა უნდა ეფრინა და თევზიჭერია გადარჩებოდა, მაგრამ რისკი მეტად დიდი იყო. ფრინველმა ბრჭყალებიდან ნადავლი გაუშვა, დროზე აიჭრა ზევით. არწივმა იქვე დაიტაცა თევზი, ნარნარად შემობრუნდა და გაეშურა ქვევით მდინარეზე, იქ, საიდანაც გამოჩნდა. თუმცა სხვისი დოვლათის მიტაცება არ დასცალდა. ორი ყვავი თევზიჭერიას ნასუფრალით რომ იკვებებოდა, აფრინდა და დაედევნა მას. თავი რომ დაეღწია მათგან, არწივმაც ტყისკენ იბრუნა პირი. ტყისპირას ყვავები ჩამოშორდნენ. როგორც კი არწივი გაუჩინარდა, თითქოს ციდან ჩამოცვივდნენო, ორმა არწივმა არაჩვეულებრივი სისწრაფით მიაშურა იმავე მხარეს. სამწუხაროდ, აღარ დაშინახავს, როგორ დასრულდა ეს ამბავი. ვიდრე ნაპირზე ვიჯექი, არც ერთი ფრინველი არ აფრენილა ტყის თავზე: პირველი არწივი, ჩანს, დიდხანს არ უშვებდა ნადავლს.

მხოლოდ ერთხელ გავხდი უფრო საინტერესო დევნის მოწმე. შავ კაკებზე ვნადირობდით. ერთ მწკრივად ბალახში თვრამეტი სპილო მიმყავდა. ნადირობის მონაწილე თხუთმეტი კაცი ხედავდა, როგორ მოკლა შევარდენმა ჩვენგან ორ ნაბიჯზე ბუჩქნარის ჩეკანი*, მერე, ისე რომ ერთხელაც არ შეჰხებია მიწას, ჯერ წითელთავა სონღულის** ბრჭყალებში მოხვდა, შემდეგ ბზიკიჭამიასი და ბოლოს საპსანისა***, რომელმაც გადაყლაპა იგი. თუ ამ მოთხრობას წაიკითხავს რომელიმე მონადირეთაგანი, ვინც თებერვლის იმ დილას ჩემთან ერთად იყო, შესაძლოა, გაახსენდეს ეს შემთხვევა, რუდრაპურ მაიდანზე რომ მოხდა.

მეორე დილას ადრე ვისაუზმეთ და კალაღხუნგიდან ხუთი მილის მანძილზე მდებარე ჩუკაში წავედით. დასრულდა ერთ-ერთი იმ შესანიშნავი დღეთაგანი, რომლებიც დიდხანს რჩება ხოლმე მეთევზის მეხსიერებაში. მზე საამოდ ათობდა არემარეს, ჩრდილოეთიდან გრილი ნიავი ქროდა, მდინარეში უამრავი მსხვილი თევზი ცურავდა და თითქოს იხვეწებოდნენ, დაგვიჭირეთო, თევზაობის დროს ბევრი ამაღელვებელი ბრძოლა მოხდა, და ყველა მათგანი ჩვენ როდი მოვიგეთ. მაგრამ დღის ბოლოსათვის იმდენი თევზი დავიჭირეთ, რომ საკმარისი იყო ოცდაათი კაცისაგან შემდგარი ბანაკი დაგვეპურებინა.

3

კაციჭამიას მოსპობის საქმეში რომ დამხმარებოდნენ და შემდგომში თავიდან აგვეცილებინა ადამიანის მსხვერპლი, ტანაკპურიდან მისატყუარისათვის ექვსი მოზვერი გამოგვიგზავნეს. ჩუკაში ჩასვლისას შევიტყვეთ, რომ სამი ღამის განმავლობაში მოზვრებს სოფლის განაპირას აბამდნენ, და თუმცა ზოგიერთი მოზვრის ახლოს ვეფხვის თათების ანაბეჭდები აღმოაჩინეს, კაციჭამიას არც ერთისათვის პირი არ დაუკარე-

* ბუ ჩ ქ ნ ა რ ი ს ჩ ე კ ა ნ ი — პატარა ბელურასოდენა მგალობელი ჩიტი.

** წ ი თ ე ლ თ ა ვ ა ს ო ნ ღ უ ლ ი — მსხვილი შევარდენი.

*** ს ა პ ს ა ნ ი, ანუ მ ო ხ ე ტ ი ა ლ ე შე ვ ა რ დ ე ნ ი, — ყველაზე მსხვილი ფრინველი შევარდენისებრთა ოჯახიდან.

ბია. შემდეგი ოთხი დღის განმავლობაში ყოველ დილას ვნახულობდით მოზვრებს, დღისით ვეძებდით ვეფხვს, საღამომით კი ვაცილებდით ხალხს, რომელიც მოდიოდა, რათა დამით კამეჩები დაეხათ. მეხუთე დღეს დილაადრიან აღმოვაჩინეთ, რომ ვეფხვს მოეკლა და წაეთრია მოზვერი, დაბმული ჯუნგლებთან, სოფელ თხაკის მახლობლად, სადაც ორი ბიჭი დაიღუპა. ჩვენი მოლოდინის წინააღმდეგ, ვეფხვმა ნადავლი ჯუნგლებში კი არა, ღია ადგილზე გავლით კლდოვან ბექობზე წაათრია. იგი ასე, ალბათ, იმიტომ მოიქცა, რომ არ გაკარებოდა იმ ნაკვეთს, სადაც მას ორჯერ ესროლეს მაჰანიდან და, შესაძლოა, დაჭრეს კიდევ. ვეფხვი თავისი ნადავლით შორს არ წასულა: მოზვერის რქები კლდეებს შორის გაიხირა, და, რადგან ვერ მოახერხა მათი გამოთრევა, ვეფხვმა იქვე შექამა რამდენიმე გირვანქა მოზვერის ბარკლის ხორცი და იქაურობას გასცილდა. დავიწყეთ მხეცის ნაკვალევის ძებნა, გვინდოდა გამოგვერკვია, რომელ მხარეს წავიდა იგი, და ვნახეთ მისი თათების ანაბეჭდი მოზვრების ნაწოლ ადგილას შუაგზაზე ჯუნგლების მიმართულებით. ნაკვალევი ცხადყოფდა. რომ მოზვერი მსხვილმა ხვადმა ვეფხვმა მოკლა.

არ ვიცი, რა საფუძველზე, ოლქის ხელისუფალთ მიაჩნდათ, რომ კაციჰამია ძუ ვეფხვი იყო. როცა გლეხებს ვაჩვენეთ ნაკვალევი მოზვერის ნაწოლზე, მათ თქვეს, ვერ ვერკვევიო და არც ის ვიცით, კაციჰამია ვეფხვი ძუა თუ ხვადიო. იმას კი დანამდვილებით ადასტურებდენ, მას ეშვი აქვს მოტეხილიო. კაციჰამია ვეფხვის ყველა მსხვერპლს, სოფლის ახლოს მოკლულ როგრც ადამიანებს, ისე ცხოველებს, ეტყობოდათ, რომ ვეფხვი ერთი კბილით ვერ იკბინებოდა, კანს გლეჯდა მხოლოდ.

ბექობის წვერზე, მოკლული მოზვრიდან ოცი იარდის მოშორებით განმარტოებული ხე იდგა. ცხოველი კლდეებს შუა ვიწრო გასასვლელიდან ამოვართიეთ, შემდეგ გავგზავნეთ კაცი იმ რტოების მოსამტვრევად, რომლებიც ხელს შეუშლიდა ერთადერთი საფრად გამოსადეგი ტოტიდან თვალი გვედევნებინა მოზვრისათვის. ხე კარგად ჩანდა ჯუნგლებიდან, და თუმცა კაცი დავალების შესრულებისას ძალიან ფრთხილად მოქმედებდა, ვფიქრობ, ვეფხვმა მაინც შენიშნა იგი.

დილის თერთმეტ საათზე ხალხი სოფელში წავიდა სასადილოდ, მე და იბი კი ბუჩქებქვეშ დავიმალეთ. ჩვენ ვლაპარაკობდით და ვთვლემდით, ვთვლემდით და კვლავ ვლაპარაკობდით, სანამ დიდი სიციხის შემდეგ ოდნავ არ აგრილდა. სამის ნახევარზე გადავწყვიტეთ წავგვენმსა. უეცრად ჯუნგლების განაპირას, სადაც მოკლული მოზვერი იყო, შეშფოთებულად ახშიანდნენ კალიჯები*. გაიგონეს თუ არა მათი ყვირილი, ხალხი დაბრუნდა სოფლიდან, იბი და მისი ერთგული შემ სინგხი ჯუნგლებში წავიდნენ, რათა ვეფხვის ყურადღება მიეპყროთ, მე კი ამასობაში ჩუმად ავცოცდი ხეზე. რამდენიმე წუთის შემდეგ, როცა უკვე ტოტებზე მოვეწყვე, იბა და შემ სინგხი ჯუნგლებიდან გამოვიდნენ და ჩუკაში ჩვენი ბანაკისაკენ გაემართნენ. ორი ჩემი თანაშემწე სოფელ თხაკში დარჩა.

იბის წასვლის შემდეგ კვლავ ახშიანდნენ კალიჯიები, მათ აპყვა კარკერი. სადღაც ახლოს დაეხეტებოდა ვეფხვი, მაგრამ ის არ მიუახლოვდებოდა თავის ნადავლს ღია ადგილას, სანამ მზე არ ჩავიდოდა და სოფელი არ დაიძინებდა. კარკერი თხუთმეტ წუთს ყვიროდა და გაჩუმდა. იმ მომენტიდან მზის ჩასვლამდე მხოლოდ ფრინველთა ჩვეულებრივი ყვილხივილი ისმოდა. არაფერი არ მოწმობდა, რომ ვეფხვი სადმე ახლომახლო იმალებოდა.

როცა ნეპალის მთებს უკან, მდინარე სარდას გაღმა ნაპირზე, ჩამავალი მზის მოწითალო ათინათი ჩაქრა და სოფელი მიწყნარდა, იმ მხრიდან, სადაც ჩვეულებრივ კამეჩები იწვნენ, კვლავ მოაღწია კარკერის ყვირილმა, ვეფხვი თავის ნადავლს იმავე გზით უბრუნდებოდა, რომლითაც წავიდა. გვერდითი ტოტი შაშხანის მშვენიერი დასაყრდენი აღმოჩნდა და ვეფხვის მოახლოებისას ერთადერთ მოძრაობის გაკეთებლა დამკვირდებოდა — თავი კონდახზე დამეხარა. წუთი წუთს მისდევდა, ვეფხვი კი არ ჩანდა. საათნახევრის შემდეგ ორას იარღზე ზევით მთის ფერდობზე უცბად შეშფოთებულად იყვირა კარკერმა, და, თუ ადრე მიმაჩნდა, რომ ვეფხვის მოკვლის ათი შანსი მქონდა ერთის წინააღმდეგ, ახლა დამრჩა მხოლოდ ერთი შანსი ათასიდან. ეჭვი აღარ მეპარებოდა, რომ

* კ ა ლ ი ჯ ი — ვერცხლისფერი ხოხობის ადგილობრივი სახელწოდება.

ვეფხვმა დაინახა, როგორ ამტვრევდნენ ტოტებს; მზის ჩასვლის შემდეგ იგი მიეპარა ხეს, დამინახა და წავიდა. იმ წუთიდან ხან კარკერისა და ხან სამბზარის ყვირილი ისმოდა, მაგრამ სულ უფრო შორი მანძილიდან. შუაღამისას მშფოთვარე ყვირილი სრულიად მიწყდა. დადგა ბუნების მიერ დაწესებული ღამის მყუდროების პერიოდი, როცა ბრძოლა წყდება და ჯუნგლების ბინადართ შეუძლიათ მშვიდად იძინონ. ის, ვისაც ინდოეთის ჯუნგლებში ღამე გაუთევია, აღნიშნავს ამ პერიოდს, რომელიც წელიწადის დროისა და მთვარის ფაზის მიხედვით, როგორც წესი, შუაღამიდან დილის ოთხ საათამდე გრძელდება. ამ საათებში მტაცებლები ღრმა ძილს ეძლევიან, და ისინი, ვინც მათი განუწყვეტელი შიშის ქვეშ ცხოვრობენ, დამშვიდებულნი არიან. ცხადია, რომ ხორცის მჭამელთ ამ ხნის განმავლობაში სძინავთ, მაგრამ, ვფიქრობ, რომ ბუნებამ ეს რამდენიმე საათი იმ ცხოველთათვის გამოჰყო, რომელთა სიცოცხლე მუდმივ განსაცდელშია, რათა ცოტა ხანს მაინც დაისვენონ.

ის-ის იყო დღე დაიწყო, ძლივს გავმართე დაბუყებული სახსრები, ჩამოვედი ხიდან, ბუჩქიდან გამოვიღე იბის მიერ საგულდაგულოდ ჩაფლული თერმოსი და სიამოვნებით მოვსვი ჩემთვის აგრერიგად საჭირო ჩაი. მალე ჩემი ხალხიც მოვიდა. სანამ ტოტებით ვფარავდით მოზვერს, რომ სევებისაგან დაგვეცვა, ჩვენგან ნახევარი მილის მოშორებით გორაზე სამჯერ დაიღრინა ვეფხვმა. როცა ბანაკისაკენ მიმავალმა გზად გავიარე თხაკი, მოხუცები შემომეგებნენ და მთხოვეს სულით არ დავცემულიყავი წუხანდელი მარცხის გამო. მათ მითხრეს, ვარსკვლავებზე ვიმკითხავეთ, ვილოცეთ და თუ ვეფხვი დღეს არ დაიღუპება, ხვალ ან ზეგ მაინც აუცილებლად მოკვდებაო.

ცხელმა აბაზანამ და ნოყიერმა საუზმემ ჯანზე მომიყვანა. დღის პირველ საათზე კვლავ სოფელ თხაკის ციცაბო ბორცვზე ავედი. იქ მაცნობეს, სოფლის თავს აღმართულ ბორცვზე რამდენჯერმე ყვიროდა სამბზარიო. ბანაკიდან იმ განზრახვით გამოვედი, რომ ჩავსაფრებულიყავი და მისატყუარად ერთ-ერთი ცოცხალი მოზვერი გამომეყენებინა, და, რომ ვეფხვისათვის ამოდ არ მეცადა ერთ ადგილას, მაშინ როცა ის თავის ნადავლს სხვაგან შეეჭეოდა, მოზვრის ახლოს, სადაც წუხანდელი

ლამე გავატარე, რამდენიმე გაზეთი გავშალე. ჟუნგლებში გადიოდა ბილიკი, რომელზეც მუდამ პირუტყვს მიერეკებოდნენ. გლეხების სიტყვით, სწორედ ამ ბილიკზე ყვიროდა სამბხარი. ბილიკის გვერდით ერთ-ერთ ხევზე დავამაგრე ბაწრისაგან გაკეთებული დასაჯდომი, ფესვზე კი მოზვერი მივაბი. დღის სამ საათზე ხევზე ავცოცდი. ერთი საათის შემდეგ ხეობის ბოლოდან, ჩემგან ათასი იარღის მოშორებით, კარკერის ყვირილი მომესმა, მერე კი ვეფხვის ბრდღვინვა. მოზვერის წინ ერთი დიდი იღლია მწვანე ბალახი ეყარა და მოზვერი მთელი ლამე გაუთავებლად აქლარუნებდა კისერზე შებმულ ზანზალაკს, მაგრამ მან მაინც ვერ მიიპყრო ვეფხვის ყურადღება. გარიჟრაჟზე მოვიდა ჩემი ხალხი და მიაშბო, წუხელი ღრმა ხევში, სადაც ბიჭის წითელი ქუდი და დაგლეჯილი ტანსაცმელი იპოვეს, კარკერისა და სამბხარის ყვირილი ისმოდაო; გლეხების თხოვნით ამ ხევის ქვემო განაპირზე ერთი მოზვერი დავაბით.

ჩუკადან დაბრუნებისას შევიტყვე, იბი ბანაკიდან ჯერ კიდევ გათენებამდე წასულიყო. წინა დღით ცნობილი გახდა, რომ რვა მილის ზემოთ ლადხიის ხეობაში ვეფხვმა ხარი მოკლა. იბიმ მთელი ლამე საფარში გაატარა, მაგრამ ვეფხვი არ უნახავს და მხოლოდ მეორე დღეს გვიან საღამოს დაბრუნდა ბანაკში.

4

დღით, ცოცხალი მოზვერის ახლოს ღამისთევის შემდეგ როცა მე და ჩინი ვსაუბრობდით, ჩემი ხალხი მოვიდა. მათ ხუთ სხვადასხვა ადგილას დააბეს მოზვერები, და თქვეს, მოზვერი, რომელიც ხევის ქვემო ნაპირთან ება, სადაც წუხელ სამბხარი და კარკერი ყვიროდა, დაიკარგაო. სანამ ჩვენ ვლაპარაკობდით, ჩუკაში ჩამოვიდა ოლქის სატყვეო მოსამსახურე მაკდონალდი, რომელიც იმ დღეს კალადხუნგიდან გადმოვიდა. მან მაცნობა, ხევის ქვემო ნაპირთან, სადაც ჩემი ვარაუდით მოზვერი ება, ვეფხვის ნაკვალევი შევნიშნეო. მისი სიტყვებით, ნაკვალევი ჰგავდა იმას, რომელიც მან თბაკის ახლოს ნახა, როცა ადრე ჩამოვიდა კაციჭამიას მოსაკლავად.

საუზმის შემდეგ ჩინი და მაკი ქვევით მდინარეზე სათევ-

ზაოდ გაეშურნენ, მე და შემ სინგხი კი იმის გამოსარკვევად წავედით, თუ რა დაემართა მოზვერს. გარდა თოკის ნაგლეჯისა და ვეფხვის ნაკვალევისა, არაფერი არ მიუთითებდა იმაზე, რომ მოზვერი მოკლული იყო. ყურადღებით დავაკვირდი და აღმოვაჩინე ადგილი, სადაც მას რქით ეჩიჩქნა მიწა. აქედან იწყებოდა მკაფიოდ გასარჩევი სისხლიანი კვალი. ვეფხვს ან გზა აებნა, ან კვალის დაფარვა სურდა. ეს კია, რომ ძნელად სასვლელ ადგილებში მოზვერი რამდენიმე მილი ათრია და თავის ნადავლიანად იმავე ხევში დაბრუნდა, საიდანაც დაიწყო თავისი გზა. აქ ხევი ათ ფუტამდე ვიწროვდებოდა და, სავსებით შესაძლებელია, რომ ვეფხვი ნადავლიანად ჩაწვა შიგ. რადგანაც ვემზადებოდი მთელი ღამე საფარში გამეტარებინა, გადავწყვიტე მივსულიყავი მეთევზეებთან და მათთან ერთად მესადილა.

ნასადილევს მე და შემ სინგხი უკან დავბრუნდით. ჩვენთან ერთად იყო კიდევ სამი კაცი იმ შემთხვევისათვის, თუ ვიპოვიდი მოკლულ მოზვერს და საფარში დავრჩებოდი: შემ სინგხისათვის ბანაკში მარტო დაბრუნება სახიფათო იყო. მე დავწინაურდი და, როგორც კი ხევს მივუახლოვდი, ვეფხვის ღმუილი მომესმა. იმ ადგილას ხევის ნაპირი ძალიან დაქანებული და ლოდებით სავსე იყო. ვეფხვი ხშირი ბუჩქნარის უკან, ჩემგან ოც იარღზე, ღმუროდა. ჯუნგლებში არაფერია ისეთი საშინალი, როგორც ახლო მყოფი უჩინარი ვეფხვის ღმუილი. იგი აფრთხილებს დაუპატიუებელ სტუმრებს, რომ ნაბიჯი არ გადადგან წინ. გზის განგრძობა ვიწრო გასასვლელით, როცა ვეფხვს ხელსაყრელი პოზიცია ეკავა, უაზრობა იქნებოდა, და ხალხს წასვლის ნიშანი მივეცი. რამდენიმე წუთს შევიცადე, სანამ ისინი იქაურობას მოშორდებოდნენ, და დავიწყე ნელ-ნელა უკან დახევა. ეს ერთადერთი საიმედო საშუალებაა თავი აარილო არასასურველ შეჩახებას ყოველ ცხოველთან. როგორც კი სამშვიდობოზე გავედი, დავუსტვინე, ხალხი შეჩერდა და ასი იარღით დაბლა ხევში შევეუერთდი მათ. ახლა ზუსტად ვიცოდი, სად იმყოფებოდა ვეფხვი და ვიმედოვნებდი, რომ დავამარცხებდი მას, ამიტომ ხალხს ვუბრძანე მეთევზეებთან დაბრუნებულობა. მაგრამ მათ ვერ გაბედეს ამის გაკეთება: აშკარა იყო, რომ ვეფხვი, რომლის

ბრდღენივა ის-ის იყო გავიგონეთ, კაციჭამიაა, და ამიტომ ამჯობინეს ჩემი შაშხანის მფარველობაში დარჩენილიყვნენ. ბანაკში მათ გაცილებას ესაჭიროებოდა არა ნაკლები ორი საათისა. რადგან ჩვენ ვიმყოფებოდით სალის ტყეში და ირგვლივ ერთი ხეც კი არ იყო ისეთი, რომელზეც შეიძლებოდა აცოცება, იძულებული გავხდი მათთვის ნება დამერთო დარჩენილიყვნენ.

ციცაბო ფერღობზე ავედით, ხევიდან ორასი იარღი გავიარეთ და გადავუხვიეთ მარცხნივ. ნაბიჯით კიდევ ორასი იარღი გადავზომე, კვლავ მარცხნივ მოვუხვიეთ და გამოვედით ხევთან ასი იარღით მალლა იმ ადგილიდან, სადაც ვეფხვი იყო. ახლა პოზიციური უპირატესობა ჩვენ მხარეზე იყო. ვიცოდით, რომ ვეფხვი ქვევით, ხევში, არ ჩამოვიდოდა, იმიტომ რომ სულ რამდენიმე წუთის წინ იქ ხალხი დაინახა. იგი არც ზევით წავიდოდა, რადგან ამ შემთხვევაში გვერდს ვერ აგვივლიდა ჩვენ. მოვეწყვეთ ოცდაათი ფუტის სიმაღლის ხევის თავზე, სადაც არ იყო ბუჩქნარი და ვეფხვს ერთადერთი გამოსავალი რჩებოდა — მოპირდაპირე ბორცვის ფერღობით წასულიყო. ათ წუთს ხევის პირას ვიჯექი და ყურადღებით ვათვალიერებდი ჩვენ წინ მდებარე არემარეს. შემდეგ დავიხიეთ რამდენიმე ნაბიჯით, გავიარეთ ოცდაათი იარღი მარცხნივ და ისევ დავსხედით. ამ დროს ჩემ გვერდით მყოფმა კაცმა მეორე მხარეს მიგვითითა და ჩაიჩურჩულა: „ვეფხვი“. მე ვერაფერი დავინახე, ამიტომ ვთხოვე დაწვრილებით ეამბნა, თუ რა დაინახა. აღმოჩნდა, რომ მან შეამჩნია, როგორ შეარხია ვეფხვმა ყურები. ორმოცდაათი იარღის მანძილზე ვეფხვის ყურები ცუდი ორიენტირია, და რადგან გარშემო ყველაფერს ხმელი ფოთლები ეფინა, ვერ შევამჩნიე მხეცი. ხალხის სუნთქვაზე ვგრძნობდი, ისინი ძალიან ღელავდნენ. მალე ერთი მათგანი ადგა, რომ კარგად დაეთვალიერებინა მხეცი. ვეფხვი იმწამსვე წამოხტა და ზევით ფერღობზე გაიქცა. როგორც კი მისი თავი გამოჩნდა ბუჩქიდან, ვესროლე. შემდეგ გამოირკვა, რომ ტყვია შეეხო კისერზე ბალანს და კლდეს მოხვდა. ნამსხვრევებმა აიძულეს ის მალლა ამხტარიყო. დაცემისას ვეფხვი გაბარდულ მხოხავ მცენარეში გაიხლართა, საიდანაც დიდ ვაივავლახით გამოიხსნა თავი. დავინახეთ, როგორ ფართხალე-

ბდა, და გადაეწყვიტეთ მისი აღსასრული დადგაო. მაგრამ როცა ვეფხვი მაინც ადგა და გაიქცა, იძულებული ვიყავი დავთანხმებოდი შემ სინგხს, რომ იგი დაჭრილიც არ იყო. ხევი გადავჭერი და ვიპოვე ტყვიისგან ჩამოჭრილი გრძელი ბალნის ბლუჯა, კლდიდან მომსხვრეული ნატეხები, დაგლეჯილი მცენარე, მაგრამ ერთი წვეთი სისხლიც კი ვერ აღმოვაჩინე.

თუმცა, შესაძლოა, მე ვცდებოდი; სისხლიდენა ყოველთვის დაჭრისთანავე როდი ეწყება ცხოველს. უნდა მომეძებნა მოკლული მოზვერი, და მაშინ მეორე დღეს გავიგებდი, დავჭერი თუ არა ვეფხვი. მაგრამ მისი პოვნა არც ისე იოლი იყო. ჩვენ ორგზის შემოვიარეთ მთელი უბანი, სანამ აღმოვაჩინდით მოზვერს ოთხი ფუტის სიღრმის წყლით სავსე ორმოში, სადაც ვეფხვს დაემალა იგი, როგორც ჩანს, იმისათვის, რათა ბზიკებისა და ხორციჭამია ბუზებისაგან დაეფარა. სამი კაცი მეთევზეებთან გავგზავნე, — ახლა ეს საფრთხეს აღარ წარმოადგენდა — მე და შემ სინგხი დავიმალეთ მოკლული მოზვერის ახლოს და ჯუნგლებში ატეხილ ხმას მივუგდეთ ყური. რაკი ვერაფერი საინტერესო ვერ გავიგონეთ, ერთი საათის შემდეგ ბანაკში დავბრუნდით. დილაადრიან მე და მაკი გავეშურეთ ხევში, სადაც გამოვარკვიეთ, რომ ვეფხვს თავისი ნადავლი წუმპედან ამოედო, გვერდზე გაეთრია, შეეჭამა და მხოლოდ თავი და ჩლიქები დაეტოვებინა. ვეფხვის ნაწოლს სისხლის ნაკვალევი არ ემჩნეოდა. ეს იმას ადასტურებდა, რომ იგი არ იყო დაჭრილი.

როცა ბანაკში დავბრუნდით, გვითხრეს მდინარე ლადხიას გაღმა განიერ ხევში მოკლული ძროხა გდიაო; ხალხს ენახა იგი და რტოებით დაეფარა. იბი ჯერ არ დაბრუნებულეყო ზევით მდინარე ლადხიაზე რვა მილის მანძილზე მდებარე სოფლიდან და მეორე საუზმის შემდეგ მე და მაკი ძროხის სანახავად წავედით. გლეხებმა იგი შუადღის ხანს დამალეს. მალე მოვიდა ვეფხვი, მიყარ-მოყარა რტოები და ნადავლი ისე გაიტაცა, რომ ნათრევის კვალიც არ დაუტოვებია. აქ ტყეში მხოლოდ სალის ხეები ხარობს, ბუჩქები არ არის და ჩვენ მთელი საათი დავგვირდა, რომ გვეპოვნა გამხმარი ფოთლების ვეებერთელა გროვის ქვეშ დამალული ძროხა. მაკმა გამოიჩინა

დიდი გულმოდგინება, უახლოეს ხეზე მაჰანი გამიკეთა. მე კი ამასობაში რამდენიმე სიგარეტი მოვწიე და მისი წყლით სავესე მათარა გამოვცალე: ტემპერატურა ჩრდილში ფარენგეიტით * 100° აღწევდა, შემდეგ მაკი ხეზე ასვლაში დამეხმარა და ბანაკში დაბრუნდა. ერთი საათი არ გასულა, რომ გავიგონე: ციცაბო ბორცვიდან ხევს უკან ქვა ჩამოგორდა, შემდეგ დავინახე ძუ ვეფხვი ორი ბოკვრით. ეტყობა, ბოკვრები პირველად მიჰყავდა დედას ნადავლთან და უაღრესად საინტერესო სანახავი იყო, რა გულმოდგინედ ცდილობდა ჩაეგონებინა მათთვის, თუ როგორი საშიშროება იმალებოდა იმაში, რასაც ისინი აკეთებდნენ, და როგორი სიფრთხილე მართებდათ ასეთ შემთხვევაში. ბოკვრების ქცევაც არა ნაკლებ საინტერესო გახლდათ. ისინი მხოლოდ დედის ნაკვალევზე მიდიოდნენ და ერთხელაც არ უცდიათ ერთმანეთისათვის გაესწროთ; გვერდს უვლიდნენ ყოველ დაბრკოლებას, რომელსაც გვერდს უვლიდა ძუ ვეფხვი, როგორი უმნიშვნელოც უნდა ყოფილიყო ის, და გაირინდებოდნენ ყოველთვის, როგორც კი რამდენიმე იარდის გავლის შემდეგ დედა შეჩერდებოდა და სმენად იქცეოდა. მიწა დაეფარა აბედივით გამხმარ დიდ ფოთლებს, რომლებზეც შეუძლებელი იყო უხმაუროდ მოძრაობა. მიუხედავად ამისა, ბოკვრები ისე სწევდნენ და ადგამდნენ თათებს, რომ ჩამიჩუმიც არ ისმოდა.

ძუ ვეფხვმა გაიარა ხევი, — მას ბოკვრები ერთი ნაბიჯითაც არ მოსცილებიან, — მოაშურა ჩემს ხეს, შემოუარა ირგვლივ და ისე დაწვა მიწაზე, რომ ნადავლი მის წინ ოცდაათ იარღზე აღმოჩნდა. ეს ნამდვილად ბოკვრებისათვის მიცემული სიგნალი იყო და ისინიც იქით გაეშურნენ, სადაც ძუ ვეფხვი მზერით ანიშნებდა. უეჭველია, დედამ როგორღაც აცნობა ბოკვრებს, რომ აქ მათთვის საჭმელი იყო, მაგრამ მე არ ვიცი, როგორ გააკეთა მან ეს. ბოკვრები წინანდებურად ფრთხილად შეუდგნენ ძებნას, და მთელი თავისი გამომეტყველებით გვიჩვენებდნენ, რომ ეძებდნენ რაღაცას სრულიად გარკვეულად. მე ყოველთვის ვამტკიცებდი, რომ ვეფხვებს არ გააჩნიათ ყნოსვა, და ბოკვრების ქცევამ კიდევ ერთხელ დაადასტურა ჩემი

* დაახლოებით + 43° C.

სიმართლე. თუმცა ძროხის მოკვლის ამბავი ჩვენ მხოლოდ ამ დილით გავიგეთ. სინამდვილეში ეს წინა დღით მომხდარიყო და, ვიდრე ლემს დამალავდა, ძუ ვეფხვს მისი დიდი ნაწილი შეეჭამა. როგორც უკვე ვთქვი, საშინლად ცხელოდა, და სწორედ სუნი დაგვეხმარა მე და მაკს აღმოგვეჩინა ცხოველის ლეში. ორი მშვიერი ბოკვერი კი წინ და უკან დაძრწოდა და ნადავლიდან ერთი იარღის მოშორებით ათჯერ მაინც გაიარეს, მაგრამ ვერ იპოვეს იგი. მხოლოდ ნადავლზე დასეული ხორცის ბუზების მეოხებით მიაგნეს ბოლოს. ლემის ნარჩენები ფოთლებიდან რომ გამოათრიეს, ბოკვერები ერთმანეთის გვერდი დახსდნენ და ჭამას შეუდგნენ. ძუ ვეფხვი თვალყურს ადევნებდა ბოკვერებს არა ნაკლები ყურადღებით, ვიდრე მე, და მხოლოდ ერთხელ, როცა ნადავლის საძებნელად ძალიან შორს წავიდნენ, ძუ ვეფხვი გაეხმაურა თავის ბოკვერებს. ნადავლი იპოვნეს თუ არა, დედა გადაბრუნდა ზურგზე და დაიძინა.

სანამ ვუმზერდი, როგორ შეექცეოდნენ ბოკვერები, გამახსენდა ერთი სცენა ტრისულის მთასთან. ეს ამბავი რამდენიმე წლის წინათ მოხდა. ბორცვის თხემზე ვიწექი და სავლელ დურბინდით მოპირდაპირე მხარეზე აღმართულ ციცაბო კლდეს ვაკვირებდი. იმედი მქონდა, რომ დავინახავდი თხას — ყველაზე უფრო გაბედულ ჰიმალაის თხას. ვიწრო შვერილზე, მთის ძირსა და მწვერვალს შუაში, თხა და ციკანი შევნიშნე. მათ ეძინათ. მალე დედა ადგა, გაიზმორა, ციკანი უმაღვე მივარდა და წოვა დაუწყო, ერთი-ორი წუთის შემდეგ თხამ ციკანი ჩამოიშორა, რამდენიმე ნაბიჯი გადადგა, გამოზომა და ჩახტა კიდევ უფრო ვიწრო შვერილზე, რომელიც თორმეტი-თხუთმეტი ფუტით დაბლა იყო. მარტოდ დარჩენილი ციკანი კლდეზე აწრიალდა. წამდაუწუმ ჩერდებოდა, უყურებდა დედას, მაგრამ ვერ ბედავდა დადევნებოდა მას — შვერილის ქვეშ რამდენიმე დუიმის მოშორებით ღრმა უფსკრული იყო. მე მათგან ძალიან შორს ვიყავით და არ მესმოდა, იყოლიებდა დედა შვილს გადამხტარიყო თუ არა, მაგრამ იმის მიხედვით, თუ როგორ ეჭირა თავი, ვფიქრობ, რომ იყოლიებდა. ციკანი ძალიან ღელავდა, დედა, კი, ეტყობა, შიშობდა, რაიმე სისულელე არ ჩაიდინოსო, და გადაწყვიტა მასთან დაბრუნებუ-

ლიყო. ავიდა ნაპრაღზე, რომელიც შორიდან პატარა ბზარს ჰგავდა გადმოკიდულ კლდეში. დაბრუნდა თუ არა, მაშინვე დაწვა. ალბათ, იმიტომ, რომ მოწოვების საშუალება არ მიეცა. მალე ადგა, ცოტა მოაწოვა და ზუსტად გაანგარიშებული მოძრაობით კვლავ დაბლა ჩახტა. ციკანი ისევ აწრიალდა. ნახევარი საათის განმავლობაში ეს განმეორდა შვიდჯერ, სანამ ბოლოს ბედს მინდობილმა ციკანმა არ გაბედა გადამხტარიყო. მან მშვიდობით მიაღწია შვერილს და ჯილდოდ დედამ მიუშვა — ნებაზე ესვა რძე. გაკვეთილი დამთავრდა. ინსტინქტი დიდ როლს ასრულებს, მაგრამ მხოლოდ დედის უსაზღვრო მოთმინება და შვილის უსიტყვო მორჩილება აძლევს შთამომავლობას საშუალებას მოწითულობას მიაღწიოს. ძალიან ვნანობ, რომ ვერ მოვახერხე სხვადასხვა ცხოველის სურათი გადამეღო იმ დროს, როცა ისინი იწყებენ თავიანთი შვილების აღზრდას, რადგან ჯუნგლებში ამაზე საინტერესო არაფერია.

როცა ბოკვრები გაძღენ და დედასთან დაბრუნდნენ, ძუ ვეფხვმა დაიწყო მათი გასუფთავება, გადააბრუნ-გადმოაბრუნდა და გაულოკა სისხლი, რომლითაც ისინი ჭამის დროს დაისვარნენ. ეს რომ მოათავა, და დარწმუნდა, ბოკვრები გავასუფთავებო, ძუ ვეფხვმა ისინი მდინარე ლადხიას თხელი ფონით გადაიყვანა: მდინარის ამ მხარეზე არ იყო შესაფერისი საფარი და ნადავლიდანაც აღარაფერი დარჩა.

მაშინ არ ვიცოდი, — და რომ მცოდნოდა კიდევაც, ეს არაფერს შეეცვლიდა, — რომ ძუ ვეფხვი, რომელსაც ასეთი ინტერესით ვადევნებდი თვალყურს იმ დღეს, შემდგომში, ცეცხლმსროლელი იარაღით დაჭრის შედეგად კაციჭამია გახდებოდა და შიშის ზარს დასცემდა ყველას, ვინც ცხოვრობდა ან მუშაობდა ლადხიას ხეობაში და მის ახლომდებარე სოფლებში.

5

სოფელ თხაკთან მოკლული მოზვერი, რომლის ახლოსაც წინა ღამეს ჩავსაფრდი, სვავებს დაუტოვეს საჯიჯგნად ხეობის ზედა ბოლოში სოფლის დასავლეთით, წინა მსხვერპლიდან ორას იარღზე კი მეორე დააბეს. სამი დღის შემდეგ თხაკის მამასახლისმა მაცნობა, ვეფხვმა ის მოზვერიც მოკლა და გაიტაცაო.

სწრაფად შევიკრიბეთ და შუადღისას მე და იბიმ მთის აღმართი საჩქაროდ ავიარეთ და ადგილზე მივედით. ვეფხვს მოზვერი მოეკლა, გაეწყვიტა ძალიან მაგარი თოკი და ნადავლიანად პირდაპირ ხეობაში წასულიყო. სურსათის საზიდად ორი კაცი წავიყვანეთ. მათ ვუბრძანე ჩვენთან რაც შეიძლება ახლო ევლოთ, და ნაკვალევს გავყევით. მალე აშქარა გახდა, რომ ვეფხვი განსაზღვრულ ადგილას გაეშურა. ორი მილის მანძილზე მოგვიხდა ჭინჭრის, ეოლოს ბარდნარსა და ხშირ ბუჩქნარში სიარული, ციცაბო დაღმართებზე დაშვება. წაქცეული ხეების ზემოთ ან ქვეშ ძვრომა და კლდეებზე აცოცება. ბოლოს ქოლგის მსგავს ბზის ხესთან მივედით, რომლის ქვეშ პატარა ღრმულში ნადავლი აღმოვაჩინეთ. ჩვენ შეგვაშფოთა იმ გარემოებამ, რომ თუმცა ვეფხვს მოზვერი წინაღამეს მოეკლა, მისთვის პირი არ დაეკარებინა. მაგრამ ვეფხვის მისწრაფება — ნადავლი სწორედ იმ ადგილას მოეთრია — იმას მოწმობდა, რომ თუ არაფერი შეუშლიდა ხელს, იგი უეჭველად დაბრუნდებოდა. მოზვერის ყელზე ვეფხვის ნაკბილარების მიხედვით განესაზღვრეთ, რომ ეს სწორედ ის კაციჭამია იყო, რომელსაც დავეძებლი.

მას შემდეგ, რაც სოფელ თხაკის აღმართი სწრაფად ავიარეთ, იქიდან კი ხშირი ტყით დაფარულ ძნელად სავალ თავ-ქვეზე დავეშვიტ, ოფლად გაღვრილებმა გადავწყვიტეთ დავმსხდარიყავით, ცოტა ხანს შეგვესვენა და გვეჭამა. ვჭამდი საჭმელს, ვსვამდი ძალიან ბევრ ჩაის, თან ვათვალიერებდი ჩასასაფრებელ გამოსადეგ ხეს, რომელზეც, თუ საჭირო იქნებოდა, შევძლებდი დამეც გამეტარებინა. ხევის განაპირას ბორცვის ფერდობთან 45° კუთხით ვეებერთელა ფიკუსი იდგა. მას ღრმად გაედგა ფესვები ამ ტყის ერთ-ერთი უზარმაზარი ხის დამპალი შტამბის ნაწილში, საიდანაც ახალგაზრდა ამონაყარის მთელი წყება დაძრულიყო. ბუმბერაზმა ხემ მათ სიცოცხლე მიანიჭა, თვითონ კი დაიღუპა. ამონაყარმა ერთიმეორეში იწყო შეზრდა და წარმოშვა პარაზიტი ხის შტამბი. მიწიდან ათი ფუტის სიმაღლეზე, სადაც ახალგაზრდა ამონაყარის მწკრივი თავდებოდა, გამხმარი ხის კუნძი დარჩენილიყო. გადავწყვიტე მასზე მოვწყობილიყავი.

მას შემდეგ, რაც დავნაყარდით და თითო-თითო სიგარეტი

მოვეწიეთ, იბიმ ჩვენი ხალხი სამოცი იარღით გვერდზე გადაიყვანა, უბრძანა ხეზე აცოცებულიყვნენ, დაერხიათ ტოტები და ისე მოქცეულიყვნენ, თითქოს ისინი მაჰანს აგებდნენ, რომ ამით მიეპყროთ ვეფხვის ყურადღება, თუ იგი სადმე მახლობლად იწვა და გვითვალთვალებდა. ამავე დროს ვცდილობდი რაც შეიძლება ნაკლებად მეხმაურა, ისე ავედი ფიკუსზე. შტამბი, რომელიც შევარჩიე, მოღრეცილი და ხმელი ფოთლებით დაფარული იყო. მე რომ მისი გასუფთავება დამეწყო, ვეფხვი შემამჩნევდა, ამიტომ პირდაპირ ფოთლებზე დავკეკე იმ იმედით, რომ ფულუროიან ხეში არ იქნებოდა გველი, ნეშოში კი მორიელი. რომ არ ჩამოგვარდნილიყავი, ფეხები წვრილ ტოტებს შუა შევყავი. როცა საბოლოოდ მოვეწყე, ხალხი ხიდან ჩამოვიდა და ხმამაღალი ბაასით იბისთან ერთად წავიდა.

ჩემს ქვემოთ ათი ფუტის მანძილზე მოედანი იყო. მისი სიგრძე ოცი ფუტი იქნებოდა, სიგანე — ათი ფუტი. მოედნის იქით მაღალი ბალახითა და ხშირი ბუჩქნარით დაფარული ბორცვი იწყებოდა, საიდანაც ნაკადულის ჩუხჩუხი ისმოდა. ვეფხვმა აქ საუცხოო ადგილი ჰპოვა თავშესაფრად.

იბის წასვლის შემდეგ თხუთმეტი წუთიც არ ვასულა, რომ შორს ხეობის ბოლოში მაიმუნმა დაიყვირა და ჭუნგლების ბინადარნი გააფრთხილა ვეფხვის იქ ყოფნის შესახებ. რადგან მან არ ასტეხა განგაში, როცა ნათრევის კვალს მოვეყვებოდით. ცხადი იყო, რომ ჩვენი მიახლოებისას ვეფხვი თავის ადგილას იყო. მალე მან გადაწყვიტა გამოერკვია, რა ხმები გაისმოდა მისი ნადავლის ახლოს (ჩვეულებისამებრ ასე იქცევიან ვეფხვები). შესაძლოა, ვეფხვი სადმე იქვე იწვა, თუმცა განგაშის ამტეხი მაიმუნი ჩემგან მილის მეოთხედზე იმყოფებოდა — ბუნებამ მაიმუნი იშვიათი მხედველობით დააჩილდოვა.

მოკლული მოზვერი ჩემ მარცხნივ ეგდო. მაიმუნმა მოასწრო რვაჯერ დაყვირება, როცა ჩემ ზურგს უკან მდებარე ბორცვის ფერდობზე ხმელმა რტომ გაიტკაცუნა. თავი მარჯვნივ მოვაბრუნე, ჩემ ზემოთ აღმართულ ამონაყრის მწკრივში გავიხედე და დავინახე ვეფხვი. ის ჩემგან ორმოც იარღზე იდგა და ჩემი ხისკენ იყურებოდა. რამდენიმე წუთს არ განძრეულა, მხოლოდ მზერა გადაჰქონდა იმ ხეზე, რომელზეც

ჩვენი ხალხი აცოცდა. ბოლოს გადაწყვიტა ჩემკენ წამოსული-
ყო და ფერდობს შეუდგა. ვერცერთი ადამიანი ვერ შეძლებდა
ამ ციცაბო აღმართზე ასვლას ხელების დაუხმარებლად და
უხმაუროდ, მაგრამ ვეფხვემა ეს იოლად გააკეთა. იგი ფრთხი-
ლად მიიპარებოდა მოედნისაკენ და სულ უფრო მჭიდროდ
ეკვროდა მუცლით მიწას. მოედნის ნაპირზე მან ნელა ასწია
თავი და ყურადღებით შეათვალიერა ხე, რომელზეც ჩვენი
ხალხი ავიდა. როცა დარწმუნდა, რომ მასზე არავინ იყო,
მოედანზე გადახტა და თვალს მიეფარა. ვვარაუდობდი, ნადავ-
ლთან მივა და ჩემგან მარცხნივ გამოჩნდება-მეთქი. მაგრამ
როცა ხმელი ნეშოს შრიალი გავიგონე, მივხვდი: ვეფხვემა ჩემი
ხის ქვეშ მოიკალათა.

შემდეგ თხუთმეტ წუთს არ გავნძრეულვარ და არც ვეფხვს
ამოუღია ხმა. თავი მარჯვნივ მივიბრუნე, კისერი წავიგრძელე
და ამონაყრიდან მისი თავი დავინახე. მე რომ ცრემლი
გადმომვარდნოდა, იგი ნამდვილად ცხვირზე დაეცემოდა მას.
ნიკაპი მიწაზე დაედო, თვალები დაეხუჭა. უცებ თვალები და-
ახამხამა, რომ ბუზები გაერეკა, კვლავ დახუჭა და დაიძინა.
თოფი მარცხნივ მივიბრუნე. ამ მხარეზე არ იყო არც ახალ-
გაზრდა ამონაყარი და არც ისეთი რტოები, რომლებზეც
შემძლებოდა დაყრდნობა.

შექმნილი მდგომარეობა კარგად უნდა ამეწონ-დამეწონა.
ხის სიმსხო, რომელსაც ზურგით მივეყრდენი, სამი ფუტი
იქნებოდა და სავსებით მფარავდა, ისე რომ ვეფხვი ვერ
დამინახავდა. თუ არაფერი აწუხებს, იგი უეჭველად თავისი
ნადავლისაკენ გაემართება. საქმე ისაა, როდის გააკეთებს ამას.
ცხელი დღე იყო, ჩემი ხის მუქ ჩრდილში ვეფხვი იწვა და
თანაც ხეობაში გრილი ქარი ქროდა. ამიტომ მას შეეძლო
ქალიან დიდხანს სძინებოდა და ნადავლთან დაღამებამდე არ
მისულიყო, და სროლის შესაძლებლობა არ მქონოდა. მაშასა-
დამე, ვეფხვის გამოძინებას ვერ მოვუცდიდი. გარდა ამისა
იწურებოდა დრო, რომელიც მე და იბიმ გამოვძებნეთ ამ
ნადირობისათვის, რომლის წარმატებით დამთავრებასთან
მრავალი ადამიანის სიცოცხლე იყო დაკავშირებული; მეორე
ასეთი შემთხვევა იქნებ აღარც მომცემოდა. ერთი სიტყვით,
ვეფხვთან დაუყოვნებლივ უნდა გამესწორებინა ანგარიში.

შემძლო შაშხანის ლულა ამონაყრებს შორის მარჯვენა მხრიდან გაჩეყო, მაგრამ ლულას იმდენად ვერ დავუშვებდი, რომ ნიშანში ვეფხვის თავი ამომეღო. იოლად ავიღოდი უფრო მაღლა და ამონაყრის ზემოდან ვესროდი, მაგრამ ეს უხმაუროდ არ მოხერხდებოდა. ხმელი ფოთლები, რომელზეც ვიჯექი, ჩემი სიძიმისაგან განთავისუფლების შემდეგ აშრიალდებოდა. ჩემგან სულ ათიოდე ფუტის მანძილზე კი იმყოფებოდა ჯუნგლების ბინადართა შორის ყველაზე მახვილი სმენის მქონე მხეცი. ამგვარად, თავში სროლა შეუძლებელი იყო.

როცა ორივე ხელით შაშხანა მეჭირა და კისერს მარცხნივ ვკიმავედი, თითქმის ვეფხვის მთელ კუდსა და უკანა თათის ნაწილს ვხედავედი. აღმოჩნდა, რომ თუ ამონაყარს მარჯვენა ხელით ჩავეჭიდებოდი და წინ გადავიხრებოდი, ვეფხვის სხეულის შესამედს დავინახავდი. ასეთ მდგომარეობაში კიდევაც რომ დამეცვა წონასწორობა, თუ ხელს არ ჩავევლებდი ამონაყარს, მაინც ვერ მოვახერხებდი მიძიმედ დამეჭრა იგი. ფიჭრიცხოველის და ისიც მძინარის დასახიჩრებაზე მხოლოდ იმიტომ, რომ მას მოსწონს ნაირნაირი საჭმელი, ჩემთვის საძულველი იყო. მაგრამ, როცა საქმე ეხებოდა კაციჭამიას, გრძობებს ვერ ავყვებოდი. მრავალი დღე ვეძებდი შემთხვევას ამ ვეფხვის მოსაკლავად, რომ ადამიანები დაღუპვისაგან მეხსნა, და ახლა უფლება არ მქონდა უგულვებელმეყო ასეთი მომენტი მხოლოდ იმიტომ, რომ მისთვის ჯერ ხერხემალი უნდა გადაემსხვრია. მაშ ასე, ვეფხვის ბედი გადაწყვეტილი იყო, თუმცა მისი მოკვლის მეთოდი სულსა და გულს არ უდგებოდა. ჩანათიქრი რაც შეიძლება სწრაფად უნდა განმეხორციელებინა, რადგან მსხვერპლის გადატანისას ვეფხვმა ორი მილი სიგრძის ნაკვალევი დატოვა და რომელიმე მშიერ დათვის შეეძლო ნადავლს წაწყდომოდა, ყოველ წუთს მოსალოდნელი იყო მისი გამოჩენა და ყველაფერი ჩაიშლებოდა. დავიკავე საჭირო მდგომარეობა, ნელა გავშალე ამონაყარზე ჩაჭიდებული თითები, შემდეგ ორივე ხელით ავიღე შაშხანა, დავუმიზნე და ვესროლე. როცა ჩემი 450/400-ყალიბიანი სწრაფმსროლელი შაშხანის სასხლეტს ვაწვებოდი, მისი კონდახი ცისაკენ იყო აშვერილი, მზერა კი სამიზნე ჩარჩოს მივაპყარი. უკუდარტყმისას ხელი მეტკინა, მაგრამ თითები

და მაჯა არ დამზიანებია; როცა ვეფხვი სხეულის წინა ნაწი-
ლით ავარდა და დაიწყო ზურგით დაცურება ბორცვზე, სწრა-
ფად შემოვბრუნდი და მეორე ლულიდან ტყვია გულში დავა-
ხალე. თავს არ ვიგრძნობდი საშინელ მკვლელად, რომ პირვე-
ლი გასროლის შემდეგ ვეფხვს ღმუილი და ბორცვა დაეწყო,
მაგრამ, როგორც კეთილშობილ ცხოველს შეჰფერის, მას
ხმა არ ამოუღია, და მეორე გასროლის შემდეგ მოკვდა.

როცა იბი მიდიოდა, მას განზრახული ჰქონდა ჩასაფრე-
ბულიყო სოფელ თხაკთან, ოთხი დღის წინათ მოკლული მოზ-
ვრის ახლოს, — სვავებმა მას რატომღაც პირი არ დააყარეს.
იბი ვარაუდობდა, თუ ვეფხვმა დაინახა, როგორ ავცოცდი
ფიკუსზე, ამ ნადავლს აღარ მიეკარება, ძველს დაუბრუნდე-
ბოდა და იქ მოვკლავო. თოფის ზედიზედ ორი გასროლა რომ
გაიგონა, იბი ჩემკენ გამოეშურა, იფიქრა დახმარება დამჭირ-
დებოდა. ერთმანეთს ფიკუსიდან ნახევარ მილზე შევხვდით
და ერთად წავედით ვეფხვის სანახავად. ეს იყო სულ ცოტა
ცხრა ფუტისა და ექვსი ღუიმი სიგრძის დიდი, ლამაზი, ჯან-
სალი ხვადი. მარჯვენა ქვედა დიდი კბილი მართლაც მოტეხი-
ლი ჰქონდა; მოგვიანებით ვეფხვის სხეულის სხვადასხვა
ნაწილში რამდენიმე საფანტი ვიპოვე.

ვეფხვი ძალიან მძიმე აღმოჩნდა და ჩვენ ორმა ვერ შევ-
ძელით მისი ბანაკში მიტანა. ამიტომ ბალახები, რტოები,
ნაფოტები დავაყარეთ, ზედ ლოდები დავაწყეთ, რომ დათვე-
ბისაგან დაგვეცვა, და წავედით. ცნობა იმის შესახებ, რომ
კაციჭამია მოკლეს, ღამით ელვის სისწრაფით მოედო მთელ
ახლო-მახლო სოფლებს, და მეორე დილას, როცა ვეფხვი
გასატყავებლად ფიკუსის ხესთან გადმოვიტანეთ, ჩვენ გარ-
შემო თავი მოიყარა ასზე მეტმა კაცმა და ბავშვმა, რომელთაც
სურდათ ენახათ ვეფხვი. მათ შორის იყო ჩუქელი კაციჭამიას
უკანასკნელი მსხვერპლის ძმა, ათი წლის ბიჭუნა.



ბალაღეუის კაციჰამია

1

ჰიმალაის მთისწინეთზე ვერ ნახავთ ბანაკისათვის იმაზე უფრო ლამაზ ადგილს, ვიდრე ბინდუქხერის მახლობელ ტყეშია, „ცეცხლმოდებულ“ ხეებს შორის, განსაკუთრებით მათი ყვავილობის დროს. წარმოიდგინეთ ნარინჯისფერ ყვავილნარში ჩაფლული თეთრი კარვები; წითლად და ოქროსფრად შებუსბუსილი ურიცხვი ფრინველი — გრძელბოლოიანი თუთიყუშები ვარდისფერი თავებით, ოქროსფერი მოლალურები, ღია ყვითელზურგიანი კოდალები, ქოჩორა დრონგოები, რომლებიც ხიდან ხეზე დაფრინავენ, ტოტებს არხევენ და ძირს დაცვნილი ყვავილებით მიწას ღია ნარინჯისფერ ხალიჩას ამსგავსებენ. უკანა პლანზე ხშირი ტყით დაფარული ბორცვე-

ბია, მის ზემოთ ერთმანეთზე მათათა თხემები მიჯრილან, უფრო მაღლა კი მუდმივი თოვლით დაფარული ჰიმალაის მწვერვალებია. წარმოიდგინეთ ყოველთავე ეს, და თვალწინ დაგიდგებათ ჩვენი ბანაკი ბინდუქხერში, როგორც ის გახლდათ 1929 წლის თებერვლის დილით.

ბინდუქხერი ადგილის სახელწოდებაა, სადაც, ჩვეულებრივ, ბანაკებს აწყობენ ხოლმე. ეს ადგილი სიგრძით თორმეტი, სიგანით ათი მილია და ბალახით დაფარული ვრცელი ვაკის ნაპირზე მდებარეობს. როცა კუმაონის ადმინისტრაციას სერ ჰენრი რაჰსეი მეთაურობდა, მაშინ მთელ ამ მიწას ამუშავებდნენ; ხოლო იმ დროისთვის, რომელსაც ჩემი მოთხრობა ეხება, აქ მხოლოდ სამი პატარა სოფელიღა დარჩა. თვითეულ მათგანს რამდენიმე აკრი სახნავი მიწა ჰქონდა. სახნავი ადგილები გაფანტული იყო მდინარის ნაპირების გასწვრივ, მდინარისა, რომელიც მდორედ მიიკლაკნება დაბლობზე. ჩვენს მისვლამდე რამდენიმე კვირით ადრე ვაკეზე ბალახი გადატრუსულიყო. მხოლოდ ნოტიო ადგილებში მოჩანდა მწვანე კუნძულები. სწორედ აქ ვვარაუდობდით ნადირის პოვნას, რისთვისაც ბინდუქხერში ერთი კვირით ჩამოვედი. უკანასკნელი ათი წლის განმავლობაში არა ერთხელ მინადირია ამ ადგილებში და აქ მიწის თითოეულ მტკაველს ვიკნობდი, ამიტომ ნადირობის ხელმძღვანელობა მე დამავეალეს.

ტერაიების* დაბლობებში გარეულ ფრინველთა ხოცვა, როცა კარგად გაწვრთნილი სპილოს ზურგზე ზიხარ, ნადირობის ერთ-ერთი სასიამოვნო სახეობაა. როგორ ხანგრძლივაც უნდა გაგრძელდეს ნადირობა, თითოეული წამი საინტერესოა, აღსავსეა მღელვარებითა და განცდებით. გარდა სხვადასხვა სახეობის ფრინველისა, იბლიან დღეებში ჩვენ გვქონდა შემთხვევები მოგვეკლა თვრამეტი სახეობის ფრინველი და ცხოველი, მოყოლებული მწყერიტა და ჩიბუხათი, გათავებული ჭიჭითა და ჭაობის ირმით. ირგვლივ ხედავთ ფრთოსანთა მთელ სამყაროს, რომელსაც ქვეითად ნადირობის დროს ვერ ამჩნევთ.

თებერვლის იმ დილას — ჩვენი ნადირობის პირველ დღეს

* ტერაი — ჰიმალაის მთისწინეთის ვიწრო ვაკობი ნაწილი.

ბანაკში ცხრა მონადირე და ხუთი მეთვალყურე ვიყავით. საუზმის შემდეგ სპილოებზე ავედით და გავამწკრივეთ ისინი. მე მწკრივის ცენტრში დავიკავე ადგილი. სამხრეთისკენ დავიძარით. მარჯვენა მხრიდან ორმოცდაათ იარღზე მწკრივს მიუძღოდა მონადირე, რომელსაც ტყისაკენ გზა უნდა გადაეღობა ჩვენი მიახლოების დროს ბალახიდან აფრენილი ფრინველისათვის. სხვადასხვა სახეობის ფრინველებზე ნადირობის დროს თუ თქვენ გექნებათ საშუალება შეარჩიოთ ადგილი მწკრივში. აირჩიეთ გვერდითი მხარე, მხოლოდ იმ პირობით, რომ კარგად უნდა ისროდეთ როგორც გლუვგულუიანი თოფით, ისე შაშხანით. სპილოების მიერ აფრენილი ფრინველი ნაპირს ეტანება. მაგრამ ძალიან ძნელია ფრინველს ან ცხოველს მოახვედრო მას შემდეგ, რაც მას სხვებმა ესროლეს.

ჯუნგლების სურნელით გაქლენთილი დილის სუფთა ჰაერი შამპანურივით გცემთ თავში. ასევე მოქმედებს ის ფრინველებზეც.

ამის შედეგად მონადირეებსა და ფრინველებს მიდრეკილება აქვთ გამოიჩინონ ზედმეტი სიფიცხე. მეტისმეტად სულსწრაფი მონადირე, მით უმეტეს, თუ ის ესვრის მფრთხალ ფრინველს, ვერასოდეს ვერ გაავესებს ჩანთას ნანადირევით. ამიტომ ნადირობის პირველი წუთები კარგ ამინდშიც კი ისევე უშედეგოა, როგორც ნადირობის დასასრული, როცა კუნთები და თვალები გადაღლილია ზედმეტი დაძაბულობისაგან. იმ დღეს ფრინველი ძალზე ბევრი იყო, და მას შემდეგ, რაც მონადირეთა სულწასულობა დაცხრა, საქმე უკეთესად წარიმართა. ტყის ნაპირზე პირველი გავლის დროს ჩვენ მოვკალით ხუთი ფარშევანგი, სამი გარეული წითელი ქათამი, ათი შავი და ოთხი ნაცარა კაკაბი, ორი ბუჩქნარის მწყერი და სამი კურდღელი, მაგრამ ხელიდან გავვისხლტა კარგი სამხზარი, რომელიც ტყეში მანამდე მიიმალა, სანამ რომელიმე ჩვენგანი მის ნიშანში ამოღებას მოასწრებდა.

იმ ადგილას, სადაც ტყე, თითქოს გრძელი ენააო, რამდენიმე ასეულ იარღზე დაბლობშია შემოჭრილი, ვუბრძანე შევჩერებულიყავით. ეს ტყე განთქმულია იმით, რომ აქ წელიწადის ყოველ დროს მრავალი ფარშევანგი და გარეული ქათამი იცის. მაგრამ ეს ტყე დასერილია წყლის ღვარებით წარ-

მოქმნილი ღრმა ხევებით; ეს ხელს გვიშლიდა სწორი მწყობრით გველო და ამიტომ გადავწყვიტე ამ ტყეში არ შევსულიყავი, მით უფრო, რომ თან ერთი გამოუცდელი მონადირე გვახლდა — იმ დილას მან პირველად გაისროლა სპილოს ზურგიდან. აქ რამდენიმე წლის წინათ უინდხემთან ერთად ვნადირობდი ვეფხვზე და პირველად დავინახე ღია მოწითალო ლამურა. ეს ლამაზი არსებანი ერთი ადგილიდან მეორეზე გადაფრენისას საუცხოო პებლებს წააგავან და, რამდენადაც ვიცი, მხოლოდ ხშირ მაღალ ბალახში გვხვდებიან.

მას შემდეგ, რაც სპილოები შედგნენ, ისინი მოვაბრუნე და გავუყენე გზას აღმოსავლეთისაკენ. როცა უკანასკნელმა სპილომ გაიარა ის ნაკვეთი, სადაც ცოტა ხნის წინათ აგვიფრინდა ფრინველი, კვლავ შევაჩერე ისინი და ჩრდილოეთისაკენ შემოვაბრუნე. შორს აზიდულიყო პიმალი, ხოლო პირდაპირ ჩვენ წინ ჰაერში ეკადა მზისგან გაჩახჩახებული თეთრი ღრუბელი, რომელიც ისე სქელი ჩანდა, რომ ზედ შეეძლოთ თავისუფლად ეცეკვათ ანგელოზებს.

ჩვიდმეტი სპილოს მწყრივის სივრძე დამოკიდებულია ადგილმდებარეობაზე, სადაც ნადირობა წარმოებს. იქ, სადაც ხშირი ბალახია, მწყრივს ას იარდამდე ვამცილებდი, ხოლო ნაკვეთზე, სადაც თხელი ბალახი იყო, მწყრივს ორჯერ ვზრდიდი. გავიარეთ დაახლოებით ერთი მილი ჩრდილოეთისაკენ, კიდევ ოცდაათი ფრინველი და ჯიქი მოვკალით, უცებ ჩვენ წინ მიწის ბუ აფრინდა. რამდენიმე თოფი გავარდა, ვიდრე მონადირეები მოისაზრებდნენ, თუ რა ფრინველი იყო ის. მიწის ბუ სიდიდით ორჯერ დიდია კაკაბზე. ჩვეულებრივ ბუზე უფრო გრძელი ფეხი აქვს და ფრენის დროს თეთრად მოჩანს. ბინადრობს ქვეწარმავლების ან მაჩვზღარბის მიერ მიტოვებულ სოროებში. სპილოების მიახლოებისას ისინი, ჩვეულებრივ, გადაფრინდებიან ხოლმე წინ ორმოცდაათი-ასი იარდის მანძილზე. დაფრინავენ დაბლა, მიწის ზედაპირთან ახლო და სხდებიან. მე მგონია, ისინი ამას იმიტომ აკეთებენ, რომ დაელოდონ, სანამ სპილოები გასცილდებიან მათ სოროებს, რადგან მწყრივის მეორედ მიახლოების დროს ბუები უსათუოდ უკან ბრუნდებიან. მაგრამ ჩვენ მიერ იმ დილით აფრენილი ბუ სულ სხვანაირად მოიქცა. გაფრინდა წინ ორმოცდაათი

თუ სამოცი იარდის მანძილზე, ერთბაშად დაიწყო მცირე წრე-
ებად სიმაღლის აღება. მიზეზი გამოირკვა ერთი წუთის შემ-
დეგ, როცა ტყის მარცხენა მხრიდან სწრაფად მფრინავი შე-
ვარდენი გამოჩნდა. ბუს აღარ შეეძლო თავი შეეფარებინა სო-
როში და ახლა თავგანწირვით იბრძოდა, რომ შეეარდენზე
მალლა ყოფილიყო. ფრთების ხშირი ქნევით ის მალლა ავარ-
და. ამასობაში შევარდენი ფართოდ გაშლილი ფრთებით წყნა-
რად გარს უვლიდა თავის მსხვერპლს და დინჯად იღებდა სი-
მაღლეს. ჩვენ თვალს არ ვაშორებდით ამ საინტერესო სცენას
და შევწყვიტე ნადირობა.

ძნელია სიმაღლე განსაზღვრო, თუ მას არ შეადარებ რა-
მეს. ორივე ფრინველი დაახლოებით ათასი ფუტის სიმაღლე-
ზე იყო, როცა ბუმ რომელიც ისევ წრიულად ფრინავდა,
დაიწყო თანდათანობით მიახლოება თეთრ ღრუბელთან. მეჩვე-
ნებოდა, თითქოს ანგელოზებმა შეწყვიტეს ცეკვა, რომ დახ-
მარებოდნენ — უკანასკნელი ღონე მოეკრიბა და მათ ღრუბ-
ლებში მიმალულიყო. შევარდენი მიუხვდა ბუს განზრახვას,
შეავიწროვა ფრენის წრე, დაიწყო სწრაფად მალლა ასვლა.
მოასწრებს ბუ ღრუბლებში თავის შეფარებას, თუ შევარდენის
მიახლოება აიძულებს მას დააკარგვინოს ნებისყოფა, ქვასა-
ვით დაეშვას ძირს, რომ ამაო დაძაბულობის შედეგად მიაღ-
წიოს დედამიწას და თავშესაფარი ჰპოვოს სოროში?

ნადირობის ზოგიერთმა მონაწილემ საველე ღურბინდს
სტაცა ხელი. მწკრივში სხვადასხვა ენაზე გაისმა აღელვებუ-
ლი შეძახილები:

— ვერ მოასწრებს!

— მოასწრებს, მოასწრებს!

— უკვე სულ ახლოა!

— შეხედე, შეხედე, შევარდენი ეწევა!

და უცბად ღრუბლების ფონზე მხოლოდ ერთი ფრინველი
დარჩა. ყოჩაღ! აი, რა ყოჩაღი ყოფილა! ბუმ გაიმარჯვა. სა-
ნამ ხალხი ქუდებს იქნევდა და ტაშს უკრავდა, შევარდენი
ფრთავაშლით მოხდენილად შემობრუნდა და ნელა დაეშვა იმ
ხეზე, რომლიდანაც აფრინდა.

წინასწარ ვერასოდეს ვერ გამოიცნობ, როგორ გამოეხმაუ-
რება ადამიანი ამა თუ იმ მოვლენას. იმ დილით ნადირობის

მონაწილეებმა თვალი არ დაუხმარებიათ, ისე მოკლეს ორ-მოცდათოთხმეტი ფრინველი და ოთხი ცხოველი — მეტს და-ხოცავდნენ, რომ ყოველი გასროლა მიზანს მოხვედროდა. ახლა კი ყველა მონადირე და სპილოების გამრეკიც ალტაცე-ბულნი იყვნენ, რომ მიწის ბუ შევარდენის ბრჭყალებში არ ჩაეარდა.

დაბლობის ჩრდილოეთ ბოლოს სპილოები კვლავ სამ-ხრეთისკენ შემოვადრუნე, რომ ისინი იმ ნაკადულის მარჯვენა ნაპირის გასწვრივ გამეტარებინა, რომელიც სამი სოფლის ყანებს რწყავს. აქ ნესტიან ნიადაგზე ხშირი ბალახი იზრდებოდა და ყველას შაშხანები მომზადებული ჰქონდა, რადგან ამ რაიონში ჭაობის ბევრი ირმები ბინადრობდა და ჭიქებიც გვხვდებოდა.

როცა დაახლოებით ერთი მილი გავიარეთ და მოვკალით კიდევ ხუთი ფარშევანგი, ოთხი მამალი სავათი (დედლებზე ნადირობა აკრძალული იყო), სამი ჩიბუხა და ერთი ჭაობის ლამაზრქებიანი ირემი, ჩემ უკან სპილოზე მჯდომმა მეთვალ-ყურემ „შემთხვევით“ გაისროლა მძიმე სწრაფმსროლელი შაშხანა. თოფის წამლის გაზმა შემიტრუსა მარცხენა ყური და დამიზიანა ყურის დაფის აპკი. ამ თებერვლის დღის დანარ-ჩენი ნაწილი ჩემთვის ტანჯვად გადაიქცა. ბოლოს, თეთრად გათენებული ღამის შემდეგ, როცა ბანაკს ჯერ კიდევ ეძინა, მოვიმიზეზე, სახლში სასწრაფო სამუშაო მაქვს-მეთქი და გარეყრაყზე ოცდახუთმილიანი გზით კალაღხუნგში ფეხით წა-ვედი.

კალაღხუნგში ექიმმა, უნარიანმა ახალგაზრდა კაცმა, რომელსაც ახლა ხანს მიეღო სამედიცინო განათლება, დამიდას-ტურა შიში, დაადგინა, რომ დაფის აპკი გამისკდა. ერთი თვის შემდეგ გადავედით საზაფხულო სახლში ნაინი ტალში. რამ-სეის სახელობის საავადმყოფოში ოლქის ექიმმა პოლკოვნიკ-მა ბარბერმა ვამისინჯა ყური და იგივე დიაგნოზი დასვა. მა-ლე გამომივიდა ჩირქოვანი მუწუჯი. ეს ჩემზე ნაკლებად როდი აწუხებდა ჩემ ორ დას, მაგრამ რადგან საავადმყოფოში მეტს ველარაფერს გამიკეთებდნენ, გადავწყვიტე, მიუხედავად დების სურვილისა და პოლკოვნიკ ბარბერის რჩევისა, გავ-მგზავრებულიყავი.

ეს უბედური შემთხვევა გავიხსენე არა იმისათვის, რომ მკითხველის თანაგრძნობა გამომეწვია, არამედ იმიტომ, რომ პირდაპირი კავშირი აქვს ტალადეშის კაციქამიას ამბავთან, რაზეც მინდა ახლა ვიამბოთ.

2

1929 წელს ალმორისა და ნაინი ტალის კომისრებად იყვნენ ბილ ბენესი და ჰემ ვივიანი. ორივე ოლქის მოსახლეობა გაწამებული იყო კაციქამიებისაგან: პირველი — ტალადეშის. მეორე ჩოუგარხის კაციქამია ვეფხვისაგან.

ვივიანს დავპირდი, ვეფხვს ჯერ შენს ოლქში მოვსპობ-მეთქი, მაგრამ ვინაიდან იმ თვეებში ის ნაკლებ აქტივობას იჩენდა, ვიდრე ბენესის ოლქის ვეფხვი, ვივიანის თანხმობით გადავწყვიტე ჯერ ბოლო მომელო ტალადეშელი ვეფხვისათვის. ვიმედოვნებდი ეს ნადირობა დამეხმარებოდა ავადმყოფობის გადატანასა და ნაწილობრივი სმენის დაკარგვით გამოწვეულ ჩემს ახალ მდგომარეობასთან შეგუებაში. მაშ ასე, მე ტალადეშში გავემგზავრე.

მე მანამდე არ დავიწყე ტალადეშის ვეფხვზე მოთხრობის წერა, ვიდრე არ დავამთავრე წიგნი „ჯუნგლების ბატონ-პატრონი“. ამ მოთხრობის გამოქვეყნება მანამდე, სანამ მკითხველი გაეცნობა წიგნს და გაიგებს იქიდან, თუ რა ვისწავლე ბავშვობისა და ყმაწვილობის წლებში (მაგალითად, როგორ მევლო ჯუნგლებში, როგორ მესარგებლა იარაღით) — ნიშნავდა ჩემ მიერ მოთხრობილი ამბები საექვო გამეხადა იმ ადამიანებისათვის, რომლებიც ამ დროს კუმაონში არ ყოფილან. ხოლო მას შემდეგ, რაც ჩემი ანდრინდელი მოთხრობები მკითხველმა სრული ნდობით მიიღო, არ მსურდა მათ ჩემდამი ნდობა დაეკარგათ.

მალე დავამთავრე სამზადისი და 4 აპრილს დავტოვე ნაინი ტალი ექვსი გარხვალელის თანხლებით. მათ შორის იყვნენ მადხო სინგხი, მზარეული ელახაი და ბრაჰმანი განგარამა, რომელიც სხვადასხვა სამუშაოს ასრულებდა და ძალიან სურდა ჩვენთან წამოსვლა. კატხგოდამდე თოთხმეტი მილი გავიარეთ, საღამოს მატარებელში ჩავსხედით, ბარეილსა და

პილიბპიტზე გავლით მეორე დღის შუადღის ხანს ტანაკპურში ჩავედით. იქ შემხვდა პეშკარი და მაცნობა, გუშინ ტალადეშის კაციჰამიამ ბიჭი მოკლაო. მისგანვე შევიტყვე, რომ ბეინესის განკარგულებით ტალადეშში ჩამპავატზე გავლით გაგზავნეს ორი მოზვერი, რომლებიც ვეფხვის მისატყუებლად იყო განკუთვნილი. მას შემდეგ, რაც ჩემმა თანამგზავრებმა საქმელი მოამზადეს და ისაუბმეს, მე კი საფოსტო ბუნგალოში შევანყრდი, კარგი განწყობილებით გავემგზავრეთ კალადხუნგში (არ აგერიოთ კალადხუნგიში), და ვგარაუდობდი საღამომდე ოცდაათხი მილი გაგვევლო.

პირველი ოცი მთელი — ბარამდეოზე გავლით პურგაგირის წმინდა მთის ძირამდე — გზა თითქმის მთლიანად ტყეში გადის. მთის ძირთან გზა თავდება და კალადხუნგში მისვლა ორი გზით შეიძლება. ერთი უფრო გრძელი — ციცაბო ბილიკით შეგიძლია ახვიდე მთის მარცხენა ფერდობზე პურნაგირის ტაძრებამდე, გადალახო ქედის განშტოება და კალადხუნგთან დაეშვა. მეორე — უნდა გაიარო ერთი მილიონი კუბური ფუტი სალის ხის გადასატანად გაყვანილ კოლიერის ვიწროლიანდაგიანი რკინიგზის გასწვრივ. რაზოაც უკვე ზომოთ გიამბეთ. წინათ მდინარე სარდის ხეობაში გამავალი ვიწროლიანდაგიანი რკინიგზის ნაწილი ნიაღვარმა ჩამორეცხა, კლდოვანი მთის ფერდობზე გაჭრილი მონაკვეთი კი შემონახულია. ეს გადასვლა ძალიან ძნელი იყო ექვსი მძიმედ დატვირთული გარბვალელისათვის, და დადამებამდე მხოლოდ ნახევარი ხეობის გავლა შეეძლებოდა. მოსალოდნელი ზვავის ჩამოწოლის გამო დასასვენებელი ადგილის მონახვა არცთუ ისე ადვილი აღმოჩნდა. ბოლოს ვიწრო შვერილზე გადმოკიდებული კლდის ქვეშ მოვეწყეთ, რომელიც მთიდან ჩამოცვენილი ქვებისაგან გვიცავდა. გადავწყვიტეთ ღამე აქ გაგვეტარებინა. ნასადილევს, სანამ ჩემი თანამგზავრები საქმელს იმზადებდნენ, ნაფოტებითა და ძელის ნამტვრევებით ცეცხლი დავანთე, გავიხადე და სამგზავრო საწოლში დავწექი. ეს იყო ერთადერთი საბანაკო მოწყობილობის საგანი, გარდა კარავისა და ტაშტი-სა, რომლებიც თან მქონდა წამოღებული.

განვლილი დღე ცხელი იყო; ტანაკპურში მატარებლიდან რომ ჩამოვედით, დაახლოებით თექვსმეტი მილი გავიარეთ. სა-

ამო დაქანცულობას ვგრძნობდი, ნასადილევს ტკბილად ვაბო-
ლებდი სიგარეტს, რომ უცბად მდინარის გაღმა სამი კაშკაშა
წერტილი დავინახე. ნებალში ყოველ წელს იწვის ტყეები,
ამასთან ხანძარი იწყება აპრილში, და მე გადავწყვიტე, ხეო-
ბაში ამოვარდნილია ქარმა ნაკვერჩხლები გააღვივა-მეთქი.
ვიდრე მშვიდად ვადევნებდი თვალს სამ წერტილს, ცოტა ზე-
ვით კიდევ ორი წერტილი გამოჩნდა. მალე ერთმა მათგანმა,
მარცხენამ, ნელა იწყო დაშვება ქვემოთ და იმ თავდაპირველი
სამიდან შუა წერტილს შეუერთდა. ჩემთვის ნათელი გახდა,
რომ შეეცდი, როცა ეს ჩირალდნები ხანძრის ალად მივიჩნიე.
ყველა ისინი ერთნაირი სიდიდისა იყო — დაახლოებით ორი
ფუტი დიამეტრი ჰქონდათ და თანაბრად ანათებდნენ, უალოდ
და უკვამლოდ. ცოტა ხნის შემდეგ, როცა მათმა რაოდენობამ
იმატა — ერთნი გამოჩნდნენ მარცხნივ, მეორენი მალლა ფერ-
დობზე, — ეს უჩვეულო ამბავი თავისთავად აიხსნა: როგორც
ჩანს, ვილაც მდიდარმა ნადირობის დროს ძვირფასი ნივთი
დაჰკარგა და ახლა ხალხი ფარნებით გაგზავნა მის საძებნელად.
ცხადია, რომ ეს ახსნა უჩვეულოა, მაგრამ მარად თოვლიანი
მთების მწვერვალებიდან წამოსული მდინარის მეორე ნაპირზე
განა ცოტა რამ ხდება ისეთი, რაც ჩვენი შეხედულებით საოც-
რებაა?

ჩემი თანამგზავრებიც დაინტერესდნენ ჩირალდნებით. მდი-
ნარე ჩუმად მოედინებოდა, წყნარი ღამე იყო. მე ვკითხე მათ,
ხომ არ გაგიგონიათ ხმები ან რაიმე ხმაური-მეთქი — ხეობის
მეორე ნაპირამდე ას ორმოცდაათი იარღი მაინც იქნებოდა.
მათ მიპასუხეს, არაფერი გესმენიაო. თავის ტეხა იმის გამო-
საცნობად, თუ რა ხდებოდა მოპირდაპირე ბორცვზე, უნაყოფო
იყო. ყველანი დავიღალენით დაძაბული დღის შემდეგ და მალე
ბანაკი ძილს მიეცა.

ღამით კლდიდან ერთხელ გადმოგვეძახა შეშფოთებულმა
გზორალმა, მოგვიანებით ჯიქის ღმუილი მოგვესმა.

წინ გრძელი გზა გვედო, მთაზე ძნელად საყალი აღმართე-
ბით, და ჯერ კიდევ საღამოს გავაფრთხილე ჩემი მხლებლები,
ბანაკიდან დილაადრიაანად გავალთ-მეთქი. როგორც კი აღმო-
სავლეთით ირიჟრაჟა, ცხელი ჩაი მომიტანეს. სამგზავროდ მზა-
დება დიდ დროს არ მოითხოვს, როცა სულ რამდენიმე ქვაბისა

და ტაფის ჩალაგება, შეფუთვა და სამგზავრო საწოლის დაკეცვაა საჭირო. მას შემდეგ, რაც მზარეული და მეზარეულე გარბვალელები დაწალიკებით დაეშენენ თხის ბილიკით ღრმა ხევში, რომელზეც კოლიერის დროინდელი რკინის ხიდი იყო გადებული, კიდევ ერთხელ შევხედე ბორცვს, სადაც წუხელ ცეცხლი დავინახეთ. მზე უკვე ამოდით და შორეული საგნები კარგად ჩანდა. ყურადღებით შევათვალე რე ამ ადგილის თითოეული ფუტი ბორცვის მწვერვალთან მოყოლებული წყალმდე და წყლიდან მწვერვალამდე. ჭერ თვალთ ვაკვირდებოდი, შემდეგ სავლე ღურბინდით. ადამიანის არაერთი კვალი არ ჩანდა, არც ჩემი თავდაპირველი ვარაუდი გამოდგასწორი: ალის რაიმე ნიშნები მე არ აღმომიჩენია. ერთი თვალის გადავლებით აშკარა გახდა, რომ მცენარეულობას აქ უკანასკნელი წლის მანძილზე ხანძარი არ შეხებოდა. ბორცვი ქვიანი იყო და მხოლოდ რამდენიმე მკვანარი ხე და ბუჩქი იზრდებოდა იმ ადგილებში, სადაც შეეძლოთ ფესვი გაედგათ რომელიმე ნაპრალსა ან ნაბზარში. იქ, სადაც გუშინ ჩირაღდნები ანათებდა, კლდე აზიდულიყო და ზედ ადამიანი ვერ ავიდოდა, თუ ზემოდან თოკით არ ჩაუშვებდნენ...

ცხრა დღეში ჩემი მისია შევასრულე და ღამის გასათევად კალაღხუნგში გავეჩერდი. კუმაონში ცოტაა ისეთი ადგილი, რომლებსაც ბუნების სილამაზისა და თევზაობის მოყვარული შეადარებდა კალაღხუნგს. კოლიერის მიერ იმ ხანებში აშენებულ ბუნგალოსთან, — როცა ნეპალიდან ინდოეთში ხე-ტყე გაჰქონდათ, — დაქანებული დიდი ტერასებით მდინარე სარდისკენ ეშვება. ამ ტერასებს ოდესღაც ამუშავებდნენ, ახლა კი მთლად ბალახით არის მოდებული. დილა-სადამოს აქ ბალახობენ სამბხარები და ჩიტალები*, ბუნგალოს უკან მშვენიერ ტყეებში ჭიქები და ვეფხვები ბინადრობენ, არის მრავალი ფრინველი, ფარშევანგების, გარეული ქათმებისა და ხონობი კალიჭების ჩათვლით. დიდი წყნარი წყალსატევები და ბუნგალოს ოდნავ ქვემოთ სარდას სწრაფი ჩქერები საუკეთესო ადგილებია სათევზაოდ როგორც მსხვილი მისატყუარიანი სპინინგით, ისე ანკესით

* ჩ ი ტ ა ლ ი — ხალეზიანი ირემი.

როცა კალაღბუნგი დავტოვეთ, განგა რამი მთის ბილიკით პურნაგირში წავიდა, დანარჩენები, მდინარე სარდას ხეობაზე გავლით. უფრო მოკლე გზით გაეშურნენ. განგა რამს ათი მილით ჩვენზე მეტი უნდა გაევიდოდა, რომ ჩვენი შესაწირავი პურნაგირის სალოცავის საკურთხეველზე მიეტანა. წასვლის წინ დავავალე მას ბარემ გაეგო ადგილობრივი მღვდლებისაგან ცეცხლის შესახებ. რომელიც ტალადემის გზაზე დავინახეთ. იგი იმ საღამოსვე შემოგვიერთდა ტანაკურში და გადმომცა თავისი საკუთარი დაკვირვებანი და ყველაფერი, რაც მღვდლებისაგან შეიტყო.

პურნაგირის სამლოცველოსკენ, — სადაც ყოველდღე ათათასობით მლოცველი მიედინება ქალღმერთის ბჰავატის თაყვანისაღმად, ორი გზა მიდის. ერთი ბარამდეოდან, მეორე კალაღბუნგიდან. ორივე გზა ერთმანეთს გადაკვეთავს მთის ჩრდილოეთ ფერდობზე თხემის მახლობლად; ამ ადგილას არის ერთ-ერთი აკლდამა, რომელიც ნაკლებად წმიდად მიაჩნიათ. უფრო წმიდა აკლდამა მარცხნივ უფრო მაღლა მდებარეობს. ამ „წმიდათა წმიდამდე“ მიღწევა შეიძლება მხოლოდ ციცაბო კლდის ვიწრო ნაპრალებზე გავლით. ნერვული ხალხი, ბავშვები და მოხუციანი მთიელებს ზურგზე მოკიდებული გოდრებით გადაჰყავთ. მიაჩნიათ, რომ ამ აკლდამამდე მიღწევა მხოლოდ იმით შეუძლიათ, ვისაც ქალღმერთი სწყალობს, დანარჩენებმა თავისი შესაწირავი ქვევით უნდა დატოვონ.

ზევით ღვთისმომსახურება იწყება მზის ამოსვლისას და მთავრდება შუადღის ხანს. ამის შემდეგ არც ერთ ადამიანს არა აქვს უფლება ქვედა აკლდამას გასცდეს, ზედა აკლდამას გვერდით ასი ფუტი სიმაღლის წვეტიანი მწვერვალია. მასზე ასვლა აკრძალულია ქალღმერთის მიერ. უხსოვარ დროში, ვიღაც თავის მოძმეებზე უფრო პატივმოყვარე სადბუ* ამ მწვერვალზე ასულა, რომ ქალღმერთს გასტოლებოდა. განრისხებულ ქალღმერთს სადბუ მთის მწვერვალიდან თოვლში დაბადებულ მდინარის გაღმა მდებარე ბორცვზე უსვრია. აი, სწორედ იქ, პურნაგირიდან სამუდამოდ განდევნილი საგბუ ევედრება ორი ათასი ფუტის სიმაღლეზე მდგომ ქალღმერთს და მის პატივ-

* სადბუ — განდევნილი.

საცემად ანთებს ცეცხლს, რომელიც მხოლოდ განსაზღვრულ დღეებში ჩანს (ჩვენ ის 5 აპრილს დავინახეთ), და მისი შემჩნევა მხოლოდ რჩეულთ შეუძლიათ. ამ პატივის ღირსი ჩემი ზალხი იმიტომ გახდა, რომ ვემზადებოდით დახმარება აღმოგვეჩინა მთიელებისათვის, რომელთაც ქალღმერთი მფარველობს.

პურნაგირში შეკრებილი ეს ცნობები განგა რამმა გამიზიარა, სანამ ტანაკპურის სადგურზე მატარებელს ველოდით. რამდემინე კვირის შემდეგ პურნაგირის მღვდელმთავარი მესტუმრა. ის მოვიდა ჩემს მიერ პურნაგირის ჩირალდნების შესახებ ადგილობრივ გაზეთში გამოქვეყნებულ წერილთან დაკავშირებით, რომ მოელოცა ჩემთვის, როგორც ერთადერთი ევროპელისათვის, რომელიც ღირსი გახდა მათი ხილვისა. სტატიაში აღვწერე ეს ამბავი ჩირალდნების შესახებ და დავძინე, რომ თუ მკითხველები უარყოფენ ჩემ მიერ მოყვანილ ახსნას და მოისურვებდნენ საკუთარი მოსაზრებები წამოაყენონ, უნდა გაითვალისწინონ შემდეგი: ჩირალდნები არ გამოჩენილა ერთდროულიდ; ყველა ისინი ერთი ზომის იყო. ქარი მათზე არავითარ ზემოქმედებას არ ახდენდა; ისინი ადგილს ინაცვლებდნენ.

მღვდელმთავარმა ხაზგასმით აღნიშნა, ჩირალდნების გამოჩენა დადგენილი ფაქტია, რომლის უარყოფა შეუძლებელიაო (ამაში დავეთანხმე, ვინაიდან თავად დავინახე ჩირალდნები), და დაუმატა, სხვა ახსნა, გარდა იმისა, რომელიც თქვენ მოიყვანეთ, შეუძლებელიაო.

მეორე წელს მდინარე სარდაზე სათევზაოდ წავედი სერ მალკოლმთან (ლორდ ჰეილისთან) ერთად. იგი მაშინ შეერთებული პროვინციების გუბერნატორი იყო. სერ მალკოლმს წაეკითხა ჩემი სტატია და, ხევს რომ მიეუახლოვდით, მთხოვა მეჩვენებინა ის ადგილი, სადაც ჩირალდნები დავინახე. თან გვახლდა ოთხი მეთევზე. ისინი ჰაერით სავსე ტყავის ტომრებს მართავდნენ, ჩვენ ზედ ვისხედით და ასე მიეცურავდით მდინარეზე ერთი სადგომი ადგილიდან მეორემდე. ცოტა ხნის წინათ ეს ადამიანები სხვა ოც მუშასთან ერთად ერთი მენარდისათვის კუმაონისა და ნეპალის ტყეებიდან ბარამდოში აცურებდნენ ფიჭვის მორებს. ეს სამუშაო ძნელი და მეტად სახიფათოა, დიდ სიმამაცესა და მდინარის ყველა კაპრიზის კარგ ცოდნას მოითხოვს.

ნაპირზე შევრილის ქვეშ, რომელიც კოლიერმა აფეთქების საშუალებით გაანგრია კლდეში, სადაც მე და ჩემმა ხალხმა გავატარეთ ღამე. ტალადეშისკენ მიმავალ გზაზე, არის სილის პატარა ზოლი. ჩემი თხოვნით მეთევზეებმა აქ მიაყენეს გაბერული ტომრები და ნაპირზე გადმოვსხედით. მას შემდეგ, რაც სერ მალკოლმს ვაჩვენე, თუ სად გამოჩნდნენ ჩირალდნები და როგორ ინაცვლებდნენ ადგილს, მან თქვა, შესაძლოა, ჩვენმა მეგზურებმა იციან რამე, რომ ცოტაოდენი შუქი მაინც მოჰფინონ ამ მოვლენასო. მალკოლმმა მიმართა მათ (მან იცოდა, როგორ მისდგომოდა ინდოელებს, რომ საჭირო ცნობა მიეღო, თანაც შესანიშნავად ლაპარაკობდა მათს ენაზე), და გამოარკვია, რომ მეთევზეები ცხოვრობენ კანგრის ხეობაში, სადაც თითოეულს აქვს ცოტაოდენი სახნავი მიწა, მაგრამ არ ყოფნით თავის დასარჩენად. ლუკმაპურის საშოვნელად ისინი თხაკურ დან სინგზ ბისტისათვის ხე-ტყეს აცურებენ მდინარე სარდაზე. ბარამდემდე ისინი იცნობენ მდინარის თითოეულ ფუტს, რადგან მრავალგზის ასულან და დაშვებულან მასზე. მათ კარგად იციან ხევიც. მდინარის ამ ნაწილში ხომ ყურეებია, სადაც იხირება დაცურებული ხე-ტყე, რაც მუდამ მრავალ საზრუნავს უჩენს მათ. მაგრამ არაფერი გასაოცარი და არავეითარი ჩირალდნები იქ არასოდეს არ დაუნახავთ მათ.

როცა სერ მალკოლმმა მეთევზეებთან ლაპარაკი დაამთავრა და ჩემკენ მობრუნდა, ვთხოვე კიდევ ერთი შეკითხვა მიეცა მათთვის: მდინარეზე მთელი წლების მუშაობის მანძილზე ერთხელ მაინც გაუტარებიათ თუ არა ღამე ამ ხევში. პასუხად გაისმა კატეგორიული „არა!“. უფრო მეტიც, მათ არასოდეს არ გაუგონიათ, რომ ხევში ვინმეს გაეთიოს ღამე. ამას იმითი ხსნიდნენ, რომ იქ ბოროტი სულები ბინადრობენო.

ჩვენ ზემოთ ორი ათასი ფუტის სიმაღლის ციცაბო კლდეში ორმოცდაათ იარღზე გადაჭიმულია ფეხშიშველა თაყვანისმცემელთა მრავალი თაობის მიერ მოტყეპნილ-გაპრიალებული სწორი ვიწრო ნაპრალი. მიუხედავად მღვდლების მიერ მლოცველთა სიცოცხლის დასაცავად მიღებული ზომებისა, ამ უბანზე მრავალი უბედური შემთხვევა ხდებოდა, სანამ მაჰარაჯა მაისორამ არ გამოყო თანხები ფოლადის ტროსის შე-

საძენად, რომელიც კლდის გასწვრივ ქვედა აკლდამიდან ზედა აკლდამამდე გააბეს.

ამჟამად იყო, რომ ამ კლდის ძირას სრულიად თავისუფლად შეეძლოთ დაბინავება მლოცველთ, მაგრამ არავითარ შემთხვევაში ბოროტ სულელებს.

3

დავუბრუნდეთ მოთხრობას.

როცა იმ კლდის დასათვალიერებლად შევჩერდი, სადაც წინა ღამით ჩირაღდნები ენთო, ჩემთან განგა რამიც დარჩა. მას ჩემი ფოტოაპარატი მოჰქონდა. როგორც კუმაონის ყველა მცხოვრები, განგა რამი ძალიან სწრაფად დადიოდა, და ორი მილის გავლის შემდეგ ჩვენს მზარეულსა და გარხვალელებს დავეწიეთ. ექვს საათს შეუჩერებლად მივდიოდით ხან ხშირ ტყეში, ხან მდინარე სარდას ნაპირზე. ჩვენი გზა კალაღხუნგასა და ჩუკაზე გავლით მიემართებოდა მთის ძირისაკენ, რომლის მოპირდაპირე ფერდობზე ჩვენი მოგზაურობის საბოლოო მიზანი — ტალადეშის კაციჰამიას საბრძანებელი იყო. მთის ძირას ორ საათს დავისვენეთ, რომ საჭმელი გვეჭამა, სანამ ოთხი ათასი ფუტი სიმაღლის მწვერვალზე ავიდოდით.

შუადღის ხანს, როცა მცხუნვარე აპრილის მზე წვავდა ყველაფერს და თავის შეფარება არსად შეგვეძლო, დავიწყეთ მომქანცველი ასვლა ერთ-ერთ ყველაზე უფრო ციცაბო მთაზე, რომლის მსგავსი მე და ჩემ ხალხს არასოდეს გადაგველახა. ეგრეთწოდებული გზა წარმოადგენდა ქვიან ბილიცს, რომელიც ისარივით მიდიოდა მწვერვალისაკენ. მრავალჯერ შევისვენეთ და მზის ჩასვლისას პატარა სოფელს მივადწიეთ, საიდანაც მთის თხემამდე სულ ბევრი ათასი ფუტი რჩებოდა. ჩუკაში გაგვაფრთხილეს, რომ სოფელში შესვლისაგან თავი შეგვეკავებინა, რადგან ეს იყო მთის სამხრეთ ფერდობზე ერთადერთი დასახლებული პუნქტი, და კაციჰამია აქ ხშირი სტუმარი გახლდათ. კაციჰამიას რომ თავი გავანებოთ, წინსვლის თავი აღარ მქონდა და ბილიკიდან რამდენიმე ასეული მეტრის მოშორებით მდებარე სოფლისაკენ გავემართეთ. ორი ოჯახი — მთელი მისი მოსახლეობა — დიდი სიხარულით შეგ-

ვხვდა და დასვენებისა და დანაყრების შემდეგ ჩემი თანამგზავ-
რები გამოკეტილ ბინაში მოათავსეს, მე კი მოვეწყე გასაშლელ
საწოლზე ხის ქვეშ, რომელსაც ახლო ჩაუდიოდა პაწაწინა
წყარო. ჩემს „კომპანიას“ თოფი და ფარანი შეადგენდა.

იმ საღამოს, ლოგინში რომ ვიწექი, საკმაოდ დრო მქონდა
კარგად გავრკვეულიყავი შექმნილ მდგომარეობაში, ბილ ბეი-
ნესმა სოფლის მამასახლისს უბრძანა ჩემს მისვლამდე ხელი
არ ეხლოთ ვეფხვის მიერ მოკლული ადამიანებისა და ცხოვე-
ლებისათვის. ბიჭი, რომელზეც ტანაპკურის პეშკარი მელაპა-
რაკა, ორი დღის მოკლული იყო. ტანაპკურში ჩამოვედით თუ
არა მატარებლიდან, ვისწრაფოდით რაც შეიძლება მალე მიე-
სულიყავით მკვლელობის ადგილას: ვიცოდი, ჩვენს მისვლამ-
დე ვეფხვს შეეძლო მოესწრო თავისი მსხვერპლის შექმა, მაგ-
რამ უფრო მოსალოდნელი იყო, რომ, აუ მას არ დააფრთხობ-
დნენ, იგი აქ ერთ-ორ დღეს კიდევ დარჩებოდა. ამიტომ დილა-
ადრიან, როცა სადგომს ვტოვებდით, იმედი მქონდა, რომ
დროზე მოვასწრებდით დანიშნულ ადგილზე მისვლას და ერთი
მოხვერის დაბმას მისატყუებლად. მაგრამ მთაზე ასვლამ
მთლად მოგვასავათა. მართალია, სამწუხარო იყო, რომ დღე
დავკარგეთ, მაგრამ იმედი მქონდა, ვეფხვი ძალიან შორს არ
წავა-მეთქი. ხელს ის გარემოებაც გვიშლიდა, რომ კუმანის
ამ ნაწილს არ ვიცნობდი. უკვე რვა წლის მანძილზე ვეფხვი
თავს ესხმოდა ხალხს და ამ ხნის განმავლობაში 150 კაცი იმ-
სხვერპლა, მაშასადამე, ყველა საფუძველი მქონდა მევარაუდა,
რომ ის ძალიან დიდ ტერიტორიაზე მოქმედებდა. ახლა თუ
ვეფხვს მხედველობიდან დავკარგავდით, შესაძლოა კვირას გა-
ველო, ვიდრე კვლავ ვიპოვიდით მას. თუმცა ჭერ უნაყოფო
იყო ღელვა იმაზე, თუ როგორ მოიქცა ან როგორ მოიქცეოდა
ვეფხვი, და მეც მშვიდად დავიძინე.

მეორე დილას განზრახული გვექონდა ადრიანად გავდგო-
მოდით გზას. ჭერ კიდევ სრულიად ბნელოდა, როცა გამედ-
ვიძა იმის გამო, რომ ღამით ჩამქრალი ფარანი განგა რამმა
ანთო. სანამ საუზმე მზადდებოდა, მოვასწარი პირის დაბანა
წყაროზე, ხოლო როცა მზემ სხივი ჰკრა ნეპალის მთების
წვერს, გავწმინდე და დავზეთე ჩემი რიგბის სისტემის 275-ყა-
ლიბიანი მაუზერი, ჩავაწყვე სავაზნე კოლოფში ხუთი ვაზნა

და მზად ვიყავი სამგზავროდ. კაციჭამია ვეფხვის გამო კავშირი სოფლებთან გაწყვეტილი იყო, ამიტომ ჩვენს პატარა სოფელში არაფერი სმენიათ ვეფხვის უკანასკნელი მსხვერპლის შესახებ და არ იცოდნენ, რა მიმართულებით და რა მანძილზე უნდა წავსულიყავით. რადგან წარმოდგენა არ მქონდა, კვლავ როდის ექნებოდათ ჩემს თანამგზავრებს ჭამის საშუალება, ვუბრძანე კარგად დანაყრებულებიყვნენ და გამომყოლოდნენ უკან, ერთმანეთის მხარდამხარ ევლოთ და, თუ დასვენებას მოისურვებდნენ, ღია ადგილი შეერჩიათ.

გამოვედით ბილიკზე, რომელზეც გუშინ ასეთი გაჭირვებით ავდიოდით, და ცოტა ხნით შევდექი, რომ დავმტკბარიყავი ჩემ წინ გადაშლილი ხედით. სარდას ხეობას ჩრდილი ეფინა. მდინარეს, რომელიც ბორცვებს შორის მიიკლავებოდა. ტანაპკურამდე ნისლი ებურა, ტანაპკურთან ის იფანტებოდა და შემდგომ ჰორიზონტამდე მდინარე ვერცხლის ლენტვიით ბზინავდა. ნაწილობრივ ნისლით დაფარულ ჩუკას ჩრდილი ადგა, მაგრამ გაეარჩიე ფერდობზე ზევით თხაკამდე დაკლაკნილი ბილიკი, რომლის თითოეული ფუტის შესწავლა ათი წლის შემდეგ მომიხდა, როცა თხაკის კაციჭამიაზე ვნადირობდი. პურნაგირის მწვერვალი და სოფელი თხაკი, რომელიც ჩანდის დინასტიის კუმანის რაჯებმა ასეული წლების წინათ უბოძეს პურნაგირის სალოცავის მღვდლებს, დილის მზის სხივებში ბანაობდნენ.

ოცდახუთმა წელმა განვლო მას შემდეგ, რაც მე ვტკბებოდი ამ ხედით ტალადეშში მგზავრობისას. ბევრი რამ მოხდა ამ ხნის მანძილზე, მაგრამ დრო ვერ წაშლის გონებაში ღრმად აღბეჭდილ მოვლენათა კვალს, და ის ხუთი დღე, რომელთა განმავლობაში ტალადეშის კაციჭამია ვეფხვზე ვნადირობდი, ახლაც ისევე ცოცხლობს ხსოვნაში, როგორც მრავალი წლის წინათ.

ბორცვს გავცდი თუ არა, დავინახე, რომ ჩემი ბილიკი უერთდება აღმოსავლეთიდან დასავლეთისაკენ მიმავალ საკმაოდ კარგ, ექვსი ფუტის სიგანის ტყის გზას. გარშემო სოფლები არ ჩანდა და ჩემ წინაშე წამოიჭრა საკითხი — საით წავსულიყავი? აღმოსავლეთისაკენ მიმავალი გზა მიზანს ამაცილებ-

და მდინარე სარდამდე, ამიტომ გადავწყვიტე ჯერ მაინც ამ გზით წავსულიყავი.

საშუალება რომ მქონოდა თავისუფლად შემერჩია ადგილი და დრო გასასეირნებლად, უთუოდ ვამჯობინებდი ჰიმალაებში ტყიანი ბორცვის ჩრდილოეთ ფერდობს და ადრიან დილას აპრილის დასაწყისში. აპრილში ბუნება მთელი თავისი მშვენივრებით წარმოგიდგება. ხეები იცვლიან ზამთრის სამოსელს, იმოსებიან ნორჩი ფოთლებით, რომელთაც მწვანე და ბრინჯაოს ელფერი დაჰკრავთ; პირველ ყვავილებს — იას, ბაიას და იელს — მოგვიანებით მოჰყვება ფურისულები, დელფინიუმები და ჯადვარები; მთისწინეთში გამოსაზამთრებლად გადაფრენილი წიწკანები, შაშვები, ბებლერები და სხვა ფრინველები უბრუნდებიან თავის ბუდეებს, ერთმანეთს ექიშებიან და გალობენ საზეიმო სატრფიალო სიმღერებს. რა სჯობს უღარდელად ხეტიალს ტყეში, სადაც არაფერი გემუქრება და სადაც ყველაფერი, რასაც ხედავთ და რაც გესმით, უდიდეს სიამოვნებას განიჭებთ. მაგრამ როცა ასეთ ტყეში კაცობა ბინადრობს, უღარდელობა უკიდურესი დაძაბულობით იცვლება.

საშიშროება ნადირობას მატებს არა მარტო მიმზიდველობას, არამედ ამახვილებს ყურადღების დაძაბვის უნარს იმაზე, რაც უნდა დაინახო და გაიგონო ჯუნგლებში. როცა საშიშროებას გრძნობ და მომზადებული ხარ მისთვის, ის არავითარ შემთხვევაში არ ამცირებს მიღებულ კმაყოფილებას. იები არ ჰკარგავენ თავის სილამაზეს იმის გამო, რომ მახლობელი კლდის უკან, შესაძლოა, დაიმაღა მშვიერი ვეფხვი; ხოლო მუხის კენწეროდან წამოსული მერცხლის ჭიკჭიკი ნაკლებად სისიამოვნო როდია, თუ მის ძირში ბებლერი ჯუნგლების ბინადართ აფრთხილებს, საშიშროება გელითო.

ზოგიერთ ბედნიერ ვარსკვლავზე დაბადებულისათვის, შესაძლოა, უცნობი იყოს შიში, მაგრამ მე არ ვეკუთვნი მთ რიცხვს და ახლა, მას შემდეგ, რაც ჩემი ცხოვრების მთელ მანძილზე საქმე მქონდა ჯუნგლების ბინადრებთან, — არანაკლებად მეშინია მტაცებლის კბილებისა და კლანჭებისა, ვიდრე იმ დღეს, როცა ვეფხვმა პირველად მაიძულა გავქცეულიყავი ჯუნგლებიდან, სადაც მას ძილი დავუფრთხე. მაგრამ ახ-

ლა მაქვს გამოცდილება, რომელიც მაკლდა სიჭაბუკეში, და ეს მეხმარება შიშთან ბრძოლაში. თუ წინათ ყველგან საფრთხე მელანდებოდა, მაშინებდა ყოველი ხმა, ახლა ვიცი, რა არის ნამდვილი შიში, რომელ ხმებს უნდა მიექცეს განსაკუთრებული ყურადღება და რომელი უნდა უგულვებელყო. თუ წინათ დარწმუნებული არ ვიყავი, მოვარტყამდი თუ არა მიზანს, ახლა ვიცი, რომ ტყვია წაეა იქით, სადაც საჭიროა. გამოცდილება ბადებს საკუთარი თავის რწმენას და თუ ერთ-ერთი მათგანი არ გაგაჩნია, მაშინ მარტოხელა ფეხით ნადირობა კაციჭამიაზე გადაიქცევა მეტად არასასიამოვნო თვითმკვლელობის საშუალებად.

ტყის გზა, რომელზეც იმ აპრილის დილას მივდიოდი, ჰკვეთდა ადგილს, სადაც კაციჭამია თარეშობდა. კლანჭების ნაკვალევი მოწმობდა, რომ ვეფხვი ამ გზით ხშირად სარგებლობდა. მაგრამ კვალი იმდენად ძველი იყო, რომ თათების ანაბეჭდი კარგად ვერ გავარჩიე. აჩნდა ჯიქის, სამბხარის, დათვის, კარკერისა და ტახის მრავალი ნაკვალევი. დიდი ნაირსახეობით გამოირჩეოდა ფრინველთა სამყაროც. უხვად იყო ყვავილებიც, მათ შორის მშვენიერი პეპლების მსგავსი ჯადვარები. ეს ჯადვარები შადრევანივით ეშვებოდნენ ხეებიდან, მთლად ფარავდნენ ტოტებს და შტამბებს, რომლებშიც გამჭდარი ჰქონდათ ფესვები. ჯადვარებით დაფარულ ერთ-ერთ ასეთ ხეზე ჰიმალაის შაჭ დათვს მოეწყო საუცხოო ბუნაგი, ეს იყო ყველაზე შესანიშნავი ბუნაგი, მათ შორის, რომელიც ოდესმე მინახავს. ვეებერთელა მუხა თოვლის სიმძიმეს თუ დიდ ქარიშხალს მიწიდან ორმოც ფუტის სიმაღლეზე გადაეტეხა. გადატეხილ ადგილას, შტამბისკენ მართი კუთხით მკლავის სიმსხო ტოტები წამოზრდოდა; გადატეხილი ადგილი ხავსს დაეფარა და ჯადვარებს შიგ ფესვები გაედგათ. სწორედ აქ, ყვავილებს შორის, სადაც მოტეხილ შტამბს მიკვროდნენ მოლუნული ტოტები, დათვს ბუნაგი მოეწყო. დათვები ჩვეულებრივად ბუნაგისათვის იყენებდნენ ისეთი-ჯიშის ხეებს, რომლის ტოტები მოლუნვისას არ ტყდება. ამ ბუნაგში დათვები ოჯახს არ ეკიდებიან. ისინი გვხვდებან ორი ათასიდან რვა ათასამდე ფუტ სიმაღლეზე. უფრო დაბალ ადგილებში—სადაც დათვები ზამთრობით ჩამოდიან, რომ გარეული

ლონოშოთი და თაფლით იკვებონ, ასეთი ბუნაგები იცავს მათ ჭიანჭველებისა და ბუზებისაგან, ხოლო უფრო მაღალ ადგილებში წყნარად თბებიან ხოლმე მზეზე.

თუ გზა მიმზიდველია, ვერ გრძნობ დაღლილობას. დაახლოებით ერთი საათის შემდეგ ტყე გათავდა და ბალახით დაფარულ ბორცვის თხემზე აღმჩქვნიდი, საიდანაც სოფელი დავინახე. ჩემი მიახლოება შეამჩნია ხალხმა — ახლა გაშლილ ადგილზე მივდიოდი, — და მთელი მოსახლეობა ჩემს შესახვედრად გამოეფინა. მე ხშირად ვეკითხები ჩემს თავს, ნუთუ შესაძლებელია სადმე ქვეყანაზე რაიმე საქმისათვის მიყრუებული სოფლის კუთხეში ჩასულ უცხოელს იმედი ჰქონდეს ისეთი გულითადი მიღებისა, როგორსაც ის უქველად შეხვდება კუმონში. სავსებით შესაძლებელია, რომ მე ვიყავი პირველი ევროპელი, რომელიც გამცილებლის გარეშე, ქვეითად ვუახლოვდებოდი ამ სოფელს, და მიუხედავად ამისა, როცა შეკრებილ ხალხთან მივედი, დავინახე, ჩემთვის ხალიჩა დაეგოთ და ზედ ლერწმის ტაბურეტი დაედგათ. ვერ მოვასწარი დაჯდომა, რომ რძით სავსე სპილენძის ჭურჭელი მომაწოდეს. მთელი სიცოცხლის მანძილზე, მთიელებთან ურთიერთობისას შევისწავლე კუმონის სხვადასხვა დიალექტის გაგება, და, რაც უფრო მნიშვნელოვანია, ავითვისე მთის მცხოვრებთა აზრის მსვლელობის მიხედვრა. რადგან თან მქონდა შაშხანა, თავისთავად იგულისხმებოდა, ჩამოვედი, რომ ისინი კაციჭამიასაგან მეხსნა. მაგრამ გლეხები დაათქვამა ასე აღრიხანად ქვეითად ჩემმა გამოჩენამ: მახლობელი ბუნგალო, სადაც შემეძლო გამეთია ღამე, სოფლიდან ოცდაათ მილზე იყო.

სანამ რძეს ვსვამდი, წრეში ჩამორიგებულმა ერთმა კოლოფმა სიგარეტმა სოფლის მცხოვრებლებს ენა ამოუღდა. მრავალ შეკითხვაზე ვუპასუხე, თავად დავიწყე გამოკითხვა, და შევიტყვე, რომ ამ სოფელს ტამალი ჰქვია, და რომ მრავალი წელია, რაც იგი კაციჭამიას თავდასხმებისაგან იტანჯება. ზოგნი ამტკიცებდნენ, კაციჭამია ამ ადგილებში რვა წლის წინათ გამოჩნდაო, სხვები ამბობდნენ, ათი წლის წინათო, მაგრამ ყველანი ერთ აზრს ადგნენ, რომ ის გამოჩნდა იმ წელიწადს, როცა ბაჩი სინგხი შემას აპობდა და ნაჯახით ფე-

ხის თითები წაიჭრა, ხოლო ოცდაათ რუპიად ღირებული დან სინგხის შავი ხარი კლდეზე გადაიჩეხა. ტამალში კაციჭამიას უკანასკნელი მსხვერპლი იყო კუნდანის დედა. ვეფხვმა იგი მოკლა გასული თვის მეოცე დღეს, როცა სხვა ქალებთან ერთად მუშაობდა სოფლის ქვემოთ მდებარე ყანაში. არავინ იცოდა, ეს კაციჭამია ხვადი იყო თუ ძუ, მაგრამ ყველა თვლიდა მას მსხვილ ნადირად. სოფლის მცხოვრებლებს იმდენად ეშინოდათ ვეფხვისა, რომ მიატოვეს შორს მდებარე ყანების დამუშავება და სურსათ-სანოვაგისათვის ტანაკპურში სიარული. გლეხებმა თქვეს, კაციჭამია დიდი ხნით არასოდეს არ წასულა ტამალიდანო, ამიტომ, მათთან რომ დავრჩენილიყავი, რასაც ისინი ძალიან მთხოვდნენ, მისი მოკვლის მეტი შესაძლებლობა მექნებოდა აქ, ვიდრე ტალადეშის სხვა რომელიმე ადგილას.

ძნელია კაციჭამიას სამოწყალოდ დატოვო ხალხი, რომელიც შენზე ამყარებს მთელ იმედებს, მაგრამ მე უნდა წავსულიყავი, და როცა ავუხსენი ამის მიზეზი, მათ კარგად გამოიგეს. აღუთქვი, პირველი შესაძლებლობისთანავე ტამალში დავბრუნდები-მეთქი, და იმ სოფლის საძებნელად წავედი, სადაც უკანასკნელი მკვლელობა მოხდა.

ტამალისაკენ მიმავალმა ტყის გზისა და ბილიკის შეერთების ადგილას დავდე ნიშანი, რომელიც ჩემს ხალხს უჩვენებდა, რომ აღმოსავლეთისაკენ წავედი. ახლა ეს ნიშანი გადავაადგილე, და, ჩემი ხალხი რომ არ შემცდარიყო, გზასთან დამატებით კიდევ ერთი ნიშანი დავდე. მთებში ყველა ადგილობრივი მცხოვრები იცნობს ორივე ნიშანს, და, თუმცა არ გამიფრთხილებია ჩემი ხალხი, ამ ნიშნებს ვინმარ-მეთქი, მაგრამ ვიცოდი, ისინი მიხვდებოდნენ, ვინ დატოვა ისინი. პირველი ნიშანია გზის შუაში დადებული პატარა ტოტი. იგი წვერით იმ მხრისაკენ არის მიმართული, საითაც უნდა გაეშუროს კვალდაკვალ მიმავალი კაცი. ტოტი რომ არ გაინძრეა, მასზე ქვას ან ხის ნაჭერს დებენ. მეორე ნიშანი წარმოადგენს ასო „X“-ის მსგავსად შეერთებულ ორ ტოტს.

დასავლეთისაკენ გზა თითქმის აღმართ-დაღმართის გარეშე ვეებერთელა მუხების ტყეში მიდიოდა, და იმ სიმაღლე გვიმრებში იყო ჩაფლული, რომ მუხლებამდე მწვდებოდა. ხეებს

შორის მომხიბლავი ხედი გადაიშალა: შორს, აღმოსავლეთითა და დასავლეთით გადაჭიმული თოვლიანი მთაგრეხილის ფონზე, ჩანდა ერთმანეთზე შემდგარი ბორცვები.

4

დაახლოებით ოთხი მილის მანძილზე გზა დასავლეთისაკენ მიდიოდა, შემდეგ ჩრდილოეთისაკენ უხვევდა და ხეობის ნაწილს კვეთდა. ხელმარცხნივ აზიდულიყო ხშირი მუხის ტყით დაფარული ბორცვი. აქედან სათავეს იღებდა ანკარა ნაკადული, რომელიც ხეობაში მიედინებოდა. ქვებზე ვაბიჯებდი და ისე გადავლახე ნაკადული, პატარა მალლობი ავიარე და გაშლილ ადგილზე გავედი. მის შორეულ ბოლოში მდებარეობდა სოფელი.

ამ დროს შემნიშნა წყალზე მიმავალმა რამდენიმე ქალიშვილმა და აღელვებულებმა იყვირეს: „საიბი მოვიდა! მოვიდა საიბი!“ ეს ძახილი კარი-კარ გადადიოდა, და, ვიდრე სოფელში მივიდოდი, გარს შემომეხვივნენ აღზნებული მამაკაცები, ქალები და ბავშვები.

მამასახლისისაგან შევიტყვე, რომ სოფელს ტალაკოტი ერქვა. ორი დღის წინათ (5 აპრილს) ჩამპავატიდან აქ ჩემ შესახვედრად ჩამოსულიყო პატვარი, რომელსაც ყველასათვის ეცნობებინა, კაციჭამიას მოსაკლავად ნაინი ტალიდან საიბი მოდისო. მალე პატვარის ჩამოსვლის შემდეგ კაციჭამიას მათი სოფლიდან ქალი მოეკლა, მაგრამ, აღმორის კომისრის ბრძანების თანახმად, გვამებისთვის ხელი არ ეხლოთ. ჩემი ჩამოსვლის მოლოდინში მსხვერპლის საძებნელად დღეს დილით გაეგზავნათ მამაკაცების ჯგუფი. სანამ მამასახლისი ამ ამბავს მაცნობდა, მოკლული ქალის საძებრად წასული ოცდაათი კაცი დაბრუნდა. მათ შიამბეს, დავათვალიერეთ ის ადგილი, სადაც ვეფხვმა თავისი მსხვერპლი დაგლიჯა, მაგრამ ვერაფერი ვნახეთ, გარდა ქალის კბილებისაო. ტანსაცმელიც კი გამჭრალიყო. როცა ვკითხე, მკვლელობა სად მოხდა-მეთქი, კაცებთან ერთად გვამის საძებრად ნამყოფმა მოკლულის შვილმა, ჩვიდმეტი წლის ყმაწვილმა მითხრა, თუ გამოძევები სოფლის ბოლოს, იმ ადგილს გაჩვენებო. ის წინ გამიძღვა, მე მას მივყევი, უკან კი ტალაკოტის მთელი მოსახლეობა მოგვდევდა. გავიარეთ სოფელი,

გავედით ბორცვებს შორის დაახლოებით ორმოცდაათი იარდის სიგრძის ვიწრო ღრმულში. ღრმულიდან ორი ხეობა მიემართებოდა. ერთი, ჩვენგან მარცხნივ, გადაჭიმული იყო დასავლეთისაკენ, მდინარე ლადხიამდე, მეორე, მარჯვნივ ათითხუთმეტი მილის მანძილზე ციცაბოდ ეშვებოდა მდინარე კალისკენ. ყმაწვილი ღრმულთან შეჩერდა და პირი იბრუნა მარჯვნივ ხევისაკენ, რომლის ჩრდილო მხარეს დაბალი ბალახი და ალაგ-ალაგ ბუჩქები ფარავდა, სამხრეთით კი ჭუნგლების ხშირი ბუჩქნარი მოდებულებოდა. ახალგაზრდამ ხეობის ჩრდილოეთ ნაწილში დამანახვა ერთ-ერთი ბუჩქი და მითხრა, დედაჩემი ვეფხვემა ამ ბუჩქის მახლობლად მოკლა, როცა რამდენიმე სხვა ქალთან ერთად ბალახს თიბავდაო. ეს ბუჩქი იდგარვასი-ათასი იარდის მოშორებით და ათასი-ათას ხუთასი იარდის ქვემოთ ბორცვზე. შემდეგ მან ხევში დამანახვა მუხა, რომლის შტოები ლანგურებს მოემტკრიათ. ამ მუხის ქვეშ ნახეს დედაჩემის კბილები. ძებნის დროს ვეფხვი არ უნახავთ, ხოლო როცა ბორცვიდან ეშვებოდნენ, მათ ყურამდე მოაღწია ჯერ გხორალის და ცოტა გვიან კი ლანგურის ყვირილმა.

მაშასადამე, ყვიროდნენ გხორალი და ლანგური. გხორალი ხანდახან კაცის დანახვაზე ყვირის, ლანგური კი — არასოდეს. ვეფხვის დანახვაზე კი ორივენი ყვირიან. შესაძლოა, ვეფხვი შეჩერდა მკვლელობის ადგილას, შემდეგ, ხალხის მიერ შეშფოთებული, წავიდა და იგი ჯერ გხორალმა შენიშნა, მერე ლანგურმა. სანამ ამაზე ვფიქრობდი და გონებაში ჩემ წინ გაღაშლილი ადგილის რუკას ვადგენდი, მოვიდა პატვარი, რომელიც ჩემი სოფელში მოსვლის დროს სადილობდა. შეკითხვაზე, თუ სად არის ჩემი თხოვნით ბეინესის მიერ გამოგზავნილი ორი ზაქი-მეთქი, მან მიპასუხა, ჩამპავატიდან მომყავდა, მაგრამ სხვა სოფელში დავტოვე, ტალაკოტიდან ათი მილის მოშორებითო. იქ 4 აპრილს მთელი სოფლის თვალწინ კაციქამიამ მოკლა ბიჭი. რადგან არავინ იყო ვეფხვთან შემბრძოლებელი, მცხოვრებლებმა წაიღეს ბავშვის გვამი და ყოველივე აცნობეს ჩამპავატში, საიდანაც მე გამომიგზავნეს დეპეშა ტანაკურში. პატვარის განკარგულებით ბავშვის გვამი დაეწვათ.

ჩემი ხალხი ჯერ კიდევ არ მოსულიყო იმ სოფლიდან, სადაც ღამე გავათიეთ, ამიტომ მამასახლისს ვუბრძანე ჩემთვის

კარავი ნაკადულის ახლოს. გაშლილ ადგილას დაედგა, მე კი გადავწყვიტე ხეობაში ჩავსულიყავი ადგილის დასათვალიერებლად, სადაც კაციჭამიამ თავისი მსხვერპლი შეჭამა. მინდოდა დამედგინა, ძუ ვეფხვი იყო თუ ხვადი, და, თუ ძუ იყო — ჰყავდა თუ არა ბოკვრები. როგორც უკვე აღვნიშნე, კუმონის ამ ნაწილს არ ვიცნობდი. მამასახლისს ვკითხე, ხომ არ შეგიძლია მიმასწავლო ხეობაში უფრო მოხერხებული ჩასასვლელი გზა-მეთქი. ყმაწვილი, რომელმაც ღრმულთან მიმიყვანა, წინ წამოდგა და მგზნებარედ მითხრა: „მე წამოვალ თქვენთან, საიბ, და გიჩვენებთ გზას“.

ყოველთვის მაოცებდა იმ ადამიანების მამაცობა, რომლებიც იმ რაიონებში ცხოვრობდნენ, სადაც მძვინვარებენ კაციჭამიები, და აღტაცებული ვიყავი იმ ნდობით, რომელსაც იჩენდნენ ისინი სრულიად უცნობი ადამიანებისადმი. ღუნგარ სინგზი — ასე ერქვა ყმაწვილს — ასეთი ვაჟკაცობისა და ნდობის მაგალითი იყო. მთელი წლობით ცხოვრობდა ის კაციჭამიას შიშის ქვეშ; სულ ერთი საათის წინათნახა თავისი საბრალო დედის გვამი და, მიუხედავად ამისა, მარტოხელა, უიარალოდ, მზად იყო გაჰყოლოდა სრულიად უცნობ კაცს იქ, სადაც, გხორალისა და ლანგურის შეშფოთებული ყვირილის მიხედვით, მკვლელი მიიმალა. მართალია, ღუნგარ სინგზი სულ ახლახან იყო იმ ადგილას, მაგრამ მაშინ ის ოცდაათ თანასოფელელს ახლდა.

ღრმულიდან ძირს ჩასვლა ციცაბო დაღმართზე შეუძლებელი იყო, ამიტომ ღუნგარ სინგზმა უკან წამიყვანა სოფელზე გავლით თხის ბილიკისაკენ. სანამ თხელ ბუჩქნარში მივდიოდით. ღუნგარს ვუთხარი, ცუდად მესმის-მეთქი, და გავაფრთხილე. თუ დაგჭირდება ჩემი ყურადღება მიიპყრო, შეჩერდი და ხელით მანიშნე, ხოლო თუ რაიმე გეჭნება სათქმელი, მოდი და მარჯვენა ყურში ჩამჩურჩულე-მეთქი. ოთხას იარდამდე რომ გავიარეთ, ღუნგარ სინგზი უეცრად გაჩერდა და უკან მიიხედდა. მეც მოვბრუნდი და დავინახე, ჩვენ უკან მთის ფერდობიდან სწრაფად ეშვებოდა პატვარი და ვილაც კაცი ფილთა თოფით. ვიფიქრე, რაღაც მნიშვნელოვანი უნდა მაცნობონ-მეთქი, და შევჩერდი, მაგრამ აღმოჩნდა, რომ პატვარიმ თავის საჭურველმტკირთველთან ერთად მოისურვა თან მხლებოდა. უხა-

ლისოდ დაეთანხმდი, რადგან პატვარისა და მის თანამგზავრს მძიმე ფეხსაცმელები ეცვათ და ვერ შეძლებდნენ ჭუნგლებში უხმაუროდ სიარულს.

ხშირ ბუჩქნარში კიდევ ოთხასი იარღი გავიარეთ და პატარა გაშიშვლებულ მოედანზე გავედით. აქ თხის ბილიკი ორად იყოფოდა — მარცხნივ ღრმა ხევთან მიდიოდა, მარჯვნივ გარსუვლიდა ბორცვს. ღუნგარ სინგხი გზაჯვარედინზე შეჩერდა, ხევზე მიმითითა და წაიჩურჩულა, ავერ იქ, ქვევით, შექამაო. არ მინდოდა უხეშფეხსაცმელიან ადამიანებს ევლოთ იქ, სადაც კაციკამიას თათების ანაბეჭდები უნდა მეძებნა. ღუნგარ სინგხს ვუთხარი, მე ხევში მარტო ჩავალ, შენ კი ამ კაცებთან ერთად მოედანზე დარჩი-მეთქი. ის-ის იყო გავჩუმდი, რომ ღუნგარ სინგხი სწრაფად შემობრუნდა და ზევით ბორცვისაკენ გაიხედა. მეც მას მივბაძე და ღრმულზე, იმ ადგილას, სადაც ცოტა ხნის წინ ვიდექით, ხალხი დავინახე. ღუნგარ სინგხმა ხელით მანიშნა, გაჩუმდიო, ხელისგული ყურთან მიიღო და სმენად გადაიქცა. ბოლოს, როცა ცნობა მოისმინა, მომიბრუნდა და ჩაიჩურჩულა:

— ჩემი ძმა მთხოვს გადმოგცეთ, რომ ქვევით მიტოვებულ უანაში უღალი რაღაც წევს მზეზე.

მზით განათებულ ყოფილი სახნავი მიწის ნაკვეთზე ხალხმა რაღაც უღალი საგანი შენიშნა. ეს ან ხმელი გვიმრის ბუჩქი იყო, ან კარკერი, ანდა ახალგაზრდა სამბხარი, მაგრამ, შესაძლოა, ვეფხვიც. ასეა თუ ისე ბედნიერი შემთხვევა მომეცა და ვცდილობდი ხელიდან არ გამეშვა. ღუნგარ სინგხს მივეცი ჩემი შაშხანა, პატვარი და მისი თანამგზავრი იქვე მახლობლად მდგარ ზღმარტლთან მივიყვანე. შემდეგ მათი თოფი გამოვცალე და ბუჩქის ძირას დავდე, ხოლო ორივეს ვუბრძანე ხევზე ასულიყვნენ და იქ მანამდე მსხდარიყვნენ, სანამ ძირს ჩამოსვლის ნებას არ მივცემდი. არა მგონია, ვინმე აცოცებულყო ხევზე ისეთი სიხარულით, როგორც ეს ორნი. ისინი თითქმის კენწეროზე მოექცნენ და ისე მაგრად ჩაეკვრნენ ხეს, რომ უმაღვე ნათელი გახდა: იმ ხნის განმავლობაში, რაც სოფლიდან გამოსვლის მომენტიდან გავიდა, მათი წარმოდგენა კაციკამიაზე ნადირობის შესახებ ძირფესვიანად შეიცვალა.

მარჯვნივ თხის ბილიკი მიდიოდა ტერასებად განლაგებული მინდვრისაკენ, რომელსაც დიდი ხანია აღარ ამუშავებდნენ და ველურ შერიას დაეფარა. ამ ნაყანევის სიგრძე ასი იარდი იქნებოდა და ბორცვის თხემამდე იყო გადაჭიმული. იმ მხარეზე, სადაც მე ვიდექი, ნაყანევს ათი ფუტის განი ჰქონდა, მოპირდაპირე მხარეზე — ოცდაათი. ორმოცდაათი იარდის მანძილზე ვაკე იყო, შემდეგ უხვევდა მარცხნივ. ღუნგარ სინგმა შემამჩნია, რომ მინდორს ვათვალისწინებდი, და მითხრა, მინდვრის ბოლოდან შეიძლება იმ მიტოვებული ნახნავის დანახვა, რომელზეც ჩემმა ძმამ რაღაც ქლავი საგანი შენიშნაო. მოკუზულეებმა გავაღწიეთ ყანის შორეულ ბოლოში. იქ ოთხზე დამდგარნი ნაპირთან მივცოცდით, ბალახი გადავწიეთ და ძირს გადავიხედეთ.

ჩვენ ქვემოთ იყო პატარა ხეობა, რომლის მოპირდაპირე მხარე ბალახით დაფარულ და ახალგაზრდა მუხის ხშირი ამონაყარით გარშემორტყმულ ფერდობს წარმოადგენდა. წვრილიანს იქით ღრმა ხევი იდო, სადაც ვეფხვმა ღუნგარ სინგხის დედა შექამა. ბალახით დაფარული ფერდობის სიგანე დაახლოებით ოცდაათი იარდი იყო და მთავრდებოდა კლდოვანი ხრამით, რომლის სიმაღლე, თუ მის ძირას ამოსული ხეების მიხედვით ვიმსჯელებთ, ოთხმოციდან ას ფუტამდე იქნებოდა. ფერდობის ახლო, იმ მხარეზე, სადაც ჩვენ ვიმყოფებოდით, მოჩანდა მეორე, სიგრძით ასი და სიგანით ათი იარდი ტერასებად განლაგებული მინდორი. ჩვენ ახლო იყო დაბალი, მუქი მწვანე ბალახით დაფარული პატარა ნაკვეთი. მინდვრის დანარჩენი ნაწილი ოთხი-ხუთი ფუტის სიმაღლის ხშირ სურნელოვან მცენარეებს დაეფარა. ფორმით ქრიზანთემის მსგავსი მათი ფოთლების ქვედა მხარე თეთრი ფერისა იყო. მწვანე ბალახის ნაკვეთზე, ერთიმეორისაგან ათი ფუტის მანძილზე მზის გულზე ორი ვეფხვი იწვა.

ის, რომელიც ახლოს იმყოფებოდა, ჩვენკენ ზურგით იწვა, თავი კი ბორცვისაკენ ჰქონდა მიქცეული, მეორე — ჩვენკენ მუცლით, ბორცვისკენ — კუდით. ორივეს მაგრად ეძინათ. უფრო მოხერხებული იყო პირველისათვის მესროლა, მაგრამ მეშინოდა, ხმა, რომელსაც ტყვია გამოსცემს სხეულში გავლის დროს — არ აურიოთ ეს ხმათოფის გასროლის ხმა-

ში — მეორე ვეფხვს გააღვიძებდა და იგი დაეშვებოდა ხშირი მცენარეულობით დაფარული ბორცვის ფერდობზე, რომლის თავშექცევითაც იწვა. თუ ჭერ მეორეს ვესროდი, იმავე მიზეზით პირველი ვეფხვი აირბენდა ან ზევით აღმართზე, სადაც მცენარეულობა ნაკლები იყო, ან ჩემკენ წამოვიდოდა. ამიტომ გადავწყვიტე ჭერ მეორისათვის მესროლა. მანძილი იქავე დაახლოებით ას ოც იარდს უდრიდა. ხოლო დამიზნების კუთხე — ამის დავიწყება არ შეიძლება, როცა მთიდან ძირს ისვრი, — არც ისე დიდი იყო, რომ მხედველობაში მიმელო. ხელის ზურგი ყანის ნაპირზე დაედე, რომ რბილი საყრდენი მქონოდა, მაგრად დავიჭირე შაშხანა, გულდასმით დაუმიზნე ვეფხვს გულში და აუჩქარებლად დავაწეკი სასხლეტს. მხეცი არც კი განძრეულა. სამაგიეროდ მეორე ისარივით ავარდა ზევით და ერთი ნახტომით აღმოჩნდა ხუთფუტიან ბორცვზე, რომელიც ყანას თხრილისაგან ყოფდა. აქ ის შეჩერდა ჩემკენ ფერდმოშვერილი და მარჯვენა მხრიდან თავის ამხანაგს გადახედა. კიდევ ერთხელ ვესროლე. ვეფხვი ყალყზე შედგა, შემდეგ ზურგით თხრილში გადავარდა და თვალს მიეფარა.

მეორე გასროლის შემდეგ შევნიშნე, რომ მაღალი სურნელოვანი მცენარეები შეირხა იმ ადგილთან ახლო, სადაც მოკლული ვეფხვი ეგდო. რომელიღაც მსხვილი მხეცი მთელი სისწრაფით გარბოდა მინდორზე. ვიდრე გავისროდი, იგი სულ ახლო იმყოფებოდა ორ მძინარე ვეფხვთან, მაშასადამე, ესეც მხოლოდ ვეფხვი უნდა ყოფილიყო. მე ვერ ვხედავდი მხეცს, მაგრამ ადვილად ვარჩევდი მის გზას მცენარეების მოძრაობაზე, რადგან მათი ფოთლების ქვედა მხარე თეთრი იყო. სწრაფად დავაყენე სამიზნო ორას იარღზე, დავიწყე ცდა, რომ მხეცს გაშლილ ადგილზე მიერბინა. მალე ვეფხვიც გამოჩნდა: აქ შევნიშნე: მთის ფერდობი მარჯვნივ უხვევდა ზუსტად ისევე, როგორც მინდორი, რომელზედაც ვიწეკი მარცხნივ. ეს საშუალებას მაძლევდა, რადგან ვეფხვი ჰორიზონტალურად გარბოდა, მისთვის ფერდში მესროლა.

არა ერთხელ დამინახავს, ერთი გასროლით როგორ ეცემიან ცხოველები, მაგრამ არასოდეს მინახავს, რომელიმე მათგანი ისე უგრძობლად დავარდნილიყო, როგორც ეს ვეფხვი.

რამდენიმე წამს უძრავად ეგდო, შემდეგ თანდათანობით თათებით დაცურდა ფერდობზე ხრამისკენ. ქვევით ხრამის ნაპირიდან რამდენიმე ფუტის დაშორებით რვა-ათი ფუტის სიმაღლიდან ახალგაზრდა მუხა იდგა. ვეფხვი მუცლით დაასკდა ამ ხეს და ისე გადაეკიდა, რომ თავი და წინა თათები ერთ მხარეზე აღმოჩნდა, კული და უკანა თათები — მეორეზე. თოფი მხარზე მქონდა მიდებული, თითი სასხლეტზე მდო და ვიცდილი. მაგრამ მხეცის სხეული ოდნავადაც არ ათრთოლებულა. ფეხზე წამოვდექი და პატვარის ვანიშნე ჩამოსულიყო ხიდან. იქიდან, ზღმარტლიდან, როგორც ტრიბუნიდან, იგი ხედავდა ყოველივეს, რაც ხდებოდა. ღუნგარ სინგხი მთელი ამ ხნის განმავლობაში იწვა და ჩემ გვერდით ნაწყვეტ-ნაწყვეტად სუნთქავდა. ახლა კი სიხარულისაგან ცეკვავდა. შევხედე, როგორ ავლებდა იგი თვალს ხან ვეფხვს და ხან უნაგირაზე მყოფ ხალხს, დამივხვდი: იგი თხზავდა ამბავს, რომელსაც ყველას მოუთხრობდა არა მარტო დღეს, არამედ კიდევ მრავალი თვის მანძილზე.

როცა უანაში ორი მძინარე ვეფხვი დავინახე, გავიფიქრე, კაციჰამიას თავისი მეგობარი მოუნახავს-მეთქი. მაგრამ მეორე გასროლის შემდეგ, რომელმაც მესამე ვეფხვი დააფრთხო, მივხვდი, რომ საქმე მქონდა ძუ ვეფხვთან და მის მოდგმასთან. დედის გარჩევა ახალგაზრდა ვეფხვებისაგან შეუძლებელი იყო. როცა მათ სამიზნე ჩარჩოში ვუყურებდი, ყველანი ერთა ზომის მეჩვენებოდნენ. ის, რომ ერთი მათგანი ტალადეშის კაციჰამია იყო, ეჭვს არ იწვევდა: მთებში ვეფხვები იშვიათია, ეს სამნი კი ახლო იყვნენ იმ ადგილიდან, სადაც ცოტა ხნის წინათ ვეფხვმა მოკლა და შეჰამა ადამიანი. ახალგაზრდა ვეფხვებს დედის ცოდვებმა უწია. ცხადია, რომ მას შემდეგ, რაც აღარ წოვდნენ ძუძუს, დედის მიერ მოპოვებული ადამიანის ხორციით იკვებებოდნენ, მაგრამ ეს როდი ნიშნავდა, რომ მისი მეურვეობიდან წასვლის შემდეგ კაციჰამიებად გადაიქცეოდნენ. ჩემი მტკიცების გარშემო ატეხილი მითქმა-მოთქმის მიუხედავად იმის თაობაზე, თუ როგორ ხდებიან ვეფხვები კაციჰამიები — მაინც მიმაჩნია, რომ კაციჰამია ვეფხვის ბოკვერებს ადამიანის ხორცის ჰამა (ყოველ შემთხვევაში ინდოეთის იმ ნაწილში, რომელზეც მე ვწერ) არ ხდის კაციჰამიებად.

ყანის პირს ჩამოეჭეჭე, შაშხანა მუხლებზე დავიდე, ჩემს თანამგზავრებს სიგარეტებით გაუფმასპინძლდი და ვუთხარი, მოეწეე და თხრილში ჩაეარდნილი ვეფხვის სანახავად ჩავალმუთქი. ეჭვი არ მეპარებოდა, რომ იგი მკვდარი დამხედებოდა. მაშასადამე არაფერი დაშავდებოდა, თუ რამდენიმე წუთს ვიღებოდი თუნდაც იმიტომ, რომ გამეხარა იმ შესანიშნავი წარმატების გამო, რომელიც წილად მხვდა. ტალადეში ჩასვლიდან ერთი საათის შემდეგ სრულიად შემთხვევით აღმოვაჩინე ძუ ვეფხვი, რომელიც რვა წლის მანძილზე თავზარს სცემდა მოსახლეობას მრავალი ასეული კვადრატული მილის ტერიტორიაზე, და რამდენიმე წუთში თავის ბოკვერებთან ერთად გავანადგურე. გარდა უდიდესი სიამოვნებისა, რასაც განიცდის თითოეული მონადირე, იმის შეგნებით, რომ ოსტატურად ხმარობდა შაშხანას უკიდურესი მღელვარების დროს. სიხარულსა და შვებას კიდევ იმიტომ ვგრძნობდი, რომ მტაცებლები დავხოცე და აღარ მომიხდებოდა მათი ღვენა; ამისათვის კი ყოველთვის მზად უნდა იყო, თუ ვეფხვებზე ქვეითად ნადირობ.

ჩემი ხალხი ამ განსაკუთრებულ წარმატებას უბრალო შემთხვევითობას როდი მიაწერდა. მათ ხომ წინასწარ იზრუნეს. რომ ყველაფერი კარგად დაგვირგვინებულყო. ვიდრე სანადიროდ წავიდოდით, ისინი მივიდნენ ნაინი ტალის ტაძრის მოხუც მღვდელთან რჩევისათვის, თუ როდის სჯობდა გასდგომოდნენ გზას, და მან შეგვიჩიო ხელსაყრელი, კეთილის მაუწყებელი ღღე. მაშასადამე, წარმატება არ შეიძლებოდა ბედნიერ შემთხვევითობად მიგვეჩინა. მე რომ ვერ დამეხოცა ვეფხვები, ეს ხალხი ამას არ ჩათვლიდა არახელსაყრელ გარემოებათა დამთხვევად. როგორ ზუსტადაც უნდა დამემიზნებინა ტყვია, სულ ერთია, არავითარ ზიანს არ მიაყენებდა ცხოველს, რომლის სიკვდილის ეამი ჯერ არ დამდგარიყო. მე ყოველთვის ანგარიშს ვუწევდი იმათ ცრუმორწმუნეობას, ვინც ჩემთან ერთად მოდიოდა სანადიროდ. თავად მე ვერიდები პარასკეობით მგზავრობას, ამიტომ ვერ დავცინებ მთიელთა ღრმად ფესვგადგმულ ადათს — არ დაადგენ გზას ჩრდილოეთით სამშაბათს ან ოთხშაბათს. სამხრეთით — ხუთშაბათს, აღმოსავლეთით — ორშაბათს ან

შაბათს და დასაველეთით — კვირას ან პარასკევს. განა რა მოხდება ნება დართო ხალხს, რომელიც შენთან ერთად მოდის სახიფათო საქმეზე, თავად შეარჩიოს ნადირობის დაწყების დღე. სამაგიეროდ შენ გეყოლება ხალისიანი და კმაყოფილი თანამგზავრები, რომლებსაც ტვირთად არ აწევთ უბედურების წინათგარძნობა.

თითქმის დავამთავრეთ სიგარეტების მოწვევა, რომ შევამჩნიე, ახალგაზრდა მუხაზე გადაკიდული ვეფხვი შეირხა. როგორც ჩანს, სისხლი დაუგროვდა სხეულის წინა ნაწილში და იგი უფრო დამძიმდა, რის გამოც ცხოველმა იწყო ნელ-ნელა თავით დაცურება წინ, ბოლოს, მოსწყდა ხეს და დასრიალდა ბალახით დაფარულ ფერდობზე ხრამისკენ. როცა ის, ხევში გადავარდნის დროს, იყო ჰაერში, გადმოვიღე შაშხანა და გახარებულმა ვესროლე ტალღეში ჩემი მისიის წარმატებით დამთავრების აღსანიშნავად, აგრეთვე — მცხვენია ამის აღიარება — იმის საჩვენებლად, რომ ასეთ მნიშვნელოვან დღეს შექმდლო ნიშანში მომერტყა ტყვია რომელიც გნებათ საგნისათვის, კლდიდან გადმოვარდნილი ვეფხვისათვისაც კი. თვალის დახამხამებაში ვეფხვი გაქრა ხეებს შორის. გაისმა მოღუნული და მომტკრეული ტოტების ლაწალუწი, ტაკაანი და შემდეგ მძიმე სხეულის დაცემის ყრუ ხმა. მოვარტყი თუ არა ტყვია ვეფხვს, ამჯერად ამას მნიშვნელობა არ ჰქონდა, ცუდი ის იყო, რომ ახლა გლეხებს მოუხდებოდათ უფრო გრძელი გზით მოევლოთ მისი გულისათვის.

დავამთავრე სიგარეტის მოწვევა და ვთხოვე ჩემს თანამგზავრებს არ ეხმაურათ, სანამ თხრილში ჩავარდნილი ვეფხვის სანახავად ჩავდიოდი. ფერდობი მეტად ციცაბო იყო და ვერ მოვასწარი ორმოცდაათი ფუტის გავლაც კი, რომ შეშფოთებულმა დუნგარ სინგხმა დამიძახა: „შეხედეთ, საიბ! ვეფხვი!“ მე ვფიქრობდი იმ ვეფხვზე, რომელიც თხრილში ჩავარდა, ამიტომ ჩავჯექი, ავწიე შაშხანა და თავდასხმის შესახებ დრად ამ მხრიდან მოვემზადე: მაგრამ დუნგარ სინგხმა დამიძახა:

— აქ არა, საიბ. იქ! იქ!

ფრონტიდან თავდაცვის აუცილებლობას რომ თავი დავალწიე, შემოვბრუნდი და დუნგარ სინგხს შევხედე. ის მიმითითებდა მთავარი ხეობის უკან აღმართულ იმ ბორცვის,

ძირისკენ, სადაც კაციჰამიამ დედა მოუკლა. მე უცებ ვერ დავინახე ვეფხვი, რომელიც გარდიგარდმო კვეთდა ფერდობს იგი ძალიან კოჭლობდა და ყოველი სამი-ოთხი ნაბიჯი, შემდეგ ჩერდებოდა. მარჯვენა ბეჭზე სისხლის დიდი ლაქა იყო უჩანდა. ეს იყო ის ვეფხვი, რომელიც სულ ახლახან ტოტების ლაწალუწით მოსწყდა ხეს, რადგან თხრილში ჩავარდნილ ვეფხვს ტყვია მარცხენა ბეჭში მოხვდა.

ჩემ გვერდით ფერდობზე მაღალი ფიჭვი იდგა. სამიზნო ჩარჩო სამას იარღზე დავაყენე, მაგრად მოვხვიე მარცხენა ხელი ხეს, შაშხანა მაჯაზე ჩამოვიდე და გულმოდგინედ, დინჯად დავუმიზნე. ვეფხვამდე დაახლოებით ოთხასი იარდი იქნებოდა. ამასთანავე იგი ოდნავ ზევით იყო, ამიტომ მოვიცადე, ვიდრე მხეცი კვლავ შეჩერდებოდა, და შემდეგ ნელა დავაწევი სასხლეტს, მომეჩვენა, თითქოს მთელმა საუკუნემ განვლო, სანამ ტყვია ამ მანძილს გაივლიდა, და ბოლოს მტკრის ბული დავინახე. იმწამსვე, თითქოს წაიბოროძიკაო, ვეფხვმა წაიწია წინ, შემდეგ კოჭლობით ნელა განაგრძო გზა. უფრო მაღლა დავუმიზნე, ვიდრე ეს საჭირო იყო, და ტყვიამ ცოტა ზემოთ გადაუარა. ახლა ზუსტად ვიცოდი, როგორ უნდა დამემიზნებინა, რომ მომეკლა მხეცი. მაკლდა მხოლოდ ტყვია, სწორედ ის ტყვია, ასე ქარაფშუტულად რომ-გავატანე ქარს, როცა კლდიდან გადმოვარდნილ მხეცს ვესროლე. ხელში გაუტენავი შაშხანა მეჭირა, და ვუყურებდი, ტკივილების მიუხედავად, როგორ ადიოდა ვეფხვი ნელა თხემზე. იქ იგი რამდენიმე წამს შედგა, თითქოს ყოყმანობდა, და შემდეგ თვალს მიეფარა.

მონადირეები, რომლებიც არასოდეს ყოფილან ჰიმალაიებში, შეექვდებიან, გონივრულად მოვიქეცი თუ არა, რომ მსუბუქი 275-ყალიბიანი შაშხანით შევიაარაღდი და მარაგად მხოლოდ ხუთი ვაზნა წავიღე. ეს შემდეგი მოსაზრებით გავაკეთე:

ა) ამ შაშხანას ვხმარობდი ოც წელზე მეტ ხანს და მას კარგად ვიცნობდი;

ბ) ის იყო მსუბუქი, ზუსტად ურტყამდა და მიზანს სამას იარღზე ხვდებოდა.

გ) ყურის ექიმმა პოლკოვნიკმა ბარბერმა გამაფრთხილა

თავი ამერიდებინა მძიმე შაშხანის ხმარებისათვის და არ მესროლა ხშირად. თუ ამას გარემოება არ მოითხოვდა.

რაც შეეხება ვაზნების მარაგს, ის მცირე იყო იმიტომ, რომ არ ვფიქრობდი ამ დილას ვეფხვებისათვის მესროლა. მსურდა მხოლოდ მენახა ის სოფელი, სადაც კაციჭამიამ თავისი უკანასკნელი მსხვერპლი მოკლა, და, თუ დამრჩებოდა დრო, ერთ-ერთი ზაქი დამება ვეფხვის მისატყუებლად. მსუბუქი შაშხანა და ხუთი ვაზნა თავის საქმეს გააკეთებდა, მე რომ ტყუილ-უბრალოდ არ გამესროლა ის საბედისწერო ტყვია.

ჩემი ხალხი დროზე მივიდა სოფელში, რათა თხემზე შეკრებილ გლეხებთან ერთად მომხდარი ამბების მოწმენი გამხდარიყვნენ. მათ იცოდნენ, რომ სულ ხუთი ვაზნა მქონდა სავაზნე კოლოფში. ამიტომ, მას შემდეგ, რაც მეხუთე გაა-როლა გაისმა, დაჭრილი ვეფხვი კი თხემს მიეფარა, მაღხო სინგხმა ვაზნების ახალი მარაგი მომირბენინა.

ორივე მოკლული მხეცი, მწვანე ბალახზე მწოლიარეც და თხრილში ჩავარდნილიც, — იგი მკვდარი ვნახე იმავე ადგილზე, სადაც დაეცა, — მოზრდილი ვეფხვები აღმოჩნდნენ. მესამე დაჭრილი მხეცი, რომელმაც თავს უშველა, უეჭველია მათი დედა იყო — ტალადეშის კაციჭამია. მაღხო სინგხი და ღუნგარ სინგხი დავტოვე მოლაპარაკებოდნენ ხალხს, თუ როგორ გადაეტანათ მოკლული მხეცები სოფელში. და დაჭრილი ვეფხვის საძებნელად მარტო წავედი. გვიმრის შამბნარში, სადაც ის ხიდან ჩავარდა, გავიარე ოდნავ შესამჩნევ სისხლის ნაკვალევზე იმ ადგილამდე, სადაც ვეფხვი იდგა, როცა უკანასკნელად ვესროლე. აქ ვნახე ერთი ბლუჯა ბალანი, რომელიც ტყვიას ვეფხვის ზურგიდან ჩამოეგლიჯა, და ჭრილობიდან იმ დროს დაღვრილი ცოტა სისხლი, როცა ვეფხვმა გაიგონა თავს ზემოთ ქვაზე ტყვიის მოხვედრა და წინ გავარდა. აქედან თხემამდე სისხლის წვეთები მხვდებოდა, ხოლო შემდგომ დაბალ ხშირ ბალახში კვალი სრულიად დაიკარგა. მახლობლად ციცაბო მთაზე იყო ას იარდამდე სივანის ხშირი ბუჩქნარის ნაკვეთი, რომელიც ფერდობზე ზემოთ სამას იარდამდე გრძელდებოდა. გუმანით ვიგრძენი, რომ ვეფხვი იქ უნდა დამალულიყო, მაგრამ რად-

გან ღამდებოდა და ზუსტი სროლისათვის საკმაო სინათლე არ იყო, გადავწყვიტე სოფელში დავბრუნებულიყავი და ბუჩქნარის გამოკვლევა ხვალისათვის გადამედო.

5

მთელი დღია მოვანდომეთ მოკლული ვეფხვების გატყავებას და ჩემ მიერ ნაინი ტალიდან ჩამოტანილ ექვსდუიბიან პალოებზე მათ გადაჭიმვას. სანამ ამ საქმეში ვიყავი გართული, ჩემი კარვის გარშემო ხეებზე ასზე მეტი სვაფი მოფრინდა, რომელთაც გახსნეს საიდუმლოება, თუ სად გაქრა კაციჭამიას უკანასკნელი მსხვერპლის ტანსაცმელი. აღმოჩნდა, რომ სისხლით გაელენთილი ტანსაცმელი ახალგაზრდა ვეფხვებს ნაფლეთებად დაეგლიჯათ და გადაესანსლათ.

იქვე ისხდნენ გლეხები და თვალყურს ადევნებდნენ ჩვენს მუშაობას. მე ვთხოვე მათ დახმარებოდნენ გარხვალელებს გამოეგდოთ ნადირი ბუჩქნარიდან. სადაც, როგორც ვფიქრობდი, დაჭრილი ძუ ვეფხვი იმალებოდა. ისინი ხალისით დამთანხმდნენ. დაახლოებით შუადღისას მარეკებმა გაიარეს ბუჩქნარის თავზე აღმართული მთის მწვერვალის უნაგირას გასწვრივ მდებარე სოფელი, მე კი აქასობაში თხის ბილიკით ხეობაში დავეშვი. შემდეგ ავედი თხემზე, რომლის გაღმაც გუშინ ძუ ვეფხვის კვალი დავკარგე. ბუჩქნარის ქვემო ნაპირას უზარმაზარი, სახლისოდენა ლოდი ევდო. ამ ლოდის თავზე ავედი. ბორცვის მწვერვალზე მყოფმა ხალხმა დამინახა, და ქუდის ქნევით ვანიშნე მოგდება დაეწყათ. უბედური შემთხვევის თავიდან ასაცილებლად - ვეფხვს შეეძლო ვინმე დაესახიჩრებინა — ხალხს ვუბრძანე მწვერვალზე მდგარიყვნენ. ჭერ ტაში დაეკრათ და ეყვირათ, შემდეგ კი ბუჩქნარში ქვები დაეგორებინათ. ის იყო ვეფხვის მოგდება დაიწყო, რომ ბუჩქიდან გამოხტა კარკერი. აფრინდა რამდენიმე ხოხობი კალიჯი, მაგრამ სხვა არაფერი გამოჩენილა. როცა ჩემმა თანაშემწეებმა ქვებით მთელი ბუჩქნარი მოჩხრიკეს, ნიშანი მივეცი შეეწყვიტათ მოგდება და სოფელში დაბრუნებულიყვნენ.

მათი წასვლის შემდეგ ყოველ შემთხვევისათვის გავჩხრი-

კე ბუჩქნარი, მაგრამ ძუ ვეფხვი ვერ ენახე. გუშინ საღამოს თვალს ვადევნებდი, როგორ ადიოდა იგი ბორცვზე, და იმ დასკვნამდე მივდი. რომ მას ძალიან სტკიოდა ჭრილობა. დღეს ვუყურებდი სისხლიან ნაკვალევს იმ ადგილას, სადაც იგი გუშინ ტყვიამ მიწას დაანარცხა, და დავრწმუნდი, რომ მას ჭრილობა შიგნით კი არ ჰქონდა, არამედ გარედან. რატომ დაეცა ძუ ვეფხვი გასროლის შემდეგ მოცელილივით და რატომ გადაეყიდა ხეზე მთელი თხუთმეტი წუთის მანძილზე ისე, რომ სიცოცხლის ნიშანწყალიც არ ემჩნეოდა? ამ კითხვაზე ვერ ვპოულობ გონივრულ პასუხს. შემდგომ აღმოვაჩინე, რომ ნიკელის ბუდეში ჩასმული რბილთავიანი ტყვია ვეფხვს მარჯვენა ბეჭის სახსარში გაეჩხირა. როცა სწრაფსასროლი შაშხანიდან წასული ტყვია ძვალს ხვდება. ცხოველს ძლიერი შოკი ემართება. ეს გასაგებია. მაგრამ ვეფხვი ხომ მსხვილი ცხოველია და სასიცოცხლო ძალების უდიდესი მარაგი აქვს. ამიტომ გაუგებარია, 275-ყალიბიანი მსუბუქი შაშხანიდან გასროლილმა ტყვიამ როგორ მოცელა და როგორ დააკარგვინა გრძნობა მთელი თხუთმეტი წუთის განმავლობაში.

თხემზე რომ დავბრუნდი, შევჩერდი და ადგილმდებარეობა დავათვალიერე. აღმოჩნდა, რომ თხემი მრავალ მილზე გრძელდება და ორ ხეობას ყოფს. მარცხნივ მდებარე ნაწილი წარმოადგენდა ბალახით დაფარულ გაშლილ სივრცეს: მის ზედა ბოლოში ხშირ ბუჩქნარიანი ნაკვეთი იყო. ხეობა მარჯვნივ. სადაც ვეფხვებმა ქალი შექამეს, ერთი მხრიდან დაფარული იყო ჭუნგლებით, მისი მეორე, ციცაბო მხარე. თავდებოდა თიხოვანი ფიქალით წარმოქმნილი კლდოვანი ხრამით.

კლდის შვერილზე ჩამოვჯექი, სიგარეტი მოვწიე, ჩაუფიქრდი წუხანდელ ამბებს და შემდეგ დასკვნებამდე მივედი:

ა) გასროლის მომენტიდან ხიდან ჩამოვარდნამდე ძუ ვეფხვი უგრძნობლად იყო;

ბ) ხის ტოტებსა და მის ქვეშ ამოსულ გვიმრაზე რბილად დაცემამ მას გრძნობა დაუბრუნა, მაგრამ არა სავსებით; იგი მაინც გაბრუებული იყო.

გ) ასეთ მდგომარეობაში უგზოუკვლოდ ღოღილით ბორცვამდე მიიღწია და მასზე ავიდა.

წამოიჭრა კითხვა: რამდენად შორს და რა მიმართულებით წავიდა ვეფხვი? ბორცვიდან დაშვება დაზიანებული თათით ბევრად უფრო ძნელია, ვიდრე აღმართში ასვლა, ამიტომ, როგორც კი გონს მოვიდა, ძუ ვეფხვმა შეწყვიტა ძირს ჩასვლა და დაიწყო თავშესაფარის ძებნა, სადაც შეიძლებოდა დაწოლა, სანამ კრილობა მოუშუშდებოდა. თავშესაფარში რომ მისულიყო, თხემი უნდა გადაეღახა, მაშასადამე, უნდა გამომერკვია, ასე მოიქცა თუ არა ვეფხვი. შეუძლებელი იქნებოდა იმის გამორკვევა, გადაიარა თუ არა მხეცმა რამდენიმე მილის სიგრძის თხემი, რომ არ ყოფილიყო მხეცთა ბილიკი, რომელიც დანასავით ბასრ ნაპირს გასდევდა. ბილიკს იდეალური ზედაპირი ჰქონდა; ზედ აშკარად აჩნდა ყველა გავლილი ცხოველის ნაკვალევი. ბილიკიდან მარცხნივ ბალახიანი ფერდობი იყო, მარჯვნივ — შვეულად ჩამოქცეული ციკაბო ფიქალი ფლატე, მის ქვეშ კი ხევი.

მოვწიე სიგარეტი, გავყევი მხეცების ბილიკს და დავინახე გბორალის, სარაოს*, სამბხარის. ლანგურის, მაჩვზღარბის და ხვადი ჭიქის თათების ანაბეჭდები. რაც უფრო წინ მივდიოდი, მით უფრო მიფუჭდებოდა გუნება, რადგან ვიცოდი, რომ თუ ამ ბილიკზე ვერ ვნახავდი ვეფხვის ნაკვალევს, შესაძლოა, სულაც ვერ მეპოვა იგი. მაგრამ ქედის გასწვრივ დაახლოებით ერთი მილი რომ გავიარე, დავაფრთხე ორი გბორალი, რომლებმაც ბალახით დაფარულ ფერდობზე მოკურცხლეს, და მაინც ვნახე ძუ ვეფხვის თათების ანაბეჭდი და შემხმარი სისხლის ლაქა. ალბათ, გუშინ საღამოს გადაიარა ქედი და მიდიოდა დაბლა ამ ფერდობზე, ვიდრე არ მოღონიერდა, ხოლო შემდეგ ბორცვი ჰორიზონტალურად გადაჭრა. სწორედ ამ გზით გამოვიდა იგი მხეცთა ბილიკზე. ვეფხვის კვალზე ნახევარი მილი გავიარე იმ ადგილამდე, სადაც მან სცადა ფლატიდან ჩამოსვლა, როგორც ჩანს, იმ განზრახვით, რომ ხევეგალმა ჯუნგლებში დამალულიყო. აქ ფლატეს სიმაღლე ყველაზე მცირე იყო —

* ს ა რ ა ო — მთის ანტილოპა.

ობუთმეტი იარღი იქნებოდა. არ ვიცი, რამ შუშალა ხელი ძუ ვეფხვს, დაქრიღმა თათმა თუ სისუსტემ, მაგრამ, შედგა თუ არა ფლატეზე. დაცურდა ქვევით სულ რამდენიმე იარღზე, და მობრუნდა, თავგანწირული, მაგრამ ამო ცღის შემდეგ, რომ ხევიდან ხრამში არ გადაჩეხილიყო, დაიწყო ფართოდ გადგმული თათების კლანჭებით მიწის კაწვრა. მე ისე მტკიცედ ვდგევარ ფეხზე, როგორც მთის თხა, მაგრამ ჩემთვისაც კი ძნელი იყო ამ ფლატეზე ასვლა. ამიტომ ბილიკზე კიდევ რამდენიმე ასი იარღი გავიარე, სანამ არ დავინახე ნაპრაღი, და იქიდან ხევში დავეშვი.

როცა ასე ოცდაათი იარღის სიგანე ხევს ავეყვი, ყურადღება მივაქციე, რომ ფლატეს ქვევით ხრამის სიღრმე სამოც-ოთხმოც ფუტს აღწევდა. ცხადია, ასეთი სიმაღლიდან ქვებზე დავარდნიღი არც ერთი ცხოვეღი ცოცხალი არ გადარჩება.

იმ ადგიღთან მიახლოებისას, სადაც უნდა დაცემულიყო ძუ ვეფხვი, უსაზღვროდ გახარებულმა დავინახე რომელიღაც დიღი ცხოვეღის თეთრი მუცელი. მაგრამ სიხარული ნაღრვეი აღმოჩნდა: ეს ძუ ვეფხვი კი არა, სარაო იყო. აღბათ, სარაოს ხრამის შვერიღის ვიწრო კიდეზე ეძინა და როცა იგრძნო, თავს ძუ ვეფხვი წამომადგაო, გაიღვიძა. იგი თავზარდაცემული გადახტა ძირს და ქვებზე ხრამის ძირას სასიკვდილოდ დაიმტვრა. სარაოსაგან ცოტა მოშორებია ფხვიერი სიღიანი პატარა ნაკვეთი მღებარეობდა. სწორედ აქ: ისე, რომ თავისთვის არავითარი ზიანი არ მიუყენებია (მას მხოლოდ ჭრიღობა გაეხსნა ბეჭზე). დაეცა ძუ ვეფხვი. მან ერთ იარღზე ჩაუარა გადაჩეხიღ სარაოს, მისთვის არავითარი ყურადღება არ მიუქცევია, გადაჭრა ხევი და გზაზე გარკვეული სისხღიანი ნაკვალევი დატოვა. ხევის მარჯვენა ნაპირის სიმაღლე სულ რამდენიმე ფუტი იყო. ძუ ვეფხვმა არა ერთხელ სცადა მასზე ასვლა, მაგრამ ამოღ. ახღა ვიცოდი, რომ ვიპოვიდი მას ცოტად თუ ბევრად ვარღის პირვეღივე თავშესაფარში. მაგრამ ბეღი არ მწყაღობდა. ღრუბღები ჩამოწვა, და, ვიღრე ვნახავდი იმ ადგიღს, სადაც ძუ ვეფხვმა ხევი დატოვა, კოკისპირულმა წვიმამ დაუშვა და სისხღიანი ნაკვალევი გადარეცხა.

ახლოვდებოდა სალამო. მე კი სადგომისაკენ სავალი გრძელი და ძნელი გზა მელოდა, და უკან გამოვბრუნდი.

ყოველგვარ შეჭიბრში ბედი მცირე როლს როდი ასრულებს, ძუ ვეფხვს კი ბედი სწყალობდა ყველაფერში. უწინარეს ყოვლისა, იმის ნაცვლად, რომ თავის ბოკვერებთან ერთად ყოფილიყო გაშლილ ადგილას, სადაც მას ადვილად გამოვარჩევდი. იგი მაღალ ხშირ ბალახში იწვა. შემდეგ ტყვია მოხვდა სწორედ იმ ძვალს, რომელმაც ხელი შეუშალა მის სასიკვდილოდ დაჭრას. მერე, ხრამიდან ორჯერ ჩამოვარდნისას, ის უსათუოდ სასიკვდილოდ დაიმტვრეოდა, რომ არ ყოფილიყო პირველ შემთხვევაში ხეები და გვიმრა. მეორეჯერ — ფხვიერი სილა, რაზეც რბილად დაეცა იგი. ბოლოს, როცა სულ რაღაც ას იარღზე ვიმყოფებოდი იმ ადგილიდან, სადაც ის ჩაწვა, წვიმა დაიწყო და გადარეცხა სისხლიანი ნაკვალევი. და მაინც ზოგ რამეში მეც მეწია ბედი. შიში იმისა, რომ ვეფხვი ბალახით დაფარული ფერდობით წავიდოდა და კვალს დაეკარგავდი, არ გამართლდა; გარდა ამისა, ახლაც იცოდ, სად უნდა მეძებნა იგი.

6

მეორე დილას დავბრუნდი ხევში ჩემ ექვს გარხვალეთან ერთად. მთელ კუბონში სარაოს ხორცი დიდ დელიკატესად ითვლება. და ვინაიდან დაღუპული ცხოველი მშვენიერ მდგომარეობაში აღმოჩნდა, შეიძლებოდა ჩემი ხალხის ულუფის სასურველ დამატებად გამომეყენებინა. გარხვალელები სარაოს გასატყავებლად დავტოვე, თავად კი იმ ადგილისაკენ გავეშურე, საიდანაც წინა სალამოს გამოვბრუნდი. იქ დავინახე, რომ ბორცვზე კიდევ ორი ვიწრო ღრმა ხევი იყო. ვინაიდან ძუ ვეფხვს შეეძლო რომელშიმე მოეპრიანებოდა, იმ ხევში შესულიყო, გადავწყვიტე ორივე გამომეკვლია, და მახლობელი ხევიდან დავიწყებამარამ რამდენიმე ასი იარღის სიმალღეზე ასვლის შემდეგ აღმოვაჩინე, რომ ხეობის ორივე მხარე ძალიან ციცაბოა ჯანსაღი ვეფხვისათვისაც კი, და თავდება ოცდაათი ფუტის სიმალღის ფრიალო ხრამით, სადაც მუსონური წვიმების

დროს. ალბათ, წყალვარდნილი წარმოიქმნება. უკან დავბრუნდი და ახლო მყოფ ხალხს გავძახე ცეცხლი დაენთოთ და ჩაისთვის წყალი აედუღებინათ. მეორე ხეობის დასათვალიერებლად რომ წავედი, ბორცვის მეორე მხარეს მხეცების ბილიკი დავინახე. მასზე დარჩენილიყო გუშინდელი წვიმის მიერ ნაწილობრივ გადარეცხილი ძუ ვეფხვის თათების ანაბეჭდები. ბილიკისაგან ოდნავ მოშორებით დიდი კლდე იყო. ახლო რომ მივედი, მის გვერდით პატარა ღრმული შევამჩნიე. ამ ღრმულში ხმელი მოთელილი ფოთლები ეყარა და აქა-იქ შედედებული სისხლით იყო დაფარული. ალბათ, ვეფხვი აქ მოვიდა ხრამში ჩავარდნის შემდეგ, ორმოცი საათის წინათ, და ეს-ეს არის წავიდა, როცა გაიგონა, როგორ ვეძახდი ხალხს, რომ ჩაი აედუღებინათ.

ყოველ ვეფხვს თავისი ჩვევა აქვს, ამიტომ არ შეიძლება წინასწარ გამოიცნო, რას მოიმოქმედებს ესა თუ ის დაჭრილი მხეცი ადამიანის მიახლოებისას. ძნელია იმის თქმაც, თუ დაჭრის შემდეგ რა ხნის განმავლობაში იქნება ის საშიში მათთვის, ვინც მას შეაწუხებს. ერთხელ დავინახე გაქცევის დროს ვეფხვმა როგორ მაგრად გაიჭრა უკანა თათი, მაგრამ ზუთი წუთის შემდეგ თავს დაესხა მთელი ასი იარდის მანძილიდან. მეორე ვეფხვი კი მრავალ საათს ილოკავდა მტკივნეულ ჭრილობას, მოწინააღმდეგეს რამდენიმე ფუტის მანძილზე უშვებდა, ისე რომ არც კი უცდია მისი გაგდება. კიდევ უფრო ძნელია წინასწარ გამოიცნო, როგორ მოიქცევა დაჭრილი კაციჭამია ვეფხვი. მისი თავდასხმა, ალბათ. გამოწვეულია არა მარტო იმით, რომ ადამიანმა შეაწუხა იგი, არამედ საკვების შოვნის სურვილითაც, თუ ჭრილობა შინაგანი არ არის. საერთოდ ვეფხვები, გარდა დაჭრილებისა და კაციჭამიებისა, ძალიან გულკეთილები არიან. ეს რომ ასე არ იყოს. ათიათასობით ადამიანი ვერ იმუშავებდა ჯუნგლებში, სადაც ხშირად ვეფხვები თითქმის ყოველ ნაბიჯზე გვხვდება, ხოლო ისეთები კი, როგორც მე ვარ, მთელი წლების მანძილზე დაუზიანებლად ვერ იხეტილებდნენ ტყეებში ფეხით. ზოგჯერ რომელიმე ვეფხვი უკმაყოფილებას ავლენს, როცა ძალიან ახლო მიდიან მის შვილებთან ან ნადავლთან, რომელსაც იგი დარაჯობს. ეს პროტესტი უქველად ბრდღენ-

ვით გამოიხატება; თუ ეს სათანადო შთაბეჭდილებას არ ახდენს, ამას მოჰყვება მოკლე ნახტომები, რასაც თან ახლავს ხმამაღლა ღრიალი. და თუ ასეთი გაფრთხილებებიც არ შევლის საქმეს, მაშინ ყოველგვარი დასახიჩრებისათვის მთლიანად დაუპატივებელ სტუმარს ედება ბრალი. რამდენიმე წლის წინათ შემემთხვა ამბავი, რომელიც ადასტურებს ჩემს რწმენას, რომ ვეფხვები გულკეთილები არიან.

ერთ საღამოს მე და ჩემი და მეგი ვთევზაობდით მდინარე ბოარზე კალადხუნგიში, ჩვენი სახლიდან სამი მილის დაშორებით. უკვე დავიჭირე ორი საშუალო სიდიდის მახსირი*, კლდეზე დავჭექი და თამბაქო გავაბოლე. მოულოდნელად გამოჩნდა სპილოზე ამხედრებული ჯოფ ჰოპკინსი (მოგვიანებით იგი უთარ პრადეშის შტატის ტყეთა დაცვის სამმართველოს უფროსი გახდა). იგი მეგობრების ჩამოსვლას ელოდა, და რადგან სუფრაზე აკლდა ხორცეული, 240-ყალიბიანი შაშხანით შეიარაღებული, კარკერის ან ხოხბის მოსაყლაკად გამოეშურა. რადგან თევზი საკმაოდ დავიჭირეთ, მივიღეთ ჯოფის წინადადება მასთან ერთად გარეულ ფრინველზე სანადიროდ წავსულიყავით. სპილოზე შეკსხედია. მდინარეზე გადასვლის შემდეგ სპილოს მარეკს ვუჩვენე, საით უნდა წავსულიყავით. ადგილი დაფარული იყო დაბალი პალახითა და ველური ქლიავის ბუჩქნარით. მალე ერთი ხოს ქვეშ მკვდარი ჩიტალი შევნიშნე. გავაჩერე სპილო და ჩამოვხტი ძირს, რომ ცხოველის სიკვდილის მიზეზი გამომერკვია. იგი ბებერი ფური ჩიტალი აღმოჩნდა, რომელიც გუშინ მომკვდარიყო. რადგან სხეულზე არ აჩნდა ძალადობის კვალი, ვიფიქრე, გველის კბენისაგან დაღუპულა-მეთქი. უკვე შემოვბრუნდი და წასასვლელად მოვემზადე, რომ პალახზე შევნიშნე ახალი სისხლის წვეთები, რომლის ფორმა ცხადყოფდა, მისი დამკარგველი ცხოველი მკვდარი ჩიტალის მოპირდაპირე მხარეს მიაშურებდა. ოდნავ მოშორებით ბალახი დავათვალიერე და კიდევ ერთი წვეთი ვიპოვე. ამ ახალი სისხლიანი ნაკვალევით საგონებელში ჩავარდნილმა დავიწყე ძებნა, სად მიდიოდა იგი, და სპილოს მარეკს ვანიშნე სპილოთი მომყოლოდა. ნაკვალევი გრძელდებოდა ბა-

ლახზე სამოცი თუ სამოცდაათი იარღის მანძილზე და ხუთი ფუტი სიმაღლის ხშირ ბუჩქებთან თავდებოდა. ბუჩქთან ახლოს რომ მივედი, ორივე ხელით — ანკესი სპილოს ზურგზე დავტოვე — ფართოდ გადავწიე ბუჩქები. პირდაპირ, თავით ჩემკენ, იწვა ვეფხვი და ჭამდა ხავერდოვან რქებიან ხარ ჩიტალს. როცა ბუჩქები გადავწვ-გადმოვწიე, ვეფხვმა თავი აიღო და შემომხედა; მისი თვალები უსიტყვოდ ნათლად მერყველებდნენ: „აჰა! დალახეროს ეშმაკმა!“ ზუსტად იგივე ვუთხარი ჩემ თავსაც. საბედნიეროდ, მოულოდნელობისაგან გაოცებული, ადგილზე გავშეშდი — შესაძლოა, იმიტომ, რომ გულისცემა შემიჩერდა. ასე ახლო მწოლიარე ვეფხვისათვის არაფერს წარმოადგენდა თათი გამოეწია და დაერთყა ჩემთვის თავში, მაგრამ მან პირდაპირ თვალებში შემომხედა, შემდეგ მოხდენილი მოძრაობით წამოდგა, გაბრუნდა და მის უკან ატეხილ ბუჩქებს შეერია. ვეფხვმა ჩიტალი მოკლა ველური ქლიავის ბუჩქნარში ჩვენს გამოჩენამდე ცოტა ხნით ადრე. ნადავლის საფარში გადატანისას მან ჩაუარა მკვდარ ფურ ჩიტალს და სისხლიანი ნაკვალევი დატოვა, რომელმაც მე მათთან მიმიყვანა. სპილოზე მსხდომ სამ ადამიანს ვეფხვი არ დაუხნახავთ მანამდე, სანამ ის ბუჩქებზე გადახტომის დროს არ გამოჩნდა. მაშინ შეშინებულმა სპილოს გამდენმა იყვირა:

-- ფრთხილად. საიბ! ვეფხვი!

კვლავ ხელადან გავუშვი ძუ ვეფხვი და ჩემს გარხვალელებს შევეუერთდი. სანამ ისინი სარაოს ჭრიდნენ, რათა უფრო მოხერხებულად წაეღოთ, მე ამასობაში ჩაი დავლიე. შემდეგ ერთად დავბრუნდით კლდის ახლო ღრმულთან, სადაც ადრე შედედებული სისხლი ვიპოვეთ. ეს ხალხი ხშირად მახლდა თან ნადირობის დროს; ფოთლებზე ამდენი სისხლის დანახვაზე მათ ერთხმად გამოთქვეს მოსაზრება, ძუ ვეფხვს შინაგანი ჭრილობა აქვს და რამდენიმე საათში უეჭველად მოკვდებაო. ამაზე მე არ შემეძლო დავთანხმებოდი, რადგან ვიცოდი, რომ ჭრილობა ღრმა არ იყო და, თუ ძუ ვეფხვს გამოჯანსაღებას დავაცლიდი, მერე გაძნელდებოდა მისი დევნა.

თუ გსურთ დაახლოებით მაინც იცოდეთ, როგორი იყო

ადგილმდებარეობა, რომელიც მე უნდა გამომეკვლია იმ დღეს, წარმოიდგინეთ დაქანებული ბორცვის ფერდობი, გადასერილი ვიწრო ღრმა ხეობით. ხეობის მარჯვნივ ფერდობს ფარავდა საკმაოდ ხშირი უბუჩქნარო ტყე, მარცხნივ — ნორჩი ბამბუკის ხშირი რაყნარი, გვიმრა და სხვადასხვა ჯიშის ბუჩქები.

გადავწყვიტე, უმჯობესია ჩემი ხალხი ხეობის მარჯვენა მხარეს გავიდეს და, მხედველობიდან რომ არ დამკარგონ, იქ ყველაზე მაღალ ხეზე აცოცდნენ-მეთქი. თუ მათ დასკირდებოდათ ჩემი ყურადღების მიპყრობა — დაესტვინათ: მთიელები, როგორც ზოგიერთი ბიჭუნა, ძალიან მოხერხებულად უსტვენენ. ხეობის გაღმა მათ არავითარი საფრთხე არ ელოდათ, რადგან ძუ ვეფხვი იქ თავს ვერაფერს შეაფარებდა. ნაკვალევი გვიჩვენებდა, რომ ძუ ვეფხვმა დიდ კლდესთან დატოვა ღრმული, და ხევის მარცხენა მხრიდან გაეშურა ზევით ბორცვზე. მეც იქით წავედი.

მე უკვე აღვნიშნე, რომ სახელმძღვანელოებით ჯუნგლებს ვერ შეისწავლი. ჯუნგლების შესწავლა თანდათანობით შეიძლება და მათი შეცნობის პროცესი უსასრულოა. იგივე ითქმის მხეცის დევნაზეც. ყოველთვის საქმე გვაქვს სხვადასხვა ცხოველთან და სულ სხვა გარემოებებთან. ამიტომ ნადირობის ეს ხერხი ყველაზე ამაღლელებელი და საინტერესოა. არსებობს ორი საყოველთაოდ მიღებული ხერხი დევნისა: — პირველი ნაკვალევზე გაყოლა, რომელზეც სისხლია, მეორე — ნაკვალევზე, რომელზეც სისხლი არ არის. ზოგჯერ დაჭრილ ცხოველს ხორცის ბუხების ან ხორცის მჭამელ ფრინველთა ფრენის მახედვით აღმოვაჩენდი ხოლმე. დევნის ამ ორი აღნიშნული საშუალებიდან უფრო საინტერესოა პირველი, რადგან ჭრილობიდან სისხლი ყოველთვის არ სდის, ცხოველის ძებნა ხშირად გვიხდება ნაკვალევით, რომელსაც ისინი ტოვებენ მიწაზე, ან მოთელილი და გადამტკრეული მცენარეულის მიხედვით. მხეცის დევნა შეიძლება იყოს ძნელიც და ადვილიც ნიადაგის ხასიათის კვალობაზე და აგრეთვე იმის მიხედვითაც, თუ რა ცხოველთან გვაქვს საქმე: ჩლიქოსნებთან თუ რბილთათიანებთან.

როცა ძუ ვეფხვმა ჩემი ხმა გაიგონა და ღრმული მიატოვა, ჭრილობიდან სისხლი აღარ სწვეთავდა, ხოლო ჩირქოვანი გამოწყობილი — ალბათ, ჭრილობა დაუჩირქდა — არ იყო საკმარისი,

რომ გავყოლოდი მის კვალს. ამიტომ ისღა დამრჩენოდა, კაცი-
ჭამია ან თათების ანაბეჭდით, ან მცენარეულობაზე დატოვებუ-
ლი ნაკვალევით მეძებნა. იმ ადგილას, სადაც ჩვენ ვიმყოფებო-
დით, ეს დიდ სიძნელეს არ წარმოადგენდა, მაგრამ ბევრ დროს
პოითხოვდა, რაც ძუ ვეფხვისათვის იყო ხელსაყრელი, ვინაი-
დან. რაც უფრო დიდხანს გრძელდებოდა დევნა, მით უფრო
მეტე შანსები ექნებოდა მას ჭრილობიდან განკურნებისა და
მით უფრო მცირე შანსები მრჩებოდა ძუ ვეფხვის აღმოჩენი-
სა. თავი იჩინა უკანასკნელი დღეების დაძაბულობამ. ძალიან
მოვიქანცე. ცუდად ვგრძნობდი თავს.

პირველი ასე იარდის მანძილზე კვალი მუხლამდე ბალახში
მიდიოდა. ამ ნაკვეთზე ძუ ვეფხვის დევნა ადვილი იყო, იგი
ცოტად თუ ბევრად პირდაპირ მიდიოდა. იქით ახალგაზრდა
ბამბუკის ხშირი რაყა იწყებოდა. თითქმის არ ვეჭვობდი, რომ
მხეცი აქ იწვა. სროლის იმედი სრულიად არ უნდა მქონოდა,
იმიტომ რომ ერთმანეთზე გადახლართულ ბამბუკში ჩუმად გა-
ვლა შეუძლებელი იყო, მხოლოდ ძუ ვეფხვს შეეძლო ჩემზე
თავდასხმით გაეცა თავი. ტაფობის ნახევარი რომ გავიარე,
კარკერმა დაიყვირა. მაშასადამე, ძუ ვეფხვი სადღაც გაეშურა.
როგორც ჩანდა მარცხნივ. რომელიღაც ღია ნაკვეთისაკენ, რად-
გან კარკერის ყვირილი განუწყვეტლივ ერთსა და იმავე ადგი-
ლიდან მოისმოდა. უკან გამოვბრუნდი და რაყას მარცხნიდან
შემოვუარე, მაგრამ იქ ვერ აღმოვაჩინე ვერავითარი ღია ნაკვე-
თი და, როგორც გამოირკვა, არც მყვირალა კარკერს მივახლო-
ვებივარ. ის მალე მიჩუმდა. აქ ჟივეივი ატეხეს კალიჯის ხობ-
ბებმა. ძუ ვეფხვი კვლავ მიდიოდა, მაგრამ მიუხედავად იმისა,
რომ სმენა დავძაბე და თავი ყოველ მხარეს მივაბრუნე, მაინც
ვერ გავარკვიე კაციჭამიას მოძრაობის მიმართულება.

ჯუნგლებში გაგონილი ხმის მიხედვით მიმართულებებისა და
შანძილის ზუსტად განსაზღვრის უნარი დიდი ხელოვნებაა. ჩემი
დაოსტატება ამ სფეროში სრულყოფამდე ავიყვანე, რითაც ძა-
ლიან ვამაყობდი. მაგრამ იმ დღეს, ჩემდა სამწუხაროდ, ნათლად
ვიგრძენი. რომ თავზე დამტყდარმა უბედურებამ ეს უპირატე-
სობა დამაჯარჯინა. მივხვდი, რომ ჩემი სმენა ამიერიდან ვეღარ
დამეხმარებოდა თავიდან ამეცდინა საფრთხე, რომ ვეღარ და-
ტკებებოდი ჯუნგლების ბინადართა ხმებით, ბინადრებისა. რო-

მელთა ენას ხანგრძლივი წლების მანძილზე ვსწავლობდი. მეორე ყური მაინც მქონოდა სალი! მაგრამ, სამწუხაროდ, მრავალი წლის წინათ თოფის „შემთხვევით“ გასროლის შედეგად ან ყურის დაფის აპიკ დაზიანდა. თუმცა გარემოებათა შედეგად არახელსაყრელ მდგომარეობაში აღმოვჩნდი, მაგრამ მაინც არ ვაპირებდი დამეშვა, რომ ვეფხვს, კაციქამია იქნებოდა იგი თუ არა, რაიმე უპირატესობა მოეპოვებინა სამკვდრო-სასიცოცხლო ბრძოლაში.

დავბრუნდი გვიმრიანში, რომ იქ მეპოვნა ძუ ვეფხვი. ახლა ჩემი მხედველობის იმედილა მქონდა. ჭუნგლებში ბევრი ნადირი იყო: ხან აქ და ხან იქ ხშირად ყვიროდნენ შეშფოთებული სამბხარი, კარკერი და ლანგური, რაც ძუ ვეფხვის ყოფნაზე მიუთითებდა; რამდენჯერმე გავიგონე ხობების, ჩხიკებისა და შაშვების ხმაური. არ მიმიქცევია ყურადღება ამ ხმებისათვის. რომელთაც ჩვეულებრივ გატაცებით ვუსმენდი, ფეხდაფეხ მივდევდი ძუ ვეფხვს. იგი აღიოდა ბორცვზე ხან პირდაპირ, ხან მიხვეულ-მოხვეულად — ერთი თავშესაფრიდან მეორეში და ხშირად ისვენებდა. ბორცვის მწვერვალის მახლობლად ასი იარდის სიგანის უბეში ბალახით დაფარული ღია მოედანი მდებარეობდა, უფრო ზევით — ხშირი ბუჩქნარის კიდევ ორი ნაკვეთი, რომელსაც ვიწრო გადასასვლელად ყოფდა და მწვერვალამდე იყო გადაჭიმული. უბეშ ბალახში ნაკვალევი დავკარგე. ძუ ვეფხვმა იცოდა, რომ ფეხდაფეხ მისდევდნენ და, ცხადია, უნდოდა, რაც შეიძლება ნაკლებად მოხვედროდა თვალში ადამიანს. გასასვლელიდან მარჯვნივ მდებარე ბუჩქნარი ოცდაათი იარდით ახლო იყო, და გადაწყვიტე ჯერ ის დამეთვალაყრებინა.

ბუჩქიდან ერთი თუ ორი იარდის მოშორებით გავიგონე, რომელიღაც მსხვილი ცხოველის სიმძიმისაგან როგორი ტკაცანი გააღინა ხმელმა რტომ. მომეჩვენა, რომ ხმამ მარცხნიდან მოაღწია, და ბუჩქნარის მეორე ნაკვეთისაკენ გადავუხვიე. ეს იყო ჩემი მეორე შეცდომა იმ დღეს; პირველი — როცა ხალხს დავუძახე ჩაისთვის წყალი აედუღებინათ. მოგვიანებით ჩემმა ხალხმა მიაგბო, რომ მე გადავჭერი გაშლილი ნაკვეთი იმწამსვე ვეფხვის შემდეგ და როცა მარცხნივ გავუხვიე, იგი იწვა პატარა მდელოზე ბუჩქნარში მარჯვნივ, რამდენიმე იარდის მოშორებით მისი ნაპირიდან, და, ალბათ, მე მელოდებოდა.

მარცხნივ ბუჩქებში ძუ ვეფხვის ვერავითარი ნიშანი ვერ ვიპოვე; გაშლილ ადგილას დავბრუნდი და აქ გავიგონე ჩემი ხალხის სტვენა. ისინი აცოცებულნი იყვნენ სულ მალა კენწეროზე, რომელიც ჩემგან მარჯვნივ რამდენიმე ასი იარდის მოშორებით იდგა, და როცა ხელი ავწიე იმის ნიშნად, რომ მათ ვხედავდი, უესტებით მიმითითეს ჭერ მალა, შემდეგ ქვევით, მაცნობებდნენ, ძუ ვეფხვი ბორცვის მწვერვალის გადაღმა მიიმალაო. სწრაფად გავიქეცი ვიწრო გასასვლელით და მწვერვალთან მისვლისთანავე დავინახე, რომ ბორცვის მოპირდაპირე ფერდობი სრულიად შიშველია, — ცოტა ხნის წინათ აქ დაიწვა ბალახი. გუშინ იწვიმა და სველ ნაცარზე კარგად ჩანდა ძუ ვეფხვის ნაკვალევი. დამრეცი ფერდობი სწორედ იმ ნაკადულთან ეშვებოდა, რომლის დინების ზემოთ რამდენიმე მილი გავიარე ტალაკოტში ჩამოსვლის დღეს. ნაკადულთან ძუ ვეფხვი წყურვილის მოსაკლავად შეჩერდა. შემდეგ გავიდა შიგ და ტაფობში მიიმალა. ახლოვდებოდა საღამო. გამოვბრუნდი უკან მწვერვალისაკენ და ხალხს ვანიშნე ჩემთან მოსულნიყვნენ.

დიდი კლდიდან, სადაც ძუ ვეფხვის ნაკვალევს წავაწყდო. ნაკადულამდე სულ ოთხი მილი თუ იქნებოდა, მაგრამ ამ მანძილის გასაველად შვიდი საათი დანჰირდა. თუმცა ამ დღეს ჩემთვის გამარჯვება არ მოუტანია, ის მაინც საინტერესო და ამაღელვებელი იყო ჩემთვის იმიტომ, რომ როცა ძუ ვეფხვის ნაკვალევს მივყვებოდი, ყოველ წამს მზად ვიყავი დაჰრილი კაციჰამიას მოულოდნელი თავდასხმა მომეგერიებინა. ჩემი გარზხვალელებისათვის იმიტომ, რომ ხიდან მათ თითჰმის მუდამ შეეძლოთ თვალყური ედევნებინათ ძუ ვეფხვისა და ჩემთვისაც. ეს დღე დიდხანს გაგრძელდა: ბანაკიდან გარიჰრაჰზე გამოვიერთ და მხოლოდ საღამოს რვა საათზე დავბრუნდი თუკან.

7

მეორე დილას, ვიდრე ჩემი ხალხი საუზმობდა, მე დახოცილი ვეფხვების ტყავებს მივხედე. ხელახლა გადავჰიმე ისინი პალოებზე, ნედლ ადგილებს კი ხის ნაცარი და შაბი წავუტსვი. ვეფხვის ტყავი დიდ მზრუნველობას მოითხოვს. თუ მთლიანად

არ გააცალე ქონი და არ დაამუშავე ლაშები, ყურები და თათების ბალიშები ისე, როგორც საჭიროა, ბალანი გასცივება და ტყავი წახდება. შუადღემდე დაეამთავრე მუშაობა და ჩემ ოთხ თანაშემწესთან ერთად — ორნი დარჩნენ ბანაკში საჩაოხს ტყავის დასამუშავებლად — იმ ადგილისაკენ გავეშურე, სადაც წინა საღამოს შევწყვიტე ძუ ვეფხვის დევნა.

ხეობა, სადაც ნაკადული მიედინებოდა, იყო განიერი, საკმაოდ სწორი და დასავლეთიდან აღმოსავლეთისაკენ მიემართებოდა. მის მარცხენა მხარეზე მდებარეობდა ბორცვი, რომლის მოპირდაპირე ფერდობზე გუშინ ვეფხვს მივდედდი, მარჯვნივ — მეორე ბორცვი, ტანაკუურისაკენ მიმავალი გზით. კაციჭამიას გამოჩენამდე ხეობის ნაწილს ამ ბორცვს შორის ტალაკოტის მცხოვრებნი საძოვრად იყენებდნენ, ამიტომ აქ მიწას გარდგარდმო კვეთდა პირუტყვის მიერ გაყვანალი ბილიკები და წვიმის წყლისაგან წარმოქმნილი მრავალი ვიწრო თხრილი. ხეობაში ბუჩქნარისა და ხეების ხშირ რაყაში ვაფანტულოყო სხვადასხვა სიდიდის მდელოები. აქ კარგი ადგილებია სამბხარზე, კარკერზე და დათვებზე სანადიროდ (მათი ნაკვალევი ბილიკებზე ვიპოვე). მაგრამ არა მგონია, ვინმეს დაებალოს სურვილი აქ სანადიროს კაციჭამია ვეფხვზე. ხეობა კარგად ჩანდა მარცხნივ აღმართული ბორცვიდან; ჩემი ხალხი მოვათავსე ხეებზე თხემის გასწვრივ, ერთმანეთისაგან ორასი იარღის შუალედით. მათ თვალი უნდა ედევნებინათ ადგილისათვის და, თუ საჭირო იქნებოდა, ჩემთვის დახმარება აღმოეჩინათ. ამის შემდეგ წავედი იქ. სადაც წინა საღამოს ძუ ვეფხვის დევნა შევწყვიტე.

ვეფხვი 7 აპრილს დაეჭერი, ესე იგი სამი დღის წინათ. როგორც წესი, დაჭრიდან ერთი დღე-ღამის შემდეგ ვეფხვი აღართვლება საშიშად. რადგან იგი ამჯობინებს არ დაგესხას თავს. მაგრამ ბევრი რამ დამოკიდებულია კრილობის ხასიათსა და თვით მხეცის ჩვევებზე. თუ კრილობა მსუბუქია, ადამიანის მიახლოებისას ვეფხვი, ჩვეულებრივ, მიდის. მაგრამ თუ მძიმედ არის დაჭრილი, იგი საშიშია რამდენიმე დღის განმავლობაში. მე არ ვიცოდი, რა ხასიათის კრილობა ჰქონდა ძუ ვეფხვს, მაგრამ რადგან წინა დღეს მას ერთხელაც არ უცდია ჩემზე თავდასხმა. გადავწყვიტე უგულვებელმეყო, რომ ის დაჭრილია, და

მიმეჩნია მხოლოდ კაციჰამიად, თანაც ძალიან მშვიერად — მას არაფერი ეჭამა იმ დღიდან, რაც ქალი მოკლა და გვამი თავის ბოკვერებს გაუნაწილა.

იქ. სადაც ძუ ვეფხვი ნაკადულზე გადავიდა, წვიმის წყლებსაგან წარმოქმნილი, სიგანით სამი და სიღრმით ორი ფუტი თხრილი გადიოდა. კაციჰამია აჰყვა ამ თხრილს, რომელსაც ორივე მხრიდან ხშირი ბუჩქნარი ერტყა. მის ნაკვალევს გავყევი და პირუტყვის მიერ გატყეპნილ ბილიკზე გავედი. აქ აღმოვაჩინე. რომ ძუ ვეფხვს მარჯვნივ გადაეხვია. გადასახვევიდან სამას იარღზე ხარობდა ხშირტოტებიანი ხე. ძუ ვეფხვმა მის ქვეშ გაატარა ღამე. მას ტკივილი სტანჯავდა, ბორგავდა, მაგრამ ნაწოლ ფოთლებს არ აჩნდა არც სისხლი და არც ჩირქი. შემდეგ გავყევი ახალ ნაკვალევს, უსაფრთხოების ყველა ღონისძიებას ვიცავდი. რომ ჩასაფრებული ძუ ვეფხვი მოულოდნელად არ დამსხმოდა თავს. სალამომდე მის დევნაში გავიარე რამდენიმე მილი ბილიკებზე და რუებზე, მაგრამ მისი კუდის წვერიც კი არ დამინახავს. მზის ჩასვლისას შევეკრიბე ჩემი ხალხი. ბანაკში დაბრუნების შემდეგ მათ მიამბეს, თვალს ვადევნებდით ძუ ვეფხვის მოძრაობას ჭუნგლებში ცხოველებისა და ფრინველების შეშფოთებული ყვირილის მიხედვით, მაგრამ არც ჩვენ დაგვინახავსო.

ნადირობის დროს, როცა ჯანსაღ კაციჰამია ვეფხვზე მიდინხარ ქარის საწინააღმდეგო მიმართულებით, ყველაზე მეტად უნდა უფრთხილდე თავდასხმას ზურგიდან და, უფრო ნაკლებად, ფლანგებიდან. თუ ზურგის ქარი უბერავს, საშიშროება ფლანგებიდან გემუქრება. როცა ქარი მარჯვნიდან გცემს, საშიშია მარცხენა და ზურგის მხარე, ხოლო თუ უბერავს მარცხნიდან. — მარჯვენა მხარე და ზურგი. წინიდან თავდასხმის საშიშროება მცირეა. გამოცდილებით დავრწმუნდი, რომ ჯანსაღი ვეფხვები, კაციჰამიები არიან ისინი თუ არა, ამჯობინებენ ასე არ მოიქცნენ. ჩვეულებრივ, კაციჰამია ვეფხვები მსხვერპლს თავს ესხმიან ისეთი მანძილიდან, რომელიც ერთი ნახტომით შეუძლიათ დაფარონ. სწორედ ამიტომ უფრო ძნელია გაუმკლავდე მათ, ვიდრე დაჭრილ ვეფხვებს: უკანასკნელნი აუცილებლად თავს ესხმიან უფრო შორი მანძილიდან, ასე, ათი. ოცი იარღიდან და ზოგჯერ ასიდანაც. პირველ

შემთხვევაში უნდა იმოქმედო ელვის სისწრაფით, მეორე შემთხვევაში გაქვს დრო, რომ შამხანა ასწიო და დაუმიზნო. ასეთ თუ ისე, ყოველთვის საჭიროა სწრაფი რეაგირება, ამასთან ერთად გასროლას ჩვეულებრივ თან აყოლებ მხურვალე ვედრებას, რომ ერთმა ან ორმა უნცოა ტყვიამ შეაჩეროს შენკენ გამოქანებული რამდენიმე ასეულგირვანქიანი არსება.

ვიცი, რომ კრილობა საშუალებას არ მისცემდა ძუ ვეფხვს ერთი ნახტომით დამსხმოდა თავს, და, თუ მისგან საკმაო მანძილით ვიქნებოდი დაცილებული, შემეძლო თავი მეგრძნო შედარებით უშიშარ მდგომარეობაში. ამავე დროს არ უნდა დამევიწყებინა, რომ გასულ ოთხ დღეში, მას შემდეგ როცა უკანასკნელად ვნახე კაციჭამია, შესაძლოა, მას კრილობები მოშუშებოდა. ამიტომ 11 აპრილს დილით, როცა კვლავ ძუ ვეფხვის სადევნელად მივდიოდი, გადავწყვიტე მოვრიდებოდი კლდეებს, ბუჩქებს და ხეებს, რომელთა უკან, შესაძლოა, ძუ ვეფხვი მიდარაჯებდა.

წუხელ საღამოს კაციჭამია ტანაკუტრის გზის მხარეს გაემართა. კვლავ ვიპოვე ადგილი, სადაც დამე გაატარა, ამჯერად თივის რბილ საწოლზე, და ახალ ნაკვალევს გავყევი. ის თავს არიდებდა ხშირ შამხანას, შესაძლოა იმიტომ, რომ იქ უზმანუროდ ვერ გაივლიდა, და რუებსა და ნადირთა ბილიკებს მიჰყვებოდა. ჩემთვის ნათელი გახდა, რომ ის ნადავლის პოვნას ცდილობდა. მალე ერთ თხრილში ძუ ვეფხვმა ნახა მზის სხივებში რბილ სილაზე მძინარე სულ რამდენიმე კვირის პატარა კარკერი, მოკლა და ძვლებიანად შექაშა, მხოლოდ ჩლიქები დატოვა. ახლა მე ძუ ვეფხვისაგან ერთი ან ორი წუთის სავალზე ვიყავი და, რადგან ვიცი, რომ კარკერი მას მხოლოდ მადას გაუხსნიდა, სიფრთხილე გავაორკეცე. ალაგ-ალაგ სარუეები და მხეცთა ბილიკები, რომელთაც ის მიჰყვებოდა, მიიკლაკნებოდა, ხშირ შამხანარში ან კედლების ახლოს გადიოდა. ჯანმრთელად რომ ვყოფილიყავი, ძუ ვეფხვის ნაკვალევს პირდაპირ გავყვებოდი და, შესაძლოა, დავწეოდი კიდეც, მაგრამ ცუდად ვიყავი. სიმსივნე თავზე, სახესა და კისერზე ისე გაიზარდა, რომ აღარ შემეძლო თავის არც აწევდა და არც მიბრუნებ-მობრუნება, მარცხენა თვალი კი

მთლად დამეხუჭა. საბედნიეროდ, მარჯვენა თვალი შემრჩა სა-
ლი და ოდნავ კიდევ მესმოდა.

მთელ დღეს მივღევდი ძუ ვეფხვს, მაგრამ ერთხელაც არ
დამინახავს იგი. და, ვფიქრობ, მასაც არ დაეუნახივარ. იქ, სა-
დაც თხრილებს, მხეცებისა და პირუტყვებისაგან გათელილ
ბილიკებს ხშირი მცენარეულობით დაფარული ნაკვეთები სე-
რავდა. გვერდს ვუვლიდი მათ და მოპირდაპირე მხარეზე
კვლავ ვპოულობდი თათების ანაბეჭდს. ძალიან მიშლიდა
ხელს ის გარემოება, რომ ადგილს არ ვიცნობდი, ამან არა მარ-
ტო მაიძულა გამევილო რამდენიმე ზედმეტი მილი. არამედ არ
მაძლევდა საშუალებას მიემხვდარიყავი. საით წავიდოდა ძუ
ვეფხვი და ჩავსაფრებოდი. ბოლოს, როცა იმ დღეს უარი
ვთქვი შემდგომ დევნაზე, მხეცი ხეობას აჰყვა და სოფლის
მხარეს მიაშურა.

ბანაკში რომ დავბრუნდი, ვიგრძენი. მდგომარეობა გამი-
უარესდა. მე ვიცოდი და ვშიშობდი, რომ ეს შეიძლებოდა მომ-
ხდარიყო. ვეებერთელა დაჩირქებული მუწუქი ისე ძლიერ მი-
ფეთქავდა, თითქოს მასში ელექტრული დენი გაეშვათ. თავში
კი თითქოს ჩაქუჩებს შირტყამდნენ. უძილო ღამეებმა და ცუდ-
მა კვებამ (ჩაის გარდა, თითქმის პირში არაფერი ჩამიდვია)
სავსებით გამომფიტა. შეძრწუნებული ვფიქრობდი იმაზე, რომ
საწოლზე მჯდომს კიდევ ერთი ღამის თეთრად გათენება მო-
მიხდებოდა და ტკივილებისაგან დატანჯული რაღაცას უნდა
დავლოდებოდი. სახელდობრ, რას თვითონაც არ ვიცოდი.
ტალადეშში იმიტომ ჩავედი, რომ მოსახლეობა საფრთხისგან
მეხსნა და ამასთან ერთად ავადმყოფობისაგანაც განმეკუთრნა
თავი. ჭერჯერობით კი მხოლოდ იმას მივალწიე, რომ კიდევ
უფრო გავაუარესე ამ რაიონის მცხოვრებთა მდგომარეობა.
ჭრილობამ წაართვა ვეფხვს შესაძლებლობა მოეპოვებინა ჩვე-
ულებრივ საკვები — ცხოველები. თუ რვა წლის განმავლო-
ბაში მან სიცოცხლეს გამოასალმა ას ორმოცდაათი კაცი, ახ-
ლა, ვიდრე ჭრილობა არ მოშუშდებოდა, ის ეცდებოდა მოე-
პოვებინა ყველაზე იოლი ნადავლი — ადამიანი. დრო იყო გა-
მესწორებინა ვეფხვთან ანგარიში. და ამისათვის სწორედ ეს
ღამე იყო ყველაზე შესაფერისი.

ვუთხარი, ჩემთვის მოეტანათ ფინჯანი ჩაი—მომზადებული.

როგორც მთებშია მიღებული, რძით. — და ზეზეურად დავ-
ლიე იგი ისე, რომ კარავში არც შევსულვარ. ეს იყო ჩემი სა-
დილი. შემდეგ მოვიხმე ხალხი და ვუბრძანე სოფელში მეორე
საღამომდე დამლოდებოდნენ; თუ ვინიცობაა ამ დროისათვის
არ დავბრუნდებოდი, ჩემი ბარგი შეეკრათ და მეორე დღეს
დილაადრიან ნაინი ტალში გაეგზავნათ. შემდეგ ლოგანიდან
შაშხანა ავიღე და ხეობაში გავემართე. ჩემი ხალხიდან, ვინც
მრავალი წლების მანძილზე მიცნობდა, კრინტი არავის დაუძ-
რავს, არავის უკითხავს, სად მივიღოდი და არ უცდიათ ჩემი
შეჩერება. ყველანი ერთად იდგნენ და მღუპარედ მიყურებ-
დნენ, როგორ ვშორდებოდი მათ. შესაძლოა, ცრემლი მათ
ლოყებზე ჩემი წარმოსახვის ნაყოფი ან მთვარის კაშკაშა შუ-
ქის ანარეკლი იყო. უკან მივიხედე და დავინახე, არც ერთი
მათგანი ადგილიდან არ დაძრულიყო.

8

ჩემი სიჭაბუკის ერთ-ერთი ყველაზე სასიამოვნო მოსაგონა-
რია გასეირნება ზამთარში ათ-თორმეტ მეგობართან ერთად
მთვარის სხივებით მოფენილ ტყის გზებზე და ვახშამი, რო-
მელსაც მაღიანად შევექცეოდით სახლში დაბრუნებისას. ამ
გასეირნების მიზანი იყო დაგვეთრგუნა ის შიში, რომელიც,
ჩვეულებრივ, იპყრობს ადამიანს ტყის სიბნელეში, და აგრე-
თვე შევგუებოდით ღამის ჭუნგლებისათვის დამახასიათებელ
ხმებს. შემდგომში მრავალი წლის გამოცდილებამ განმიმტკი-
ცა რწმენა, გაიზარდა ჩემი ცოდნის მარაგი ჭუნგლების ბინა-
დართა ცხოვრებაზე. ამიტომ, როცა 11 აპრილს, მთვარიან ღა-
მეს, ბანაკიდან ტალადეშის კაციქამიასთან საბრძოლველად
გამოვედი, არც მიფიქრია, რომ შესაძლო იყო დავმარცხებუ-
ლიყავი ამ ჭიდილში, რომელიც სხვას, ალბათ დამღუპველად
მოეჩვენებოდა.

რაც თავი მახსოვს, ყოველთვის მაინტერესებდა ვეფხვე-
ბი, და რადგან ცხოვრების უმეტესი ნაწილი ისეთ მხარეებში
მიცხოვრია, სადაც ვეფხვები ძალიან ბევრი იყო, კარგი შესაძ-
ლებლობა მქონდა თვალყური მედევნებინა მათთვის. ყრმობის
წლებში ჩემი სანუკვარი სურვილი იყო დამენახა ვეფხვი.

მხოლოდ დამენახა და მეტი არაფერი. მოგვიანებით აღმეძრა სურვილი მომეკლა იგი, და ეს სურვილი განეახორციელე. როცა გავემგზავრე სანადიროდ ვილაც მეზღვაურისაგან რომოდაათ რუპიად ნაყიდი ჯარისკაცის ძველი შაშხანით, რომელიც, ვფიქრობ, მან მოიპარა და სანადირო თოფად გადააკეთა. უფრო მოგვიანებით მოვინდომე ვეფხვის ფოტოსურათის გადაღება. დროთა განმავლობაში სამივე სურვილი ამისრულდა. ის მცირეოდენი რამ, რაც ვიცი ვეფხვების შესახებ, სწორედ მაშინ შევიტყვე, როცა ვცდილობდი მათი სურათი გადამეღო. მთავრობამ „ტყეში თავისუფლად შესვლის“ უფლება დამართო, რასაც ძალიან დიდად ვაფასებ. ეს უფლება მთელ ინდოეთში, ჩემ გარდა, მხოლოდ ერთ მონადირე სპორტსმენს ჰქონდა. მე შემეძლო დაუბრკოლებლად მევლო იმ ჯუნგლების რაიონში, სადაც ვეფხვები ყველაზე ბლომად იყვნენ, თვალყურს ვადევნებდი რამდენიმე დღის ან მთელი კვირის მანძილზე. ერთხელ ოთხ თვენახევრის განმავლობაში შესაძლებლობა მქონდა რამდენადმე შემესწავლა ამ მხეცების ჩვევები, განსაკუთრებით მსხვერპლთან მიახლოებისა და მისი მოკვლის მანერა. ვეფხვი არ დასდევს თავის მსხვერპლს. ის ან საფარში წევს, ან შეუშინებლად ეპარება. ორივე შემთხვევაში ის ძალიან სწრაფად ესხმის თავს მსხვერპლს, ერთი ნახტომით ანდა აკეთებს მოკლე სწრაფ ნახტომს და შემდეგ აცხრება მას. ამგვარად, თუ ცხოველი ახერხებს ისეთ მანძილზე ყოფნას, რომელსაც ვეფხვი ერთი ნახტომით ვერ დაფარავს, თუ ის არ მისცემს მტაცებელს მიპარვის შესაძლებლობას და სწრაფ რეაგირებას მოახდენს საშიშროებაზე, როდესაც დაინახავს, სუნით იგარძნობს ან გაიგონებს, მაშინ მას აქვს შანსები სიბერემდე იცოცხლოს. ცივილიზაციამ ადამიანს მოუსპო ცხოველისათვის დამახასიათებელი მახვილი ყნოსვა და სმენა. თუ ადამიანს კაციჭამია ვეფხვის თავდასხმის საშიშროება ემუქრება, მხოლოდ მხედველობას ძალუძს იხსნას იგი სიკვდილისაგან. როცა აუტანელი ტკივილებით მოთმინებადაკარგული იძულებული გავხდით იმ დამეს ბანაკიდან წავსულიყავი, ჩემი მგდომარეობა არასახარბიელო იყო: მხოლოდ ცალი თვალით ვხედავდი. სამაგიეროდ ვიცოდი, რომ ძუ ვეფხვი ზიანს ვერ მომაყენებდა, თუ მას ახ-

ლოს არ მოვეუშვებდი, მე კი შემეძლო ის შორი მანძილიდან მომეკლა. ამგვარად, ჩემი მითითება ხალხისადმი — წასული-ყვნენ ნაინი ტალში, თუ მეორე დღეს საღამომდე არ და-ბრუნდებოდი, გამოწვეული იყო არა ვეფხვის უძლეველობით, არამედ მხოლოდ იმის შიშით, რომ დაეკარგავდი გრძნობას და თავდაცვას ვერ შევძლებდი.

გავლილი ადგილების დაწვრილებითი რუკის შედგენას გონებაში ის უპირატესობა აქვს, რომ საშუალებას გვაძლევს ადვილად ვიპოვოთ გზა ყოველ პუნქტთან. ამგვარად, უმაღვე ვიპოვე ადგილი, საიდანაც გუშინ უკან გამოვბრუნდი, და განვაახლე ძუ ვეფხვის დევნა. ღამით ეს შესაძლებელია მხოლოდ მხეცების ან პირუტყვის მიერ გატყეპნილ ბილიკებზე. საბედნიეროდ, კაციაშია სწორედ ამ ბილიკებზე მიდიოდა. მდელოებზე გამოვიდნენ სამბხარები და კარკერები, ერთნი საბალახოდ, მეორენი უშიშროების გულისათვის. თუმც ვერ შევძელი განმესაზღვრა, საიდან მოისმოდა მათი მშფოთვარე ყვირილი, მაგრამ მაინც ვიცოდი, როდის მოძრაობდა ძუ ვეფხვი, და დაახლოებით წარმოვიდგინე, საით მიდიოდა იგი.

პირუტყვის მიერ გატყეპნილ და ხშირ მცენარეულობაში ვიწრო მიხვეულ-მოხვეულ ბილიკზე დაეტოვე ვეფხვის ნაკვალევი და თხელი ბუჩქნარის შემოვლით გავეშურე, იმ განზრახვით, რომ მოპირდაპირე მხრიდან კვლავ ნაკვალევზე გავიდოდი. გზა უფრო გრძელი აღმოჩნდა, ვიდრე ვეგარაუდობდი, მაგრამ ბოლოს და ბოლოს გავედი კორდზე, სადაც დაბალი ბალახი და იშვიათი მაღალი მუხები იდგა. ერთი მუხის ქვეშ შეეჩერდი. მალე მუხის ჩრდილის რხევის მიხედვით მივხვდი, რომ მის ტოტებზე ლანგურების მთელი გუნდი ბინადრობდა. ბევრი ვიარე და ახლა შემეძლო მშვიდად დამესვენა, რადგან ლანგურები უთუოდ გამაფრთხილებდნენ საშიშროების შესახებ. დავჯექი მიწაზე, ზურგით მუხას მივეყრდენი, პირი კი იმ შამბნარისაკენ მქონდა, რომელსაც ეს-ეს იყო შემოვუარე. დაახლოებით ნახევარი საათის შემდეგ ლანგურმა დაიყვირა: ძუ ვეფხვი გაშლილ ადგილას გამოვიდა და ფრინველმა შენიშნა იგი. მალე მეც დავინახე ძუ ვეფხვი სწორედ იმ პომენტში, როცა იგი დაწოლას აპირებდა ჩემგან ასი იარღისა და ხშირი შამბნარიდან ათი იარღის მოშორებით. იგი ჩემკენ

გვერდზე დაწვა, თავი ააწია და მყვირალ ლანგურს დაუწყო ზღერა.

მე ღამით სროლის დიდი გამოცდილება მაქვს, რაც ჯერ კიდევ იმ ზამთრის თვეებში შევიძინე, როცა ვეხმარებოდი ჩვენს მოიჯარადრეებს კალაღბუნგში ნათესები დაეცვათ მოთარეშე ღორებისა და ირმებისაგან. ნათელ მთვარიან ღამეში ცხოველს ასი იარღის მანძილზე ვახვედრებ. მე, ისევე როგორც იმ ადამიანების უმრავლესობას, რომლებმაც თვითონ ისწავლეს სროლა, სროლის დროს ორივე თვალი მიხილია. ეს საშუალებას მაძლევს ცალი თვალი ვადევნო ნიშანს, მეორეთი დავუმზინო.

სხვა დროს დავუცდიდი ძუ ვეფხვის ადგომას და ვესროდი, მაგრამ, საუბედუროდ მარცხენა თვალი დახუჭული მქონდა, ხოლო ამ პირობებში ასი იარღი საკმაოდ დიდი მანძილია. წინა ორი ღამე ძუ ვეფხვმა ერთ ადგილას გაატარა, და შესაძლოა, დროის მეტი ნაწილი ეძინა; შეიძლება ამ ღამესაც ასევე მოქცეულიყო. ის რომ გვერდზე დაწოლილიყო და დაეძინა, მე დავბრუნდებოდი პირუტყვის მიერ გათელილ ბილიკზე და მის ნაკვალევზე შამბნარზე გავლით გავიდოდი მისგან ათი იარღის მოშორებით მდებარე მდელოზე, ან ხოხვით მივიპარებოდი გაშლილ კორდთან, რომ თოფი საკმაოდ ახლო მანძილიდან მესროლა. მაგრამ ის მუცელზე იწვა თავაწეული, ამიტომ არ შემეძლო არც ერთისა და არც მეორის გაკეთება. ისღა დამრჩენოდა, წყნარად ვმჯდარიყავი და მელოდნა, სანამ იგარაიმე ნაბიჯის გადადგმას გადაწყვეტდა.

საკმაოდ დიდხანს, სულ ცოტა ნახევარ საათს, ძუ ვეფხვი ერთ მდგომარეობაში იყო, დროგამოშვებით აბრუნებდა თავს ხან ერთ და ხან მეორე მხარეს, ხოლო ბებერი ლანგური ნამძინარევი ხმით საგანგაშო სიგნალებს იძლეოდა. ბოლოს, ძუ ვეფხვი ადგა და ძალიან ნელა, გაჭირვებით წავიდა ჩემგან მარჯვნივ. იმ მხარეს, საითაც ის გაემართა, ათი-თხუთმეტი ფუტის სიღრმისა და ოცი-ოცდახუთი იარღი სიგანის უტყეო ხევი იყო, რომელიც აქეთობისას ქვემოთ გადმოვჭერი. როცა მანძილი ჩემსა და ძუ ვეფხვს შორის ას ორმოცდაათ იარღამდე გადიდდა და, მაშასადამე, შემცირდა მის მიერ ჩემი დანახვის შანსი, უკან მივყევი. ხიდან ხესთან გადარბენით და ვეფ-

სვზე უფრო სწრაფი მოძრაობით ჩვენ შორის მანძილი ორმოც-
დაათ იარდამდე შევამცირე ამ მომენტში, როცა მან ხევის
კიდეს მიაღწია. ახლა შემეძლო სროლა, მაგრამ ვეფხვი ჩრდილ-
ში იდგა, კულის ბოლო კი, რომელსაც ვხედავდი, მიზანში ამო-
სალებად არ გამოდგებოდა. იგი ერთ წუთს უძრავად იდგა,
მაგრამ შემდეგ ხევზე გადასვლა გადაწყვიტა, ძალიან ფრთხი-
ლად დაეშვა ქვემოთ.

როგორც კი ძუ ვეფხვი ხევში გაუჩინარდა, მოვიხარე და
უხმაუროდ გავიქეცი წინ. მოხრილი და თავდაღუნული სირ-
ბილი ძალიან დიდი უგუნურობა იყო ჩემი მხრივ. რამდენიმე
იარდის გარბენაც ვერ მოვასწარი, რომ თავბრუ დამეხუა. მახ-
ლობლად აღმოჩნდა ორი ახალგაზრდა მუხა. ისინი ერთმანე-
თისაგან რამდენიმე ფუტის დაშორებით იდგნენ და ტოტები
ერთმანეთში გადაეხლართათ. შაშხანა დავდე და ავცოცი
ათი-თორმეტი ფუტის სიმაღლეზე. იქ აღმოვაჩინე ერთი ტო-
ტი, რომელზეც შემეძლო დაჯდომა, მეორეზე ფეხებს დავა-
წყობდი და კიდევ რამდენიმე პატარა რტო, მკერდით რომ მივ-
ყრდნობოდი. რტოებზე ხელები დავაწყვე, ზედ თავი დავდე:
ამ დროს გასკდა ჩემი მუწუჟი არა შიგნით. როგორც ვშიშობ-
დი. არამედ გარედან, ცხვირსა და მარცხენა ყურში.

„ადამიანისათვის ყველაზე დიდი ბედნიერებაა აუტანელი
ტკივილის მოულოდნელად შეწყვეტა“, — თქვა ერთხელ იმან.
ვინც ბევრი იტანჯა და განცდილი ჰქონდა ტანჯვისაგან მოუ-
ლოდნელი ხსნის ბედნიერება. დაახლოებით შუადამისას ვიგ-
რძენი შეება და როცა თავი ავწიე. აღმოსავლეთით ირიქრაჟა.
წვრილ ტოტზე ოთხ საათს ვიჯექი. ფეხები დამეკრუნჩხა, ამან
მაიძულა გონს მოვსულიყავი. ერთხანს ვერ მოვისაზრე, სად
ვიმყოფებოდი და რა დამემართა. მაგრამ მალე ყველაფერი
გავიხსენე. ვეებერთელა სიმსივნე გაქრა, მასთან ერთად გაქრა
ტკივილიც. შემეძლო როგორც მინდოდა თავის მობრუნება.
თავისუფლად ყლაპვა და მარცხენა თვალით ხედვა. მართალია.
ხელიდან გავუშვი ვეფხვის მოკვლის ხელსაყრელი შემთხვევა.
მაგრამ რა მნიშვნელობა ჰქონდა ამას, როცა მე კვლავ სალად
ვიყავი? სადაც უნდა წასულიყო ძუ ვეფხვი, ყველგან ვღევიდი
და ადრე თუ გვიან უეჭველად მოვკლავდი.

როცა უკანასკნელად ვნახე, ძუ ვეფხვს გეზი სოფლისაკენ

ეჭირა. მსუბუქად ჩამოვხტი ხიდან, რომელზეც ასეთი გაჭირვებით ავცოციდი, ავიღე ჩემი შაშხანა და მეც იქით გავემართე. პდინარესთან შევჩერდი, ვიბანავე და ტანსაცმელი გავრეცხე.

როგორც ვუბრძანე, ჩემი ხალხი სოფელში არ წასულა და ჩემი კარვის აპლოს კოცონთან გაათიეს ღამე, თან განუწყვეტლივ აღუღებდნენ წყალს. თავიდან ფეხებამდე სველი რომ დამინახეს, ისინი გახარებული ყვირილით წამოცვივდნენ:

— საიბ! საიბ! დაბრუნდით, ჯანმრთელი დაბრუნდით!

— დიახ, — ვუპასუხე მე, — დაებრუნდი, ჯანმრთელი დაებრუნდი.

როცა ინდოელი თავის ერთგულებას გამოხატავს, ის ამას აკეთებს გულწრფელად, სრულიად უანგაროდ. როგორც კი ტალაკოტში ჩავედი, მამასახლისმა ჩემს ხალხს ორი ოთახი დაუთმო, რადგან თავი უშიშროებაში რომ იგრძნო, განსაკუთრებით ძილის დროს, ეს მხოლოდ დაკეტილ კარს შიგნითაა შესაძლებელი. მიუხედავად ამისა, ჩემი ხალხი, რომელსაც შეგნებული ჰქონდა, თუ რა საფრთხე ემუქრებოდა, ჩემთვის ამ ძნელ ღამეს ღია ცის ქვეშ დარჩა, რათა საჭიროების შემთხვევაში დამხმარებოდა. თან მზად ჰქონდათ ცხელი ჩაი. არ მახსოვს, დავლიე თუ არა ჩაი, მაგრამ კარგად მახსოვს, რომ მზრუნველმა ხელებმა გამხადეს ფესხაცმელები და დამახურეს პლედი, როცა ლოგინზე დავწექი.

დიდხანს მეძინა მშვიდად, შემდეგ სიზმარი ვნახე: თითქოს ვიღაც დაჟინებით მეძახდა, მეორე აგრეთვე დაჟინებით ირწმუნებოდა, მისი შეწუხება არ შეიძლებაო. სიზმარი მეორდებოდა მცირეოდენი ცვლილებით. ბოლოს სიტყვებმა ჩემს შეგნებამდე მოაღწიეს და რეალობად იქცნენ.

— თქვენ უნდა გააღვიძოთ ის, თორემ ძალიან გაჯავრდება.

და პასუხი:

— ჩვენ არ გავაღვიძებთ მას, იგი ძალზე დაიღალა.

ეს უკანასკნელი განგა რამას ხმა იყო. მე დავუძახე მას და ვუთხარი, რომ შემოეშვა ჩემთან კაცი. ერთი წუთის შემდეგ ჩემი კარავი გარემოცული იყო აღელვებული კაცებითა და ბავშვებით. მათ ერთი სული ჰქონდათ, სანამ მაცნობებდნენ. რომ ხეობის ბოლოში კაციჭამიამ ეს-ესაა ექვსი თხა მოჰკლა.

ფეხსაცმელებს რომ ვიცმევდი, შევათვალე რე შეკრებილნი. მათ შორის აღმოჩნდა ღუნგარ სინგხი. ვკითხე, იცი თუ არა ის ადგილი, სადაც კაციჟამიამ თხები დახოცა, და ხომ არ შეგიძლია იქამდე მიმაცილო-მეთქი.

— რასაკვირველია, ვიცი, — ხალისით მიპასუხა მან, — და შემიძლია მიგიყვანო იქ.

მამასახლისს ვთხოვე არ გაეშეა ხალხი, ავიღე ჩემი 275-ყალიბიანი შაშხანა და ღუნგარ სინგხთან ერთად სოფელზე გავლით ხეობისაკენ გავეშურე.

ძილმა ძალ-ღონე დამიბრუნა, და რადგან აღარ იყო საკირო ფრთხილად გადამედგა ნაბიჯები, რომ თავი არ მტკენოდა, მრავალი კვირის შემდეგ პირველად შემეძლო მსუბუქად და თავისუფლად მევლო.

9

ტლაკოტში ჩემი ჩასვლის დღეს ღუნგარ სინგხმა სოფელზე გავლით ვიწრო უნაგირასთან მიმიყვანა, საიდანაც კარგად ჩანდა ორი ხეობა. ხეობა მარჯვნივ ციცაბოდ ეშვება მდინარე კალისაკენ; მის ზედა ნაწილში დაეხოცე ახალგაზრდა ვეფხვები და დავეჭერი ძუ ვეფხვი.

მარცხნივ მდებარე ხეობა, ნაკლებად დამრეცია და უნაგირადან მისკენ თხის ბილიკი მიდის. კაციჟამიას თხები სწორედ ამ ხეობაში დაეხოცა. ჩემი გამყოლი სირბილით დაეშვა ბილიკზე და მეც მას მივყევი. ხუთას-ექვსასი იარდის მანძილზე ბილიკი ციცაბო და არასწორ ფერდობზე უხვევდა, შემდეგ მას ჰკვეთდა ნაკადული და მერე ქვევით, მარცხენა ნაპირის გასწვრივ მიდიოდა. ნაკადულისა და ბილიკის გადაკვეთის მახლობლად იყო გაშლილი და საკმაოდ სწორი ნაკვეთი. მასზე გადაჭიმულიყო კლდოვანი მთაგრეხილი, რომელსაც პატარა ლარტაფი ეკრა. აქ ეყარა სამი მოკლული თხა.

სანამ ჩვენ ბორცვიდან ვეშვებოდით, ღუნგარ სინგხმა მიამბო, რომ დაახლოებით შუადღის ხანს ათი-თხუთმეტი ბიჭი მწყემსავდა ამ ხეობაში თხების ფარას, მოულოდნელად გამოჩნდა ვეფხვი — მწყემსები ფიქრობენ, რომ ის კაციჟამია იყო — და ექვსი ცხოველი დახოცა. ვეფხვის დანახვაზე ბიჭებმა საშინელი ყვირილი ატეხეს. მათ შეუერთდა რამდენიმე კაცი;

რომლებიც იქვე ახლოს ფიხს აგროვებდნენ. ამ აურზაურში, როცა თხები აქეთ-იქით აწყდებოდნენ, ხალხი კი ყვიროდა: ვეფხვი წავიდა, და, როგორც გამოირკვა, არავის არ დაუნახავს საით. ხალხმა წამოიღო სამი მოკლული თხა და გამოეშურა სოფელში, რომ ჩემთვის მომხდარი ამბავი ეცნობებინა. სამი ხერხემაღადამტვრეული თხა კი ტაფობში ეყარა.

მე ეჭვი არ მეპარებოდა, რომ თხები დაჭრილმა ძუ ვეფხვმა დახოცა, რადგან როცა უკანასკნელად დავინახე, იგი სოფლისკენ მიდიოდა. ხალხმა მიამბო, რომ დაახლოებით ერთი საათით ადრე ბანაკში ჩემს დაბრუნებამდე ნაკადულის ახლო, მათგან ასი იარდის მოშორებით ყვიროდა კარკერი. მათ იფიქრეს, რომ კარკერმა ხმაური ჩემს დანახვაზე ატეხა, და ამიტომ დაანთეს ცეცხლი. ბედნიერებაა, რომ ისინი ასე მოიქცნენ: მოგვიანებით აღმოვაჩინე ძუ ვეფხვის თათების ანაბეჭდი კოცონის მახლობლად, შემდეგ ვეფხვი წავიდა სოფელში. ცხადია, იმ განზრახვით, რომ კაცი მოეკლა. მარცხის შემდეგ ძუ ვეფხვი სოფლის მახლობლად ჩაწვტ და პირველი შესაძლებლობისთანავე დახოცა თხები. ძუ ვეფხვი მშიერი იყო. მიუხედავად მტკივნეული ჭრილობისა, რომლის გამოც ძლიერ კოჭლობდა, მან ეს რამდენიმე წამში გააკეთა.

ამ ადგილებს არ ვიცნობდი, ამიტომ დუნგარ სინგხს ვკითხე, შენი აზრით, ძუ ვეფხვი რა მიმართულებით წავიდოდა-ჰეთქი. დუნგარ სინგხის ვარაუდით მხეცი ქვევით ხეობაში წავიდოდა, რადგან იქ ჭუნგლების ხშირი ჯაგნარი იყო. სანამ დუნგარ სინგხს ვეკითხებოდი ამ ჭუნგლების შესახებ და ვაპირებდი თვითონ წავსულიყავი ძუ ვეფხვის საძებნელად, ხოხობმა კალიჯიმ იყვილა, დუნგარ სინგხი მობრუნდა, ზევით ბორცვს შეხედა და ამით მაჩვენა ის მხარე, საიდანაც ფრინველთა ზმები აღწევდა. მარცხნივ ციცაბოდ აღმართულიყო ბორცვი, რომელზეც რამდენიმე ხე და ბუჩქი იდგა. ვიცოდი, რომ ძუ ვეფხვს არც კი უცდია ზედ ასვლა. დუნგარ სინგხმა შეამჩნია, საითკენ ვიყურებოდი, და მითხრა, ხოხობი იქ კი არ არის, არამედ ხევშია, ბორცვის შვერილის უკანო. რადგან ხოხობს ჩვენ არ დავუნახივართ, მისი შეშფოთება მხოლოდ ძუ ვეფხვს შეეძლო. დუნგარ სინგხს ვუთხარი სირბილით დაბრუნებულიყო სოფელში და ზურგიდან ვიცავდი შაშხანით მანამ-

დღე, სანამ სამშვიდობოს არ გავიდა. შემდეგ შევუღდე ჩასასაფრებლად შესაფერისი ადგილის ძებნას.

ეობის ამ ნაწილში მხოლოდ ვეებერთელა ფიქვები იდგა. მათზე აღოცება ყოვლად შეუძლებელი იყო — ტოტები ოცდაათი-ორმოცი ფუტის სიმაღლეზე იწყებოდა. ისღა დამრჩენოდა მიწაზე დავმჯდარიყავი: დღე კიდევ არა უშავდა რა, მაგრამ თუ ძუ ვეფხვი თავის ნადავლს საღამოს დაუბრუნდება, და ამასთან ადამიანის ხორცს ამჯობინებს თხისას! ამ შემთხვევაში რომ ცოცხალი გადარჩე სრულ სიბნელეში იმ ორი საათის განმავლობაში, სანამ მთვარე ამოვიდოდეს, ძალიან იღბლიანი კაცი უნდა იყო.

ტაფობის მახლობლად კლდეზე, მთაგრეხილის შუაგულში, გამოშვერილი იყო, დიდი ბრტყელი ქვა, მის გვერდით იდო მეორე ოდნავ ნაკლები სიდიდისა. ვიფიქრე, თუ მომცრო ქვაზე დავჯდები, შეიძლება დიდ ქვას ამოვეფარო და იქიდან მხოლოდ თავს გამოვყოფ, რომ ძუ ვეფხვმა არ შემამჩნიოს-მეთქი. ასეც მოვიქეცი. ტაფობი პირდაპირ ჩემ წინ იდო. მისი სიგანე ორმოც იარღს უდრიდა. ტაფობის მოპირდაპირე მხარე აწეული იყო ოც ფუტამდე. მის თავზე საკმაოდ სწორი მოედანი გახლდათ ათი-ოცი იარღის სიგანისა, რომელიც ციცაბოდ ეშვებოდა მარჯვნივ და ბორცვის დაქანებულ ფერდობზე გადადიოდა. ტაფობში დარჩენილი სამი თხა, რომლებიც ჯერ კიდევ ცოცხლები იყვნენ, როცა ხალხი სოფელში გაიქცა, ახლა უკვე დახოცილიყო, ძუ ვეფხვმა ისინი მიწაზე დასცა და ერთ მათგანს ზურგზე ტყავი გადააგლიჯა.

ხოხობმა კალიჯიმ ყივილი შეწყვიტა. ვიჯექი და ვმკითხაობდი, როდის დაიყივლა მან: როცა დაინახა ზევით ხეობაში მავალი ძუ ვეფხვი, თუ როცა ის უკვე ბრუნდებოდა. პირველ შემთხვევაში დიდხანს უნდა მელოდნა, მეორე შემთხვევაში იმედი უნდა მქონოდა, რომ მალე გამოჩნდებოდა. ნაშუადღევის ორ საათზე მოვეწყვე ქვაზე, ხოლო ნახევარი საათის შემდეგ ხეობაში მოფრინდა წყვილი მტრედისფერი ჰიმალაის კაკ-კაკი. ბარტყების გამოჩეკის პერიოდში წიწკანებისა და სხვა წვრილი ჩიტების ბუდეების გამანადგურებელ ამ ლამაზ ფრინველებს განსაკუთრებული ალღო აქვთ და ადვილად პოულობენ ჭუნგლებში ლეშს. მათი ჭახჭახი ბევრად ადრე გავიგონე, ვიდრე ისინი გამოჩნდებოდნენ.

კაქკაქებმა შეამჩნიეს თხები, შეწყვიტეს ქახჭახი და ფრთხილად მიფრინდნენ მათთან. რამდენჯერმე ცრუ განგაშის გამო ისინი ყივილით ავარდნენ ზევით, შემდეგ დააფრინდნენ ზურგადაგლეჯილ თხას და დაუწყეს წიწკნა. ჰაერში უკვე კარგა ხანია დანავარდობდა მეფე სვავი. თხის ლეშზე კაქკაქები რომ დაინახა, ნარნარით დაეშვა ძირს და ბუმბლივით მსუბუქად დაჯდა ფიჭვის ხმელ ტოტზე. მეფე სვავებს თეთრი გულმკერდი, შავი ზურგი, წითელი ფეხები აქვთ. ისინი სვავების ყველაზე წვრილი ნაირსახეობაა, სხვაზე ადრეც პოულობენ ნადავლს. მათთვის დიდი მნიშვნელობა აქვს ყველას დაასწრონ, თორემ უფრო დიდი ნათესავეები მოფრინდებიან და განდევნიან.

გამეხარდა სვავის მოფრენა; მას შეეძლო ჩემთვის საჭირო ცნობები მოეცა. მაღალი ფიჭვის ტოტიდან ირგვლივ შორს ყველაფერს ხედავდა. თუ ის ფიჭვიდან აფრინდებოდა და კაქკაქებს შეუერთდებოდა, მაშასადამე, ძუ ვეფხვი წასული იყო; თუ სვავი ადგილზე დარჩებოდა, მაშინ ძუ ვეფხვი სადღაც ახლოს იქნებოდა ჩაწოლილი. ნახევარი საათის განმავლობაში სურათი არ შეცვლილა, კაქკაქები ჰამდნენ, სვავი კი ხმელ ტოტზე იჯდა; შემდეგ წვიმის მძიმე ღრუბლებმა დაფარეს მზე. თითქმის იმწამსვე კვლავ გაისმა ხოხობი კალიჯის ხმა და კაქკაქები გულშემზარავი ქახჭახით გაფრინდნენ ქვემოთ ხეობაში. ძუ ვეფხვი ახლოვდებოდა. ახლა უფრო მალე, ვიდრე ველოდი, კვლავ მომეცა მისი მოკვლის შესაძლებლობა, რაც წინაღედს ხელიდან გავუშვი იმის გამო, რომ თავბრუ დამეხვა.

რამდენიმე თხელი ბუჩქი ბორცვის შვერილზე ჟარავდა ჩემგან ხევს, მაგრამ მალე დავინახე ძუ ვეფხვი. ის ძალიან ნელა მოდიოდა ღრმულის მოპირდაპირე კიდეზე სწორი მოედნის გასწვრივ და პირდაპირ ჩემკენ იხედებოდა. ვიცოდი, რომ თუ არ გავინძრეოდი, იგი ვერ შემამჩნევდა, რადგან დიდი ქვიდან მხოლოდ თავი მქონდა გამოყოფილი, თვალეზე ქული ჩამოვიფხატე და გავქვავდი; ჩემი შაშხანა ბრტყელ ქვაზე იდო. ძუ ვეფხვმა გარკვეული მანძილი გაიარა და სწორედ ჩემ პირდაპირ დაჯდა. ჩვენ შორის იდგა დიდი ფიჭვი, რომლის ერთ მხარეზე ვხედავდი მხეცის თავს, მეორე მხარეს — კუდსა და უკანა თათებს. ასე იჯდა იგი საკმაოდ დიდხანს და დროგამოშვებით იგერიებდა ჭრილობაზე დასეულ აბეზარ ბუზებს.

რვა წლის წინათ, როცა ძუ ვეფხვი შედარებით ახალგაზრდა იყო, ის სერიოზულად დაშავდა მაჩვზღარბთან შეტაკებაში. შესაძლოა, იმ დროს მას ჰყავდა ბოკვრები და, რადგან მათ გამოსაკვებად ვერ შეძლო ჩვეულებრივი საზრდოს შოვნა, დაიწყო ხალხის ხოცვა. ასეთი ქცევით ძუ ვეფხვი დანაშაულს არ სჩადიოდა ბუნების კანონის წინააღმდეგ. ის ხორცისმჭამელი ცხოველია, და ხორცი — სულერთია ადამიანისა იქნება თუ ცხოველისა — ერთადერთი საკმელია, რომელსაც ითვისებს მისი ორგანიზმი. გარემოებათა გავლენით ცხოველი, ისევე როგორც ადამიანი, ჰკამს იმ საკმელს, რომელსაც ჩვეულებრივ პირობებში არ ხმარობს. თავის კაციკვამიობის მთელ პერიოდში ძუ ვეფხვმა მოკლა ას ორმოცდაათი კაცი — ოცზე ნაკლები წელიწადში. ამიტომ მე იმ დასკვნამდე მივდი, რომ ასეთი სახის საკვებს, როგორც მისთვის უფრო მისაწვდომს, ის მაშინ მიმართავდა, როცა ბოკვრები ჰყავდა, და ძველი ჭრილობების გამო ვერ ახერხებდა საკმაო რაოდენობით ეშოვნა ცხოველები თავისთვის და თავისი მოდგმის სიცოცხლის შესანარჩუნებლად.

ტალადეშის მოსახლეობას სასტიკად ტანჯავდა ძუ ვეფხვი, და ახლა ხალხის ყველა მიყენებული უბედურებისათვის მას მთლიანად უნდა ეზღო. რამდენჯერმე დავუმიზნე თავში, რომ ბოლო მომელო მისი ტანჯვისათვის, მაგრამ სქელი ნისლის გამო საკმაოდ ბნელოდა და დარწმუნებული არ ვიყავი, რომ სამოცი იარდის მანძილზე მოვარტყამდი ასეთ შედარებით პატარა მიზანს.

ბოლოს ძუ ვეფხვი ადგა, გადადგა სამი ნაბიჯი, დადგა გვერდით ჩემკენ და დახოცილ თხებს გადახედა. ბრტყელ ქვეს იდაყვებით დავეყრდენი, გულდასმით დავუმიზნე გულში და დავაწეე სასხლეტს. ძუ ვეფხვის უკან ბორცვზე მტვერი აისვეტა. ვიფიქრე, გულში მოვახვედრე კი არა, მგონი, საერთოდ ავაცდინე-მეთქი, მაგრამ ისე გულდასმით ვუმიზნებდი, რომ ეს არ შეიძლებოდა მომხდარიყო. ტყვია, ალბათ, გამქოლ გავიდა. თოფის გავარდნისთანავე ძუ ვეფხვი წინ გადახტა, შემდეგ გავარდა სწორ მოედანზე — თითქოს ძალიან დამ-

ფრთხალი იყო და არა დაჭრილი — და, სანამ მოვასწრებდი სასხლეტზე კიდევ ერთხელ ხელის დაჭერას, თვალს მიეფარა.

ძალიან გული დამწყდა, რომ ასეთი შესანიშნავი შესაძლებლობის მიუხედავად, ვერ მოვკალი ძუ ვეფხვი, და მტკიცედ გადავწყვიტე, მაინც ვერსად წამივა-მეთქი. ქვიდან ჩამოვხტი, სულმოუთქმელად გადავევლე ღრმულს, ავიარე ოცფუტიანი აღმართი, სწორი მოედანი და იმ ადგილთან გავჩერდი, სადაც ძუ ვეფხვი გაქრა. აქ დავინახე, რომ ორმოცი ფუტის სიმაღლეზე შვეულად ძირს ეშვება ფხვიერი ფიქალნარი ფლატო. ძუ ვეფხვი მასზე დიდი ნახტომით დაეშვა. მე ვერ გავბედე იგივე გამეკეთებინა, იმის შიშით, რომ იოგების დაჭიმულობა არ მიმელო. ამიტომ ჩავსუცქიდი და ისე ჩავსრი-ალდი ქვევით. ფლატეს ძირში საცალფეხო ბილიკი გადიოდა. დარწმუნებული ვიყავი, ძუ ვეფხვი ამ ბილიკს დაადგებოდა, თუმცა მაგარ ზედაპირზე არ აჩნდა მისი თათების ანაბეჭდი. ბილიკის მარჯვნივ, ქვიან ფსკერზე, მოედინებოდა ნაკადული, რომელზეც ღუნგარ სინგხთან ერთად გადავედი. ნაკადულს ბალახით დაფარული ციცაბო ბორცვი დაჰყურებდა. ბილიკის მარცხნივაც ბორცვი იყო, რომელზეც რამდენიმე ფიჭვი იდგა. ბილიკი პირდაპირ მიემართებოდა. გავირბინე ორმოცდაათი იარდი და გზორალის შეშფოთებული ყვირილი გავიგონე. გზორალი შეიძლება ყოფილიყო მხოლოდ ერთ ადგილას, ჩემ მარჯვნივ, ბალახით დაფარულ ბორცვზე. შესაძლოა, ძუ ვეფხვი გადავიდა ნაკადულზე და ამ ბორცვზე ავიდა. შევდექი, რომ დამენახა, ხომ არ ჩანდა იგი სადმე. ამ დროს ხალხის ყვირილი მომესმა. სოფლის მხარეს შემოვბრუნდი — უნაგირაზე ხალხი იდგა. შეამჩნიეს, რომ მათ ვუყურებდი, და მიმითითეს ქვევით ბილიკზე. წინ გავიქეცი და მოსახვევს იქით ახალი სისხლი დავინახე.

ცხოველებს ტყავი მჭიდროდ არა აქვთ მიკრული კუნთებზე. თუ ტყვია ხვდება უძრავად გაჩერებულ მხეცს და შემდეგ ის მთელი სისწრაფით გარბის. ტყვიის მიერ გაკეთებული ნახვრეტი ტყავში არ ემთხვევა იმავე ტყვიისაგან გაკეთებულ ნახვრეტს სხეულში. სანამ ცხოველი სწრაფად გარბის, კრილობიდან სისხლი არ სდის ან, თუ სდის, ძალიან მცირე რაოდენობით. მაგრამ როცა ცხოველი ანელებს სირბილს, ორივე ნახ-

ერეტი თითქმის ერთდებდა და რაც უფრო ნელა მოძრაობს იგი, მით უფრო მეტი სისხლი სდის. თუ ეჭვი გეპარებათ, რომ ტყვია მოხვდა მიზანს, უნდა მიხვიდეთ იმ ადგილას, სადაც ცხოველი გასროლის დროს იმყოფებოდა, და მოძებნოთ, ხომ არაა იქ სადმე ტყვიისაგან ჩამოცვენილი ბალანი. ტყვიისაგან ჩამოცვენილი ბალანი იმას მოწმობს, რომ თქვენ მოახვედრეთ ცხოველს, მისი არარსებობა კი იმაზე მეტყველებს, რომ ააცი-
ლინეთ.

მოსახვევში ძუ ვეფხვი თუმცა ნელა, მაგრამ ჯერ კიდევ მაინც მირბოდა — ეს დაღვრილი სისხლის რაოდენობით გან-
ვსაზღვრე. რომ დავწეოდი, სირბილს ვუმატე. მაგრამ მალე გზა გადამიღობა მარცხნივ მდებარე ბორცვის შვერილმა. აქ ბილიკი შვერილს უკან უხვევდა და მახვილი კუთხით მიდიო-
და მოპირდარპივ მიმართულებით. თავი ვერ შევიმაგრე, შიშ-
ველ ფერღობზე კი ხელის მოსაკიდი არაფერი იყო, იწერციით გადავახტი ბილიკს და სადღაც ქვევით დავეშვი. დაბლა ათი-
თხუთმეტი ფუტის მანძილზე ახალგაზრდა როდოდენდრონი ხარობდა, მის ქვევით ბნელი ციკაბო ხრამი იწყებოდა, რომ-
ლის ფსკერზე ნაკადული რამდენჯერმე უხვევდა სწორი კუთ-
ხით და კვეთდა მთის ძირს. როცა როდოდენდრონს ჩავუქ-
როლე, მოვახერხე მარჯვენა ხელით ჩავჭიდებოდი მას, საბედ-
ნიეროდ, ხე მაგარი აღმოჩნდა. თუმცა მოიღუნა, მაგრამ არ მოტეხილა. როდოდენდრონის წყალობით გადავრჩი ხრამში
გადაჩეხვას. და როცა ფრთხილად დავიწყე ზევით ასვლა, მთე-
ლი ძალით ვაჭდობდი ფეხსაცმლის ქუსლებს ხშირი გვიმრით დაფარულ ბორცვს თიხხარიან ზედაპირში.

ცხადია, ძუ ვეფხვს ველარ დავეწეოდი. მაგრამ მან დატოვა
მკაფიო სისხლიანი ნაკვალევი, ამიტომ შემეძლო არ ავჩქარე-
ბულიყავი. ბილიკი ჯერ ჩრდილოეთისაკენ მიდიოდა, ბორცვის
შვერილს რომ შემოუარა, დასავლეთით გაემართა და გრძელ-
დებოდა ჩრდილოეთისაკენ ხშირი ტყით დაფარული ფერდო-
ბის გასწვრივ. ბილიკზე კიდევ ორას იარდამდე რომ გავიარე,
ბორცვის ერთ-ერთ განშტოებაზე ხშირი გვიმრით და აქა-იქ
ბუჩქებით დაფარული სწორი მოედანი დავინახე. ჩემი ვარაუ-
დით, ამ მოედნის იქით ვერ წავიდოდა ვერც ერთი ვეფხვი, რო-
მელსაც ტყვიამ სხეულში გაუარა. ამიტომ მას დიდი სიფრთხი-
ლით ეუახლოვდებოდი.

ინდოეთის ჯუნგლებში ყველაზე საშიში მხეცია ვეფხვი, რომელმაც გადაწყვიტა ჭრილობებისათვის შური იძიოს. ცხადია, ძუ ვეფხვს სწყუროდა სამაგიეროს გადახდა. მან ერთბაშად ექვსი თხა დახოცა. შემდეგ კი, ვესროლე თუ არა, გაიქცა. ეს იმას მოწმობდა, რომ ხუთი დღის წინათ ფეხში მიყენებული ჭრილობა არ უშლიდა მას სწრაფად ემოძრავა: უეჭველია, როგორც კი იგრძნობდა, რომ მას სდევნიდნენ და საშუალება ექნებოდა დასცემოდა მდევარს, ის სწრაფად დაესხმოდა თავს; და მე ალბათ ერთხელ სროლას მოვასწრებდი. შაშხანის საკეტი დავწიე, გულდასმით გადავთვალიერე ვაზნა. ის აღმოჩნდა უკანასკნელი ვაზნა იმ პარტიიდან, რომელიც ცოტა ხნის წინათ მენტონმა კალკუტიდან გამომიგზავნა. ამ მდგომარეობით კმაყოფილმა ვაზნა ისევ სავაზნეში ჩავდე, მოვწიე საკეტი და საცავი მოვხსენი.

შემდეგ ბილიკი გადიოდა ხშირ, წელამდე სიმაღლის გვიმრაში. სისხლიანი ნაკვალევი იქ მიდიოდა: შესაძლოა ძუ ვეფხვი თვით ბილიკზე ან მის გვერდით ჩაწოლილიყო. ამიტომ შამბნარს ნელი ნაბიჯით ვუახლოვდებოდი, და მხოლოდ წინ ვიხედებოდი. ასეთ შემთხვევაში არაა საჭირო აქეთ-იქეთ ყურება. როცა გვიმრამდე დაახლოებით სამი იარღი დარჩა, თვალი მოვკარი მოძრაობას ბილიკიდან მარჯვნივ ერთ იარღზე: ძუ ვეფხვი თავდასასხმელად ემზადებოდა. დაჭრილი და მშვიერი, იგი მაინც ცდილობდა ბოლომდე ებრძოლა, მაგრამ ნახტომის გაკეთება აღარ დასცალდა. როგორც კი ადგა, ჩემმა პირველმა ტყვიამ სასიკვდილოდ დასჭრა, ხოლო მეორემ განგმირა იგი.

ავადმყოფობამ, დაძაბულობამ და უქმელობამ იქამდე მიმიყვანა, რომ ხელ-ფეხი მიკანკალებდა. გაჭირვებით მივალწიე ბილიკის მოსახვევამდე, სადაც ქვევით კლდეებზე შემთხვევას რომ არ ჩაეგდო როდოდენდრონის თესლი, სიცოცხლეს გამოვესალმებოდი.

სოფლის ყველა მცხოვრები და ჩემი მხლებლები შეიკრიბნენ ბორცვის ღრმულზე და მის ორივე ფერდობზე. ძლივს მოვასწარი ქუდი ამეწია და დამეჩნია მათთვის, რომ მამაკაცები და ბიჭები ყვირილით დაეშვნენ ძირს. პირველად ჩემმა მხლებლებმა მოირბინეს. როცა მოლოცვები მოთავდა, ძუ ვეფხვი

კოჯე მიაბეს და კუმონში ექვსმა ყველაზე უფრო ამყმა გარხვალელმა ტალადემის კაციჰამია ზეიმით წაილო სოფელ ტალაკოტში. აქ ძუ ვეფხვი დადეს გაშლილ ჩალაზე, რომ ქალებსა და ბავშვებს ენახათ, მე ჩემს კარავში წავედი, რათა მრავალი კვირის ნაშიმშილევს გემრიელად მესადილა. ერთი საათის შემდეგ ხალხით გარშემორტყმულმა ძუ ვეფხვი გავატყავე.

275-ე ყალიბის პირველი რბილთავიანი სასკდომი ტყვია ნიკელის გარსში ძუ ვეფხვს ვესროლე 7 აპრილს. მისი ნამსხვრევები მაგრად ჩაჭდა მხეცის მარჯვენა ბეჭის სახსარში. მეორე და მესამე ტყვია, რომლებიც ვესროლე მაშინ, როცა იგი ვარდებოდა ხიდან, შემდეგ კი, როცა ბორცვზე აღიოდა, მიზანში არ მოხვდა. მეოთხე — 12 აპრილს — გავიდა სხეულში ისე, რომ ძვალს არ შეხებია, მეხუთე და მეექვსემ გადაწყვიტეს მისი ბედი. ძუ ვეფხვის მარჯვენა წინა თათიდან და ბეჭიდან ამოვადრე მაჩვზღარბის ოცამდე ეკალი, თითოეული ორიდან ექვს ღვიმამდე იქნებოდა. ეს ეკლები იყო მიზეზი იმისა, რომ ვეფხვი კაციჰამია გახდა.

მეორე დღეს ოდნავ გავაშრე ტყავი, სამი დღის შემდეგ კი მშვიდობით დავბრუნდი სახლში.

ბეინესმა ძალიან თავაზიანად მიიწვია დუნგარ სინგხი და მისი ძმა აღმორში საჯარო ზეიმზე, მადლობა გადაუხადა დახმარებისათვის და ჩემგან, ნიშნად პატივისცემისა, საჩუქარი გადასცა. ნაინი ტალში დაბრუნების ერთი კვირის შემდეგ სერ მალკოლმ ჰეილმა მომცა სარეკომენდაციო ბარათი პოლკოვნიკ დიკთან, ყურის სნეულებათა სპეციალისტთან, სამი თვის განმავლობაში მმკურნალობდა იგი ლახორში საავადმყოფოში და იმდენად აღმედგინა სმენა, რომ ადვილად შემეძლო ურთიერთობა მქონოდა ჩემ მახლობლებთან, მომესმინა მუსიკა და ფრინველთა გალობა.

1. *Handwritten signature*
 2. *Handwritten signature*
 3. *Handwritten signature*
 4. *Handwritten signature*
 5. *Handwritten signature*
 6. *Handwritten signature*
 7. *Handwritten signature*
 8. *Handwritten signature*
 9. *Handwritten signature*
 10. *Handwritten signature*
 11. *Handwritten signature*
 12. *Handwritten signature*
 13. *Handwritten signature*
 14. *Handwritten signature*
 15. *Handwritten signature*
 16. *Handwritten signature*
 17. *Handwritten signature*
 18. *Handwritten signature*
 19. *Handwritten signature*
 20. *Handwritten signature*
 21. *Handwritten signature*
 22. *Handwritten signature*
 23. *Handwritten signature*
 24. *Handwritten signature*
 25. *Handwritten signature*
 26. *Handwritten signature*
 27. *Handwritten signature*
 28. *Handwritten signature*
 29. *Handwritten signature*
 30. *Handwritten signature*
 31. *Handwritten signature*
 32. *Handwritten signature*
 33. *Handwritten signature*
 34. *Handwritten signature*
 35. *Handwritten signature*
 36. *Handwritten signature*
 37. *Handwritten signature*
 38. *Handwritten signature*
 39. *Handwritten signature*
 40. *Handwritten signature*
 41. *Handwritten signature*
 42. *Handwritten signature*
 43. *Handwritten signature*
 44. *Handwritten signature*
 45. *Handwritten signature*
 46. *Handwritten signature*
 47. *Handwritten signature*
 48. *Handwritten signature*
 49. *Handwritten signature*
 50. *Handwritten signature*
 51. *Handwritten signature*
 52. *Handwritten signature*
 53. *Handwritten signature*
 54. *Handwritten signature*
 55. *Handwritten signature*
 56. *Handwritten signature*
 57. *Handwritten signature*
 58. *Handwritten signature*
 59. *Handwritten signature*
 60. *Handwritten signature*
 61. *Handwritten signature*
 62. *Handwritten signature*
 63. *Handwritten signature*
 64. *Handwritten signature*
 65. *Handwritten signature*
 66. *Handwritten signature*
 67. *Handwritten signature*
 68. *Handwritten signature*
 69. *Handwritten signature*
 70. *Handwritten signature*
 71. *Handwritten signature*
 72. *Handwritten signature*
 73. *Handwritten signature*
 74. *Handwritten signature*
 75. *Handwritten signature*
 76. *Handwritten signature*
 77. *Handwritten signature*
 78. *Handwritten signature*
 79. *Handwritten signature*
 80. *Handwritten signature*
 81. *Handwritten signature*
 82. *Handwritten signature*
 83. *Handwritten signature*
 84. *Handwritten signature*
 85. *Handwritten signature*
 86. *Handwritten signature*
 87. *Handwritten signature*
 88. *Handwritten signature*
 89. *Handwritten signature*
 90. *Handwritten signature*
 91. *Handwritten signature*
 92. *Handwritten signature*
 93. *Handwritten signature*
 94. *Handwritten signature*
 95. *Handwritten signature*
 96. *Handwritten signature*
 97. *Handwritten signature*
 98. *Handwritten signature*
 99. *Handwritten signature*
 100. *Handwritten signature*

დამსახურებული სასჯელი

საბჭოთა ხომალდი ინდოეთის ოკეანეში მიცურავდა. მშვენიერი ამინდი იდგა, ცაზე ერთი ღრუბელიც არ ჩანდა. გემი მარჯვედ მიაპობდა ტალღებს. უცებ სამანქანო ტელეგრაფმა გადმოსცა მოულოდნელი ბრძანება: „სდექ!“ მემანქანეებმა ვერც კი მოასწრეს მანქანების გაჩერება, რომ მოვიდა ახალი ბრძანება: „სრული სიჩქარით უკანი“ ამას მაშინვე მოჰყვა: „სდექ!“ შემდეგ — „სრული სვლით წინ!“ „ნელი სვლით უკანი“

— ხომ არ გაგიჟდა ჩვენი კაპიტანი? — იფიქრეს მემანქანეებმა და გემბანზე აცვივდნენ.

... სამანქანო ტელეგრაფთან სამუშაო ვახტზე დამდგარიყო გემის მეზღვაურთა საყვარელი ცხოველი — შაიმუნი რიკი.

თავხელი რიკი დაისაჯა: ნავსადგურში იგი სამუდამოდ გამოემშვიდობა ზომალდს.

ავტორიტეტული დასკვნა

წყალქვეშა ცურვის შეედმა ოსტატმა სვენ ნალინმა სპეციალური აკვალანგი გააკეთა თავისი ფოქსტერიერისათვის და წყალქვეშ ზურგზე ცურვა ასწავლა მას. ფოქსტერიერი „ლაელი“ პირველი ძაღლია, რომელიც წარმატებით დაეუფლა მისი თვისტომებისათვის ამ უჩვეულო სპორტს.

როდესაც ეს ამბავი გახმაურდა, ცხოველთა დაცვის შვეციის საზოგადოებამ პროტესტი განაცხადა.

სვენ ნალინმა საზოგადოებას შემდეგი ცნობა წარუდგინა: „ძაღლს უყვარს თამაში, გართობა, ცურვა. ფიზიოლოგიის თვალსაზრისით წყალქვეშ ცურვა ძაღლისათვის ისევე უვნებელია, როგორც ადამიანისათვის. უფრო მეტიც: ყურის სპეციფიკური აგებულების გამო ძაღლი ადამიანზე უფრო იოლად იტანს წყლის წნევის გავლენას“.

ამ ცნობას ხელი მოაწერა სტოკჰოლმის ვეტერინარული ინსტიტუტის პროფესორმა ლოტერმანმა.

ჭუჭა ანცი

ჭუჭა ანცი — ასე ეწოდება ვეველაზე პატარა შაიმუნს. ზრდადასრულებული ჭუჭა ანცის „სიმძალე“... 114 მილიმეტრია, წონა კი — 120 გრამი.

მდინარე ამაზონის ტროპიკული ტყეების ბინადარი ჯუჯა მაიმუნი თურმე ახლა ყველაზე მოდურ შინაურ ცხოველად ითვლება. იგი მალე ეჩვევა ადამიანს. ანცობა კი, მოგეხსენებათ, მაიმუნის მოგონილია, ასე რომ განე-ბიერებულმა ადამიანებმა კარგი გასართობი იპოვეს.

ზ ა რ მ ა ც ა

რაზმაცა ბინადრობს სამხრეთ ამერიკის ტყეებში და მთელ ცხოველს ხის კენწეროზე ატარებს. თავისი გრძელი ფეხებით თავდაყირა ჩამოეკიდება ხოლმე ტოტზე და ნელ-ნელა შეეპყევა ფოთლებს. მიწაზე სიარული სიკვდილივით ეზარება. გვარიანად რომ გამოძლება, ცოტას გაისივრნებს — ნახევარი მეტრით ან ზევით აცოცდება ხეზე ან დაბლა ჩამოინაცვლებს. მაგრამ ასეთი მძიმე ჯაფა ისე ღლის, რომ იძულებულია ეახშამდე ძილით მოიმაგროს თავი. მდინარე ზარმაცა ბუსუსებთან დიდ მსხალსა ჰგავს.

ერთი საოცრებაც ახასიათებს ამ ცხოველს — წარმოუდგენლად ზან-ტია. ერთი ფეხის წინ გადადგმას რამდენიმე წუთს უნდება, შემდეგ ამდენივე ხანს უნდა დაისვენოს. სანამ მეორე ფეხს გადადგამდეს. ზარმაცა „რომ მოკლას“, მთელი ღღის განმავლობაში ერთ კოლომეტრზე მეტს არ გაივლის. ხეზე რომ ავა, მანამდე არ იფიქრებს დაბლა ჩამოსვლას, სანამ მთლიანად არ გაცლის მას ფოთლებისაგან. მაგრამ დაბლა ჩამოსვლაც ეზარება. ამიტომ მოიკუნტება და ტყაპანს მოადენს ხოლმე მიწაზე. ახლა მეორე ხეზე ავა და ა. შ. ერთი ხიდან ზარმაცა გვარიანად ჩასუქებული ჩამოდის, მაგრამ სანამ მეორე ხეზე ავიდოდეს, ისე ხდება, რომ როგორც იტყვიან, „ძვალი და ტყავი“ რჩება.

ზ ვ ი გ ე ნ ე ბ ო , ა ლ ა რ გ ვ ე შ ი ნ ი ა თ ქ ე ე ნ ი

მკვლევარი-მეცნიერები დიდი ხანია ცდილობენ მიაკვლიონ ზვიგენისაგან მოცურავეთა დაცვის საშუალებას. ამ მიზნით მოწონებულ იქნა რამდენიმე სახის ქიმიური ნივთიერება, მაგრამ შეუძლებელი გახდა მათი გამოყენება, რადგან ქიმიური ფხვნილი მაშინვე მიჰქონდა წყლის დინებას: ამ ცოტა ხნის წინ ახალგაზრდა ამერიკელმა გამოგონებელმა ჯონ ჰიკსმა გარკვეულ წარმატებას მიაღწია ამ მხრივ. მთელი ექვსი წელიწადი მოანდომა მან თავისი გამოგონებული ელექტრული მოწყობილობის — ელექტრომაგნიტური ტალღების გამომსხივებლის — სრულყოფას. და აი გამოსცადეს ეს მოწყობილობა. შედეგი? როგორც კი ჩაირთვება აპარატი, ზვიგენები ადგილზე ქეკედებიან, თითქოს კედელს დაეჭახენო! შემდეგ კი უკან მოუხედავად გარბიან. ადამიანს, რომელსაც თან აქვს ეს პატარა მოწყობილობა, არაფერს არ გრძნობს. ამის მიზეზი. გამოგონებლის აზრით, ისაა, რომ ადამიანის ნერვული სისტემა ძალიან განსხვავდება ზვიგენის ნერვული სისტემისაგან. ზრდადასრულებული ზვიგენი დაახლოებით 20 მეტრზე შეიგრძნობს გამოსხივებულ ტალღებს და მაშინვე გარბის. უფრო პატარა ზვიგენები კი, რომელთა ნერვული სის-

ტმა ჯერ კიდევ არაა სრულყოფილი, უფრო ახლო მანძილზე მოდიან აპარატთან.

ჯონ ჰიკის ერთხელ ძლივს გადაურჩა ამ მტაცებელთა თავდასხმას და ამის შემდეგ დაიწყო მან ზვიგენისაგან თავის დაცვის პრობლემაზე მუშაობა.

ბუნების კიდევ ერთი ამოუხსნელი საიდუმლოება

ვეებერთელა აკვარიუმის ფსკერზე სილაში ზანტად წევს ჩვენი პლანეტის უზარმავესი არსება — ელექტრული გველთევზა.

უკვე მრავალი ათეული წელია მეცნიერები გულმოდგინედ სწავლობენ ამ თევზის განსაკვივრებელ თვისებებს. დიდი ხანია ცნობილია, რომ გველთევზას ელექტრობის გამოუმუშავების უნიკალური უნარი აქვს. ძლიერი მუხტებით, რომელთა სიმძლავრე 650 ვოლტამდე აღწევს, გველთევზას შეუძლია ადამიანის მოკვლა, ვეება ხარის გაბრუნება. ყველას აინტერესებს, რა ძალა განაპირობებს ამ ცოცხალი „ბატარეის“ შეუფერხებელ მუშაობას.

ამ საიდუმლოების ამოხსნა იმიტომაც ეჩქარებათ მეცნიერებს, რომ მისი მიმსგავსებით უნდათ შექმნან ისეთი ორიგინალური ბატარეა, რომელიც სწრაფად აღიდგენდა დაზარალებულ ენერჯიას.

გველთევზას მძლავრი გენერატორს წარმოადგენს ეგრეთ წოდებული დიდი ელექტრული ორგანოები. ასეთი ორგანოების ერთი წყვილი მოთავსებულია თევზის კუდის გასწვრივ. ისინი წარმოადგენენ სახეშეცვლილ კუნთოვან ქსოვილს — „ელექტრულ ზორცს“, რომლის ბუნებას ჯერ კიდევ არ იცნობენ მეცნიერები. გველთევზას „ელექტრული ზორცი“ არცერთი სხვა ცხოველის კუნთოვან ქსოვილს არა ჰგავს. ეს ზორცი თეთრია, ლაბას მსგავსი და უცნაურად თრთის, როცა მის პატარა ნაჭერს ხელში დაიჭვართ. ამ ცოცხალ „ბატარეაში“ 6 ათასამდე უჯრედი, ისინი ერთმანეთისაგან იზოლირებული არიან ელექტრობის გაუმტარი ქსოვილით, მაგრამ, როდესაც გველთევზას ტვინი ბრძანებს — დენი გაუშვითო, ყველა უჯრედი ერთად ამოქმედდება.

ბიოქიმიკოსები ფიქრობენ, რომ ელექტრული დენის წარმოშობა გველთევზას კუნთებში ქიმიური პროცესის შედეგად ხდება...

არანაკლებ საინტერესოა ელექტრული გველთევზას დაბადების საკითხი. ჯერ არააინ იცის, დენის მუცლიდან იზადება ის, თუ კვერცხიდან იჩეკება. ტყვეობაში გველთევზა არ მრავლდება.

ელექტრულ გველთევზას ჩვეულებრივ არც ერთი თევზი არ ესხმის თავს. ამ „დანაკლისს“ ისინი იმიტომ ინაზღაურებენ, რომ ერთმანეთს უმართავენ ზოლზე ბრძოლას. ასეთი „სამოქალაქო ომი“ მეცნიერთა განსაკუთრებულ ინტერესს იწვევს, რადგან ბრძოლაში გველთევზები მომაკვდინებელ იარაღს — ელექტრულ დენს იყენებენ ზოლზე. საოცარი ისაა, რომ მხოლოდ დღე-ღამის შემდეგ ხდება ცხადი, თუ რომელმა გაიმარჯვა. დამარცხებული კვდება ზუსტად (1) 24 საათის შემდეგ — არც ადრე, არც

გვიან. ასეთი სიკვდილის იღუმალი თავისებურება ჭერ ამოუხსენლი გამოცანაა.

ფ რ თ ო ს ა ნ ი დ ა რ ა ა ჭ ე ბ ი

ჭერ კიდეე ძველმა რომაელებმა იცოდნენ ბატის უჩვეულო გულახს-
მიერების ამბავი. ცნობილია რომ „ბატებმა იხსნეს რომა“. ბატის სწორედ
ეს უნარი გამოიყენეს ამასწინათ შოტლანდიის ღვინის ქარხანაში: დარაჯე-
ბად შტატში აიყვანეს... 70 ბატი. როგორც კი ვინმე უცხო პირივნება
გამოჩნდება ვისკიანი კასრებით სავსე ვეებერთელა საწყობში, ერთი ვაი-
უშეელებელს შექმნიან ბატები. ფრთოსანი დარაჯები იმითაყა ხელსაყრე-
ლი. რომ, როგორც ცნობილია, ბატები არაყს არ მიირთმევენ.

მაგრამ თურმე განა მხოლოდ ბატი გამოდგება ასეთ თანამდებობაზე
სამუშაოდ. ავსტრალიაში ერთ ფერმაში ეს საქმე მინდობილი აქვს სირა-
ქლემას, რომელიც ორი ნაგაზის მოვალეობას ასრულებს და ერთგულად
მწყემსავს ცხვრის ფარას. დაუღალავი, ამტანი და საკმაოდ „მეკარი“
ზედამხედველი დამსახურებული ავტორიტეტით სარგებლობს თავის სამ-
წყსოში — ცხვრები უსიტყვო მორჩილებას უცხადებენ თავიანთ მეურკეს.

სამხრეთ ამერიკის ფერმებს ერთგულ თანაშემწეობას უწევს თურმე
წეროსებრთა ოჯახის წარმომადგენელი აგამი, რომელიც ძალიან ადვილი
მოსაშინაურებელია. პატრონის დაძახებაზე ძალღვივით მიიბრუნს ხოლმე
და თვალბში შესციციუნებს — რას დამავალბო. ამაყად დააბიჯებს ეზოში
და ფხიზლად იცავს წესრიგს. რაო, მამლაყინწები წაიჩხუბნენო? მაშინვე
მიიბრუნს ინციდენტის ადგილას და გააშველებს მოჩხუბრებს. მეზობლის
ქათმებს ჩვენსა რა უნდაო? და მაშინვე გადარეკავს ეზოდან. ჩვენ ქათმებს
საქმელი შემოაკლდათო? მომკილ მინდორში წავა და „გაუჩინარს გააჩენს“. ზოგჯერ თურმე ინდოელებს ძალღის მაგივრადაც კი დაჰყავთ ის სახა-
ღიროდ.

მ ე ქ ა ნ ი ზ ა ც ი ა

მონადირე ჭიბიდან იღებს მინიატურულ ტანკეტს და თითს აჭერს
ლილაკს. ტანკეტი ბუყბუყს იწყებს და ნელ-ნელა მიძვრება მელის
სოროში. მელა მაშინვე კბილებით დაეჭვრება „უცნაურ თავდამსხმელს“,
მაგრამ რას დააკლებს ლითონის ჭავშანს... ტანკეტში სინათლე ინთება —
ფარები პირდაპირ თვალბში ანათებს ცხოველს. თავზარდაცემული მელა
სოროდან გარეთ გამორბის. აქ კი მონადირეა ჩასაფრებულნი...

ასე ნადირობს თურმე მელბებზე ერთი დანიელი მონადირე.

მ ხ ს ნ ე ლ ი ხ ო ჭ ო

გულწითელა ნეკრობია პაწაწინა ხოჭოა, სულ 4—6 მილიმეტრი სიგრ-
ძისა, თავი, უღვაშები და მუცელი შავი აქვს. ამ ხოჭომ სიცოცხლე აჩუქა
ცნობილ ფრანგ მეცნიერ-ენტომოლოგს ლიატრიელს...

საფრანგეთის რევოლუციის დროს ლიატრიელი ციხეში ჩასვეს.
სხვებთან ერთად მასაც გვიანაში უპირებდნენ გაგზავნას. გვიანაში გადა-
სახლებულბს კი უკან დაბრუნება არ ეწერათ. ციხის საყანში ლიატრე-

ილთან ერთად ერთი სნეული მოხუცი იყო. იგი ისე შეუძლოდ იყო, რომ მის სანახავად თითქმის ყოველდღე მოდიოდა ექიმი. ერთხელ სწორედ ექიმის იქ ყოფნისას იატაკიდან პაწაწინა ხოქო ამოძვრა. ლიატრეილმა მაშინვე დაიჭირა იგი და ქინძისთავზე წაშოაგო.

— იშვიათი ხოქოა? — ჰკითხა პატრიმარს ექიმმა.

— იშვიათი, — უპასუხა ლიატრეილმა.

— მომეცი, — უთხრა ექიმმა.

— რად გინდათ?

— მე ვიცი, რომ ერთ კაცს, რომელსაც გაეახარებ ამით.

— ეგრე იყოს, წაიღეთ, — მიუგო მეცნიერმა — წაუღეთ თქვენს ნაცნობს ეს ხოქო და სთხოვეთ გამოიყენოს იგი.

ექიმმა ხოქო მართლაც წაუღო თავის ნაცნობს ბორი დე სან ვანსანს, მაგრამ მან ვერ გამოიყენო იგი. მეორე დღეს ექიმმა ლიატრეილს უთხრა: ჩემ ნაცნობს არ სცოდნია იმ ხოქოს სახელი.

— როგორც ჩანს, თქვენი ნაცნობი კარგად ერკვევა ხოქოებში, — უთხრა ლიატრეილმა. — მაშასადამე, მას ჩემი ვინაობაც ეცოდინება. გადაეცით მას. ლიატრეილს გვიანაში აგზავნიან და ალბათ ისე მოკვდება, რომ ვერ დაამთავრებს თავის ნაშრომს ხოქოებზე-თქო.

ბორი ჩაერია ლიატრეილის „საქმეში“, რომელიც მისი მოწადინების მეოხებით გადასინჯეს. მეცნიერი ენტომოლოგი ციხიდან გამოუშვეს. გემი, რომელსაც იგი გვიანაში უნდა წაეყვანა, ზღვაში ჩაიძირა. სწორედ ამის სამახსოვროდ დაარქვა ლიატრეილმა ციხეში ნახულ გულწითელ ხოქოს „ნეკრობია“, რაც მკვდრის გაცოცხლებას ნიშნავს (ნეკროსი — მკვდარი, ბიოსი — სიცოცხლე). ასე გადაარჩინა პაწაწინა ხოქომ ფრანგი მეცნიერი.

შინაარსი

კენეტ ანდერსონი შავი ავია უივანიკალიდან	33-7
ჯიმ კორბეტი—ტაძრის ვეფხვი	217
სანტორესო შემთხვევები (შეკრიბა და თარგმნა გ. ქველაძემ).	386